



BIBLIOTECA NAZ.  
Vittorio Emanuele III

XLVIII

A

44

NAPOLI



XLVIII. A 28. 421.



VITA ET MARTYRIVM  
EDMUNDI  
CAMPIANI  
MARTYRIS ANGLI  
E SOCIETATE IESV.

AUCTORE PAULO BOMBINO  
*ex eadem Societate.*

Editio posterior ab Auctore multis aucta partibus,  
& emendata.




MANTVÆ, Apud Fratres Osannas Ducales  
Impressores. CIO. IO C. XX.

*Inprimis Ap. P. D. Thome Cantine*

WITA ET MARTYRIUM  
E D W Y N D I  
C A M P I A Y  
D A B E R I S A V E L I  
E S C O T A I E M  
A N T O N I O S A V E L I  
E S C O T A I E M  
E S C O T A I E M



Handwritten text at the bottom of the page, likely a signature or date, written in a cursive script.



SERENISSIMO  
FERDINANDO

GONZAGÆ  
MANTVÆ DVCI VI.  
MONTISFERRATI IV.

*Paulus Bombinus è Soc. IESV. F.*



LETAS tua, Serenissime Dux, præcellique fastigium, ingenij regijs istis natalibus æqualia, me iampridem ex occulto monuerant, vt breuem hunc de Campiani martyris victoria commentarium, sub tuis auspicijs in famæ periculum ad

mercatum longæuitatis emitterem.  
Hanc ego diu, vel fortuitam, vel naturalē arbitratus sum animi erga te propensionem mei: qua, seu dextro, fortasse fortunati, libelli genio, ad faustum hoc honestorum laborum domicilium forte deuoluerer, siue sponte quadam libere vagantis ingenij, ad ingeniorum communem hunc portum ex naturæ destinatione appellerem. Verum vbi Roma Mantuam accersitu tuo veni; illudque ex te ipso, inter egregia animi tui ornamenta cognoui; singulari te quadam religione Campianum colere, propterea quod aduersus execratam tibi super omnes pestes hæresim, fortissime moriens, depugnarit: tum enim uero intellexi, priorem illum animi mei in te motum, non inconsultum fuisse incitatae mentis impetum, sed diuinum animæ coelestis afflatum, quo Beati martyris clientem quærebam, dum mihi quærerem patronum. Non

est ergo quod pluribus meum hoc, ut  
fieri solet, in Campiano tibi inscri-  
bendo, consilium vel excusem, vel  
exornem: excusationes enim, tua in  
eum pietas præuertit: ornamenta,  
nominis ipse fulgor tui, & benigni-  
tas in me tot iam argumentis, supra  
omnem æstimationem illustris, re-  
præsentant. Vale.

MANTVÆ, Idibus Iulij Anno sal.  
cond. cld. Id. c. xx.

## A D M O N I T I O A D L E C T O R E M.

**A** MICE Lector paucis te monitum volo. quæ ab hac Mantuana dissentiant Campiani mei editiones à me pro meis non tolli. Fluxerunt illæ ab Antuerpiensi prima, quæ à nimis beneuolo curatore, inter imprimendum, me absente, faciem alicubi, quam pro mea neutiquam agnoscerem, accepit. Et vero exempli non optimi res est, alienos libros ab arbitrarijs quibusdam iudicibus, quasi liberos, parentibus inauditis, indefensos mutilari, aut peregrinis quibusdam notis inuri. Hoc pro me. Pro Campiano illud addo. Trodiisse nuper eius nomine, ac titulo multa, quæ eius non esse vel Stylus clamat, vel argumentum: quod ipse, si aliquem, ut spero, styli gustum, & Campiani habes, per te animaduertes. Ego, præter decem rationum libellum, ac duas, tresue epistolas, quicquid eius nomine circumfertur, supposititium reor, aut exercitationis gratia ab eius discipulis ex eius dictis excerptum, dum olim ille Pragæ Rhetoricam doceret: aut Campiano ducente ab ipsis eius auditoribus scriptum, leuiterque pro eorum captu ab illo emendatum. Tu tuo iudicio utere, & vale.

CATHOLICIS ANGLIS  
INVICTISSIMIS  
CHRISTI MILITIBVS

*Paulus Bombinus è Societate IESV,  
salutem & victoriam.*

**I**NTER plaudentes frequentibus  
vestris de Satana triumphis inermes  
homines, vnum habetis de  
plebe me, fortissimi CHRISTI  
milites. Aspernatos plausum non esse vos  
arbitror, qui noritis Imperatori potius illum  
CHRISTO, cuius ductu, auspicio, manu,  
cruce vincitis; quam vobis, dari. Plausus  
porro vobis à nemine splendidior meo  
iudicio datur, quam ab eo qui pugnas ipsas  
vestras & partarum victoriarum exudatos  
sanguine labores sine fuco posteris exponit.  
Habent enim hoc facta Heroum excellentia,  
vt luculenter ipsa narratione laudentur. Feci  
id ego in eorum rebus toleratis, gestisque  
explicandis, qui è Societate IESV vobiscum  
certantes, vobiscum vicere commilitones  
vestri decem, ab Edmundo Campiano  
qui præiuit, ad Henricum Garnettum, qui  
clauserat eo anno, quo id ego mentis cepi,  
tam constans, tam fortunatum agmen. Personius  
eam mihi post Deum mentem iniecit;



est; vtr & vobis carus, & hostibus formida-  
tus, & omnibus admirandus. Abijt ille ad  
superos, dum affectum opus limam expe-  
ctabat. Mihi multa præuerrere alieno ius-  
su necesse fuit, quibus etiamnum ita disti-  
neor, vt vix vnum hunc Campianum vobis  
iphs flagitantibus expedire potuerim; reli-  
quos vbi Deus fauerit, daturus. Vnum vos  
interea Campianum ita intuemini; vt intel-  
ligatis nobis ita esse persuasum, si Campia-  
nus exemplum sit victricis fortitudinis; vos  
omnes in vno illo spectari, in vno illo vo-  
bis omnibus singillatim plaudì. Valete in-  
uictissimi CHRISTI milites, & vincite ad  
exemplum etiam ceterorum, qui iam (vt  
S. Cyprianus loquitur) martyria vestra,  
exempla fecistis.



*Clarissimi viri Gasparis Scioppij  
operis approbatio.*

**A**uctoritate Illustrissimi, & Reuerendissimi  
ID. Francisci Episcopi Mantuani, Marchio-  
nis Hostiani, Sacri Romani Imperij Principis, &  
Comitis de Gonzaga, libellum de Vita, & Mar-  
tyrio Edmundi Campiani perarrente legi, neque  
quicquam in eo inueni, quod editionem morari  
potius, quam maturare, debeat. Præterquam  
enim quod gloriæ diuinæ, & utilitatis publicæ  
multis modis interest tam egregia animi, & in-  
genij ornamenta, quibus præditus fuit Campia-  
nus, præcipue autem immanes cruciatus, ipsam-  
que mortem, non vllius sceleris, aut migratæ legis  
(quod nemo ne ex ipsis quidem sæclarijs insimula-  
re audeat, nisi cuius frons omnino depuduerit).  
sed vnius Catholicæ Religionis causa, ingenti ani-  
mi constantia toleratam ad exempli imitationem  
posteris prodi: tum etiam fraudandi non videntur  
ceteri maxima illa voluptate, quam ego me le-  
gendo tam castæ, & emendatæ dictionis, tamque  
exquisitæ elegantæ libro cepisse fateor, & claris-  
simæ confessionis Martyri dignum præconem ob-  
tigisse lætor. Mantuæ in Arcē Serenissimi Ducis,  
vbi literis, & literatis LOCVS, & LAVRIA  
munifice præbentur, a. d. v. Id. Martij Anni 1620.

*Gaspar Scioppius Cæsarius,  
& Reginus Consiliarius.*

## Alia .

Mandato Admodum R. P. Fratris Hieronymi Medices è Camerino Ordinis Prædicatorum Inquisitoris Generalis Mantuæ, tamquam Consultor Sacræ Inquisitionis legi librum Patris Pauli Bombini Societatis nostræ, de Vita, & Martyrio P. Edmundi Campiani è Societate nostra, & in eo nihil reperi, quod non valere possit ad tuendam, & confirmandam Catholicam fidem. Mantuæ die 15. Iulij anno 1620.


*Ego Alexander Caprara  
è Societate Iesu.*

Stante attestazione Adm. R. P. Alexandri Caprara è Societate Iesu Consultoris S. Officij Mantuæ, cui à S. Officio demandata est reuisio libri Adm. R. P. Pauli Bombini ex eadem Societate, de Vita, & Martyrio P. Edmundi Campiani ex dicta Societate, conceditur vt imprimi possit. Dat. ex S. Offic. Mantuæ die 16. Iulij 1620.

*Fr. Hieronymus de Medicis à Camerino  
Inquisitor Mantuæ.*

Imprimatur instantibus prædictis  
*Bartholomeus Barchius Vicarius  
Generalis Episcop.*

Imprimatur de mandato suæ Celsitudinis.  
*Annibal Chieppius Consiliarius,*



## INDEX CAPITVM.

|  |    |
|--|----|
| <b>E</b> Ius patria, ortus, indoles, pueritia, studia<br>litterarum. Caput I. pag. 1   | 1  |
| Reginæ Elisabethæ promissa prudenter religionis<br>causa negligit. Cap. II.  | 5  |
| Nouam hæresim examinat. Cap. III.  | 9  |
| Richardi Chenæi mores, & ad peruertendum<br>Edmundum artes. Cap. IV.   | 13 |
| In fraudem inducitur, mox expeditur, aperte-<br>que iam Catholicus in Hiberniam concedit.<br>Cap. V.   | 16 |
| Dum non minora ingenij quam probitatis Ed-<br>mundus in Hibernia imprimi vestigia: noui<br>fluctus aduersus Catholicos excitantur.<br>Cap. VI.   | 19 |
| Ex hæreticorum manibus diuinitus ereptus, in<br>patriam primo, mox in Belgium migrat.<br>Cap. VII.   | 24 |
| Duaci in Belgio in conuictum præstantissimo-<br>rum suorum ciuium admissus litterarios ho-<br>nores accipit. fraternæ correctionis officiū cū<br>Chenæo per litteras absens obit. Cap. VIII. | 27 |
| Romam diuino monitu venit, eoque in itinere<br>Christiana paupertatis exemplo hæreticum,<br>hominem iuuat. Cap. IX.  | 38 |
| In Societatem Iesu diuino instinctu actus ad-<br>mittitur. Cap. X.   | 42 |

|   |     |
|---|-----|
| In Germania ingenij multa , plura sanctitatis<br>signa prodit . Cap. XI.  | 44  |
| Romam accitur transmissurus in Angliam .<br>Cap. XII.   | 48  |
| Anglicæ à Societate suscipiendæ expeditionis<br>causæ, auctores, ratio . Cap. XIII.   | 52  |
| Praga Romam, Roma in patriam, acceptis ex-<br>peditionis Anglicæ mandatis, proficiscitur .<br>Cap. XIV.                             | 59  |
| Comitū Campiani casus, & exitus . Cap. XV.  | 64  |
| Itineris in Angliam ratio . Cap. XVI.   | 74  |
| Geneuæ cum Beza, eiusque discipulis velitatur<br>Campianus . Cap. XVII.   | 76  |
| Geneuensem Ministrum vexat , veterem ami-<br>cum ad spem salutis vocat . Cap. XVIII.  | 82  |
| Rhemis à comitibus Campianus , & Personius<br>diuelluntur . Cap. XIX.   | 87  |
| Audomaropoli ab Anglicæ expeditionis consi-<br>lio frustra deterrentur . Cap. XX.   | 90  |
| In Angliam uterque traicit ; Campianus gra-<br>ue periculum improuiso fugit . Cap. XXI.   | 93  |
| Londinum appellit , liberaliterque à Georgio<br>Gilberto accipitur , ubi ex occasione Gil-<br>berti laus . Cap. XXII.               | 98  |
| Campianum Londini nimia Catholicorum studia<br>diu subsistere non permittunt ; quæque ibi<br>gesta, traduntur aceruatim . C. XXIII. | 103 |
| Concilium Catholicorum sacerdotum Londini<br>cogitur . Cap. XXIV.   | 107 |
| Nescientis Campiani periculum diuinitus dis-<br>cussum . Cap. XXV.  | 111 |
| Discedit Londino Campianus , regiosque Sena-<br>tores   |     |

rores de sui consilij ratione per litteras monet.  
 Cap. XXVI. 113  
 Res Christiana in prouincijs frustra saeuientibus  
 regijs, feliciter geritur. Cap. XXVII. 121  
 Leges in Catholicos latae. fortiter ab his gesta, nō  
 sine opera Campiani. Cap. XXVIII. 125  
 Scripto aureo Decem rationū libello rem Catho-  
 licam egregie tuetur. Cap. XXIX. 128  
 Londinum Campianus magno multorū bono re-  
 uocatur. Decem eius rationes maximo mul-  
 torū periculo typis subiiciuntur. C. XXX. 134  
 Campiani libellus Oxoni publicatus ingentes ani-  
 morum excitat motus. Cap. XXXI. 139  
 Vicino periculo territus Londino Campianū iterū  
 submouet Personius. Cap. XXXII. 143  
 Ad Catholicam familiam ex itinere diuertit, in-  
 solito obedientiae iure, laico socio subiectus.  
 Cap. XXXIII. 148  
 Socij imperio ad Iattæos redire compellitur,  
 unde iter ad martyrium diuina illi prou-  
 dentia aperit. Cap. XXXIV. 153  
 Georgius Eliottus Londino in prouincias, ad mar-  
 tyres vestigandos, suorum furijs scelerum  
 agitatus, proficiscitur. Deque eius moribus,  
 ac scelere. Cap. XXXV. 158  
 Religionis simulatione i Lisfordianū irrepit, sacri-  
 lege sacris interest Eliottus. C. XXXVI. 166  
 Prodito hospitij iure Eliottus Campianum ad nē-  
 cem frustra totū diē querit. C. XXXVII. 171  
 Renocatis in villam ab Eliotto militibus, iterū,  
 ac tertio frustra queritur Campianus.  
 Cap. XXXVIII. 174

- Campianus duoq; alij sacerdotes, dū Deo attente supplicant, cōprehenduntur. (CXXXIX. 179*  
*Catholici aliquot laici cum Campiano vincti. Cap. XL. 183*  
*Londinense captiui Campiani iter, cum diuersis populi de eo, deque Eliotto iudicijs. Cap. XLI. 184*  
*Post celebre confluentium populorum studijs iter, Londinum ignominiosa pompa traductus, in vincula coniicitur. Cap. XLII. 188*  
*Blandientes primo, mox torquentes hostes inuictus frangit. Cap. XLIII. 194*  
*Falsos de se rumores, & admota iterum, ac tertio tormenta superat. Cap. XLIV. 203*  
*Edmundi Campiani de suis tormentis ioci. Cap. XLV. 211*  
*Oblatas iniquissimis conditionibus de religione disceptationes feliciter aggreditur. Cap. XLVI. 213*  
*Nouellus in Campianum inuchitur, respondet Campianus. ab hæreticis Lutherus falso defenditur. Cap. XLVII. 219*  
*Eodem die iterum de religione cum hæreticis disputat. Cap. XLVIII. 231*  
*Iterum ad disputationes nouis, & propugnatoribus, & mendacijs parati hostes veniunt. Cap. XLIX. 239*  
*Eadem disceptatio pomeridianis horis repetitur. Cap. L. 244*  
*Postremum Campianus hæreticos, & disputatores, & tortores superat. Cap. LI. 250*  
*Anglicorum iudiciorum forma. Cap. LII. 257*  
*Ad*

|  |                    |     |
|--|--------------------|-----|
| <i>Ad iudicium bis Edmundus , alijque pertrahuntur .</i>                       | <i>Cap. LIII.</i>  | 265 |
| <i>Senatus de martyrum supplicio anceps deliberatio .</i>                      | <i>Cap. LIV.</i>   | 276 |
| <i>Iterum in senatu de maturanda nece martyrum statuitur .</i>                 | <i>Cap. LV.</i>    | 279 |
| <i>Alenzonius in Anglia Elisabethæ matrimonium ambit .</i>                     | <i>Cap. LVI.</i>   | 282 |
| <i>Probrosam in Christi causa mortem Campianus oppetit .</i>                   | <i>Cap. LVII.</i>  | 287 |
| <i>Diuerforum de Campiani seu vita , seu morte iudicia .</i>                   | <i>Cap. LVIII.</i> | 296 |
| <i>Qualis eorum exitus fuerit , qui Campiano iniquiores fuisse visi sunt .</i> | <i>Cap. LVIII.</i> | 304 |
| <i>Prodigia quibus Campiani seu vitam , seu mortem illustrauit Deus .</i>      | <i>Cap. LX.</i>    | 312 |

---

| <i>Errata</i> | <i>sic</i> | <i>Corrige</i> |
|---------------|------------|----------------|
|---------------|------------|----------------|

|                   |             |
|-------------------|-------------|
| Pag. 10. maxim    | maxime      |
| 11. eadem         | candem      |
| 137. vendiderit   | venderet    |
| 227. veritatis    | veritati    |
| 229. magis        | magnis      |
| 236. persuadcamus | persuademus |




[illegible]

Figure 2. The effect of the concentration of the polymer on the gelation time of the epoxy resin.

|                  |                  |
|------------------|------------------|
| 210. bell-shaped | 200. bell-shaped |
| 200. bell-shaped | 190. bell-shaped |
| 190. bell-shaped | 180. bell-shaped |
| 180. bell-shaped | 170. bell-shaped |
| 170. bell-shaped | 160. bell-shaped |
| 160. bell-shaped | 150. bell-shaped |
| 150. bell-shaped | 140. bell-shaped |
| 140. bell-shaped | 130. bell-shaped |
| 130. bell-shaped | 120. bell-shaped |
| 120. bell-shaped | 110. bell-shaped |
| 110. bell-shaped | 100. bell-shaped |
| 100. bell-shaped | 90. bell-shaped  |
| 90. bell-shaped  | 80. bell-shaped  |
| 80. bell-shaped  | 70. bell-shaped  |
| 70. bell-shaped  | 60. bell-shaped  |
| 60. bell-shaped  | 50. bell-shaped  |
| 50. bell-shaped  | 40. bell-shaped  |
| 40. bell-shaped  | 30. bell-shaped  |
| 30. bell-shaped  | 20. bell-shaped  |
| 20. bell-shaped  | 10. bell-shaped  |
| 10. bell-shaped  | 0. bell-shaped   |





VITA ET MARTYRIUM  
EDMUNDI CAMPIANI  
MARTYRIS ANGLI

E SOCIETATE IESV.

CAPVT I.

*Eius patria, ortus, indoles, pueritia,  
Studia litterarum.*



EDMUNDVS CAMPIANVS  
ætatis nostræ Martyr in om-  
nem posteritatem memorabi-  
lis, a. d. octauum Kal. Febr. ip-  
so S. Pauli à Christo Domino  
vocati die, Londini, quæ vrbs  
est Angliæ regia, honestis parentibus, ad an-  
num fundatæ salutis c. l. x. l. natus est.  
Fuit is annus duobus ex diuerso religio sacra  
familiarum casibus insignis: alibi veteribus  
excisis; nouis alibi enascentibus Deo dicatorū

A homi-

hominum ordinibus. Eodem quippe anno quadragesimo supra sesquimillesimum, & Henrici, eo nomine octavi, Angliæ Regis furor, Deo sacrorum hominum cætus, tota sua diuisione, ab stirpe scelerate excidit, & diuina beneficentia Societatis IESV exiguum surculum Pauli III Pontificis manu in Ecclesiæ suæ agro admirabiliter conseruit. Martyr ergo futurus, patriam cum celeberrimis Angliæ Martyribus utroque Thoma, Cantuariensi & Moro; Religiosos Ordines in patriam (dum Societatem IESV inuehit) reuertitur, annum natalem cum religiosarum tota Anglia occasu familiarum, cumq; Societatis IESV exortu, communem habuit. Puer Edmundus inter bonas vitæ artes, bonasque litteras, tanta morum festiuitate, tantisque præclari argumentis ingenij educatus est, ut ad amorem ne suauitatis eximiæ, an ad singularis admirationem indolis vehementius traheretur, in quos incidisset, haud facile discerneres. Neque vero aut male collocatus amor, aut vana expectatio fuit. Pueri Edmundi facilitas, ac modestia ad ætatis progressus incrementis constantibus adulta, benevolentiam materiam auxit in dies: & felicissimi præmaturitas ingenij conceptæ ex mirifica indole expectationis euentum representauit. Etenim duodecimum adhuc ferme natus annum, Mariam immortalitate dignissimam Principem, Anglici imperij tum primum sceptrum

capessentem, ludimagistrorum Londinensium suffragijs ei muneri destinatus, eleganti oratione salutavit; Deo iam inde tam pio in argumento clarissimæ olim eloquentiæ primitias consecrante. Visa res supra ætatem: exceptaque singulari fauore Regiæ, plausu vero multitudinis mirabili. Thomas Virus certe vir non genere modò, reque publica tractanda, sed etiam Catholicæ studio religionis nobilis in paucis, eum iam tum (nam dicentem fortè audijt) à præclara solum indole notatum, commendatumque, in Sancti Iohannis Baptiste Collegium Oxonij à se fundatum sponte cooptauit inter primos. Ita Oxonium, hoc est bonarum artium eo tempore mercatum, translatus Edmundus, incredibile dictu est quantam de se breuì apud omnes opinionem excitarit. Nihil ille obseruantia in præceptores, nihil in condiscipulos officij, nihil in litteris diligentia, nihil suauitatis in moribus: quodque consequens est, nihil beneuolentiæ in omnium voluntate, nihil in omni laude summi præterire: adeò vt in incerto esset, vtrum ad omne fastigium Academicæ dignitatis pluribus suorum meritorum, an fauoris alieni suffragijs niteretur. Illum sibi Academia Oratorem, illum subinde Procuratorem, vt vocant, constituit. Quæ duo summa sunt earum munia scholarum, neque nisi lectissimis ingenijs communi omnium consensu demandantur. Lætus interea

Mariæ Reginae, idemque Angliæ regno fu-  
 nestissimus illuxit dies: quo regius lectissime.  
 Principis animus in celum euocatus, orbem  
 toto regno pietatem, religionem debilitatam  
 reliquit. Fuit is quintusdecimus Kal. De-  
 cembrium, vergente iam eius seculi anno octa-  
 uo, & quinquagesimo. Exinde noui princi-  
 patus exordia veteris occasum religionis tra-  
 xere secum. Facta breui ad peruersam Cal-  
 uini normam rei sacrae inclinatio totam re-  
 gni faciem corripit; ea in rerum perturba-  
 tione, animorumque corruptela quid Ed-  
 mundo factum sit, nihil priuatim pro certo  
 traditur. Ex consequentis tamen euentu  
 temporis facile apparet publica illum tempe-  
 state abreptum, fluctibus impiae procellæ in-  
 firmius obstitisse. Ætatem, ut in ipso adole-  
 scentia æstu, cæcarn, grauiorū disciplinarum  
 rudem animum, multorum, ut erate ac digni-  
 tate, ita & scelere præeuntium exempla exi-  
 tij causas incauto iuueni fuisse, alij conijcient.  
 Ego neque has refello, & duas præterea ex ip-  
 sius Edmundi litteris, quas ad Richardum  
 Chenaum è Belgio datas suo infra loco inse-  
 ram, compertas habeo. Primo eam, qua ad-  
 uersus annis, eruditione, aut dignitate supe-  
 riores ducebatur reuerentiam: tum aduersus  
 bene de se merentes gratiam. Quæ duo non  
 malis quorundam mentibus insita, flagitioso  
 interdum obsequio, minimeq; virili verecun-  
 dia in omne dedecus flectuntur. Vt cumque

res habeat; certum illud est, in hæreticorum castris non totum hæsisse, dum ab illis esse visus est, Campianum: ambigentem potius, & vtrunque nutantem, vitam in mœrore, consilia in ancipiti habuisse. Is fluctuantis æstus animi malè diu pressus, qua ratione tandem eruperit, operæ pretium est cognoscere.

## CAPVT II.

*Reginæ Elisabethæ promissa prudenter religionis causa negligit.*

**I**Nspectionem regni anno superioris seculi sexto & sexagesimo Regina Elisabetha instituerat. præsens vrbes opidaque adibat, religioni deformandæ potissimum intenta. Cui rei quia nullum maius intelligebat esse in vtramque partem momentum, quam in omnis generis disciplinarum traditione, atque vsu; Oxoniensium potissimam scholarum suscepserat curam. Venit Oxonium comitatu plane regio: excipienda scilicet vicissim ab Academicis litterario theatro non vulgari. Datus in illud est publico nomine consensuque orator primum, mox de optimis quibusque artibus disputator inter præcipuos Campianus; nonnulla apud rectos æstimatores admiratione. Iam enim nouæ religioni ve-

hementer eum diffidere cœpisse, facilis erat apud notos homines, omnesque condiscipulos coniectura. Etenim neque nouo sacrilegij instituti more cœnam hæreticam frequentasse, neque impurorum gratia mysteriorum ecclesias adiisse auctor est Tarraconensis Episcopus eo libro quo Anglicanæ Ecclesiæ labores Hispanicè persecutus est. Addit vero eo abhorrentis à noua impietate animi signa processisse, vt clàm iussus sit ab ijs, qui à tanta & religione, & ingenio multum impietati metuebant, omnes de religione locos, si qui, vt fit, inter publicè disputandum se offerrent, silentio præterire. Sed pronam Academiæ gratiam Edmundo virtutum ac solidæ eruditionis opinio, constans videlicet prensatrix, non futilis ambitio conciliauerat: eoque post diuersæ religionis suspensionem, qua nulla est atrocior, idem illi omnium fauor, eadem studia constitere. Nec cæcum autem fauorem fuisse, neque studia temeraria exitus probauit. Ex præstantis ingenij in regio confesso exposito fulgore, lux in omne lycaum non exigua redundauit. Tulissetque operæ suæ fructum non pœnitendum ipse priuatim Edmundus, si religione neglecta, caducarum tantū opum rationem habuisset. Eum quippe, tantas florentissimi ingenij dotes admirata; primùm publicè in procerum confesso Regina laudat; tum Roberto Dudlæo Leceltriæ Comiti negotium ornandi extollendiq; inuenis

nis dat. Gratosissimus ea tempestate apud  
Elisabetham Dudlæus erat. Gratia concilia-  
tores pauci alios, plerique ætatis ac formæ flo-  
rem eximium fuisse ferunt. Is ergo ad se  
euocatum Edmundum vbi exquisitis laudi-  
bus extulit; ad illum versus, Est quod Regiæ  
Maiestatî, inquit, multum debeas iuuenis in-  
geniose. Nunquam sanè, quantum tua com-  
moda illi curæ sint, quisquam cogitatione as-  
sequetur. Iussus ab illa sum diligenter ex te  
quærere numquid siue tua, siue tuorum cau-  
sa velis. Vtere regia benignitate: in cuius  
tutelam receptum te scito, & à qua maiora  
in dies beneficia expectabis. Neque te rusti-  
cus, aut puerilis deterreat à petendo, si quid  
opus est, pudor. Equidem non modò regio  
iussu, sed mea etiam causa faciam quæcunque  
ornamento tibi aut commodo futura erunt,  
perlibenter: adeo me ista indole es demeri-  
tus. Et hæc quidem in præsentia. nam in  
posterum ne quid tibi cupiendum aut postu-  
landum sit, curæ nobis erit. Hæc fermè Le-  
cestrius. Oblatos etiam honores nescio quos  
Ecclesiasticos, nec non profanos, fama fert.  
Neque mirum in recentis auræ fauore cui-  
quam id erit. Apparebat non inania esse  
promissa, neque vanas inertis orationis am-  
pullas. Et erat quod posset ad tenuem Ed-  
mundi fortunam regia liberalitate adijci.  
Verùm qui iam illi bonæ mentis iniector  
Deus magnopere suspectam nouam Angliæ



religionem ; immo sacrilegam superstitionem fecerat ; idem ille tacito instinctu monuit ; videret ne beneficijs regijs irretitus minus liberum haberet ad religionis veritatem profitendam exitum . Hac igitur cogitatione ictus ; Regiæ Maiestati primo , tum ipsi priuatim Lecestrio gratias immortales pro tam liberali in se voluntate agit ; illam sibi in præsens pro omnibus regijs gazis futuram ; neque quicquam sibi aliud in posterum exoptare . Ita non magno solum animo , sed etiam prudenti aureas impietatis pedicas mali dæmonis arte obiectas feliciter elusit . Non dubito quin si cui hæc legendi vnquam cura erit , meam hoc potissimum loco diligentiam sit desideraturus . Videbitur enim vero fuisse , antequam huc deuolueret , Elisabethæ Reginæ , ipso sui principatus initio , ab Catholica Ecclesia defectio replicanda diligenter ; & quasi barbarum omnium , lugubrisque historiæ , quam ingredimur , caput euoluendum accurate . quibus illa artibus intra simulatæ pietatis fines Maria imperante continuerit sese ; utque metu , quo magistro officij vsa erat , post interitum sororis excusso , in liberum apertæ impietatis campum eiecta sit . Inde auita religione proscripta , & Reip. statum funditus conuellerit , & imperij sui primordia sædissime commaculauerit . Sed hæc ego consulto prætermisi : quippe qui constitutum habeo , neque actum agere , neque

tum-



rumulato iam funeri inanes lacrymas dare. Nam & funestissimæ caput hoc historiæ satis iam ex alieno stylo lucis accepit: & mihi partem aliquam lacrymabilis huius infaniæ necessario perstricturo hanc dari veniam volo, vt ab tanto scelere, quo florentissimum regnum concidit tantisper dum narratio instituta non trahit, & oculos & animum auertam.

## CAPVT III.

*Novam heresim examinat.*

**C**Eterum vt ad Campianum reuertamur, liberalia Regina, Comitisque Lecestrij promissa illud potius, quam quod volebant, in Edmundi animo, vt dicebam effecere; vt etiam atque etiam quonam per speciosas illas honorum vmbras conijci tandem posset, inspiceret. Videbat enim, si semel dignitates hæreticas admisisset; tanquam pretiosa compe de inducta, habiturum in posterum vincula impietatis, quæ quasi præmia diligentia in præsens accepisset. Ea cogitatio salutaris consopitæ virtuti accidit: Ad virilem ac strenuam de toto vitæ suæ statu deliberationem, ea urgente traducitur. Inde bellum intestinum perpeßu in primis asperum in eius animo extitit: quo misere vexatus integrum trien-

nium distractusque est, varijs hinc inde dimicantibus de Catholica religione dissimulanda profitendave sententijs. Id ne temere aggrediretur, longe accuratissima de nouæ superstitionis vanitate incunda disceptatio fuit. Eam enim superstitionem quamuis nunquam plane probauerat, id tamen potius cæco impulsu ad optima delatæ mentis, quam iudicio meliora deligentis animi acciderat. Sacrorum librorum lectio, grauiorumque altior cognitio disciplinarum, ejus dimicationis exordium fuit. inde diuina sensim lux ductu placidissimo in caligantis animum illapsa, aperire perniciosam impiorum ludibriorum scenam cœpit. Et quidem pauca primo nouæ religionis, eaque præcipuæ sceditatis capita, albescente iam quasi cælo, absurda in rem attentius inquirenti visa. Mox vt veritatis veritas procreatrix est, animusque deprehensa semel fraude semper suspicax, respectare identidem, atque explorare etiam quæ tuta videntur, suadet: cautè omnia perterritanti plura apparebant creditu impia, auditu noua, affirmatu vana. Demum suspectis iam omnibus, meditando quærendoque vereri cœpit, ne nihil in recente ac lutea illa Babylone firmi stabiliisque soli esset. Anceps exinde cura; Nam & rem agi sentiebat omnium grauiissimam, & tamen eiusmodi vt si quid in ea palàm peccetur, aut temere moueatur, ignominie maximū oportuna

tuna sit. Ergo rem ita moderatur. & summa vi, & rursus altissimo silentio in id vnum cogitationes ac studia intendit. curam rei grauitati, taciturnitatem pudori dabat. Vnus ipse accusatoris, ac patroni partes secum agere, alternisque modò oppugnare recentem insaniam, quæsitis vndique rationibus; modò eadem, refutatis quæ obijciebantur tueri; tentaturus utrùm ipse sibi vitata alienæ conscientia verecundia, de omnibus iam corruptæ religionis capitibus quærenti dubitantibus; posset satisfacere. Cæterùm ubi quæstionibus, quas luce diuina iam auctior animus mouebat, impar ipse, ad diuina oracula, conspirantisque auctoritatem antiquitatis referebat se: implicari dubitationum nodos arctius, auersa à Nouatorum somnijs omni sacra vetustate intelligebat. Tum vero tandem diuexatæ mentis lanienam adeo nouam experiri, vt pudore victo, palàm omnes inuestigandæ vias veritatis insistere decreuerit. Non modò igitur Deum in sacris Litteris, Patres in suis quemque monumentis, in Oecumenicis Concilijs Ecclesiam vniuersam consulere; sed ne amicorum quidem, qui sapere, atque in causa sententiam dicere videbatur posse, cuiquam parcere. Nouatorum sapientissimos, Doctores ipsos corruptæ religionis, & Antistites creberrimis disputationibus quæstionibusque fatigare. Quorum responsis hoc proficiebat, quòd iam diu  
suspe-

suspectæ causæ magis diffidebat in dies. Vtique posteaquam veterum auctoritatem Patrum, quorum ipse dictis convinci se tunc solitum postmodum dictitabat, &que illis aduersam & despectam vidit. Et vero insigne est ad memoriam quod hoc in genere à Tobia Matthæo audiuit. Erat is doctrinæ tunc fama, & eloquentiæ, Episcopatus dein Dunelmensis, postremo Eboracensis etiam Archiepiscopatus, insignibus inter Nouatores inclytus. Hunc an salutationis, an litterarum causa cum adijisset olim Campianus, sanctorum lectioni Patrum intentum offendit. Eius quasi miraculo rei attonitus; Et potes inquit, novas de religione opiniones ex animi tui sententia Tobia sequi, cum Patres legas? Cui ille quasi re ludicra suauiter renidens; Quid ni, inquit, possim?

Illi non poterunt, qui eorum ita scripta legunt, vt vera etiam quæ legerrint, credant. Ita sanctissimorum Patrum placitis, omniq; vetustati Nouatorum vanitas illudit.



## CAPVT IV.

*Richardi Chenæi mores, & ad per-  
uertendum Edmundum artes.*

**H**Is, horumque similibus responsis, ut pro Catholicæ religionis professione apud suum ipse animum sententiam ferret, vehementer incitabatur Campianus; fecissetque continuo, nisi notus labentis hæresis patronus parato iam animi decreto intercessisset. Fuit is Richardus Chenæus è Luthera-  
no grege vir clarus, quem Glocestriensem Episcopum, iubente summa, scilicet, Eccle-  
siæ moderatrice, dicebant sui: Huius mihi hominis ingenium, mores, artes breui ex-  
ponere consilium est, eo fructu, uti intelli-  
gatur quorumnam tandem consuetudo ho-  
minum maxime viscosa atque captiosa sit candidis animis ac liberalibus, exemplo Ed-  
mundi; qui contra ceteros inuictus, vni Che-  
næo, vel noluit repugnare dedititius, vel  
victus non potuit. Erat hic primo secta Lu-  
theranus. Quod genus hominum inter tot  
ab Ecclesia Catholica dissidentes copias, quia  
paruas quasdam ceremonias, ritusque sacro-  
rum Catholicos retinet, minus à nobis longe  
esse videtur imperitis. Oderat ex Lutherana  
nationis instituto Caluini assecclas: illos præ-  
cipuè, qui omni Christianæ religionis vesti-  
gio

gio eruendo, puros se Christianos arbitrantur, indeque Puritanorum vulgò nomen inuenere. Nihil illis sanctum, nihil inuiolatum est. omnem sacrum ritum execrantur: omne recte factum peccatum, nullum peccatum expiandum putant: dignitatum gradus confundunt: magistratibus populos, populis religionem, religioni templa, templis sacerdotes, sacerdotibus sacrificia, sacrificijs Christum, Christo diuinitatem, diuinitati cultum adimunt. Denique diuinis humana miscendo hoc facile consequuntur, vt ex Christianis breui quos occupauere Atheos faciant. In hos inuehebatur identidem summa orationis grauitate Chenæus. Inuidiam secessionis à Catholico conuentu in illos reiciebat omnem, cum diceret quæ à Pontificijs in Caluini gregem iactarentur verè, paucarum affinitate sententiarum in Protestantes etiam redundasse. Adeorundem stultitiam confutandam subinde Patres, Concilia, consensum Ecclesiæ memorabat. Speciosum sanè agmen, & splendida nomina, quæ in animum Campiani innata quadam, atque adeo quæsitæ sacræ vetustatis reuerentia occupatum adeo apte descendebant, vt secum amorem boni, vt rebatur, simplicisque senis inueherent. Adhæc morum suauitas in suadente, & natia ingenij comitas tanta, vt persuadere quiduis, blandè tantum præcundo, interim tacens posset: tum vero siue natura

tura ductu cum Campiano mire cōgruentis, siue artis fūco iuuenis salutē blandē insidian-  
tis, totam mitissimī lenitatem, animi, candi-  
diq; pectoris studia, fouendo, promouendo-  
que Campiano, aduocarat. Quæ gratiæ vin-  
cula, quibus ad ingenuos animos obstringen-  
dos nihil est validius, nimium quantum gra-  
tissimo iuueni iniecere moræ. Ad extremum  
falsi Episcopatus insulæ, & sexagenarij ca-  
pitis canities non leue momentum affere-  
bant, quo incauti adolescentis animus, fraude  
iam atque amore captus, insuper vana reue-  
rentia premeretur. Neque cum in rem ve-  
luti præsentem per familiares altercationes  
veniretur, orationis lenocinia aberant. Ve-  
nenatum doctrinæ poculum prorsus melle  
illitum propinabat. Adeo doctrinæ instil-  
landæ ratio, contra quam hæreticis mos est,  
lenis Chenæo erat ac placida, paternæ carita-  
tis indicijs mellea, honorum pollicitatione  
luculenta, opum ostentatione diues. Neque  
differebat promissorum fidem. & diuitiarum  
illi, & honorum copiam, quibus ipse plane  
abundabat, iam totus Edmundo imminens,  
faciebat è suo. Nihil ex his magis quàm ho-  
norum fulgor, cuius cupido nouissimè exui-  
tur, ingentem animum flexit. Eius rei ip-  
sum auctorem habeo Campianum, ea episto-  
la, quam, aperte iam planeque Catholicus, ad  
Chenæum dedit è Belgio. Dum enim se, quòd  
Chenæum præsens officij monere neglexerat,



acriter accusat; Valde mihi succenseo, inquit, qui pulcherrimam hanc ansam ex edificandæ fidei, vel nefario pudore, vel scelerata negligentia præterierim; qui paululum adhuc distantem à regno Dei non accenderim confidenter: sed auræ fauoris, & gloriæ tuæ potius umbratilem existimationem honoris mei; quam sempiternum bonum promouerim.

## CAPVT V.

*In fraudem inducitur; mox expeditur, apertèque iam Catholicus in Hiberniam concedit.*

**H**is artibus in animum iuuenis flagitiose modesti perniciose amans ita irrepsit senex; vt ex male forti Catholico pene firmum faceret Lutheranum. Ergo vt stabili nexu, labantem adhuc, in impia defectione confirmet, sacrilegorum initiorum compedes iniicere misero aggreditur. Modice reluctantem Lutheranò Diaconatu (is vnus cum Sacerdotio sacri ordinis implere putatur à Lutheranis Sacramentum) ritu nefatio initiat. Ea res infinita partium gratulatione, singulari pleqdoëpiscopi gaudio peracta. Ceterum qui sapientes capit in consilijs suis Deus, alio rem totam quam quo auctores direxerant, conuertit. Quas profani Dia-

cona



conatus præstigias ad retinendum Edmundo compedes futuras diaboli satellites crediderant, eas ipse stimulos fecit, quibus præcipitem ex impiorum concilio conscientia sceleris vindex implacabilis eijceret. Narravit non semel amicis Campianus vixdum tanto in se crimine suscepto, cruciatum experiri agitatae mentis adeo inusitatum coepisse, ut non sacrum ordinem admisisse, sed omnis perturbatrices ordinis furias hausisse videretur: nullumque tanto malo remedium nisi in Ecclesiæ, ad quam propere se recepit, sine inuenire potuisse. Quamquam sedatum ibi potius, quam extinctum tormentum animi ferebat: illud vero tunc omnino conquiesse, cum se in holocaustum in Societate Iesv tradito, deletum bestiae characterem (ita enim sceleratorum initiorum maculam, seipsum increpitans appellabat) ex ipsa mentis tranquillitate coniecit. Stimulauere etiam sponte incitatam Campiani ab hæreticorum castris fugam Georgij Martini veteris, coniunctissimique per omnia sodalis litteræ, amoris pietatisque plenissimæ, quibus eum vehementer hortatus ex ipsa aula est, ne hæreticis se dignitatibus præpediri sineret. Et fuit non modo flagranti religionis studio Martinus, sed eruditionis quoque, & eloquentiæ laude præsignis. acrimoniam certe dictionis, & animi pietatem vel paucula hæc verba commonstrabunt, ex eius ad Campianum litteris excerpta,

B quibus,

quibus; ut dicebam ab hæreticorum infulis  
 „ hominem deterret. Veni, inquit, veni. Si  
 „ poterimus vna viuere, de nihilo sustentabi-  
 „ mur, si hoc parum est, de meo. si hoc deerit,  
 „ illud præsto est. Qui seminant in lacrymis,  
 „ in exultatione metent. Hunc in modum re-  
 dire vnde aberrauerat compulsus Edmundus  
 Ecclesiæ Catholicæ suppliciter ambire gra-  
 tiam: Sacerdotum aduolui pedibus: fateri  
 crimen: pœnas adeo non recusare; ut ultro  
 arcesceret. Ergo Deo sibi que redditus, iam-  
 que cautiore ex ruina, facile intellexit ciuium  
 suorum consuetudinem persanato periculo-  
 sam fore, quæ perniciofa fuisset ægrotanti.  
 Hiberniam insulam cogitabat, in qua libe-  
 rius; minus certe periculosè veram coli reli-  
 gionem cognouerat ex amicis. Commodum  
 similitudine studiorum, ac pene contuber-  
 nio familiaritatem cum Richardo Stanhur-  
 stio Dubliniensi ciue nobili, auitæque reli-  
 gionis egregio cultore contraxerat. Eius  
 inuitatu Dublinium (vrbs est Hiberniæ  
 celebris) cum eo victurus concedit,  
 anno salutis supra sesquimillesi-  
 mum nono ac sexagesimo. Ita  
 pro pietate in exilium vo-  
 luntarium abit, quod  
 illi primum ope-  
 rum cele-  
 stium  
 fuit.

## CAPVT VI.

*Dum non minora ingenij quam probi-  
tatis Edmundus in Hibernia im-  
primit vestigia: noui fluctus  
aduersus Catholicos  
excitantur.*

**L**ibere aperteque Catholici iam hinc Ed-  
mundi res fortiter toleratas potius quam  
geltas, & virtutis luculentiora, quam ingenij  
monumenta peragam. Quamquam vt fuit  
animo per bonas artes exculussimo, non tam  
abieciſſe, quam ad ſanctimoniarum famulatum  
tranſtulſſe litteras videtur. Primum omnium  
ſatis conſtat eam Dublinij à Campiano vi-  
uendi rationem inſtitutam, vt quamuis pri-  
mas in omni actionum genere pietati daret,  
aliquem tamen eſſe ſtylo ac litterariæ exerci-  
tationi locum pateretur. Vtilis ea induſtria  
poſteritati fuit, duplici feracis ingenij tranſ-  
miſſo ſœtu. Latinus alter hominem litteris at-  
tentum in omnem officij partem ducit, deque  
homine Academico indicem habet: Anglicus  
alter Hibernorum hiſtorias, inſcriptione ex  
argumento petita, exequitur. Eo Campia-  
nus opere annui domicilij penſionem (tan-  
diu enim Hiberniæ hoſpitio uſus eſt) terræ  
hoſpiti perſoluit. Sed multo mihi præclarior

illa videtur. accepti à Stanhurstio beneficii compensatio, qua vel verbis totam eius familiam, vel, quod efficacius est, exemplis ad omnem sanctimoniam informavit. nunquam certe narrare destitit Stanhurstius tantum fuisse præcationis, rerumque sacrarum omnium in Edmundo studium; tantam morum ad omnem modestiæ formam temperationem, tantam in omni vitæ parte gravitatem, ut iam tum (hæc enim Stanhurstij verba sunt) intra religiosa claustra vitam ducere videretur. Illud præcipue summa cum admiratione notatum ferebat sibi, non modò ab omni obscenæ voluptatis illecebra, verum etiam ab ioco, risuque effusiore, procaciori hilaritate, omni denique specie leuitatis, incorruptum iuuenem longissime abhorruisse; Angeli nomen inde impolluta probitate apud Dublinienses consequutum. sibi quidè multis magnisque argumentis esse plane persuasum, virginitati Campiani nullam vnquam labem, seu vitiorum corruptela, siue ætatis lubrico adhæsisse. Verum dum hæc per tranquillum otium à Campiano agitantur; noui in Angliâ motus etiam Hiberniam concussere. Maria Stuarta humanis omnibus iuxta diuinisquæ instructa ornamentis Regina Scottorum fuit. Ea secundissimæ fortunæ conuersionem sæuissimam experta est. Post duorum immaturum coniugum interitum, è paterno regno impijs popularium armis pulsa, cogn-

cognatæ Reginæ Elisabethæ opes implorauit. Promissa liberaliter iuxta fallaciterque ab Elisabetha subsidia incautam nihilque ex cognato sanguine fraudis suspectantem decipere. Vbi plena bonæ spei, fines Anglici imperij ingressa est, rerum omnium immutatam faciem agnouit. Satellitum quo numerosissimum hæcenus deducta erat, imminutum; libertas compressa; iter impeditum. Ipsa denique specie honoris in amplæ arcis custodia, ac pene vinctulis procul à regia habebatur. Eius iam captivæ querelis, vti postulabat ipsa, excipiendis, audiendæque propemodum causæ Thomas Houardius Nortfolciæ Dux inter Angliæ procures longe princeps, ab Elisabetha destinatur. Sed is siue formæ, siue sanguinis generisque regij excellentia, siue causæ æquitate victus; amantis retulit animum in aulam, qui ex aula mentem iudicis attulerat. Ne multa: Mariæ matrimonium non sine occulto, vt ferebatur, armorum paratu, ingentisque periculo tumultus affectato clam cœpit. Habuisse dicitur consilij adiutores alijs alios de causis promptos quam plurimos: Catholicos quidem nonnullos ea gratia, quòd Stuartæ pietas labenti iam regno fulcimentum aliquod pollicebatur. Rem denique tantis opibus, tantisque consilijs coniurati promouere, vt proxima successui fuerit. Ne perageretur, Gulielmi Cæcilij astus artesque interuenere. Is rei fauore simulatoq:

distulit primo negotium, mox & disturbavit, neque conquieuit antea quam cæso Duce, coniuratis partim nece, partim voluntario exilio sublati, proximo se Reginamque Elisabetham periculo exemit. Hunc rerum motum quoniam magna ex parte, ex Pij Quinti sacro Decreto ortum duxisse hæretici existimarunt, quo Decreto Elisabethæ ob impietatem, & perfidiam regiû nomen, ac ius omne imperij publice abrogatum est: omnes effundunt quas iamdiu religionis odio collegerant, in Catholicos irarum procellas. Missi in omnes Anglici imperij partes, qui diligenter hoc genus hominum vestigarent, captosque traderent publice in custodias. Nec sœnes habuit crudelitas ministros. oppida, vicos, castella, villas, omnes angulos, latibula omnia diligentissime explorabant. Si quem forte deprehendissent, eum vero barbare vexatum, ludibrioque ferme plebis expositum, longas carcerum ærumnas larga pecuniæ profusione redimere cogeabant: necdum enim capite auita religio luebat. Tentavit ea sæuitiæ tempestas etiam Hiberniam. Missis in eam insulam Quæstoribus, rapinis omnia metuque complentur. Incurritque confestim in oculos, qui in suæ virtutis luce conspicuus eminebat Catholicorum fidus Edmundus. Neque diu cunctati, securum Christi militem, piæque vitæ studijs à sensu præsentis periculi alienatum vinculis destinant  
in



in sequentem diem . Regebat eo tempore  
Hiberniam Prorex Henricus Sidneyus , cui  
sororem in matrimonium Comes Lecestræ  
collocarat . hic an amicitia , an amore virtū-  
tis , qui ignotos etiam conciliat , an studio  
religionis , an innata humanitate victus ,  
Campianum de media nocte capti in euni  
consilij certiores facit . neque ingratus fa-  
tendo tanti viri beneficio , neque auertendo  
periculo segnis Edmundus fuit . Gratijs im-  
pense Proregi actis , incertam primo in insu-  
la fugam mentito cultu , nomine dissimulato  
capit . Patritium enim se pro Edmundo ap-  
pellabat . Mox inter varia consilia aliquan-  
tis per nutanti , tot hostium in vnum se oculi  
manusque tota Hibernia intenti reditum in  
patriam persuasere . Id quo succederet , cul-  
tum corporis assumpsit , qualem pueri à pedi-  
bus Comitum Kildariensis , cuius in Hiber-  
nia magnum nomen opesque tum erant ,  
circumferre consueverant . Ea seruilis  
fortunæ specie nobilis animus tunc  
primum latuit : eaque defensus ad  
Rediensē portum ( millia  
passuum viginti est à Du-  
blinio ) tutior , quam  
securior per-  
uenit .



## CAPVT. VII.

*Ex hereticorum manibus diuinitus  
ereptus, in patriam primo, mox  
in Belgium migrat.*

**N**Auem, in Angliam transmissurus, in Rediensi portu vix conscenderat Campianus, cum hæreticos quæstiores tergo pene fugientis hærentes, eodem conuolare conspiciatur. Diceres odore prædæ ductos canes venaticos vestigijs abeuntis insistere. Ea insequentium celeritas omnem solertiæ vsum ademit trepidanti. Illi ubi nauigio accepti sunt, lustrare omnia, angulos omnes adire, vectores inspicere, miscere vniuersa; cum interim non verbis modo, sed ore, fronte, oculis, toto vultu atroces in Edmundum iacerent minas. Hæc presens ipse omnia spectabat, audiebatque: satis certus rem, si humana præsidia quærerentur, conclamatam esse: sibi fictum nomen habitumque; ludibrio, non tutelæ futurum. Humanis præsidijs desperatis ad diuina conuertit se, effugium à Deo flagitat: precum votorumque interpretem sanctum Patricium adhibet; tum quod in eius tutela Hibernia est, tum quod eius nomen fallendis scrutatoribus per ea tempora præferebat. Non incassum fusæ preces: neque minus Patricij eo tunc defendendo

patrociniū valuit, quam ad eam diem nomen  
vero dissimulando valuerat. Ipso mirante  
Campiano, curiosi Quęstitorum oculi, cruen-  
tęque manus in expositam non semel prę-  
dam coniectę, non sine miraculo diuinę opis,  
elusę sunt. Ipse tanto periculo defunctus,  
Deo ac pręsidi suę incolumitatis agit gratias.  
Neque multo post eadem naui vectus An-  
gliam ex destinato tenuit. Ceterum breui in  
patria intellexit sibi quidem recens extero-  
rum hospitium; hostibus vero inueteratum  
furorem neutiquam relictum. Adeo vndiq;  
ad vincula quęri se, & carceres cognouit. Ad  
postrema igitur consiliorum ventum est.  
Solum vertere, alieniq; imperij terras adire  
constituit. Neque vllus hęc agitati aptior  
Belgio occurrebat locus. Et alienę ditionis,  
& religionis tutę, & facilis traiectus, &  
ciuium suorum magni nominis receptu ho-  
spitalis terra habebatur. Ibi Gulielmum Ala-  
num, Nicolaum Sanderum, Thomam Sta-  
pletonum, Guilielmum Bristoum, ingen-  
tia nominis Catholici decora recepisse se,  
posteaquam patria potius, quam religione  
carere statuerant, ferebat fama. Huc rebus  
suis compositis, naui conscensa dirigit. Te-  
nebatq; tranquillo prouectus cursum: cum  
improuiso superuenientis Leporis (nauis est  
regia) Anglico venantis Oceano, pręda fuit.  
Ea ex binis regijs nauibus altera erat, quę  
vtrumque Anglię perpetuo latus adnauigant.

Exploratorum ac vigilum loco Angli Reges  
vtramque circum regni littora in fluctibus  
esse iam pridem decreuere : simul aduersus  
hostium insidias ciuiumque fraudes auxilio  
futuram . Eæ ubi quam conspexere Anglico  
Oceano nauim , tormentorum fragore iu-  
bent vela demittere : nisi paret, vim eo de-  
nunciata tormenti signo , hostiliter infe-  
runt . In eam quæ submissis velis constitit ,  
Quæsitores è regia transfiliunt . Si quem in-  
iussu publico , suspectumve alijs coniecturis  
hominem è regno excessisse comperiunt, pro-  
ximis Angliæ Magistratibus vinctum sistunt .  
Ex eo nauium genere Lepus erat . Et quia  
neque commeatus publice impetrati testimo-  
nium habebat vllum , ipseque ob suspensa  
comitum de eius religione iudicia suspectus  
erat Edmundus : ea causa cur retraheretur,  
fuit . Regressi ad littus regij Campianum de  
more magistratui ; magistratus hæretico cu-  
stodi Londinum auhendum tradit . Custos  
piraticæ minime ignarus, quod maritimi la-  
trones in fluctu omiserant, occupat in littore .  
Primum omnium captiui loculos quærit, in-  
uentos clam exhaurit . Pecuniæ calamitate  
domini salus stetit . Ingens inuasit furacem  
licτόrem timor pœnæ comperti apud Iudices  
furti persoluendæ cuius indicem testemque  
nimis certum secum ipse duceret . Ergo con-  
siliū à duobus non ignauis suasoribus cupi-  
ditate ac perfidia mutuatur . Captiuū adeo  
negli-

negligenter custodire institit; tot fugæ aditus quasi per torporem ac socordiam præbere: vt non esset difficile victo non hebetissimo intelligere plus à custodē sua vincula, quam fugam timeri. Vfus callida hominis negligentia male custoditus Campianus, eadem fuga se custodemque ingenti molestia liberauit. Ex eo tempore nihil ad Belgicum receptum impedimenti nactus; pecuniam ab amicis accipit: ex Anglia soluit: felicique nauigatione vsus, Deo verius fauente, quam auri, Belgium, quo intenderat, peruenit.

## CAPVT VIII.

*Duaci in Belgio in conuictum præstantissimorum suorum ciuium admissus litterarios honores accipit. fraternæ correctionis officium cum Cheneo per litteras absens obit.*

**H**ic primo gratijs Numini impense actis in littore, terrestri itinere Duacum petit, vrbem eius prouinciæ insignem in primis. Ibi eos quos dicebamus viros, multosq; præterea ex ijs, qui patriam, quam religionem deferere maluerant, eodem conuictu, mutuaque non animorum minus, quam domicilij consociatione coniunctos offendit.

Iis vita inter litteras, animus inter cœlites erat. Nihil cuiquam antiquius præfecti obedientia, cui voluntate magis parentium, quam iure imperij auctoritas constabat. Vna mensa, vno tecto, vna vitæ forma coaluerant. Inter se fides rara: aduersus ciues caritas profusa: in exteros modestia singularis. Eminebant Nicolaus Sanderus, Thomas Stapletonus, Gulielmus Bristous, Gulielmus Alanus virtute tunc atque eruditione solum, ingenij postmodum etiam præclaris monumentis clari omnes: at Gulielmus Alanus sacra insuper Cardinalatus purpura à Sixto Quinto Pont. maximo accepta, ad virtutis lucem honorum etiam fulgores adiecit. Hic mihi clarissimorum hominum conuentus prætereundus non fuit, propterea quod huiusmodi initijs Anglica Seminaria extitere: quibus deinde in Gallijs, Belgio, Hispania, Romæ frequentibus excitatis, noua subinde soboles aduersus impietatem patriam laborantibus sacerdotibus subsidio mittitur: Martyrumque seges lætissima inde exorta Anglicæ messis olim copiosissimæ spem constantem facit. In horum numerum non volentium modo, sed etiam sibi tantum socium gratulantium, coniectus Campianus diu latere non potuit. Ad dita veteri de illo famæ noua experimenta amicos perpulere, vt eum ad Baccalaureatum suscipiendum adigerent. Gessit ijs morem, vt erat facilis obsequij; Baccalaureumque se

ritu solemniter renunciari passus est, magis amicis obsequendi, quam sibi satisfaciendi voluntate. Iam enim ipse ambitionis inanibus abiectis, totus in componendo animo, conscientiaq; expianda erat. Etenim dum secum ipse per otium præteritæ vitæ rationes inspicit diligentius, excitari magno cum poenitentiaë morsu stimulum illum senserat, quo toties deploratum sceleratæ dissimulationis in religionis causa peccatum tefricabatur. Angebat præter cetera religiosæ mentis virum, prætermisum aduersus Episcopum Glocestriensem, fraternæ monitionis eo tempore officium, quo agnita veritate, linguam tamen vel senis amoris, vel pudori inconsulto præposteræque ambitioni turpiter addixit.

Reus non modo sui, verum etiam alieni sanguinis, prodita per seruale silentium vtriusque salute, sibi videbatur. Quamquam enim tantæ ætatis honorisque dissimilitudo asserre Campiano aliquam omissi officij excusationem poterat: cum grandæui Episcopi castigandi partes iuuenem priuatum decere minime viderentur; id tamen in tanta Chénæi humanitate, infra omne vel ætatis, vel dignitatis fastigium ad intimam ipsius familiaritatem sese demittentis, leuissimum vulneratæ conscientiaë remedium existimabat. Ceterum præstare, vel sero ad officium redire, quam semper aberrare ratus; exequitur per epistolam absens, quod verbo coram neglex



xerat . Dat ad illum Latine scriptam epistolam , qua hominem vltima senectū iuuenis ipse adhuc ita apte pariter vehementerque calescit , vt facile ex illa tum ingenij robur , & acrimoniam , tum pietatis ardorem æstuantem agitata incendio conscientia animaduertas . Eam ego epistolam , quia exemplum Christianæ libertatis est , ingenij atque eloquentia notis omnibus illustre , nullo mutato verbo hic exscribo .

## LITTERÆ CAMPIANI

AD RICHARDVM CHENÆVM

EPISCOPVM GLOCESTR.

Ornatissimo viro Richardo Chenæo  
Edmundus Campianus S. D.

**N**ON me nunc vt olim , iuuenilis impetus , nec styli facultatula , nec officiosa quædam scribendi sedulitas impulit . olim vis animi , maior nunc necessitas extorsit hanc epistolam . Nimum iam diu seruitum est auribus , tempori , spebus , gloria : tandem aliquando saluti seruiat & subministret oratio . Per ego te naturæ bonitatem tuæ , per meas lachrymas , per ipsum Christi confossum pectus , & patibulo confixi vulnera obtestor diligenter  
atten-



attendito. Nullum de te nec finem, nec modum facio cogitandi; nec unquam fere cogito, quin me vehementer pudeat, quin illud è psalmo repetam taciteque precer, Ab alienis Domine parce seruo tuo. Quid admisi? scriptum est scilicet, Videbas furem, & currebas cum eo. & alibi: Laudatur peccator in desiderijs suis, & impius benedicitur. Toties Glocestriæ tecum, toties in secreto cubiculo, tot horas in penetralibus tuis, & intima bibliotheca fui, ubi seclusis arbitris hoc negotium agere potuisssem, & non feci; quodque turpius est, assentando, & conuiuendo ad morbum faculas admoui. & licet fucosa dignitatis imagine, opibus, ætate, litteris anteibas, nec tibi à me curatio animæ, aut spirituale pabulum debebatur: tamen cum esses ea facilitate suauitateque morum, ut me adolescentem senex in familiare colloquium frequenter acciperes, quidvis dicenti securitatem & silentium præstares, querelas apud me tuas, certorum in te calumnias hæreticorū deponeres; paterne demum hortarere, ut via regia planus & erectus incederem, ut Ecclesiæ, Conciliorum, Patrum vestigijs insisterem, his ut conspirantibus nulla in re falsitatis labeculam aspergi posse crederem; valde mihi succenseo qui pulcherrimam hanc ansam ex ædificandæ fidei vel nefario pudore, vel scelerata negligentia præterierim. qui paululum adhuc distantem à regno Dei non accenderim confidenter; sed aura fauoris & gloriæ tuæ potius umbratilem existi-

matio-

mationem honoris mei, quam sempiternum bonum promouerim. Ceterum quia primum quod erat sublatum est, ut præsentem præsens conarer inflectere; proximum est ad absentem vox mea proficiscatur, testis obseruatiæ, sollicitudinis, anxietatis meæ, quam ille scit, apud quem quotidiana vota pro salute tua voneo. Audi obsecro, audi paucis. Annos plus minus sexaginta natus es, incerta valetudine, debilitato corpore, hæreticorum odium, Catholicorum pudor, vulgi fabula, tuorum luctus, inimicorum ludibrium, pugnante conscientia, falsum nomen usurpas Episcopi, pestiferam sectam quam non probas tacendo publicas. percussus anathemate, recusus à corpore in quod solum Christus influit, exutus omnium piorum suffragiorum, sacrificiorum, Sacramentorum beneficio. Quis videre? quid expectas? quæ tua vita est? ecquam in eo tibi spem restare putas quod hæretici implacabili odio conuicijsque laceessant? quod ex omnibus hæresiarchis Britaniæ tolerabilius insanias? quod veram Christi præsentiam in altari; & liberum hominis arbitrium proficere? quod Catholicorum neminem in tua diœcesi protriuueris? quod hospitij flores tuorum ciuium, & bonorum hominum? quod palatium, & prædia non ut sodales tui, delumbaris? & quidem iuuabunt ista si redeas ad complexum Ecclesiæ, si cum domesticis fidei vel minimum quidquam patiare, vel salubriter meditare. Nunc autem dum foris es, dum hostis es, dum

nequissimus transfuga sub alieno duce militas, frustra studes integumentis virtutum innumera flagitia piare, nec aliud consequere nisi ut cruciatibus aeternis paulo fortasse minus horribiliter maectere quam Iudas, aut Lutherus, aut Zuinglius, aut ille ipse Caperus, Vmphredus, Saulus, antagonista tui. Quid interest, alta ne rupe quispiam præcipitetur in mare; an de ripa mittatur in profluentem? ferrone quis intereat, an laqueo? tortus in equuleo, an iaculo transuerberatus? gladio dissectus, an securi? lapidibus obtusus, an fustibus? igne tostus, an aqua bulliente coctus? Quorsum attinet pro multis fidei capitibus dimicare, & in paucis perire vacillantem? cauere naufragium, & pugionibus ingulari? declinare pestem, ut inedia contabescas? vitare flammam, ut fumo suffocere? nullum fidei credit articulum, qui unum, aut alterum recusat credere. Nam simulac pertinaciter transiliet limites Ecclesiæ, quæ est columna, & firmamentum veritatis, cui Christus I E S U S summa, prima, simplicissima veritas, fons, lux, dux, linea, norma fidelium instillat omnia; quantumcumque retinet Catholicorum dogmatum, tamen si quod unum perniciose vellicat, cætera quæ retinet, non iam orthodoxa fide, sine qua est impossibile placere Deo; sed suo ingenio, sua persuasione retinet. Otiose Catholicorum religionem tueris, si quæ libitum est ea sola exosculere, alia quæ non videntur amputes. Vna sincera nota est

via, non meis, tuisve cancellis, non privato iudicio; sed humilitatis, & obsequij seueris legibus terminata, à qua cum deflexeris exorbitasti. Totus oportet sis in domo Dei, totus intra salutis parietes, tutus, ac saluus ab iniuria. Si paululum modo vagere & spatieri, si pedem, vel manicam è nauicula prominentem negligas, si ullam vel minimam in hoc nauigio pugnam dederis; exturbabere: occlusa est arca: exundat oceanus: periisti. Qui (inquit Saluator) non colligit, spargit. Idque exponit Hieronymus, qui Christi non est, Antichristi est. Non es tam stupidus ut Sacramentarium heresim confetteris, non tam demens ut per omnia Lutheranae factionis assecla velis esse, quæ nunc Oecumenicis Concilijs (quibus tute fidendum existimas) damnantur, Constantiensi & Tridentino. & tamen heres in luto phantasmatis tui: scilicet, ut cornicum oculos configere videreris, ut fraterculis tuis arbiter sederes honorarius. Memineris responsum quod mihi metipsi serio, sancteque protuleris tum; cum ante triennium in edibus clarissimi viri Thomæ Duttoni conuenissemus pransuri Iheriburnij. Incidimus in D. Cyprianum: obieci tibi, ut tua sensa melius expiscarer, Synodum illam (arthaginiensem, quæ circa baptismum hereticorum lapsa est) dixisti id quod res erat, non vni provincie, sed Ecclesie Spiritum sanctum adpromitti, eam uniuersam in pleno Concilio representari, ostendi non posse doctrinam ullam, quæ tale Concilium

se-

fefellerit. *Recognosce tua tela, quibus in Eucharistiae mysterio debellas aduersarium. (Iamas orbem Christianum, cætus Episcoporum, custodes depositi, hoc est antiquæ fidei: hos ut interpretes Scripturæ commendas populo. Patrum trunculorum quorundam figmentum impudens iure optimo rides, & eleuas. Nunc quid dices? En tibi celeberrimos Patres, & Patriarchas, & Apostolicos viros nouissime coactos Tridenti, qui pro veterum Patrum fide communicatis operis decertarunt: Legatos, Præsules, Cardinales, Episcopos, Oratores, Doctores plurimarum gentium; etate maturos, rara sapientia, eruditione mirabiles, dignitate Principes, undique circumfluentes: Italos, Gallos, Hispanos, Lusitanos, Græcos, Polonos, Hungaros, Flandros, Illyricos: multos è Germania, aliquot ex Hibernia, Croatia, Moravia, ex Anglia quoque non neminem. Hi te quam diu sic viues ut nunc viuas, feriunt, explodunt, eliminant, execrantur. Quid causæ affers, præsertim cum tuis collegis bellum indixeris? cur non te totum citra exceptiones in horum Præsulum disciplinam submisso dedas? Vidisti in ali- quid in cæna Domini quod isti non viderint, excusserint, dissoluerint? Audes ne te ipsum vel centesima parte cum infimis huius concilij Theologis exæquare? non diffido prudentiæ, nec modestiæ tuæ; non audes. Victus es ergo tuis iudicibus, numero, valore, pondere, gratissima totius orbis terrarum & maximo testimonio.*

Redi, redi ad cor, miserabilis senex. Restitue mihi veterem nitorem, & egregias dotes tuas adhuc sopitas, hætenus hærentes in cæno turpitudinum. Da te parenti tuæ quæ te Christo peperit, aluit, consecrauit. Agnosce parricidium. Sit erranti medicina confessio. Alterum (quod aiunt) in cymba pedem habes, fortasse statim breuissime sine dubio, rapiendus è vita, sistendus ad tribunal, illud auditurus, Redde rationem villicationis tuæ. Quod nisi celeriter, & accurate in gratiam cum aduersario peccati viator iniueris, ad ultimum quadrantem exactus de vita infelix agitabere, cui numquam soluendo fueris. Tum illæ manus quæ spuris Ordinibus tot misellos iuuenes initiarunt, sulfureum corpus præ dolore pungent, ac terebrabunt. Illud os impurum periurijs ac schismate delibutum, ignibus & vermibus, & spiritu procellarum opplebitur. Illa tuæ carnis ambitiosa pompa, sella pontificia, prouentus annui, spatiosa domus, honorifica saluatio, famulorum cohors, apparatus elegans, rerum affluentia, quibus te stulta plebecula beatum existimat, in horribiles fletus, in stridorem dentium, in fætores, squallores, fæditatem, carceres vertentur. Ibi te Caluini manes, & Zuinglij, quibuscum nunc luctare, perpetuo affligent, cum Sabellio, Arrio, Nestorio, Vicleso, Luthero, denique cum diabolo, & Angelis tenebrarum supplicia dependes, blasphemias eructabis. Parce tibi, vitæ tuæ, do-  
lori



lori meo . Licet fracta naui, proiectisq̃ue merci-  
bus, tamen accipe tabulam pœnitentiæ, adnata  
quantum poteris, & vel nudus ad Ecclesiæ por-  
tum applica . Christus, ne dubites, præseruabit  
manu, accurret, dabit osculum, vestiet stola  
candida, cœlites triumphabunt . De vita mi-  
nima cura esto : ille curabit qui dat iumentis  
escam ipsorum, & pullis coruorum inuocanti-  
bus eum . Tu si nostrum exilium degustasses,  
si conscientiam repurgasses, & viuendum pieta-  
tis exemplar oculis & animo lustrauisses, quod  
hic in Episcopis, Presbyteris, Religiosis Fratri-  
bus, Præpositis, Academicis, Proceribus regio-  
num, laicis omnium ætatum, ordinum, sexuum  
resplendet ; crêdo, reliquam temporis vsuram  
gemitibus, & fletibus imbuendam, sexcentis  
Britannijs non commutares . Sin autem quæ  
tuæ rationes sunt, sic impedire, vt libere quo-  
cupis euolare non queas, animum saltem gra-  
uissimis catenis eripito . corpori quiduis impe-  
ra, modo ne te sua mole premat, & infra ma-  
nes mandet exilio . Vbicumque remanseris, aut  
quocumq; diuerteris, nouit Deus qui sunt eius,  
& prope est omnibus inuocantibus eum in ve-  
ritate . Da veniam, senex ornatissime, iustis-  
simis aculeis, & ardori meo ; liceat odisse mor-  
tiferam plagam, liceat insignis viri, cari que  
capitis periculum præsentissimum, quolibet vel  
acerbo pharmaco redimere, & propellere . Iam-  
que futurum, si Christus annuat, si tute non  
refugeris, tam expecto, quam te diligo . Diligo



*ut natura, litteris, urbanitate, moribus prestantissimum, & mihi multis tuis meritis officijsque coniunctissimum. Si conualueris, beasti me; si contempseris, testor chirographum hoc. Deus iudicet inter me, & te. Sanguis tuus super temetipsum. Vale, Kalend. Nouembris.*

## CAPVT IX.

*Romam diuino monitu venit, eoque in itinere Christiana paupertatis exemplo hæreticum hominem iuuat.*

**H**is ad Chenæum scriptis litteris, leuatus ea cura erat, quæ ex alieno scelere ad eum redundare videbatur: sed proprii sceleris memoria stimulos acrius incutere salubriter anxio homini non omisit. Ita enim accidit, ut eadem epistola quæ monendi Chenæi officium expleuit; characteris bestię, quem ex illo susceperat, lugubrem memoriam refricaret. Inde tantus dolor, sensusque abhorrentis à flagitio animi consecutus est, ut neque noctu, neque interdium quietis ullam capere partem posset. Vnum erat oppresso pene, laceratoque curis animo laxamentum, intenta ad Deum precatio. Perpetuas, lacrymarum plenus, dat se in preces: quarum

quarum longos post gemitus hæc summa  
erat, viam sibi volens bonusque Deus sup-  
plicanti aperiret, qua maxime expiari tantum  
ab se scelus vellet. Habere supplicem in om-  
nia paratum: vri, secari, cruciari leue esse  
pro scelere: quod si auctoritas offensi numi-  
nis accedat, fore sibi etiam voluptarium.  
His alijsq; pœnitentis hominis precibus exo-  
rari clemens ille pater visus est, qui orari se  
ideo vult vt exoretur. Nam dum intentius,  
aliquando Campianus supplicat, interiorē  
monentis vocem liquido audit, qua Romam  
ire iuebatur. In ea vrbe, diuinorum scili-  
cet oraculorum sede, diuinum responsum  
certius accepturum. Non fuit in capessen-  
dis iussis minus diligens, quam in flagitandis  
acer fuerat Campianus. Romanam statim  
sibi peregrinationem indicit. In qua vt pau-  
perimo Christo esset quam simillimus, om-  
nia summæ paupertatis incommoda experiri  
statuit. Consilio amicis demonstrato, quæ-  
cumque ab illis ad solatium adeo longi itine-  
ris, vel præsidium offerebantur, fortiter reij-  
cit. Die constituta ab eisdem hoc vno non  
prohibitis officio, multum viæ deductus, mu-  
tuisque lacrymis perfusus, iter nullo comite  
pedes ingreditur. Quid ille vel egerit toto  
hoc itinere, vel passus sit, ex tam longis, quæ  
peragrauit terrarum spatijs, ex adeo con-  
stanti paupertatis studio, ex tanta gentium  
etiam à Catholica religione alienarum varie-

Exploratorum ac vigilum loco Angli Reges  
vtramque circum regni littora in fluctibus  
esse iam pridem decreuere : simul aduersus  
hostium insidias ciuiumque fraudes auxilio  
futuram. Eæ ubi quam conspexere Anglico  
Oceano nauim , tormentorum fragore iu-  
bent vela demittere : nisi paret, vim eo de-  
nunciatam tormenti signo , hostiliter infe-  
runt. In eam quæ submissis velis constitit,  
Quæsitores è regia transiliunt. Si quem in-  
iussu publico, suspectumve alijs coniecturis  
hominem è regno excessisse comperiunt, pro-  
ximis Angliæ Magistratibus vinctum sistunt.  
Ex eo nauium genere Lepus erat. Et quia  
neque commeatus publice impetrati testimo-  
nium habebat vllum, ipseque ob suspensa  
comitum de eius religione iudicia suspectus  
erat Edmundus : ea causa cur retraheretur,  
fuit. Regressi ad littus regij Campianum de  
more magistratui; magistratus hæretico cu-  
stodi Londinum auhendum tradit. Custos  
piraticæ minime ignarus, quod maritimi la-  
trones in fluctu omiserant, occupat in littore.  
Primum omnium captiui loculos quærit, in-  
uentes clam exhaurit. Pecuniæ calamitate  
domini salus stetit. Ingens inuasit furacem  
lictorem timor pœnæ comperti apud Iudices  
furti persoluendæ cuius indicem testemque  
nimis certum secum ipse duceret. Ergo con-  
siliu à duobus non ignauis suasoribus cupi-  
ditate ac perfidia mutuatur. Captiuum adeo  
negli-

negligenter custodire institit; tot fugæ aditus quasi per torporem ac socordiam præbere: ut non esset difficile victo non hebetissimo intelligere plus à custode sua vincula, quam fugam timeri. Vfus callida hominis negligentia male custoditus Campianus, eadem fuga se custodemque ingenti molestia liberauit. Ex eo tempore nihil ad Belgicum receptum impedimenti nactus; pecuniam ab amicis accipit: ex Anglia soluit: felicique navigatione vsus, Deo verius fauente, quam auris, Belgium, quo intenderat, peruenit.

## CAPVT VIII.

*Duaci in Belgio in conuictum prestantissimorum suorum ciuium admissus litterarios honores accipit. fraternæ correctionis officium cum Cheneo per litteras absens obit.*

**H**ic primo gratijs Numini impense actis in littore, terrestri itinere Duacum petit, urbem eius prouinciæ insignem in primis. Ibi eos quos dicebamus viros, multosque; præterea ex ijs, qui patriam, quam religionem deferere maluerant, eodem conuictu, mutuaque non animorum minus, quam domicilij consociatione coniunctos offendit.

Iis vita inter litteras, animus inter cœlites erat,  
 Nihil cuiquam antiquius præfecti obedientia,  
 cui voluntate magis parentium, quam iure  
 imperij auctoritas constabat. Vna mensa,  
 vno tecto, vna vitæ forma coaluerant. Inter  
 se fides rara: aduersus ciues caritas profusa:  
 in exteros modestia singularis. Eminebant  
 Nicolaus Sanderus, Thomas Stapletonus, Gu-  
 lielmus Bristous, Gulielmus Alanus virtute  
 tunc atque eruditione solum, ingenij post-  
 modum etiam præclaris monumentis clari  
 omnes: at Gulielmus Alanus sacra insuper  
 Cardinalatus purpura à Sixto Quinto Pont.  
 maximo accepta, ad virtutis lucem honorum  
 etiam fulgores adiecit. Hic mihi clarissimo-  
 rum hominum conuentus prætereundus non  
 fuit, propterea quod huiusmodi initijs An-  
 glica Seminaria exitere: quibus deinde in  
 Gallijs, Belgio, Hispania, Romæ frequenti-  
 bus excitatis, noua subinde soboles aduersus  
 impietatem patriam laborantibus sacerdoti-  
 bus subsidio mittitur: Martyrumque seges  
 latissima inde exorta Anglicæ messis olim co-  
 piofissimæ spem constantem facit. In ho-  
 rum numerum non volentium modo, sed  
 etiam sibi tantum socium gratulantium, con-  
 iectus Campianus diu latere non potuit. Ad-  
 dita veteri de illo famæ noua experimenta  
 amicos perpulere, vt eum ad Baccalaureatum  
 suscipiendum adigerent. Gessit ijs morem,  
 vt erat facilis obsequij; Baccalaureumque se

ritu solemniter renunciari passus est, magis amicis obsequendi, quam sibi satisfaciendi voluntate. Iam enim ipse ambitionis inanibus abiectis, totus in componendo animo, conscientiaque expianda erat. Etenim dum secum ipse per otium præteritæ vitæ rationes inspicit diligentius, excitari magno cum poenitentiae morsu stimulum illum senserat, quo toties deploratum sceleratæ dissimulationis in religionis causa peccatum refricabatur. Angebat præter cetera religiosæ mentis virum, prætermisum aduersus Episcopum Glocestriensem, fraternæ monitionis eo tempore officium, quo agnita veritate, linguam tamen vel senis amoris, vel pudori inconsulto præposteræque ambitioni turpiter addixit. Reus non modo sui, verum etiam alieni sanguinis, prodita per seruale silentium utriusque salute; sibi videbatur. Quamquam enim tanta ætatis honorisque dissimilitudo afferre Campiano aliquam omissi officij excusationem poterat: cum grandævi Episcopi castigandi partes iuuenem priuatum decere minime viderentur; id tamen in tanta Chenæ humanitate, infra omne vel ætatis, vel dignitatis fastigium ad intimam ipsius familiaritatem sese demittentis, leuissimum vulneratæ conscientiae remedium existimabat. Ceterum præstare, vel sero ad officium redire; quam semper aberrare ratus; exequitur per epistolam absens, quod verbo coram neglecterat.



xerat : Dat ad illum Latine scriptam epistolam , qua hominem vltima senectū iuuenis ipse adhuc ita apte pariter vehementerque calescit , vt facile ex illa tum ingenij robur , & acrimoniam , tum pietatis ardorem astuantem agitata incendio conscientiae animaduertas . Eam ego epistolam , quia exemplum Christianae libertatis est , ingenij atque eloquentiae notis omnibus illustre , nullo mutato verbo hic exscribo .

## LITTERÆ CAMPIANI

AD RICHARDVM CHENÆVM

EPISCOPVM GLOCESTR.

Ornatissimo viro Richardo Chenæo  
Edmundus Campianus S. D.

**N**ON me nunc vt olim , iuuenilis impetus , nec styli facultatula , nec officiosa quaedam scribendi sedulitas impulit . olim vis animi , maior nunc necessitas extorsit hanc epistolam . Nimum iam diu seruitum est auribus , tempori , spebus , gloria : tandem aliquando saluti seruiat & subministret oratio . Per ego te naturae bonitatem tuæ , per meas lachrymas , per ipsum Christi confossum pectus , & patibulo confixi vulnera obtestor diligenter



attendito. Nullum de te nec finem, nec modum facio cogitandi; nec unquam fere cogito, quin me vehementer pudeat, quin illud è psalmo repetam taciteque precer, Ab alienis Domine parce seruo tuo. Quid admisi? scriptum est scilicet, Videbas furem, & currebas cum eo. & alibi: Laudatur peccator in desideriis suis, & impius benedicitur. Toties Glocestria tecum, toties in secreto cubiculo, tot horas in penetralibus tuis, & intima bibliotheca fui, ubi seclusis arbitris hoc negotium agere potuissem, & non feci; quodque turpius est, assentando, & conuiuendo ad morbum faculas admoui. & licet fucosa dignitatis imagine, opibus, etate, litteris anteibas, nec tibi à me curatio animæ, aut spirituale pabulum debebatur: tamen cum esses ea facilitate suauitateque morum, ut me adolescentem senex in familiare colloquium frequenter acciperes, quid vis dicenti securitatem & silentium præstares, querelas apud me tuas, certorum in te calumnias hæreticorū deponeres; paterne demum hortarere, ut via regia planus & erectus incederem, ut Ecclesiæ, Conciliorum, Patrum vestigijs insisterem, his ut conspirantibus nulla in re falsitatis labeculam aspergi posse crederem; valde mihi succenseo qui pulcherrimam hanc ansam ex ædificandæ fidei vel nefario pudore, vel scelerata negligentia præterierim. qui paululum adhuc distantem à regno Dei non accenderim confidenter; sed aura fauoris & gloriæ tuæ potius umbratilem existimatio-

mationem honoris mei, quam sempiternum bonum promouerim. Ceterum quia primum quod erat sublatum est, ut præsentem præsens conarer inflectere; proximum est ad absentem vox mea profiscatur, testis obseruatiæ, sollicitudinis, anxietatis meæ, quam ille scit, apud quem quotidiana vota pro salute tua voneo. Audi obsecro, audi paucis. Annos plus minus sexaginta natus es, incerta valetudine, debilitato corpore, hereticorum odium, Catholicorum pudor, vulgi fabula, tuorum luctus, inimicorum ludibrium, pugnante conscientia falsum nomen usurpas Episcopi, pestiferam sectam quam non probas tacendo publicas. perculsus anathemate, recusus à corpore in quod solum Christus influit, exutus omnium piorum suffragiorum, sacrificiorum, Sacramentorum beneficio. Quis videre? quid expectas? quæ tua vita est? ecquam in eo tibi spem restare putas quod heretici implacabili odio conuicijsque laceessant? quod ex omnibus hæresiarchis Britaniæ tolerabilius insanias? quod veram Christi præsentiam in altari; & liberum hominis arbitrium proficere? quod Catholicorum neminem in tua diœcesi protrueris? quod hospitij flores tuorum ciuium, & bonorum hominum? quod palatium, & prædia non ut sodales tui, delumbaris? & quidem iuuabunt ista si redeas ad complexum Ecclesiæ, si cum domesticis fidei vel minimum quidquam patiare, vel salubriter meditare. Nunc autem dum foris es, dum hostis es, dum

nequissimus transfuga sub alieno duce militas, frustra studes integumentis virtutum innumera flagitia piare, nec aliud consequere nisi ut cruciatibus aternis paulo fortasse minus horribiliter mactere quam Iudas, aut Lutherus, aut Zuinglius, aut ille ipse Caperus, Vmphredus, Saulus, antagonista tui. Quid interest, alta ne rupe quispiam præcipitetur in mare; an de ripa mittatur in profluentem? ferrone quis intereat; an laqueo? tortus in equuleo, an iaculo transuerberatus? gladio disiectus, an securi? lapidibus obtusus, an fustibus? igne tostus, an aqua bulliente coctus? Quorsum attinet pro multis fidei capitibus dimicare, & in paucis perire. vacillantem? cauere naufragium, & pugionibus ingulari? declinare pestem, ut inedia contabescas? vitare flammam, ut fumo suffocere? nullum fidei credit articulum, qui unum, aut alterum recusat credere. Nam simulac pertinaciter transiliet limites Ecclesiæ, quæ est columna, & firmamentum veritatis, cui Christus I E S U S summa, prima, simplicissima veritas, fons, lux, dux, linea, norma fidelium instillat omnia; quantumcumque retinet Catholicorum dogmatum, tamen si quod unum perniciosè vellicat, cetera quæ retinet, non iam orthodoxa fide, sine qua est impossibile placere Deo, sed suo ingenio, sua persuasione retinet. Otiose Catholicorum religionem tueris, si quæ libitum est ea sola exosculere, alia quæ non videntur amputes. Vna sincera nota est

via, non meis, tuisve cancellis, non privato iudicio; sed humilitatis, & obsequij seueris legibus terminata, à qua cum deflexeris exorbitasti. Totus oportet sis in domo Dei, totus intra salutis parietes, tutus, ac saluus ab iniuria. Si paululum modo vagere & spatiere; si pedem, vel manicam è nauicula prominentem negligas, si ullam vel minimam in hoc nauigio pugnam dederis; exturbabere: occlusa est arca: exundat oceanus: periisti. Qui (inquit Saluator) non colligit, spargit. Idque exponit Hieronymus, qui Christi non est, Antichristi est. Non es tam stupidus ut Sacramentariorum heresim confecteris, non tam demens ut per omnia Lutheranae factionis assecla velis esse, quæ nunc Oecumenicis Concilijs (quibus tute fidendum existimas) damnantur, Constantiensi & Tridentino. & tamen heres in luto phantasmatis tui: scilicet, ut cornicum oculos configere videreris, ut fraterculis tuis arbiter sederes honorarius. Memineris responsum quod mihi metipsi serio, sancteque protuleris tum; cum ante triennium in adibus clarissimi viri Thomæ Duttoni conuenissemus pransuri Ibirburnij. Incidimus in D. Cyprianum: obieci tibi, ut tua sensa melius expiscarer; Synodum illam (arthaginiensem, quæ circa baptismum hæreticorum lapsa est. dixisti id quod res erat, non uni prouincia, sed Ecclesie Spiritum sanctum adpromitti, eam uniuersam in pleno Concilio representari, ostendi non posse doctrinam ullam, quæ tale Concilium

fesellerit. *Recognosce tua tela, quibus in Eu-*  
*charistiae mysterio, debellas aduersarium. (la-*  
*mas orbem Christianum, cœtus Episcoporum,*  
*custodes depositi, hoc est antiquæ fidei: hos ut*  
*interpretes Scripturæ commendas populo. Pa-*  
*trunculorum quorundam figmentum impudens*  
*iure optimo rides, & eleuas. Nunc quid dicēs?*  
*En tibi celeberrimos Patres, & Patriarchas,*  
*& Apostolicos viros nouissime coactos Triden-*  
*ti, qui pro veterum Patrum fide communicatis*  
*operis decertarunt: Legatos, Præsules, (ardi-*  
*nales, Episcopos, Oratores, Doctores plurimar-*  
*um gentium; etate maturos, rara sapientiâ,*  
*eruditione mirabiles, dignitatē Principes, un-*  
*dique circumfluentes: Italos, Gallos, Hispa-*  
*nos, Lusitanos, Græcos, Polonos, Hungaros,*  
*Flandros, Illyricos: multos è Germania, ali-*  
*quot ex Hibernia, Croatia, Morauia, ex An-*  
*glia quoque non neminem. Hi te quam diu sic*  
*viues vt nunc viuis, feriunt, explodunt, eli-*  
*minant, execrantur. Quid causæ affers, præ-*  
*sertim cum tuis collegis bellum indixeris? cur*  
*non te totum citra exceptiones, in horum Præ-*  
*sulum disciplinam submisisse dedas? Vidisti n' ali-*  
*quid in cœna Domini quod isti non viderint,*  
*excusserint, dissoluerint? Audes ne te ipsum*  
*vel centesima parte cum infimis huius Concilij*  
*Theologis exæquare? non diffido prudentiæ, nec*  
*modestiæ tuæ; non audes. Victus es, ergo tuis*  
*iudiciis, numero, valore, pondere, gratissima*  
*totius orbis terrarum, & maximo testimonio,*

Redi, redi ad cor, miserabilis senex. Restitue  
 mihi veterem nitorem, & egregias dotes tuas  
 adhuc sopitas, hætenus hærentes in cæno tur-  
 pitudinum. Da te parenti tuæ quæ te Christo  
 peperit, aluit, consecrauit. Agnosce parrici-  
 dium. Sit erranti medicina confessio. Alte-  
 rum (quod aiunt) in cymba pedem habes, for-  
 tasse statim breuissime sine dubio, rapiendus è  
 vita, sistendus ad tribunal, illud auditurus.  
 Redde rationem villicationis tuæ. Quod nisi  
 celeriter, & accurate in gratiam cum aduer-  
 sario peccati viator iniueris, ad ultimum qua-  
 drantem exactus de vita infelix agitabere,  
 cui numquam soluendo fueris. Tum illæ ma-  
 nus quæ spuris Ordinibus tot misellos iuuenes  
 initiarunt, sulfureum corpus præ dolore pun-  
 gent, ac terebrabunt. Illud os impurum periurijs  
 ac schismate delibutum, ignibus & vermibus,  
 & spiritu procellarum opplebitur. Illa tuæ car-  
 nis ambitiosa pompa, sella pontificia, prouen-  
 tus annui, spatiosa domus, honorifica saluta-  
 tio, famulorum cohors, apparatus elegans, re-  
 rum affluentia, quibus te stulta plebecula bea-  
 tum existimat, in horribiles fletus, in strido-  
 rem dentium, in foetorem, squallorem, fœdita-  
 tem, carceres vertentur. Ibi te Caluini manes,  
 & Zuinglij, quibuscum nunc luctare, perpetuo  
 affligent, cum Sabellio, Arrio, Nestorio,  
 VVicleso, Luthero, denique cum diabolo, &  
 Angelis tenebrarum supplicia dependes, blas-  
 phemias eructabis. Parce tibi, vitæ tuæ, do-  
 lori



lori meo. Licet fracta navi, proiectisque mercibus, tamen accipe tabulam pœnitentiæ, adnata quantum poteris, & vel nudus ad Ecclesiæ portum applica. Christus, ne dubites, præservabit manu, accurret, dabit osculum, vestiet stola candida, cœlites triumphabunt. De vita minima cura esto: ille curabit qui dat iumentis escam ipsorum, & pullis cornuorum inuocantibus eum. Tu si nostrum exilium degustasses, si conscientiam repurgasses, & viuudum pietatis exemplar oculis & animo lustrauisses, quod hic in Episcopis, Presbyteris, Religiosis Fratribus, Præpositis, Academicis, Proceribus regionum, laicis omnium ætatum, ordinum, sexuum resplendet; crêdo, reliquam temporis usuram gemitibus, & fletibus imbuendam, sexcentis Britannijs non commutares. Sin autem quæ tuæ rationes sunt, sic impedire, ut libere quocupis euolare non queas, animum saltem grauissimis catenis eripito. corpori quiduis impera, modo ne te sua mole premat, & infra manes mandet exilio. Vbicumque remanseris, aut quocumq; diuerteris, nouit Deus qui sunt eius, & prope est omnibus inuocantibus eum in veritate. Da veniam, senex ornatissime, iustissimis aculeis, & ardori meo; liceat odisse mortiferam plagam, liceat insignis viri, carique capitis periculum præsentissimum, quolibet vel acerbo pharmaco redimere, & propellere. Iamque futurum, si Christus annuat, si tute non refugeris, tam expecto, quam te diligo. Diligo



*ut natura, litteris, urbanitate, moribus prestantissimum, & mihi multis tuis meritis officijsque coniunctissimum. Si conualueris, beasti me; si contempseris, testor chirographum hoc. Deus iudicet inter me, & te. Sanguis tuus super temetipsum. Vale, Kalend. Nouembris,*

## CAPVT IX.


*Romam diuino monitu venit, eoque in itinere Christiana paupertatis exemplo hereticum hominem iuuat.*

**H**Is ad Chenzum scriptis litteris, leuatus ea cura erat, quæ ex alieno scelere ad eum redundare videbatur: sed proprii sceleris memoria stimulos acrius incutere salubriter anxio homini non omisit. Ita enim accidit, ut eadem epistola quæ monendi Chenzæ officium expleuit; characteris bestię, quem ex illo susceperat, lugubrem memoriam refricaret. Inde tantus dolor, sensusque abhorrentis à flagitio animi consecutus est, ut neque noctu, neque interdiu quietis ullam capere partem posset. Vnum erat oppresso pene, laceratoque curis animo laxamentum, intenta ad Deum precatio. Perpetuas, lacrymarum plenus, dat se in preces: quarum

quarum longos post gemitus hæc summa erat, viam sibi volens bonusque Deus supplicanti aperiret, qua maxime expiari tantum ab se scelus vellet. Habere supplicem in omnia paratum: vri, secari, cruciari leue esse pro scelere: quod si auctoritas offensi numinis accedat, fore sibi etiam voluptarium. His, alijsq; pœnitentis hominis precibus exorari clemens ille pater visus est, qui orari se ideo vult vt exoretur. Nam dum intentius, aliquando Campianus supplicat, interiorē monentis vocem liquido audit, qua Romam ire iubebatur. In ea vrbes diuinorum, scilicet oraculorum sede, diuinum responsum certius accepturum. Non fuit in capeendis iussis minus diligens, quam in flagitandis acer fuerat Campianus. Romanam statim sibi peregrinationem indicit. In qua vti pauperrimo Christo esset quam simillimus, omnia summæ paupertatis incommoda experiri statuit. Consilio amicis demonstrato, quæcumque ab illis ad solatium adeo longi itineris, vel præsidium offerebantur, fortiter reiecit. Die constituta ab eisdem hoc vno non prohibitis officio, multum viæ deductus, mutuisque lacrymis perfusus, iter nullo comite pedes ingreditur. Quid ille vel egerit toto hoc itinere, vel passus sit, ex tam longis, quæ peragrauit terrarum spatijs, ex adeo constanti paupertatis studio, ex tanta gentium etiam à Catholica religione alienarum varie-

tate, conijci facile potest. Ipse, vt semper res à se vel præclare gestas, vel ex diuina largitate acceptas, in arcanis habuit, nihil vnquam de toto hoc itinere cuiquam prodidit. Nam quod de vetere amico, inter eundum, ad omnem Christianæ laudem virtutis, exemplo verbisque Campiani accenso memorabo; ex ipso qui percepit, non ex Campiano, qui contulit beneficium, cognitum ferunt. Romanam eo tempore vetus Campiani ex hæreticorum natione amicus, & Oxoniensi contubernio familiaris, gratia curiositatis, inuiferat. Dum in patriam redit, mendici peregrinatoris habitu obuium habet Campianum. Nota species in tam ignoto vestitu dubitationem primo attulit tunc maxime properanti. Ergo cursum inhibet, reuocatisque mox furtim, post paulo liberius coniectis in peregrinum oculis, simul & agnouit plane, & equo desiliens amicissime amplexus amicum est. Post solemnia primi congressus officia, primum omnium stuporem animi incredibilem vultu ac fronte præferens, quærit à Campiano tam insolitæ egestatis causam. Crediderat fortasse latronum iniuriam, quod pietatis consilium erat. Vbi ex ipso audiuit, sponte tantam viæ, vitæque susceptam asperitatem; nimirum indignum videri, ac pene insanum homini secundum carnem sapienti; Edmundum domi suæ honesta fortuna vsum, constitutione corporis non robu-

robustissimum, eo sese calamitatis sponte abieciſſe: ſimulque oculis arreptis ſubleuaturus egentem pecunia videbatur. Tum vero iniecta in eum manu, Nihil hoc opus eſt, inquit Campianus: Dominus pars hæreditatis meæ, & calicis mei. Nec pudebit me peditem, egenumque illius ducis, ac Domini premere veſtigia, qui cum diues eſſet, propter nos egenus adeo factus eſt, vt naſcenti ſtabulum, morienti crux, mortuo ſepulchrum ex alieno obtigerint. Hinc Chriſtianæ paupertatis laudes, voluntariæque egeſtatis exorſus, adeo ardentè perorauit; vt admiratione defixum, lacrymisque large perfuſum hominem dimiſerit. Ceterum brevis colloquii longa apud amicum memoria reſedit. In eius pectus adeo alte Campiani cum factò verba deſcendere: vt Oxonium reuerſus, nullum ea narrandi, prædicandique finem fecerit. neque alia magis cauſa Perſonio, Campianoque in Oxoniensium animos, cum deinde in Angliam redierunt, viam aperuit. tantum habet exemplo iuncta oratio momentum.



CAPVT X.

*In Societatem IESV. diuino instinctu  
actus admittitur.*

**H**OC itinere Romani aliquando iam tum voluntarius peruenit Christi mendicus; anno superioris seculi secundo supra septuagesimum. Hic verò nihil interualli fecit ad diuinum de se, vti iam sibi promissum meminerat, responsum per omnia piorum operum genera petendum: Pœnitentiæ & Eucharistiæ Sacramentis, assiduâ precē, sanctissimorum salutatione templorum; præcipue nitebatur. nec frustra. breui interiorem audire sibi non semel visus suasorem, qui ad Societatem IESV incundam restitantes tantisper impelleret, dum moniti siue auctorem, siue constantiam exploraret. Diu re numini commendata; clariores diuinæ lucis radios; caloremque vehementiorem expertus; hanc illam, scilicet, esse promissam sibi Duaci vocem intellexit. Qua in re fucum non factum homini prudentissimo, & illi tunc lux singularis immissa, & nunc nobis consequentis eius vitæ, tum ratio, tum exitus certissime persuasere. Conuenerant eo tempore in Urbem, ad Generalem Societatis IESV Præpositum in demortui Francisci Borgia locum subrogandum, ex omnibus Europæ prouincijs eius Ordinis primarij Patres, quibus in  
can

eam rem suffragij ius est. Solemni more comitijs peractis, Euerardum Mercurianum Præpositum renunciant, hominem Belgam, siue ætatis, siue religiosæ professionis annis grauem. Ad hunc accedens Campianus, consilium suum, consilijque rationem aperit. Facile fuit ab homine rerum cælestium non imperito, cælesti illa vocatione exposita, aditum ad Societatem impetrare. Vbi in eam admissus est, à plurimis prouinciarum Præfectis, quamquam vndecumque, præterquam ex indole modestiæ, ignotus, expetitur. Et frustra nitentibus ceteris, Austriæ prouinciæ diuina destinatione adscriptus est. Lætus ea re maxime, vt videretur iam tum magnum aliquid occultis illis gaudijs ex eotirone prælagire, Austriæ Præpositus, dat secum illo, alijsque comitibus in viam. Pragmam urbem sede Cæsarium inclytam, reuocatus; Brunam, quo in opido tironum domicilium Societati est, transmittit Edmundum. Interim perspectam toto itinere singularis virtutis in eo illustrem faciem, ita alte animo vniuersi viæ comites condidere, vt nulla vnquam temporum longinquitas, nulla soli terrarumque diuersitas, ab eius commemoratione illorum aliquem reuocarit. Franciscus certe Auillianedo, è Societate sacerdos, qui Mariæ Augustæ designatus Confessarius vna cum eis iter fecerat, palam predicare nunquam destitit, nihil vnquam se in tironem illo,



nisi vnde ad virtutem omni ex parte proficeret, conspexisse.

## CAPVT XI.

*In Germania ingenij multa, plura  
sanctitatis signa prodit.*

**E**Dmundi virtutem inter abiectissima ministeria, quibus tironum Societatis IESU animi ad crucis ignominiam parantur, emicuisse, non sane mirer. illud admiratione non caret, ingenij vim, litterarumque scientiam in illis sordibus latere nequiuisse. Satis constat ab ipsis, vt ita dicam, religiosæ vitæ incunabulis, Campianum maximis omnibus, siue quæ ad litteras, siue quæ ad salutem animorum spectant, negotijs moderatorum suorum auctoritate præfuisse. Illi necdum religiosis votis obstricto, Rhetoricæ docendæ, illi Latinæ ad populum concionis munus impositum; cum interea matutinus idem esset domesticorum excitator. ex quo fiebat, vt ne cuiquam deesset muneri; somni tempora præter morem modumque corripere. His adde, quæ in tractanda animorum salute, vel maiorum imperium, vel sua de omnibus benemerendi voluntas, vel, vt in eiusmodi agendis rebus vsu venit, necessitas quotidie extra numerum, atque ordinem ingerebant.

Accidit



Accidit interdum, vt hominis ad omnia ap-  
tissimi solertia, cum obsequentiſſima volun-  
tate coniuncta, tot ſimul, neque ea leuiſſimā  
ſuorum imperia moderatorum prouocarit,  
vt ijs exequendis vnum hominem parem fuiſ-  
ſe proximum miraculo ſit. Illi familiaris vox  
ad vitæ rectores ſuæ non alia fuiſſe fertur, vbi  
aliquo onere iam prægrauatum, alijs, atque  
alijs ſimul cumulatis pene obruerent: Ex  
tui animi ſententia reris ne Pater ad hæc me  
omnia facultatis, ac virium ſatis allaturum?  
Qui ſi annuiſſent, nullam amplius conſulta-  
tionem admittebat. Vir planè Societate di-  
gniſſimus; qui & rectori ſuo de ſe plus cre-  
dere, quam ſibi; & ex illo omnia, ex ſe nihil  
velle didicerat. Neque cum tirocinio depo-  
ſitus obedientiæ laborumque curſus. Quin  
potius, vbi fidem ſuam Deo ac Societati vo-  
tis nuncupatis obſtrinxit; cum inſolito animi  
ardore & veteres labores vehementer auxit;  
& addidit recentes. ſcilicet non pignus magis;  
quam ſtimulum perfectæ vitæ, quæ conce-  
perat vota exiſtimabat. In nobilium ſubin-  
de adoleſcentium, qui noſtris præceptis, at-  
que inſtitutione Pragæ viuunt; Collegium  
translatus, ſupra pleraſque veteres curas, Dia-  
lecticen primo anno, mox Phyſicas diſcipli-  
nas publice docuit: cum Præfectus morum  
interim, ac Sodalitij, quod ſub tutela Saluta-  
tæ Virginis eſt, Præſes foret. Neque rerum  
multitudinem agendarum complexus, laudem;

vti plerumque fit, bene agendi amisit. Eum, & concionantem præter ceteros Pontificius Nuncius, Catholicique Regis Orator, & docentem auditores ad vnum omnes, & domesticis muneribus intentissimum, vigilantes domi Præpositi mirabantur. Denique sexennium totum (hoc enim illi Pragensis commorationis tempus fuit) incitato semper ad absolutæ sanctitatis metam contendit cursu: nihil interim de litterarijs muneribus remittens. Et in his quidem secundissimo semper theatro vsus est, siue solutam, siue adlitteratam metro orationem sequeretur. Duo tamen supra cetera plausum ingentem tulere illius ingenij monumenta. Alterum tragœdia fuit quam Ambrosianam inscripsit: alterum funebris oratio, quæ in nobilissima corona Mariam Requesenam fœminam primariam Mariæ Augustæ cubiculo præfectam Latine laudauit. Illa plane cum plausu theatriali spectata: hæc tanta cum approbatione audita, vt omnibus hominum ordinibus eam enixè flagitantibus, deberi diutius non potuerit. Typis excusa non minus lectitantium oculis (quod rarum est) placuit, quam audientium auribus placuerat. Inter hæc incredibilem cepit Anno c l o. l o. l x x v. ex Romanis nuncijs, qui frequentes, anno scilicet piaculari, commeabant, voluptatem. Afferebant, Anglos amicos non paucos idem secutos esse religiosum Societatis I e s u. vite

institutum. Illorum præcipue bonam gratulabatur mentem, quibuscum Oxonij inter litteras iucunde vixerat. In his esse Robertum Personium inaudierat; Guillelmum Vestonum; Henricum Garnettum; Ægidium Gallopum; Thomam Stephensonum. His quin per litteras, alioqui parcissimus epistolarum, tantum gratularetur bonum, continere se non potuit. Perseueravitque in mutuo commercio litterarum, magno siue fructu amicitiae, siue incitamento sanctitatis. Vix enim dictu credibile est, quam pias, quam diuino igne succensas epistolas daret ipse, & exigeret; adeo ut ne vnâ quidem litteram otiosam vtrîque esse pateretur: perditum ratus quicquid verborum pietati non seruiret. Ceterum quam felix, aut in eligendis, aut in colendis amicis incitandisque fuerit, eorum quos memorauimus exitus declarant. Omnes vel obito pro religione martyrio, vel carcerum squallore, vel immensis laboribus in Dei gratiam superatis, procedente dein tempore inclinare. Hoc rerum cursu euntem non minor aliunde gaudij materies incessit. Tanta eius virtus, matura iamdiu sacerdotio, ætatis in Societate transactæ tempestiuitatem expectarat. Ea vbi satis processisse visa; parari sacerdotio iubetur. Et quamquam vnus ipse indignum se tanto munere prædicaret: plus tamen dignitatem viuendo; quam excusationem modeste loquendo

quando Patribus probauit. Itaque à Pragensi Archiepiscopo rite sacerdos creatur, non maiore Archiepiscopi, cui carissimus erat, quam Patrum voluptate. Nouus hic accessit ad ueterem Campiani cursum stimulus. cum enim nullam satis esse innocentiam, ad tantum rite munus obeundum persuasisset sibi; quamuis plus etiam interdum, quam pene posset, efficeret; minus tamen, quam deberet, efficere se credebat. Creberrime conscientiam explorare, aperire identidem moderatoribus, sacris confessionibus eluere: adeo nulla sæpe macula; ut ab Antonio Francisco, qui eius confessiones audire consueuerat, quia nihil erat quod solui posset, sine solemnibus absolutione ad sacrum ire perpetrandum iuberetur. Quamquam id quoque antequam sacris initiaretur, usu uenisse confitenti Campiano, uti sine sacra absolutione eandem ob causam dimitteretur, idem Antonius Franciscus testatus non semel est.

## CAPVT XII.

*Romam accitur transmissurus in Angliam.*

**H**is, alijsque huiusmodi intentus erat curis Campianus, cum litteras ab Guilielmo Alano Roma accipit, quibus post  
lon-

longam euersæ communis patriæ querelam,  
 eius subleuandæ ratio proponebatur illa : si  
 ipse eam adire, præsens verbo, exemplis  
 omnique ope veterem religionem pro virili  
 promoturus, cum socijs aliquot in animum  
 induceret. Equum esse, vt illi manus sup-  
 plices tendenti ciues sui succurrant, quibus  
 ipsa gremium nascentibus substrauisset. Ha-  
 rum ego litterarum caput hic inferere operæ  
 pretium arbitror, vt eorum præcipue men-  
 dacio occurram hæreticorum, qui Campia-  
 num nostrum à nullo Anglorum accitum,  
 ac neque expetitum, sed sola res miscendi,  
 agendique libidine in alienam messem irruisse  
 calumniantur. *Mi Pater, frater, fili Edmun-  
 de Campiane (mutui enim, ac summi amo-  
 ris appellationes omnes, erga te libenter usur-  
 po) Cum te Ordinis vestri supremus Pater  
 ac præfectus, id est, vt ego accipio, IESVS  
 Praga Romam, ac porro in Angliam nostram  
 vocet; compellent quoque secundum carnem  
 fratres tui: quorum voces licet tu non audias,  
 Deus tamen vota exaudiuit; ego, ipsis, tibi, ac  
 communi patriæ, & secundum seculum, & se-  
 cundum Dominum coniunctissimus, solus ta-  
 cere apud tuam caritatem non debui, vel po-  
 tius in primis desiderare, vocare, clamare de-  
 bui. Expedi ergo te carissime Campiane quam  
 potes citissime. Damnum à nostris hominibus  
 Bohemis olim infelicitèr illatum utcumque re-  
 sarsisti apud Pragenses, reliquam ætatem, par-*

D      temque

temque nonnullam maximarum gratiarum  
 tuarum si adamata patriæ, quæ officia tua in  
 Christo summopere requirit concesseris; pie,  
 Christiane, religiose feceris. De animo, & vo-  
 luntate tua in hoc genere non dubito, cum non  
 proprio, sed alieno arbitrio felicissime viuas, nec  
 extremos Indos, summaue pericula tuorum,  
 iussu horreret. Magna iam est in Anglia no-  
 stra messis, & vulgaribus operarijs non con-  
 tenta, expeditiores homines requirit. sed te in  
 primis ipsum cum alijs vestri Ordinis selectis  
 viris postulat; ac annuit multorum precibus  
 R. T. Generalis: probauit Pontifex patriæ no-  
 stræ verus parens. & Deus sane ipse in cuius  
 manibus sunt sortes tuæ tandem concessit, vt  
 reddatur nobis noster Campianus omnibus do-  
 ctrinæ, & gratiæ suæ donis longe locupletissimus.  
 Para ergo te ad iter, ad opus, ad tentationem.  
 Sic ille. Non ignorabat Campianus ad ne-  
 cem se per extrema cruciatuum omnium his  
 litteris inuitari. Rabiem hæreticorum no-  
 rat: cruenta aduersus sacerdotes edicta, leges-  
 que non ignorabat: dura denique prorsus  
 atque horribilis totius expeditionis facies,  
 animo legentis obijciebatur. Sed quæ ter-  
 rori fuissent alijs, ingenti illi pectori fuere  
 incitamento. Prorsus veluti classicum mili-  
 tati animo insonuisset, alacritatem volupta-  
 te mixtam attulit. Alano per litteras confe-  
 stim respondet, ex alieno nutu aptum esse se.  
 honestissimæ causæ legitimum imperium se



accedat, non modo libenter, sed auide etiam  
 procursum: denique pro patria ad ultimū  
 vsque spiritum, si dūces iubeant, pugnaturum.  
 Amicorum litteras (nam & alij eodem  
 argumento ad eum scripserant) quasi ex con-  
 dicto Generalis Præpositi Euerardi epistolæ  
 subsecutæ duæ mense Martio. alteræ ad Ioan-  
 nem Paulum Campanum Pragensis Collegij  
 Rectorem, ad ipsum Campianum datæ alte-  
 ræ: quibus Romam festinare primo quoque  
 tempore Campianus iubebatur. Neque di-  
 stulit Generalis iussa nunciare Cāpiano Pau-  
 lus. Quibus acceptis, cogitabundus hæsisse  
 aliquantisper, mox verecundantis specie pau-  
 ca hæc respondisse ille fertur: Enimvero su-  
 spicari de me nescio quid Patres videtur; quod  
 vtinam suspicentur vere. Domini tamen vo-  
 luntas, non mea fiat. Nullum præterea fa-  
 ctum, dictumue, quā ad iter se quam pri-  
 mum expediret, adiecit. Adcoque, dum se  
 tantam ad expeditionem parat, modestiam  
 cum alacritate coniunxit; vt intelligerent,  
 palamque prædicarent Patres, non minus in  
 eam rem facultatis à Campiano afferri, quam  
 voluntatis. Sed antequam iter Campiani ag-  
 gredior, operæ pretium est totius Anglicæ  
 expeditionis aduersus hereses, ac peccata à So-  
 cietate susceptæ causas, auctores, rationem  
 ipsam vniuersam, maiore cura, fide vero in-  
 uiolata euoluere. Et maxime huius loci pro-  
 pria res est: & pagnarum fortiter à nostris



roties pugnatarum origo : & hostium calum-  
niæ in primis oportuna ; frementibus subin-  
de, cum Societatis nostræ homines ducuntur,  
aduersarijs , iure ad necem trahi proditores  
patriæ , hostes publicos , ad cædes regias , ad  
popularem seditionem ciendam missos à suis  
ducibus scelerum magistris . Quæ veritatis  
calumnia tamen regiū Senatum , ipsosque  
mendacij architectos nihil fallit : plebis ta-  
men animos peruasit opinione corrigenda .  
Eius ergo rei initium hoc fuit .

### CAPVT XIII.

*Anglica à Societate suscipienda expe-  
ditionis causa, auctores, ratio .*

**A**Nglicum quod Romæ extabat xenodo-  
chium anno superioris seculi octauo &  
septuagesimo , iam pene ad solitudinem re-  
ductum , qui tertiusdecimus numeratus est  
inter Gregorios , æterni nominis Pontifex,  
inaudierat . Impietas patria pijs olim homi-  
nibus vrbānam peregrinationem prohibe-  
bat . Subijt Pontificem Collegij iisdem ædi-  
bus instituendi salutaris cogitatio : quo Col-  
legio Angli aliquot adolescentes idoneis arti-  
bus ad omnem integritatem informati agræ  
patriæ medicinam aliquando facerent . Capti  
consilij ministros Societatis I E S V Patres ad-  
hibet.

hibet. Iis conuocandi adolēscētes, scribē-  
 di conuocatis leges, Collegij moderandi cu-  
 ra imponitur. Rem Patres, vti iussi sunt,  
 diligenter promouent. Lēctis iuuenibus, le-  
 gibus, Pontifice probante, conscriptis, iusta  
 Collegij apparebat species. Rei nuncio Ca-  
 tholici ex ea gente gauisi omnes: Gulielmus  
 Alanus prācipue, Anglici ea tempestate Col-  
 legij eius Rēctor, quod Duaco, iniuria bellici  
 tumultus, Rhemos in Gallias demigrarat. Hic  
 magnum animo prospiciens patriā commo-  
 dum, si binis his Collegijs conueniret; Ro-  
 mam magnis itineribus proficiscitur. Pro-  
 fectionis causam Pontifice coram, primori-  
 busque Patrum exponit; probatur: conue-  
 nit. Duorum Collegiorum coniunctione ē  
 sententia stabilita, Pontificem omnium An-  
 glorum, qui in fide manserant, nomine, enixe  
 orat, Patres ex Societate I E S V Angliā la-  
 boranti subsidio transmittat. Optatum id si-  
 bi dudum priuata causa. Nam Duacenses  
 alumnos, quibus ipse prāfuerat, Patres ijdē  
 bonis artibus Duaci instituērant, tanta siue  
 morum, seu doctrinā approbatione, vt eorum  
 sibi animos obstringerent. Et alumnos qui-  
 dem in patriam iam reuersos ferre fortiter  
 pondus diei, & æstus: dubitandum tamen non  
 esse, quin illis confirmatio virium, redinte-  
 gratioque animorum incredibilis accessura  
 esset, si aduentare sibi subsidio eos animaduēr-  
 terent, à quibus suffecta sibi arma meminiſ-

sent. Sed nunc ad sua priuatim vota, omnium  
 publice Anglorum, qui Christi signa non de-  
 seruerint, adiungi preces. æquum esse tot mil-  
 lium supplices voces id à Pontifice impetrare,  
 quod alix nationes nec opinantes acceperint.  
 Quot enim profundæ barbariæ nationes So-  
 cietatis I E S V Patribus excolendæ commissæ  
 sint, tunc cum maxime alia omnia cogitent?  
 „ Neque vero sum nescius, Beatiss. Pater, peri-  
 „ culorum plenam expeditionem hanc esse ad  
 „ quam vocantur. Sed pericula illis a libi etiam  
 „ vitio expetuntur: quod ni faciunt, nomen  
 „ quod sustinent, indignius profecto, retinent,  
 „ quam deponunt. Scienti loquor. Hoc primum  
 „ est instituti, quod sequuntur caput: animorum  
 „ salutem quibusuis terris, quodcumq; periculo  
 „ mercari; neque inaccessibleis existimare plagas,  
 „ quas opis indigæ gentes incolant. Hæc à ma-  
 „ ioribus lege sancita posteri tumentur. Iam In-  
 „ dias, siue quæ ad Orientem Lusitanis, siue quæ  
 „ ad Occidentem Hispanis parent, quotannis  
 „ adeunt, grandi mercede sementem Euangelij  
 „ facturi, etiam nostros Anglos barbaro illi solo  
 „ excolendo missos audio neglecta patria. Non  
 „ reprehendo factum. Christi operæ sunt: quic-  
 „ quid terrarum patet, Christi ager est. Hoc aio:  
 „ Angliam præteriri non oportuisse. Ipsa quo-  
 „ que angulus ingentis fundi est. in fecundiorē  
 „ Indiciis noualibus non ideo experiantur mo-  
 „ do. Nam præiudicio rem metiri æquum non  
 „ existimo. Denique, si hoc etiam spectatur, non  
 „ minori

minori decori est religionē lapsam restituere, quam recens condere. Hæc, aliaque pio Pontifici nō absurda visa. diem tantum ad deliberandum poscit. deliberationē Euerardo Præposito integram permittit. illum quasi in præsentī consiliū expedire certius posse. Euerardus Pontificis nomine ad Patres, qui illi ex nostrę familię instituto ad deliberationes præsto erant, de re tota refert. Dicuntur in utramque partem sententiæ acres. Disuasores non capitis pericula, aut ærumnarū metum obijciebant, res pro religione etiam optandas, sed salutis propriæ periculum. Cui enim dubium esse, quin in tanta legum impiarum seueritate, alieno habitu, cultuque corporis omnino militari, dissimulāda esset sacerdotij, religionisque professio? Exin diuersos abiituros. Vsfuros perpetuo hominum, vt leuissime dicatur, non religiosissimorum conuictu. Redituros ergo nostros ad sæculi penē illecebras, laqueosque. Inter hæc prægrauante ingentium negotiorum mole, calorem illum pij spiritus non posse non refrigescere, nisi collectis identidem per sacrarum rerum meditationes viribus integretur. Et hoc quidem sacri receptus remedium in vasto Indiæ tractu promptum esse, parato in proxima Societatis domicilia perfugio. ibi omni aliorum cura deposita, intentiore studio sui ipsius inspectionem à nostris hominibus ex interuallo repeti consueſse: si quid la-

befactum, si quid debilitatum refici, & quasi  
 absterfa spiritualium armorum rubigine, cu-  
 ratisque per cœlestes cibos, sacramque quie-  
 tem animis, ab instructoribus ad solem, ac  
 puluerem rediri. In Anglia nullum receptui  
 locum, nullum quieti, ac silentio: omnia  
 turbulenta. Quæ semel suscepta essent ar-  
 ma, nunquam intermissa contentione reti-  
 nenda. Ad hæc si quid rerum nouarum à quo-  
 piam Catholicorum (quod in tanta afflictæ  
 religionis calamitate difficile non esset) ali-  
 quando tentetur: cui ex regijs senatoribus  
 persuaderi posse nos à conspiratione procul  
 animos, & consilia habuisse? Quæ si opinio  
 semel ab illis ad Reges alios, dynastasque di-  
 manet, quonam pacto tantam inuidiæ flam-  
 mam restincturos? Contra alij disserebant.  
 Et decorû Societati esse nullam partem Chri-  
 stiani orbis laborantem deferere, & maxime  
 gloriosum, si iuuentur illæ, quibus non nisi  
 per inusitata discrimina subueniri possit. Re-  
 spicienda esse tot animorum millia, quæ pre-  
 zioso Domini sanguine coëmpta, supplices  
 Societati manus tendant. Et quidem spiri-  
 tali nostrorum hominum saluti timendû non  
 esse. Deo illos duce militaturos, qui com-  
 meatum pro re liberaliter suppeditet. In In-  
 dia vires in Collegijs prudentet refici: quia  
 si parato præsidio non vtare, Deum tentes.  
 At in Anglia, quia nulla sunt Collegia, Deum  
 ipsum perfugio futurum: qui liberaliter se  
 illi

illi in diuina causa permittentibus, pene prodige munificus est. Pietatis hunc teporem, & collabentis spiritus ruinam illis timendam, qui sponte, nullis legitimis imperijs, pugnam capebant. Nostros autem, qui acceptis à Christo, per suos legatos, imperijs prælium inituri essent, sine imperatoris contumelia timere non posse. Atq; hæc si omnis, ea in causa, humana diligentia desperetur. Ceteroquin quis prohibet, certas esse horas sui inspiciendi, renouandi, incitandi, immo & certos dies? An subducere se ex hominum cœtu, animi sui curandi gratia, nostri nequeant, quibus sæpe publico abstinendum erit, vt vitæ consulant. Denique nihil durius de nostris hominibus timendum esse, quam de alijs ex seculari ordine sacerdotibus. Horum autem, qui in ea causa adhuc laborarint, quam multos etiam ad martyrij decus alacriter peruenisse. Quo sane attritis spiritalis vitæ viribus, animoque imminuto non aspiratur, vt omnibus documento sint, annonam Christi militi nunquam deesse. Iam ijs quæ de suspitione turbant Reipublicæ adduntur, cauere posse: principio seuerè omni colloquio de publicis rebus nostris hominibus interdicto, iussisque hoc ipsum priuatim, ac publice quacumque se tulerit occasio, omnibus aperire. Denique omnes viæ, quibus id iurè de nobis existimari possit, quantum in nobis est, summa diligentia præcludantur. Tum vero improbitati



ac maledicentiæ inimicorum nisi occurratur, æquo animo ferendum. Mendacia, & calumnias sperni felicius, quam caueri. Nam hæc vt fallacia sint, non sunt diuturna. Diem, Deumque veritatis vindices, atque assertores, magno animo expectandos. In summa, fidendum Domino: cuius causa, si calumniæ timentur, nunquam fortiter propugnatur. His sententijs tracta in multos dies deliberatio est. Vicere tandem, qui suscipiendam expeditionem suadebant, vtique posteaquam P. Claudius Aquaiua prouinciæ Romanæ Præpositus in consilium extra ordinem adscitus, eam tanta vi suavit: vt ad extremum à Generali Præposito eam sibi supplex prouinciam deposceret. Adeo salutaris tamen sententiæ auctor fertur Oliuerius Manareus; qui negotijs Germaniæ, totiusque Borealis tractus præfectus, Assistentis Germaniæ appellabatur. Hæc ita agitata, confectaue Euerardus ad Pontificem Gregorium extemplo deferret. Pontifice, quæ gesta erant omnia comprobante, ac tantis cœptis fausta omnia precante, expeditio decernitur. Altera iam eligendi, cui tantum onus imponeretur, cura, expeditior fuit. Tantum inter Anglos è Societate reliquos Robertus Personius, & Edmundus Campianus eminebant. Personius vltimam eo anno Theologiæ studijs manum imposuerat Romæ: Campianus in opere detinebatur Pragæ, cuius etiam, vt i supra me-

mora-



morauimus, mentem explorarant. His sacerdotibus duobus, Rodulphum Emersonum laicum ex illis, qui externo operi in nostra Societate adhibentur, adiiciunt. Robertus, ac Rodolphus Romæ erant; Edmundus Praga per litteras Romam euocatur.

CAPVT XIV.

*Praga Romam, Roma in patriam, acceptis expeditionis Anglicæ mandatis, proficiscitur.*

**Q**Uod ubi primum Pragæ rumor tulit, mirum est quam ægris omnium animis sit acceptum. mœrebant scilicet nostri, externique tantam sibi humanitatem, tantam suauitatem, ac sanctimoniam subito eripi. Iam eius modestia, iam rerum mortalium despicentia, iam prompta in omne obsequium voluntas, iam castimonix laus integerrima, non solum animis, sed etiam verbis, discessum eius quærelis prosequentium, vsurpabantur. Erat domi simplicis pectoris, & egregie pius è nostra Societate vir Iacobus Gallus, domo Silesius; hic ea nocte, quæ Campiani Praga abitum præcessit, clam è strato surgens sopitis omnibus, dormientis Campiani cubiculum carbone sic inscripsit, P. E D M V N D V S

CAMPIANVS MARTYR. Et ille quidem indicio post paulo deprehensus, causam facti quærentibus, instinctu se actum respondebat. neque domesticæ disciplinæ tuendæ causa impune tulit. Notatum tamen eo tempore à nostris est, & quia euentu comprobatum, ad memoriam insigne visum: eo maxime, quod suspensæ alioqui mentis, & sæpe diuinas inter cogitationes attonitæ, nocturnus ille scriptor habebatur. Praga Romam Edmundus quod vetere instituto plane pedes non venit, aliena caritas non eius de paupertate quicquam remittendi voluntas effecit. Primo enim Praga abeuntem Ferdinandus Austrius non sanguinis quam pietatis gloria maior, suo curru accepit, & Oenipontum usque deduxit. Inde Pataviū pedes, Pataviū Romam, ita iubentibus Societatis eo loci moderatoribus, equo vectus est. In eamque urbem non ante peruenit, quam a. d. quartum Nōnas Apriles, ipso scilicet Paschæ per-  
 uigilio, quod eo anno Apriles Nōnas biduo antecessit. Romæ non nisi octiduum egit, dum templa omnibus sanctitatis vestigijs notata salutarer. Ab Euerardo interim Robertus, atque Edmundus remotis arbitris appellati, mandata suscipiendæ expeditionis accipiunt. Primū illud fuit, eam non nisi ad salutem animorum, pro Societatis more, institutam. Nihil ergo sibi præter consueta in eā rem arma tractanda, Sacramentis rite Catholicos  
 pro-

procurandos, aberrantes à religione orthodoxa pijs monitis, vitæ exemplo, ardentibus ad Deum precibus reuocandos. Omni ope fidem rectam, morum integritatem, vel instaurandam, vel confirmandam. Nihil vero sibi seuerius interdictum sciant, quam publicæ rei administrationem. In ipsis vel priuatis, vel publicis de pietate, ac religione sermonibus, quidquid nouandarum rerum speciem habere potest, enixe fugiant. Denique omnia agant, quo seditionis suspicioni, & calumniæ aditus præcludatur. Inde tantummodo labem nostro nomini aspergi, conatus eludi, labores posse euanescere. Per Deum immortalem, per eam quam Deo, sibi que debent obedientiam, per intactum Societatis decus, hoc vel orare se, vel pro imperio iubere. Hoc sibi, hoc Societati, hoc Pontifici ante omnia honorificum fore, si illa vox libere, integreque vsurpari possit à suis copijs: *Non querimus vestra, sed vos*. Sub hæc, quod verbo monuerat perscriptum Personio tradit, quem sacræ illius expeditionis ducem dixerat. Subinde vtrumque Pontifici sistit. Eos Pontifex humanissime exceptos officij admonet, & fausta omnia precatus à se dimittit. Manarat interea totius huius consilij rumor inter pios, qui Romæ versabantur, Anglos. Tanto exemplo quasi illustri proposito signo commoti, eandem sibi quisque professionem deposcebat. Impetrarunt pauci.  
inter

inter hos grandi natu senes non minus sex  
 eminebat Thomas Golduellus Episcopus Afa-  
 phenfis, qui ætatem in longo exilio pro reli-  
 gione exactam martyrio claudere festinans,  
 pertinaci prece tantum laborem à Pontifice  
 extorsit verius quam impetrauit. Episcopum  
 aninis, & auctoritate sequebatur Nicolaus  
 Mortonus. Hic Pontificius ad D. Petri Ro-  
 mæ Pœnitentiarius conscientiarum causis ampla  
 cum potestate præfuerat. Quatuor præterea  
 addebantur modeste acta vita insignes Sacer-  
 dotes, qui à sacris fuerant Anglici xenodochij,  
 Eduardus Brumberius, Gulielmus Ghiblet-  
 tus, duoque alij quorum excidere nomina:  
 cognomina fuere, Craus & Kempus. Tres  
 insuper recens instituti Anglorum Romæ Col-  
 legij alumni Rodolphus Sheruinus, Lucas  
 Kirbæus, Eduardus Risthonus; florenti iu-  
 uenes ætate, moribus incorruptis, ingenio tū  
 acri, tum disciplinarum optimis exulto. Prorsus  
 quales fecundi clarissimorum Martyrum Semi-  
 narij decebat esse primitias. Accessere postre-  
 mo laici duo, nobili uterque loco, nec moribus  
 degeneres, Thomas Bruscou, & Ioannes, co-  
 gnomine hominis taceo, ne pie familie nomen  
 violetur. Ex his, duo senes illi quos priores no-  
 minauimus, Asaphensis, & Mortonus, in Bel-  
 gium præmissi in equis sunt, quod graui ad-  
 modum ætate, pedestris itineris, quod reliqui su-  
 scipere constituerant, molestias, laturo nulla  
 ratione videbantur. Ita duodecim omnino, si

tres é Societate annumeres, viri, coniunctis animis, communicatisque consilijs, partim iubente, partim permittente, omnibus bene precante Pontifice, Roma in Angliam profecti sunt ante diem quintum Idus Apriles. Parua certe, sed inuicta caelestium, duce Christo, bellatorum manus. Deducti extra Urbis mœnia ad pauperis triumphii speciem ab Anglis, qui Romæ erant, omnibus; ne ipso quidem excepto Thoma Scellæo, viro inter Anglos Romæ ea tempestate commorantes, & nobilitate, & dignitate magno. Hierosolymitanorum quippe Equitum in Anglia magister, (magnum Angliæ Priorem appellant) quamvis opulenti redditibus ab hæretico interuersis; morum tamen constantia, & vitæ integritate veterem maiestatem tuebatur. neque Oliuerius Manareus defuit. qui bonis Christi militibus ad pontem vsque Miluium deductis, Præpositi Generalis nomine bene precatus, laudes, & inuidiam tam claræ expeditionis retulit domum. Ab his ergo omnibus post mutuos tandem amplexus, osculorum, ac lacrymarum suarum, alienarumque pleni Campianus, & comites diuelluntur.



## CAPVT XV.

*Comitum Campiani casus, & exitus.*

**N**ON ineptum fecero, si Campiani comitum casus, & exitus vnum veluti sub aspectum hoc loco ponam. Neque enim forte deerit qui quorum eadem *vocatio* fuit, scire aueat an eadem fuerit *electio*. Et est in nonneminis ex ijs casu, quod multos consimile iter ingressos modestiæ admoncat, doceatque, nihil magis ad celsissimas huiusmodi expeditiones, quam demississimum animum esse afferendum. Ergo vt à supremis ordiamur; Asaphensis Episcopus Golduellus, & Vaticanus Pœnitentiarius Mortonus, quos præmissos diximus; Romam è Belgio, antequam in Angliam traicerent, rediere, vt in loco memorabo. Ibi quam integre duxerant vterque vitam, extrema in senecta sancte clauferre, hoc vno mœsti, quod quam naturæ in otio reddebant, non inter arma, & ferrum stantes, pugnantisque Deo, ac Domino animam impenderent. At ex ijs, qui campum, & arenam Anglici certaminis tetigere, duo martyrij palmam sanguine mercati cœlestium triumphatorum numerum auxerunt, Rodolphus Sheruinus, & Lucas Chirbæus. Ille cum Campiano, hic post menses ab Campiani triumpho sex, lauream adepti. Quamquam



quam enim Chirbæus simul cum Campiano capitis damnatus est, non ante tamen pridie Calendas Iunias anni consequentis, collegis gloriæ Thoma Cottamo, Gulielmo Philbæo, & Laurentio Richardsono, inuidenda morte vicit. Non longe ab tanto decore Eduardus Risthonus abfuit. Strenuus hic Christi miles post semestres vtilissimos labores, dum ardens caritate auditores ad Personium audiendum Londini olim cogit, captus ab ijs qui regio iussu Personium vestigabant, communi primum carcere clauditur, quod nondum de affingēdo Catholicæ religioni maiestatis crimine hæretici cogitarant. Mox ubi ea calumnia placuit, in Londinensem arcem, quasi tum demū adeo fœdæ noxæ factus reus, transducitur: neque diu post capitis damnatur, magno animi sui, veroque gaudio. Sed nimirum Dei donum martyrij decus est. Multis alia omnia cogitantibus ingeritur; alijs iam iamque triumphantibus de curru pene deiectis aufertur, vt intelligas *neque volentis esse, neque currentis, sed misipientis Dei*. Risthonus certe tractus cum Campiano, ceterisque martyribus ad iudicium, damnatusque, post diutinum carceris durissimi squallorem, exulatum deportatus in Belgium, in Catholicæ pacis otio placide post annos aliquot in Domino obdormiuit. Non dissimilis Ghibletticasus, nisi quod damnatum cum fuisse non inuenio. Ceterum sæuis vexatus



vinculis, perque omnes indigni carceris acerbitates annos aliquot exercitus, mortuo similior, quam viuenti, ipse quoque in exilium eiectus, Romæ inter pias creptæ sibi palmæ querelas obiit. Neque sane alia Bruchoi esset conditio, nisi repetita constanter post exilium Anglia discriminaret. Post res hic egregie gestas in Cantio, quæ vna est ex ijs, in quas Angliæ regnum tributum est, prouincijs, indicio caluitij captus, & temperantiæ, quod carnes Purificatæ Virginis peruiugio comedere, hospitali in conuiuio recusarat: annos sex inhumano carcere attritus; in ijs hebdomadas totidem belluarum ritu, subterraneo in specu, tumultatus verius, quam abditus, superfuit hostium sæuitiæ tamen: quæ siue tam inuidiosæ carnificinæ iam pertæsa, seu clementiæ vanam speciem apud exteros captans, seu denique probabilis in eo viro criminis indiga, exilium, beneficij loco, innocenti sciuit. Vfus occasione vir omnino indefessus, Romæ sacerdos factus est, iterumque in Angliam remigrauit. Eo in Domini agro vtiliter, quo primum tempore Campiani hanc historiam ordiebar, Christo Deo, & Ecclesiæ operam nauabat. Citius opere solutus Brumberius est. Magno animi ardore statim vbi patriam attigit, partem colere, quæ illi voluntate collegarum obligit, Anglici noualis aggressus; mense septimo summis laboribus, quibus pares respondebant fruges animorum,

morum, receptus ipse in cœleste horreū, sancta, piaq; morte finem fecit. Idem exitus Rodulphi Emersoni è Societate Iesv laici. Non multo post Campianum coniectus in vincula, ultra vigesimum eo in squallore transegit annum. Transportatus inde in continentem Regina iussu, reliquum vitæ in Belgio, non sine insigni simplicitatis, & innocentiae laude traduxit. Superfunt iam hinc comitum paria duo. Chrani, & Chempi: Personij, & Ioannis. Et primi quidem, nulla re alia mihi quidem cogniti, nisi hoc susceptæ tam salutaris cum Campiano expeditionis studio, cetera silentur. Reliqui duo sunt Personius, & Ioannes. par hominum omnino dispar, non vitæ conditione magis, quam claritudine; neque plus ingenio, quam factis discors. De posteriore prius, ne lætam sacris triumphis narrationem funesta desertoris defectio-  
ne concludam. Ioannes iuuenis fuit nobili loco in Anglia natus. Romæ Gregorij XIII Pont. liberalitate annos aliquot laute vixit. Sheruini diu discipulus, Catholicę rei studium ex magistro, non modo litteras, bonasque artes didicit. Sed ingenio erat, vt multis videbatur, egregie elato, vt quibusdam, non mediocriter leui. Effrons certe creditus à melioribus, occasionumque captator interritus. Nihil aspectum etiam summæ maiestatis putare: Gregorium, apud quem gratiosissimus ob religionis amorem fuit, frequens adibat,

nullo, vt ceteri, pauore ex reuerentia. Ambitiosus idem, & auræ Principum appetens supra modum, quod fere euenit, vt nemo summorū virorum gratiam flagrantius aucupetur, quam qui adeptus vilius habet. eiusdē enim arrogantia est & magna nimis impotenter appetere, & vbi obtigere, parui facere. Quæ omnia cum vitia in Ioanne essent, dum studio repetendæ ob religionem patriæ, fementisq; in ea Catholicæ faciendæ obteguntur, apud optimum Pontificem, ardentēque studio rerum gerendarum alios, pro virtutibus laudabantur. Non fallebant Sheruinum tamen: siue quia, vt erat perspicaci ingenio, acute multa prouidebat: siue quia interior familiaritas fucum, qui alijs obijciebatur, absterferat: seu denique quia discipuli casus magistro martyri diuinitus innotuerat. Quare cū toto in Angliam itinere pene pueriliter Ioannes lasciuiet: modo cursu reliquos præuertens: modo intersistens: aliqua facete de hæreticis, de se, comitibusque plurima gloriose iactaret: sæpe diuina iudicia minatus illi Sheruinus est, quibus nimiam ferociam comperceret. cumq; indomitæ iuuentæ ardor non remitteret; frequens hoc erat ad illum magistri carmen. Caue tibi Ioannes. Deus istam confidentiam contundet. Neque aliter quam martyr vaticinatus est, accidit. Dum gloriosius, quam cautius, Catholicum agit in Anglia; vinculis onustus ad arcem Lōdinen-

dinensem deportatur. Ibi cum propius ad-  
 motus à vaftris satellitibus quæstionum terror  
 metuenti esset; facile apparuit animus dege-  
 ner, & periculo minor. Re ad Odoënum  
 Hoptonum delata, in Senatum aliquot post  
 diebus, vt defectio clarior esset, eo autore  
 deducitur. Sedebat inter Senatores Hopto-  
 nus ipse. conspectisq; Ioannis vinculis (vin-  
 ctus enim ducebatur) quasi miseratus nobi-  
 lis iuuenis conditionem, simulque veluti men-  
 tem introspexisset, amaretque facilem, &  
 Reginæ iussis minime repugnantem: Quid  
 vos, inquit versus ad satellites, generosum  
 istum iuuenem vinctum trahitis? Sponte ille  
 venit. Dignum se, dignum sua gente animū  
 gerit. Tum continuo ad Ioannem: Adestum  
 domine Ioannes. hic apud me commode  
 sedebis. Iura tamen prius in Reginæ, qua  
 Ecclesiæ Anglicanæ suprema moderatrix est,  
 verba. Nondum desierat; cum trepidanti  
 ex recenti spe homini iusiurandum in mem-  
 brana perscriptum offertur. Neque ille cun-  
 ctatus, omnia peragit ex formula. Iusiuran-  
 dum clara voce concipit, confestimque ad-  
 mittitur in confessum. Refrigerauit tam ti-  
 mida, leuisque præuaricatio cœtum vniuer-  
 sum. Vixdum assederat, cum hæretici etiam  
 omnes, nedum qui frequentes aderant Ca-  
 tholici, respectare se mutuo, tum subridere,  
 denique nutu ipso, & tota facie contemptum,  
 irrisumque tam abiecti pauoris præferre.

Neque hic fœde facti ignominia constitit. Iam tum primo quasi obmurmurarent, sed ita ut ille exaudiret; sales, & iocos non sine dente in eum, & morsu iactauere spectatores. quod etiam paulo post, dum misso Senatu abscederent, conferta in turba liberius factitarunt. Ea aduersæ famæ facies adeo hominem, quamuis ferrei oris, confudit, vt confestim Londino excesserit, seque in vltimum Cantij prouinciæ angulum abdiderit. Vtinam salutarî verecundia. Neque enim amplius, quid illi factum sit, compertum habeo. Ita nimios spiritus, deque se altius sentiētes comprimere ille nouit, *qui superbis resistit, humilibus dat gratiam*. Venio ad Personium. quo de viro, cum primum hanc historiam commentabar, quoniam inter mortalis vitæ pericula agebat, ipseque insuper Christianæ modestiæ studio, omni quoad possem, sui me commemoratione prohibuit; quamuis inuitus filui. Nunc posteaquam ille æternitatis inuēctus portum, neq; sibi quod timeat habet, & in nobis pietatem, virtutumque paternarum meditationem, qua facilis ad imitationem transitus est, amat: scelus facerem nisi pauca pro loco memorarem, quibus iusto; quod de rebus eius gestis meditor, volumini proludam. Hic clarissimæ olim insulæ saluti destinatus à Deo, omnibus ad tantum opus instructus est seu diuinis, seu humanis ornamentis. Amor in Deum, & proximum illi flagrans, & actuosus.

*sus.* Animi excelsitas incredibilis, quæ nihil de Christiana humilitate decerperet. Prudentia non animorum modo tractandorum, sed flectendarum etiã voluntatum admiranda. Quam tamen simplicitas in domestica consuetudine prorsus amabilis condiebat. Ingenio ad imperandum facto; neque quisquam tamen libentius, alacriusque paruit. Bonis in litteris strenue versatus, eam tamen earum partem apprime coluit, quæ controuersos cum hæreticis locos ad normam diuini verbi, Patrumque regulam exigit. Hæresis osoracerrimus, quam consistere nullo loco passus, tam acute, eloquenter, festiue multis exagitauit libris, vt doctrinæ gratia, & elegantia ab ipsis etiam hostibus lectitatus, salutarem plerisque aculeum exuendæ impietatis infixerrit. Aderat etiam digna tanto animo corporis species, quæ ad fallendum sæpe in Angliâ satellitem; ad terrendum nonnunquam valuit. Accedebat propria quædam orationis ad quidlibet persuadendum efficacia; vt Suadæ medullam populares eum sui olim dixerint. Denique vir fuit, quo si fingi ad huiusmodi sacra bella melior animo & cogitatione facile queat; fieri re ipsa, & existere difficulter queat. Hic ergo tantus vir datus Campiano dux, posteaquam singulari animi præsentia, feliciq; dexteritate aditum illi, immo Societati I E S V vniuersæ in Angliæ regnum princeps aperuit: posteaquam millia



aliquot aberrantium popularium, & in ijs è prima nobilitate complures, ad salutis iter per labores assiduos, pericula etiam inaudita reuocauit: post elusas non semel admirabiliter regionum cruentas manus: denique post inirum constantissime, quod ad martyrij decus ducere consuevit, iter: longe alio auersus diuinitus est ea gratia, si diuina consilia scrutari fas homini mortali fuerit, vt esset, qui tam sanctum, internecini aduersus hæreses Anglicas belli, opus, contra omnia Satanæ machinamenta promoueret. Quare post Edmundi necem nominatim à regio Senatu proscriptus, ingentiq̃ue sicarijs mercede propo- sita ad cædem quæsitus, tandem ex Anglia per legitima suorum imperia reuocatus, non totus abiit. Animum certe ita in eius salute defixit, vt eum abesse, non nisi ex frequentibus, quæ subinde submittebat cuiusuis generis subsidijs, Angli intelligerent. Incredibile dictu est, quam multa, quam feliciter pro patriæ salute peregerit. Exules pro religione, profugosq̃ue, apud Philippum Hispaniarum Regem, cui virtutum merito carissimus fuit, enixe iuuit. Collegia ingenuorum ex Anglia adolescentium duo in Hispania condidit, tertium in Belgio, amplisque redditibus stabiliuit. Sacram hanc, aduersus impietatem patriæ, ac peccata expeditionem, quam primus è Societate susceperat coram, absens consilijs, autoritate, imperijs ( nam Præfectus  
cuius



eius operis à Generali Præposito Societatis Claudio Aquauia summa cū potestate dictus est) pecunijs etiam, & gratia Christianorum Regum, & Principum annis plus triginta sustentauit. Nihil interim ad se priuatim ex tanta Regum beneuolentia deriuabat, aut affines. Fratrem germanum ne epistola quidem Philippo Regi, cui ille militare constituerat, commendare sustinuit. Sacram Romani Senatus purpuram, ad quam se ab eodem Rege vocari compererat, antequam Pontifici Regis postulatum innotesceret, grauissima oratione, verissimisque lacrymis deprecatus à Clemente VIII est; multum mirante Pontifice, qui se ea de re necogitasse quidem diceret. Quod Personij factum humanitus prudentes exagitent licet: quippe qui tempestiuitatem expectandam fuisse dicant, ne se vel obrulisse ipse Pontifici specie recusantis, vel Regis de se iudiciū præcoci ambitione iactare voluisse videretur: certa tamen cœlestis prudentiæ ratione nixum satis constat. Prouidebat enim vir sagax, & similibus experimentis doctus, nisi præpropere hac diligentia gratiæ aditum præclusisset; frustra maturis iam, confectisque rebus, occupatas regijs postulatis Pontificis aures, serum deprecatorum pulsaturum. Huic veræ Christiani animi magnitudini reliqua ad extremum omnia respondere. Caritas in vniuersos ad vltimum spiritum indefessa. Intenta in omnes partes

vigilantia . Muta rebus in aduersis , sed hilaris patientia . Pietatis studium , & religionis vsu ipso pie , religioſeque viuendi in dies ardentius . Quibus vitæ , & præſentis ſolatijs , & futura pignoribus , cariffimus noſtris , hæreticis inuiſus , maior ſexagenario Romæ feliciter finiuit . Exemplum omnibus , qui in hæreſim Anglicam vel coram , vel per ſcripta bellum cient . Hæc comitum Campiani non vna ſors , & conditio fuit . Nos interim ad inſtitutum eorum in Angliam iter , vnde aberrauimus , reuertamur .

## CAPVT XVI.

*Itineris in Angliam ratio .*

**I**Ter inde Campiano totum pedibus emenſum , nec niſi dyſenteria , febrique tentatus , die vnico vectari ſe permifit . Itineris ratio hæc fuit . ſummo mane ſacris , vbi facultas ſuppeteret , operatus , dabat ſe in viam pedes tanta celeritate , vt breui viſum etiam ſequentium effugeret . id eo conſilio faciebat , vt à comitum conſuetudine , omni que ſtrepitu ac turba ſemotus , mentem rerum diuinarum contemplatione liberius ſuſpenderet . Hanc preces aliæ conceptis ex oratio verbis concludabant , ſiue quas ſacerdotij neceſſitas , ſiue quas voluntas liberæ precationis indixerat .

cele-

celebriorum etiam venerationem Sāctorum, quam Litánias græco vocabulo dicimus, nūquam prætermisit. Plures horas ea commentatio, & precatio tenebant. lis exactis, ita de itineris contentione remittebat, vt superuenientibus comitibus, in iucūdiſſimam se ſocietatem daret. Idem inclinato in vesp̄erum die, rursus concitato gradu comites præcurrens, par matutino tempore diuinis rebus tempus impendebat. Neque nisi rerum cælestium contemplatione plenus, comitibus iterum reddebatur. neque ceterorum fermè religio multum aberat. quæ ne curis alijs differretur, Personius prouiderat. Vni enim ex omnibus, rerum victui necessariarum; alteri precum, atque eorum quæ ad animorū cultum attinent, curam in orbem, statas per vices iniunxerat. fuitque celebre per Italiam, pios inter viros, eorum iter. Bononiæ maxime, & Mediolani. quibus vrbibus sanctimonia inclyti Antistites duo præerant. huic Carolus Borromæus Cardinalis, illi Gabriel Paleottus. ab vtroque humanissime excepti, mensæque adhibiti, tum mensis sublati, pijs colloquijs exerciti. eiusmodi enim acroamate sanctissimi illi Præsules epulas condire consueuerant. Verba vtroque habuere Campianus, & Sheruinus. Auditus cum approbatione auditorum vterque, cum admiratione etiam Campianus. Borromæus certe, non modo inolito pietatis,

tatis, sed nouo etiam audiendi Campiani studio, ipsum octiduum hospitibus religionis lautias domi suæ præbuit, ac perorantem Campianum quotidie à prandio audiuit. Postremo familiari ipse conciuncula, diuino ardore succensus, ad religionis propagandæ studium, & martyrij decus omnes accendit: prouolutisque in genua solemni more, ac ritu bene precatus; etiam vniuersam aduersus hæreses sacram expeditionem, exquisitis Deo precibus, palam Antistes optimus commendauit.

## CAPVT XVII.

*Geneua cum Beza, eiusque discipulis  
velitatur Campianus.*

**H**Isce itineribus cum ad fines Allobrogum Campianus, socijque peruenissent; ne per eos iter, vti constituerant, facerent; rumor prohibuit, quo eum tractum omnem militibus teneri ferebatur, qui paulo ante è Belgio, ita prouincia postulante, Ioannis Austriaci iussu exceſſerant. Flexum ergo ad Geneuam iter est. Est Geneua opidum in Allobrogibus peruetus, & adiacentis lacus oportunitate, siue ad munimentum, siue ad rerum copiam insigne. Huc superiore seculo hæreticorum fraus irrepens primo, deinde  
irruens

irruens, paulatim ita adoleuit & confirmata est; vt vrbs tota ciecto legitimo magistratu, hæreticorum nidulus in Italia, & receptaculum facta sit, nequicquam frementibus accolis, Italiaque vniuersa: quibus etiam graue videbatur ad periculum, & inhonestum ad dignitatem, Calvinianam pestem in Italiæ aditu ad patriæ contagionem confedissee. Etenim illi per fraudes omnes Germaniæ, Galliæ, Angliæ dynastas Caluini labe pollutos, ita arcto sibi fœdere iunxere, vt supra naturæ, manusque munimenta, fœderatorum armis aduersus belli vim omnem, sint plane inexpugnabiles. Suis viuit ea ciuitas legibus, posteaquam legitima imperia Ducis Allobrogum excussit. Senatum per quasdam vices legit, quo ad Reipublicæ speciem regitur. Catholicam religionem quamquam penitus explosit; Catholicis tamen liberum tædulo hospitium, iterque præbet: magno siue lucro suo, siue peregrinantium commodo. Ita enim Galliæ, Italiæque obiacet, vt vltro citroque commeantibus ægre præteriri possit. Huc vbi diuertere nostri; extemplo de more ad senatum perducuntur. De patria primum, mox religione interrogantur. vbi redditum responsum est & Anglos esse, & Catholicos. admiratio Senatum incessit, tantum Catholicorum hominum ex Anglia confluxisse. Dimissi inde ad hospitia, prius ad Theodorum Bezam; Calvinianæ factionis antesignanum, dedu-

deducuntur . Id ipsi expetiere . Corrupti Euangelij vires in duce tanti nominis , vel aliqua velitatione , vel iusta , si fieri posset , pugna explorandi ingens eos cupiditas incesferat . Iam ad vesperam vergebat dies , cum Beza domum peruenere . Domus erat facie vulgari ; altitudine nec modica ; nulla contignatione : itaque plano solo habitabatur : fores in vulgi morem occlusæ . Eas pulsantibus hospitibus Candida aperuit , amatorijs Candida tanti Euangelici carminibus famosa : quamquam domi tunc ab illo recepta iustæ locum vxoris impleuerat . Domum introgressi cultum vident ab exteriori specie haud sane abhorrentem . supellex exigua ; prorsus sordes . Nam quæ solet in Christianorum hominum voluntaria paupertate cælestis nescio quæ maiestas eminere , longe ab eo toto aberat . Excipiuntur à Beza non inhumaniter . post mutuas salutationes , ex templo captatur à nostris pugnae aditus : Ea prima interrogatio prælium commisit , Ecquid tandem inter Lutheri , Caluiniue discipulos in Euangelica doctrina esset discriminis ? Negat vllum esse Beza . illos vnus alumnos Euangelij nulla fecisse doctrinarum diuortia . Quid ergo , addit ex nostris quidam , tantopere vestri inter se Angli digladiantur , Lutheranis Puritanisque , infestis , inter se non modo animis ac linguis , sed etiam ferro & armis concurrentibus ? Tum Beza ; Est is ,  
inquit,

inquit, nimius quorundam plus æquo Christiana charitate feruentium zelus; vti ne vmbra quidem dissensionum inter nos ferre possint. Imprudenter. Nihil enim tam vnum est, quin aliquod dissidium admittat. Ceteroqui animaduertere illos debuisse, adeo paucis, adeo leuibus vtrumque populum de rebus dissentire, vti ne dissentire quidem videatur. Continuerat hætenus sese Campianus, & seruili habitu latuerat in postremis. Tum vero impudentia Bezæ victus, vocem non habuit in potestate. Gradu modeste facto, Ain' tu vero, inquit? paucis leuibusque de rebus Lutheri, Caluiniq; scholæ dimicant? Affirmante Beza: Ego vero, adijcit, de plurimis esse arbitror, ijsque grauissimis. Quid enim? An tu Christiana Sacramenta inter leuia numerabis? nō puto. ijs enim, te auctore, nostræ vis fidei, vel concipitur, vel nutritur. At de ijs identidem Lutheri, Caluiniq; asseclæ contenditis. Neque numerus illorum inter vos, neque vires eadem. non origo, nō accipiendi, tradendive disciplina constat. Apparebat hominem facundum in vbere argumento non ineloquentem futurum. Igitur eius orationem Bezæ calliditas præcidit. Homo veritate perturbatus, non occulto admodum hospitibus nutu, Candidam monet. Hæc non ignaua doli artifex fasciculum litterarum viro, quasi recentem è Gallia, statim affert. Inciso lino resignatas dum Beza tacitus legit  
episto-



epistolas, ceteris scilicet tacendum fuit. Inter legendū indignationis plenus Beza, quasi casu acerbissimo nunciato, fremere in Henricum Guisianum Ducem: eius vitio regnum Galliarum ruere: turbari otium publicum: nihil sancti, nihil tuti esse. Sub ea, quia ne sic quidem à proposita quæstione discessuros hospites sentiebat, negotijs recentibus excusatis, humaniter appellatos dimittit. Pars humanitatis fuit quod eos Anglo cuidam homini hæretico, hæreticæ superstitionis Ministro coram commendauit. Degebat Geneuæ ea tempestate Georgij Hastingsi, Huntingtonij Comitis Angli, maximus natu filius. Eum pater, obstinatissimæ impietatis vir, corruptam religionem haurire ex ipso fœcis fonte iusserat. Beza traditus in disciplinam, honesto comitatu, Geneuæ magnus habebatur. Huic is de quo dicimus hæreticæ Minister prauitatis, morū præfectus à patre datus, ad hospites, Beza accersitu, venit. comitem illi se Anglus item nobilis adiunxerat, cui Polæo nomen fuit. Hic artium, vt vocant, magister Oxonij creatus, Campianum de facie notū magno in pretio habuerat. Ab his duobus nostri ad hospitium deducuntur. Neque ibi diu quies. Cum his ipsis, alijsque impatiens nostrorum calor, certamen de religionis controuersijs commisit. Liberior ut foret disputatio, iubente Personio, in publicas exitum vias specie inambulantium. Iam nox dispu-

disputantes oppresserat, astiua tamen, quam vernæ (adulto scilicet Maio) similior. Luna pernox, calens cælum, ardens animus, liber excursus, nocturnum silentium, integrare pugnam. Obeunt disputabundi urbem, tanta incallescens animi alacritate, ut vicinias strepitu, vias clamoribus complerent. Obstinatos utrinque animos Personius diremit. Hunc Polæus monuit, ne nimium suorum ardori indultum vellet. Catholicorum hospitum libertati posse tantam certantium licentiam officere. Magistratibus multa ex ijs quæ dicebantur, ipsam dicendi rationem suspectam, inuisamque: proinde receptui canat, sequæ, ac suos discrimini eximat. Hæreticos pupugerat supra cetera Campiani, Rodulphi quæ Sheruini, itineris tum comitis, deinde collegæ martyrij, constans in religione tuenda libertas. Hostem uterque tanta argumentorum vi, tanto numero, ac mole testium in arctum compulerant, ut omni præcluso effugio, ad vnius se auctoritatem Beæ reciperent; rati Pythagorico illo, Ipse dixit, omnem se telorum vim propulsaturos. Sed neque hic virgæ Campiani, Sheruini quæ vim tulere. adeo contemptim Beæ nomen uterque excipiebat, adeo auctoritatem eleuabat; ut nihil in illo plus ponderis esse, quàm in ipsis, qui eius se nomine tuerentur, palam affirmaret. Progressus quæ longius Sheruinus, Ut quanti, inquit, vestrum isthuc per-

F      fugium

fugium apud me sit, intelligatis; vbi illuxerit, medio Geneuæ foro cum ipso Beza publicum de religione certamen mihi deponco; hac lege, vti igne ante nos flagrante, victum poena protinus incendij sequatur. Arbitrum causæ Deum, cælum, mortales omnes admitto. Neminem, qui sensum hominis habeat, defugio. Denique si pugna non detrectatur, pugnae condiciones & dare paratus sum, & accipere. Tantos spiritus inter iniquissimos etiam iudices, causæ æquitas futuro Martyri dabat. Hæc, horumque similia vehementius iactata receptum Personio persuasere. Digressi ab aduersarijs nostri magnam noctis partem alienatis cupidine victoriæ animis abiisse animaduertunt; quieti quod supererat dedere.

## CAPVT XVIII.

*Geneuensem Ministrum vexat, veterem amicum ad spem salutis vocat.*

**A**Ntequam illucesceret, Campianū Personius præire strenue iubet: propterea quod nocturnis tenebris, ac tumultu, ne à Polæo agnosceretur defensum, prodi luce noluerat. Quamuis enim ingenij minime mali

mali Polæus, fideique in amicos integræ haberetur: plus tamen in corrupta eius religione suspicionum, quam in integra fide specesse, gnarus hæreticæ perfidiæ Personius rebatur. Iam passus admodum mille proferat Edmundus, cum feueri vultus, habitus grauioris hominem libero spatiantem campo conspicatur. Et facies vultuosa, & argutæ digitorum, & manuum complosio, incessusque citato modo, modo suspenso gradu restitans, & inæquabilis, iudicium fecit hominis concionem meditantis. Ratus id quod erat, hominem esse ex hæreticis non indoctum (Minister verbi fuit non postremus inter suos) committendi pro religione certaminis studio exarsit. Præter propensum ad eius generis prælia ingenium, etiam nocturnæ ardor pugnæ nondum plane consopitus extimulabat. Post breuem salutationem, ut aditum pugnæ inueniat; de forma regendæ Geneuensis Ecclesiæ quærere curiosius institit. Illud præcipue: cuinam conuentus moderandi supremum ius esset? Cum à nouem Ministris publico ciuium suffragio delectis rei summam administrari ille respondisset: rursus quærit, his ipsis nouem quisnam summa cum potestate præsit? Vbi neminem vnū respondit hæreticus: neque enim fas esse vnū aliquem Ecclesiæ dominari, quam Christus Dominus liberam esse voluisset; insignem hominis inscitiam non alio prius, quam hæ-

reticorum exemplo refutare statuit. Vestra ergo disciplinæ fœmina, Angliæ Regina, hæreditariam Anglicæ Ecclesiæ libertatem per scelus oppressit: quandoquidē eius sibi principatum arrogauit. Percussus adeo improuiso ictu hæreticus negare primo tantum facinus Serenissimam Reginam audere potuisset. mox ubi difficilem hinc exitum animaduertit: iure factum ab Elisabetha affirmare, quod Regina Christiana esset. Enimvero tam acuta defensio risum Campiano mouit. Ergo ad iocos, vt erat amœni ingenij, exemplo deflectens. Potius igitur Galliarum Regem inquit, Ecclesiæ caput dixero, quia non modo Christianus, verum & Christianissimus Rex est. At Angla & Christiana est, & Catholica, subiicit hæreticus; eo caput Ecclesiæ iure dici potest. Tum Edmundus continuo: iustius ergo Hispaniarū Rex; quem Catholicum Regem orbis vniuersus appellat. Exarsit tam ioculariter vexatus iræ impotens Minister, fœdoque conuicio Edmundum aggreffus, negat iterum Ecclesiæ principatum à Regina vsurpari. Tum enimvero vtrum meridie luceret controuerti cœptum, hoc est, An Elisabetha se Anglicæ principem Ecclesiæ faceret. rem compertam, legeque comitali testatam, affirmante nostro: pernegante summis clamoribus hæretico; res nullo arbitro agebatur, nullo moderatore. Itaque tanta iracundia aduersus pertinacem è plebe,

ut rebatur, hominem elatus Minister est, vix manibus temperaret, qui finis omnium ferme cum sectarijs disceptationum esse solet. Interim qui magno interuallo præmissum Campianum sequebantur comites, deducen-  
tibus etiam nocturnis disputatoribus, propius aberant. Iis conspectis, quod sibi accessuras fortasse copias credidit Minister, tanta cōuiciorum, clamorumque vi instaurare pugnam cœpit; ut facile aduerteret Campianus animos è proximo subsidio in desperata iam causa creuisse hosti. Cum ergo respexisset, suos agnoscens, obedientiæ, quæ præire iusserat, memor; ab insultato, ac vociferante tum maxime Ministro cursu abripit se. Notauit factum Personius. vbi ad Ministrum cum reliquis accessit, hominem adhuc ex recenti rixa offendit inflammatis oculis, vultu minaci, barbarum nescio quid frendentem potius, quam explicantem. Comiter appellatum interrogat de tanti motus causa. Ille in conuicia confestim effusus, Eum ego hominem, inquit, qui vos antegreditur, furij agitari reor. Neque satis explico, homine sit, an diabolus. Aiebat, & quouis sacramento contendebat Angliæ Reginam Anglicæ Ecclesiæ sibi imperium arrogare. Com-  
mentum hominis importuni, Christianorum Regum pietati petulanter illudentis. Inopinata querela varie audientes affecit. Nostri furtim sese respectare, hæreticam causam ho-



minis hæretici iudicio profligatam subtride-  
re. At è diuerso Polæus, quique præterea  
cum eo Huntingtonium, vt ante diximus,  
regebat, rubore suffusi primo, ac mussitan-  
tes, mox quanta maxima poterant lenitate  
hæreticum arguere, Ecclesiæ principatû Re-  
ginæ ab Anglis attributum demonstrare: id-  
que iure factum tueri. Hæc agentibus com-  
mitibus, qui identidem respectabat Campia-  
nus calumniam, ac mendacium à Ministro  
veritus, citatiore quam abierat, gradu, re-  
uertitur: præsens causam, vt arbitrabatur,  
dicturus suam. Vbi aduenit; & pro se pro-  
nunciatum, & modestiorem reperit aduersa-  
rium. Dum hæc aguntur; Campianum re-  
pente Polæus agnoscit, inque eius amplexus  
auide, amanterque ruit. Adiungit illius inde  
se lateri, magnoque siue amicitia veteris fru-  
ctu, siue futuræ vsu vitæ, longam cum suo  
Campiano viam processit. Eum amantissi-  
me de summa rerum, hoc est animi salute,  
verba facientem attente audiuit: sancteque  
confirmavit in digressu, se Romam primo  
quoque tempore profecturum, vbi veræ reli-  
gioni ex Campiani sententia diligenter addi-  
scendæ operam constanter poneret. ita piæ  
Campiani menti ne error quidem sine aliqua  
fruge animorum fuit.

## CAPVT XIX.

*Rhemis à comitibus Campianus, &  
Personius diuelluntur.*

**E**Xin Alpibus superatis, magnoque Gallia tractu crenso, Rhemos, Gallia urbem nobilem, peruenere. Eam, quod antea diximus, in urbem, ob Belgicos tumultus, Duaco translatum erat Anglicum seminarium. Factum id suadente Alano, Pontifice probante, Galliarumque Rege, in cuius ditione ea urbs est, non inuito. Præcipuum fuit in Cardinale Guisio Rhemenfi Archiepiscopo, Guisij Ducis germano fratre, præsidium. Hic & Alanum Collegij moderatorem, & alumnos, remque Collegij vniuersam omni ope iuuare institit: breuique res creuit magno validi Principis annisu. Rhemis nostri ab Alano, totoque Collegio obuiam effuso, excepti gratulatione ingenti, non minorem attulere, quam cepere voluptatem. Iucundissimum vtrinque spectaculum præcepta iam animis patriæ salus faciebat. Hinc paratæ iam bonis auspicijs tot virorum, expeditæque ad eiusmodi bellum manus: in quo nescias incolumitasne magis, an exitium pugnanti in voto sit, adeo vtrinque victoria constat: inde adeo numerosa, bono patriæ, pubes egregijs optimi præceptoris institutis adolescens, manantes

gaudio lacrymas ciebat. Vbi mutuis ample-  
xibus expletis prima gaudia remisere; roga-  
tu Alani Campianus concionem ad alum-  
nos habuit de Martyrij gloria, deque labori-  
bus Christi causa suscipiendis, in illa verba:  
*Ignem veni mittere in terram*. Ea in con-  
cione animi ardore vsuse est, si vnquam alias  
flagrantissimo, euenitque vt cum caelestibus  
ipse flammis inter dicendum haustis summa  
vocis contentione identidem *ignem, ignem*  
inclamaret; pretereuntes non pauci vocis, cla-  
morisque indicio ducti, de aquis ad incen-  
dium, quo conflagrare Collegium existima-  
bant, inferendis serio deliberarent. . Pauci  
post hæc dies, quos reficiendis corporibus  
destinarant, pijs colloquijs transacti. No-  
bile fuit illud, quod Alanus cum Campiano  
de spe Anglicæ huius expeditionis habuit,  
quasi iam animo ingentem parvæ sementis  
messem, martyrijque purpuram Campiano  
præfagiret. Hec ego colloquium, quia à  
multis memoriæ proditum est, neque quic-  
quam egregium continet, præteribo. illud  
vnum, quia quam utiles à sapientibus viris  
Edmundi labores in Christi fundo excoten-  
do censerentur, declarat, non omitтам. Cū  
inter cetera Bohemicorum Campiano me-  
moriam laborum forte illata esset, gaudere se  
vehementer aiebat Alanus, aduenisse ali-  
quando tempus, quo vetera Bohemiæ vul-  
nera eadem, quæ intulerat Anglia, sanaret:

VViclephum scilicet hominem Anglum Bohemiam lacerasse significabat ; cui curandæ Campianus operam non inutiliter posuisset. Subinde piæ copiolæ pene militariter lustratæ . Inuenta hominum capita apta expeditioni omnino duodecim . Nam Episcopum Asaphensem, & Nicolaû Mortonum, vtrumque ætate, illum etiam dignitate grauissimos, quos equo vectos, prægressosque iam, Rhemis offenderant ; Romam redire placuit. Non animorum, non virium validæ pijs bellis senectæ pœnitebat : sed quia vigilias intentissime, ne noua hæc manus falleret, omnibus Angliæ littoribus dispositas esse, rem in maius etiam, vt fit, fama vulgante, ferebatur ; ne nota iam diu vtriusque dignitas & ipsos, & socios hostibus proderet, vehementer metuebant. Post hæc suspicioni longius auertendæ, simul ne sub vnum quasi ictum omnes subijcerentur, diuersa itinera, diuersique in insulam aditus tentandi, alijs alij, sunt attributi. Sheruino duce tres Rhotomagum abire iussi, inde per Neustrios Dieppam peterent, ex eo portu in Angliam soluturi. Ghiblettus, Cranus, Kempus recta Boloniam : alij alio ; Campianus, Personius, & Rodolphus Audomaropoli Belgarum opido Calerum : quibus Morinorum locis breuissimus est in Angliam traiectus, concederent.

## CAPVT XX.

*Audomaropoli ab Anglica expeditionis  
consilio frustra deterrentur.*

**H**Is ita constitutis, suum quisque iter diuersi post mutuos amplexus aggrediuntur. Cum Personio, ac Rodolpho Campianus Audomaropolim venit. Opidum hoc est in Belgarum finibus passuum non amplius sexdecim millibus Caletis distans. In eo Collegium nostræ Societatis modicum est. Simul eo peruenere; Collegij primarijs Patribus, nonnullisque externis amicis de eorum profectioe integram deliberationem visum est instituire. Venere in deliberationem Robertus, & Campianus, magis, ut amicorum studijs aliquid tribuerent, quam ut de vetere consilio Angliæ primo quoque tempore ad eundæ quicquam immutarent. Mouerant amicos, graues quæ nunciabantur in Catholicos sacerdotes Anglicarum legum minæ, truculentæ magistratuum voces, sæua edicta. Addebant, intentiore cura portus custodiri: oram ipsam maritimam vniuersam exploratoribus obsessam. Excuti, qui eo appellant nautas, ac vectores ad vnum omnes: apertis, editisque portarum locis Campiani, & Personij transmissas Roma imagines, magistratum iussu conspici: ne ignota venientium species

*species custodes falleret. In eos maxime regium senatum exarsisse. Vbi ad concilium ventum est, pro se quisque, collaudata prius Patrum fortitudine, differendam profectio- nem suadere; obsepta littora, infesos portus, dispositos vigiles, quæque alia deterrendis ab incepto etiam non timidissimis memorari poterant, afferre. Ne vulgatæ iam arti vestitus, habitusque mutandi magnopere fiderent: utriusque ora popularis notitiæ facta publico imaginum spectaculo. Frenarent proinde præcipientes in certum sui exitium impetus: qui si eorum solum capita in discrimen adeo apertum vocarent, coercendi nihilo minus essent. Nunc cum tot simul civium bonum, qui ab ipsis animorum expectant vitam, in eundem casum trahant: esse omni ope succidendos. Caueren- t ne ipsam, quæ tantopere quæritur, nimia festinatione proderent patriæ salutem. Si paulum semet sustineant, maturari posse in tempore fessæ Angliæ auxilia, quæ nunc intempestiva festinatione præcipitentur. neque multum profecto temporis expectandum. Sinerent modo sui aduentus extingui famam. Iram regionum ea crebrescente, accensam; eadem concidente, subito collapsuram. Ipsam custodum diligentiam primis edictis vigilare; mora consopiri. Ea ubi remiserit, posse tutius, maioreque spe successus nauigare. Hæc non perinde dicta, atque ab ijs, pro quorum incolumitate dicebantur, ac-*



cepta sunt. Agunt eorum vterque amicis gratias, sed vt appareret, ad sequendum altiter diuinæ gloriæ vexillum, paratiseos animis ab colloquio discedere. Exinde, remotis arbitris, duo ipsi inter se Personius, & Campanus consilia conferunt. Multis vltro citroque summa cum animi æquitate perpensis, vtrinque diuinam periclitari gloriam intelligebant. Nam & Angliæ adeundæ mora, erectis iam expectatione omnium animis, languorem Catholicis, nimios hostibus spiritus allatura videbatur. Et rursus vtriusque exitium, vel æterna, quæ instabant, antequam operi manum admouerent, vincula, si traicere festinarent, graue multorum damnum trahere, quibus auxilium fortasse incolumes, liberique fuissent allaturi. Ergo vt his vtrinque incommodis obuiam iretur; inita hæc ratio est. Ex suo numero alter in Angliam, primo quoque tempore, transmitteret. sic, & moras præcidi, & aleam, vnus tantum periculo, subiri. Is si custodias, Deo iuuante, falleret, de tota re alterum, Audomaropoli præstolantem, certiolem per litteras confestim faceret: si vero insidias non effugeret, alteri quid sibi cauendum, sequendumue esset, exemplo foret. Hoc consilium coniunctis animis probatum. Nonnihil certaminis in periculi tentatore designando fuit, vtroque sibi discrimen deponente. Sed Personius (quippe cui impe-

rium

rium à Generali Præposito in totâ expeditione erat ) non pro potestate magis quam æquitate sibi id, quasi duci depoposcit, Campiano neque auctoritati hominis, neque voluntati obistere auso.

## CAPVT XXI.

*In Angliam uterque traicit; Campianus graue periculum im-  
prouiso fugit.*

**Q**Uod bene ergo vertat, Campianum Rodulpho comite Audomaropoli expectare Personius iubet. Ipse habitu militari, vultuque ea qua potuit ope in alienam pene faciem efformato, Audomaropoli Caleto venit. Caleto simulatus miles traicit in Angliam; ibi Dorobernij portum breui tenuit. Nusquam magis diuinam agnouisse se manum testatus sæpe est. Tantam, vbi littus tetigit patriæ, apud ipsos portus custodes iniit gratiâ, vt ausus sit amicum, locumque, simulato quidem nomine Patritium, & vitæ instituto mercatorem, re vera Campianum, suspectum illum, inuisumque Iesuitam, ijs impense commendare. sperare dicebat se, homini illi amicissimo, breui futurum in insulam reditum. Siquid sibi bene vellent, illi  
beni.

benigne, amanterque facerent. Litteras insuper iisdem ad Patrimum mercatorem dat. Quibus cum aperte rem totam, casusque suos Campiano nunciaret: vtriusque salutem sola hominis confidentia, & vero Dei egregie suos tuentis patrociniū texit. Litteræ cum fide ad Campianum per ipsos hostes Audomaropolim allatæ, alas festinanti adiecere. Aduolat repente Caletum, & numine inuocato, nauim continuo cum Rodolpho suo, quem specie famuli secum trahebat, conscendit. Hic magno cum animi dolore quatri-duum commodam nauigandi tempestatem expectauit, non sine Dei nutu, qui Campiani cursum B. Ioanni Baptistæ, veteri eius tutelari, tuendum, ac regendum, vt ego arbitrator, tradiderat. Ita enim forte accidit, vt cum primum aptum nauigationi tempus inuenerent nautæ, eius Beati viri natalis ageretur dies. Nouus suo cum homulo mercator (ita enim Rodolphum à staturæ modo per iocum appellauit olim Campianus) sacro nascentis Baptistæ die, ad vesperam, conscensa nauis, postridie summo mane Dorobernium tenuit. Opidum Angliæ modicum hoc est. Ad fretum quod Galliam, Angliamque intercurrit, recta fronte Caletio obiacet. Portum habet recipiendis nauibus non incommodum, eiusque tutelæ arcem ex impendente saxo, & natura, & manu instructam. Et quia non amplius quadraginta passuum millia à Caletoc  
est,

est, frequentissimum habet nauium transmis-  
sum. Incerta adhuc lux erat, cum primum  
exscensionem vectores fecere. Ingens iace-  
bat saxum in littore. post illud humi stratus  
exquisitis precibus suam illam pro religione  
expeditionem Deo Campianus offert. Illud  
in primis orasse fertur, vt cuius soli calcandi  
facultatem dederat, eius diuino imperio adij-  
ciendi vires suppeditaret. Pro patriæ salute  
interim, ac diuina gloria caput se suum, vi-  
tamque, vitæ, mortisque domino deuoue-  
re. Ab his votis comitibus redditus, à por-  
tus custodibus de more sistitur opidi præfe-  
cto. Et quamquam commendatitiæ Personij  
litteræ aliquid gratiæ attulerant nouo merca-  
tori; tamen quia post Personij discessum alia  
super alia à Senatu regio de hospitibus explo-  
randis mandata allata erant: propterea quod  
furtiuus eius viri in Angliam reditus regijs  
suboluerat: tam multa in nouo mercatore  
notari cœpta; ac proinde tam multa ex illo  
quæri: vt quamuis prudentibus respõsis om-  
nem percontantis astum Campianus elude-  
ret; minacibus tamen coniecturis Prætor pa-  
lam affirmaret, Catholicum eum esse: domo  
religionis causa abfuisse: eius propagandæ  
studio rediisse: nomen, ad fallendum, diffi-  
mulasse. Et hætenus quidem magnum in-  
cusserat, tam ad veritatem facta coniectatio;  
metum Edmundo. Verum vbi longius pro-  
gressus Prætor, ex nostris alterum ( Campia-  
num

num designabat) Alanum esse deicere cœpit; perduellem scilicet illum, & patriæ iudicatum hostem: tum vero explicata fronte, animoque remissiore Campianus risum non tenere; adeoque constanter, ac pene confidenter, instante acrius Quæsitore, pernegare: vt iurisiurandi religionem interponi, ad fidem faciendam, postularet. Ea constantia prouum Prætoris in eas suspiciones assensum vehementer cohibuit; affirmâtis tamen, crebroque repetentis, vinctum eum ad Senatum transmitti oportere. Iam satellites deducturi conuenerant. instructi qui vinctum cum socio Campianum veherent, equi bini ad ianuam præfecti stabant. Id quod erat, ex signis cum suspicatus primo esset, deinde aperte ex ipsis præfecti ministris intellexisset Edmundus: confestim ad consueta sacræ precatationis arma conuertit se. Orat Deum vt ne se sine sudore, ac puluere è certaminis campo euocet. Iubeat vnum modò annum in acie pro Christo, ac ciuibus in patria dimicantem stare: exacto anno, neque vincula, neque cruces, aut laniatus quoscumque deprecari. Ceterum si ciuibus suis inertem operam positurus esset; nō recusare, quin etiam aditus in illum sibi campum præcludatur. Huiusmodi, magno cum animi ardore, fusæ preces, ac B. Ioanni Baptistæ veteri patrono, eiusque priuatim nauigationis auspici, & duci causa omnis commendata. Enimvero  
suauis

suavis in amicos Deus, nusquam certe Campiano indulgentior, *voluntate labiorum eius non fraudavit eum.* & presenti periculo mirandum in modum illico eripit, & operæ nauandæ annum ita plenum tribuit, ut non nisi tertio decimo vertente Anglici sui laboris mense, in hostium potestatem venire permiserit. Vix tacitas concluderat Edmundus preces, cum repente mutatus præfectus prodit: aduersus concilij sententiam bonum, nobilemque videri virum, neque temere vexandum Campianum pronunciat; proinde suæ potestatis hominem posse quò vellet, liberum abire. Attonitis rei miraculo ceteris, agit præfecto gratias Campianus, quæque parata vinctis auhendis adhuc pro foribus præfecti stabant iumenta, maturando itineri liber ipse conducit. Iis consensu, citatisque, Grauesendium paucis horis peruenit: (opidum id est ad Tamesis Anglicorum fluminum maximi ripam) inde aduerso flumine ignota vectorum immixtus turbæ, lentre subuectus, Londinum summo mane tenuit.



## CAPVT XXII.

*Londinum appellit, liberaliterque à  
Georgio Gilberto accipitur, ubi  
ex occasione Gilberti laus.*

**E**ST Londinum vrbs ingens, non te-  
ctis, quam incolis frequentior. Tecto-  
rum quippe ad millia quadraginta, inco-  
larum ad millia ducenta numerat. Longo  
tractu ad ripam Tamesis, & fluuij aquarum  
mole memorabilis, porrigitur, duplo in lon-  
gitudinem, quam in latitudinem explicatio.  
Hanc sedem Anglorum Reges habuere, hic  
senatus, de cuius consilio Principes insulam  
regunt. huc ex toto regno negotiorum gra-  
tia ciues confluunt, ac proinde nusquam in-  
certius ab externis Anglis habitatur. Ea om-  
nia infesta hospiti Campiano futura prospe-  
xerat, cum primum Londinum venit Perso-  
nius. nam quamquam inter illos conuene-  
rat, vt apud aliquem, qui in custodia haberetur  
Catholicum, loci quem habitando dele-  
gissent, indicium deponerent, vt inuicem  
oportuni forent: tamen & ad custodias ire  
periculosum, & urbem adeo frequentem  
incerto, vagoque ambitu circumcurrere, nec  
tutum, & laboriosum erat. Egit itaque cum  
amicis, quos confestim illi viri nomen, stu-  
dium pietatis, & ipsa in periculo audendi ali-  
quid

quid voluntas conciliarat: vt suo quisque die, præstolando Campiano, ad ripam Tamesiam obiret quasi stationem. Venientis faciem, habitum, nomen prodit: & nomen quidem ex condicito subinde mutatum; Edmundus erat tum cum Londinum adiit. Seruabant cum fide vices ij, quibus negotium datum erat, etiam absente Personio. ( Londino is paucis postquam eo venerat diebus excesserat, quo nobiles aliquot viros ab impietate reuertentes, Ecclesiæ restitueret ) Sed neque in hac tanta amicorum fide multum spei reponendum Personius putabat, satis gnarus diuinæ opus providentiæ futurum, si Campiani nauigium cum toto, quam late patet, ripæ tractu posset, illo appelleret tamen loco, cui ipse custodes affixisset, præterquam quod & Edmundi nomen, & notæ corporis reliquæ communes multis, solertem etiam, in re præsertim pauida, eludere inspectorem possent. Rem ergo diuinæ curæ potius, quam humanis artibus commissam, diuinus præcipue nutus rexit. Obeunti summo mane suas in eo munere vices nobili adolescenti Thomæ Giaimo cōspecta longè cymba, diuinitus, vt reor, venientis Campiani, nullo indicio, spem fecit. Subibat ille inter cōfertam nautarum, vectorumq; colluuiem, ea tum maxime cura turbidus, quam ratione hospes, insidijs omnium petitus, in vrbe vasta, ac plerumque hostili, aut Personium,

vestigaret, aut sibi per se omnium legibus  
 consulere. Interim aduentantem Giaimus  
 quamquam in turba, neque vnquam de facie  
 notum, siue acceptis signis, siue diuina vo-  
 luntate cognoscit, notatque. Mox ripæ pro-  
 piores, dum patatur exscensio, nominatim  
 compellans; Da mihi dexteram Edmunde,  
 inquit. Hæc Edmundo cælestis visa vox, &  
 amicam esse ex ipso apparebat sono: omnes  
 quidem agitatæ mentis, sedauit, fluctus; Deo-  
 que venerando, animum, sponte ad cælestia  
 incitatum, impulit. Egressum non minus  
 amice Giaimus excepit, quam antea saluta-  
 uerat. Eo duce in paratam sibi domum ve-  
 nit. Ibi post nobilium adolescentium, quos  
 aduentus sui præstolatio coniunxerat, salu-  
 tationes; vestes tum sibi, tum socio, equos,  
 familiam laute, ac liberaliter in speciem hone-  
 stæ nobilitatis à Georgio Gilberto nobilissimo  
 iuvene accipit. Non committam vt Georgij  
 Gilberti nomen, atque ingentia erga nostros  
 homines, totamque Dei causam merita si-  
 lentio transeam. Hic prauis ab ineunte æta-  
 te opinionibus imbutus Romam honestæ pe-  
 regrinationis causa venit. Ibi diuina volun-  
 tate arcta cum Personio familiaritate coniun-  
 ctus, hæresim exuit, ac leges recte, casteque  
 in patria viuendi ab eodem accepit. In An-  
 gliam reuersus, cum sancte lubricum adole-  
 scentia flexum decurrisset, ad nuptias ani-  
 mum suæ stirpis vnicus, patrimonij lautissi-  
 mi

mi haeres adiecerat. Forte quo die de aduentu Personij in insulā audiuit, conficiendæ erant de more nuptiarum tabulæ: nuptijs tamen posthabitis conuolat ad Personium, mutuisque colloquijs vehementer incensus, castimoniam suam Deo sancte, cōcepto voto, protinus obstringit. Inde rei Christianæ iuandæ studio incensus, rebus omnibus ornatum, instructumque Personium, ipse loco pene affeclæ honorarij ductabat. Cum vero de Campiani, ac Rodulphi imminente aduentu comperisset; Personium amantissimis precibus adegit, vti nihil ipsū a quoquam, nihil socios quocumque nomine accepturos polliceretur, sibi vni rerum omnium suppedandarum cura permissa. Liberalibus obligatam verbis fidem factis liberalioribus exsoluit. Duplicem initio familiam equis, armisque instructam, vtrique Patrum suo sumptu aluit; & quidem nobilium more virorum eodem cultu insignem. Deinde cum prima illa species ad aduersariorum oculos tutius fallendos deponenda fuit; reliquum omnem vestium, equorumque sumptum in se suscepit. interim à Personij ipse latere nunquam aberat, & præsidio ferme, & sæpe auxilio, voluptati semper, ac solatio futurus. Neque intra Societatis solum homines optimi iuuenis magnificentia stetit: consimili aduersus alios Catholicos liberalitate usus, rem familiarem præclara cælestis fœnoris spe si non infregit,

certe imminuit. Ergo tanta eius in religionem voluntas fallere hostes religionis nequam potuit. in Gilbertum acrius pene quam in Iesuitas exarsere. Certe qui à senatu erant regio, non solertius Personium & Campianum, quam Gilbertum toto regno ad vincula, necemque quæritarunt. Quibus factum est rebus, ut quia inter tot coniuratos diu latere non posse videbatur, in Galliam primo, inde Romam, diuinitus elusis hostium insidijs, amicorū potius monitu iussisque, quam sua voluntate concefferit. Iam enim ipse vitæ etiam pro Deo prodigus nihil optabat magis, quam dare sanguinem illi, pro quo bonam, fortunasque profuderat. Romam ergo quas potuit ex ingentis patrimonij naufragio reliquias contulit. distractis enim prædijs quæque reliqua siue eius pietas, siue furor alienus fecerat; collectam pecuniam in pios vsus partim viuens, partim moriens distribuit. Eius inter cetera benignitate, Anglici Collegij templum illustribus Martyrum Angelorum tabulis, vnde quaque vestitum hodieque visitur. Romæ tandem cum sancte, integreque paucos vixisset annos, ad caelestem patriam ab exilio euocatus est. Vir plane memorandus; cui non modo liberalitas, sed virtutes etiam pleræque omnes superfuerunt. Precandi studium noctes etiam intercipiebat, excitatore horologio ad lectulum collocato: quo de media nocte admonitus, duas  
ipfas

ipsas in diuinarum rerum contemplatione  
 horas absumeret. Afflictandi corporis cupi-  
 ditate, perpetuum nudo corpusculo cilicium  
 adpressit, ieiuniorum appetentissimus, pau-  
 perum pater, obedientiæ in spirituales patres  
 cultor, eximius. Demum virtutum gloria  
 etiam magistros anteuuit.

## CAPVT XXIII.

*Campianum Londini nimia Catholico-  
 rum studia diu subsistere non per-  
 mittunt; quæque ibi gesta,  
 traduntur acervatim.*

**L**ondinum vix attigerat Campianus, cum  
 eum iuuenum insignis excipit globus.  
 Claritudini generis, ætatisque flori, ardens  
 religionis iuuandæ cupido adiuncta, manum  
 splendidam, eoque validiorem promouendis,  
 quam tegendis cœptis fecerat. Ceterum ini-  
 tia splendor ille iuuat, qui ne progressum  
 proderet non multo post à Personio sapien-  
 ter amputatus est, vt infra exponam. Ab-  
 sente Personio, & alia omnia cogitante, facta  
 inter claros adolescentes voluntaria excipien-  
 do, celebrandoque Campiano coitio. Et quia  
 de victu, cultuque hominis nullû relinquebat  
 deliberandi locum, prægressam Gilberti li-



beralitas, de sacrorum domicilio capta consilia. Statuta sacrificijs, sacris conuentibus, concionibus, amplissima Baronis Norel à Barone Pagetto conductæ ædes. Eæ ad campum fabrum (platea est Londini) prospectu magnifico visuntur. Hic aram, aræque cultum omnem, vel à nostris importatum, vel antea conquisitum parant: tributisque in orbem pro cuiusque studio, atque facultate muneribus, alij sacrorum custodes, alij ianitores, alij monitores, quibus ciendi reliquos ius esset, creati. In his erant, qui agmen ducebat, Gilbertus noster, Philippus & Carolus Bassetti, Gulielmus & Richardus Griffidi fratres, Henricus Vauxius Barone Vauxio natus, Gulielmus Tressamius, Arturus Cresuellius, Godofredus Fulgiamius, Carolus Tilneus, Geruasius Perpointus, Stephanus Brinckleus, Iacobus Hillus, Eduardi duo Fittonus & Abintonus, tres Thomæ Salisburii, Fitzerburtus, & Poundus, Hieronymus Bellomeus, Richardus Stanhurstius, Gulielmus Bruchesbeus: quibus, quod mirere, additus ex intima Reginae familia Carolus Arundelius. Ex ijs quippe erat, qui regij corporis obsequijs addicti è regio cubiculo more aulae Anglicæ appellantur. Iuuenes eo etiam memorandi, quod vel mortis, vel vitæ genere ad vnum omnes clari; alij in bonâ Reginae Scotorum causa dedere sanguinem, alij, laboribus, carceribus, exilijs attriti, vel clau-

fere sancte, vel retinent integre, casteque vitam, in exilio exteris, in patria ciuibus exemplo: nonnulli etiam in Societatem IESU adsciti spiritale, vt Bern. loquitur, martyrium ceteris vitæ meritis addidere; inter quos Cresuellius, Richardus Griffidus, Poundus, & Fitzerbertus. Hac fretus audentium manu, ardens ipse quoque in causam animo Campianus quarto post quam venerat, hoc est ipso Sanctis Petro & Paulo dicato die, in Pagetanis ædibus operatur, auditisq; pridie peccatorum confessionibus, complures sacro Christi corpore inter lacrymas suauissimæ voluptatis impertit. Ministrabant nobiles iuuenes, rerumque omnium momenta ita sedulo obseruabant, vt vixisse in sacrorum cura diceres. Sub sacrum habita prima concio de religionis Catholicæ firmitate in illa Christi verba: *Super hanc petram edificabo Ecclesiam meam.* Auditus est summa omnium attentione, lacrymis vero profusissimis eo loco, quo tempestates; quibus Ecclesiæ petra adeo frequenter verberata est; diuina eloquentia explicauit: tandem ad persuadendam fatendæ religionis, ac fidei constantem libertatem, totum sacre orationis pondus incubuit. Adeoque primo hoc eloquentiæ minime inertis, ac languidæ exemplo probatus est; vix iam concursus ad eum audiendum (& perorabat quotidie) pene publici fierent. Manauit ad senatores tanti conuentus rumor, immisitque

delatores, qui Catholicum nomen fraudi prætexentes, concioni piorum immixti, locum, oratorem, auditores notarent, proderentque; irrito conatu. Nam prouidi insidiarum nobiles adolescentes, queis admittendi in conuentum cura, non cuius temere aditum præbendo, dolos eludere: eo facilius, quo aduersus eorum nobilitatem, auctoritatemque timidior erat, ac cautior insidiantium versutia. Dum hæc aguntur, ingensque hominum numerus Deo, & Ecclesiæ conciliatur; dum peccata confluentium vsque ad audientis lassitudinem excipiuntur; regreditur Londinum, re pro religione bene gesta, Personius. Ægre quis credat, quãtam vterque mutuo aspectu, congressuque; rerum gestarum, ac periculorum narratione ceperit voluptatem. Ceterum eam amicorum diligentia perbreuem effecit. Hi Personio tantam rerum nostrarum celebritatem, quantã vnus Edmundi virtus fecerat, periculi plenam esse demonstrant. Commota ciuitate, iam aures senatorum in famam publicati pene conuentus incurrisse. Proinde tutius esse iuuenum ardorem comprimi, ne incendium confleret regij furoris. Diuturnitatem operi non nisi fallendis auribus, oculisque hostium conciliari. nam quæ impetuntur, exponere, perdere est. Egit amicis grates Personius; consiliumque vtilius, quam gloriosius sequendum ratus, indicit Campiano profectionem.

Dum

Dum enim ille Londini maneat, neque ipsius, neque ciuium vndique concurrentium ardori moderari se posse satis videbat, tanto vtrinque ad salutem promouendam studio ferebantur.

## CAPVT XXIV.

*Concilium Catholicorum sacerdotum Londini cogunt.*

**S**ed antequam Londino excederet, Campianus, cogi Catholicorum sacerdotum ad res non paucas componendas, conuentum placuit. Vetus erat in Anglia iam inde vsque à susceptis Christianis sacris consuetudo, vti vel ieiunio, vel concessis tantum ieiunio cibus dies non pauci, præter Romanæ vrbis, aliarumque Christianarum ciuitatum morem, transigerentur. In his erant beatæ Virginis peruigilia omnia, sexta quæque feria, sollemnium Rogationum triduum, neque deerant prouinciæ, quæ quartam etiam feriam liberis cibus ademptam ieiunio seponerent. Horum multa in Angliam ab ipso eius insulæ Apostolo, Augustino, Gregorij Magni auctoritate, inuecta: qui cum facile animo prospiceret, pronos fore ad omnem recentis religionis cultum animos tum primum religione tactos, consulenti de ieiuniorum

rum ritu, alijsque huiusmodi Augustino ita respondit, vt iuberet, quæcumque tanto terrarum tractu, quantus ab Vrbe in Angliam excurret, inuenisset apud Christianas quas-  
cumque gentes religionis siue argumenta, siue incitamenta, in nouum illum Christi populum induceret. Hæc verustate temporum moribus inolita, pijs etiam legibus regnante Maria, ex decreto Synodi stabilita erant. Iis legibus teneri omnes qui Angliam inco-  
lerent, Mariæ superstites ex vetere clero sacerdotes arbitrabantur, neque temere passuros apparebat, si quis cohuellere iam constituta vellet. At qui recentes Roma, alijsque locis in patriam, sacerdotio ipsi quoque iam initiati remigrant, haustis peregrinis institutis, quibus liberior est ciborum vsus, patrios ieiuniorum ritus aspernabantur. Hinc paruis initijs orta dissensio; disceptatione, mutuaque vrgentium, ac refellentium contentione, aucta paulatim, vti fit, eo creuerat; vt iam ingens aliquod dissidium parturiret. Hæc prima cogendi conuentus causa. Nec deerant aliæ. Destinanda in primis erant in suas quæque prouincias, quæ tanto iam numero venerant, subsidia sacerdotum. Erenim liberam permitti cuique, vagamque excursionem, inutile vnius vero alicuius voluntate fines præscribi, durius; propterea quod nulli tunc legitimum erat in sacerdotes toto regno imperium. Statuendum præterea

de hæreticorum conuentibus, templisque nõ  
adeundis. Quod tamen vñ receptum inter  
probe Catholicos seruebatur : quia tamen  
ambigui iuris non nemini visum erat, con-  
iunctis sacerdotum studiis placuit constitui.  
His publicis causis priuata quædam acces-  
erat non leuis. Thomas Cottamus domo An-  
glus, Societatem IESV Romæ secutus, anteq̃  
tirocinium expleret, in patriam valetudinis  
causa remissus est. Vix Dorobernij portum  
attigerat, cum ab regijs inspectoribus cõpre-  
hensus, nobili viro Londinum profecturo  
traditur in custodiã, Baroni Cobhamo, oræ  
maritimæ præsidi sistendus. Custos liberum  
Thomã in itinere dimittit, quod Catholicus  
ipse Catholicum sacerdotem in discrimen  
vocare nefas ducebat. Ea re cum periculum  
carceris custos ipse subiret, nisi fidei suæ cre-  
ditum Thomam sisteret; quæri cœptum inter  
Patres, quorum in potestate futurum se Tho-  
mas dixerat; an ad auertendam custodis sui  
calamitatem ex officio Cottami esset, sponte  
se iudicibus, aut senatui offerre. Et poterant  
ipsi per se Campianus, & Personius rem ab-  
soluere : sed in re tanti momenti etiam colle-  
garum sententias exquiri tutius visum. Co-  
gitur ergo ad vltiorem Tamesis ripam sub  
exiguo, vt facilius latèrent, tecto concilium,  
magna omnium voluptatē, tantum Catho-  
licorum sacerdotum confluisse non sine sua-  
uissimo voluptatis sensu gratulantium. Re-



latum est ordine . primo de refellendis hostium calumnijs , quibus iam vulgo persuasum erat nostros homines seditionum ciendarum causa in Angliam conuolasse . Externorum Principum consilijs adhibitos , miscere Rempublicam ; exterorum imperio animos populariū præparare . Malo huic promptum à veritate remedium allatum . Recitata palam in conuentu monita , quæ ab Euerardo Patribus Romæ data supra collocauimus . testes tam seueri imperij , qui aderant omnes adhibiti , cui nostri homines si non parerent , vanum scilicet Religiosi nomen circumferrent . Deliberatum inde de ieiunijs , in eumque modum constitutum , vti quo primum tempore sacerdos regni quamlibet prouinciam attigisset , diligenter de prouinciæ moribus ciues percontaretur , eos sequeretur ipse , neque quicquam noui moris inucheret , neu veteris aliquid aboleret . Ita consultum offensioni popularium , & veterum sacerdotum studijs satisfactum . Neque difficilis fuit de vitandis hæreticorum templis deliberatio . Nullius vacillante sententia , mos ab eorum conuentibus abhorrendi collaudatus , iussusque retineri . Sacerdotibus prouinciæ summa consensione distributæ ; paratis iam bonis Christi militibus , alienam potius , quam suam in ea expeditione sequi voluntatem . Difficiliorem paulo Cottami causa quæstionem habuit ; exitum huiusmodi , vti forti-

con-

constantique animo alienam calamitatem  
sua causa amico impendentem, suo ipse ca-  
pite exciperet: quod & factum est.

## CAPVT XXV.

*Nescientis Campiani periculum  
diuinitus discussum.*

**D**Um hæc in sacro pij homines confessu  
agitant, periculum ingens alibi nec  
opinantibus ab insigni proditore Sleddo,  
dum minori prædæ inhiat, conflatum est.  
Robertus Ionsonus vir fuit honesto loco, re-  
ligione Catholicus. Hic sacri conuentus con-  
fiscius, eo properabat: tam lætum Catholicis  
spectaculum, quia animo præceperat, ocu-  
lis subiecturus. Euntem Sleddus conspicat-  
ur, notumque de facie, ac moribus destinat  
ad necem. Sunt Londini publica auctorita-  
te vicorum magistri, ac viarum, oportunis  
subinde locis constituti: quibus arcendorum  
maleficiorum ius est. Conestabiles ipsi vo-  
cant. Ad horum vnum, qui primus obla-  
tus est, defert Sleddus indicium. Et quam-  
quam is tum maxime opificio intentus, ani-  
moque Catholicus, multa recusando muneri  
prætexeret: minis tamen delatoris, qui eius  
nomen ad iudices pro parum diligenti opera  
deposcebat, fractus; arrepto ferro, demon-  
strari

strari sibi Catholicum, quem deferat, iubet. Intento in illum digito, discessum delator parabat; sed Conestabilis quamvis reluctan-tem, secum post Robertum traxit: specie quidem, ut sibi Catholicum illum non agnoscenti, pro indice esset; simulque si falsum indicium afferretur ne ipse alieni erroris fieret reus: reuera, ut delatorem ludibrio, infamiaeque obiectum, ab eo deinceps scelere deterreret. Iam ad ripam Tamesis lintrem, quo transueheretur, Robertus periculi securus conducebat. Idem fieri à Conestabile volebat Sleddus, suspicatus id quod res erat, quo loco Robertus tandem confedisset; facile uberiorem prædam offensuros. Sed Conestabilis siue moræ impatientia, siue delatoris redarguendi studio, infinitum esse respondit, fugientem hominem nauigio persequi; & fortasse illum periculo comperto non antea appulsurum, quam tenebris, ac nocte defensus, diligentiam insequentium elusisset. Clamore itaque iam iamque conscendentem inhibet. Mox iniecta etiam manu trahit ad tribunal. Inde Robertus in carcerem detrusus, multis pro Christo toleratis ærumnis, clarum inter Confessores nomen est. Neque minimum insidijs in posterum cauendis callidum Conestabilis consilium valuit. Notatus exin delator Sleddus, proculque cum multorum bono à nostris habitus, qui si fefellisset, admitteri non nisi cum perniciæ poterat. Res per-  
tumul-

tumultum, concursumque popularem gesta confestim ad consultantes Patres allata, neque integre, neque satis explorato, timorem ingentem fecit, conuentumque ut in re trepida protinus dissoluit. Quamquam rebus, quas in deliberationem adduxerant, iam confectis, maturum sua sponte mittendo concilio tempus alioqui erat.

## CAPVT XXVI.

*Discedit Londino Campianus, regiosque Senatores de sui consilij ratione per litteras monet.*

**A**B hoc pauore collectis paulo post animis, discessus Campiani maturatus. Er quia ne ipse quidem Personius, nisi Senatorum deferbuisset ira, satis tuto Londini erat; simul ingens excursionis per prouincias proponebatur merces, parata scilicet sistentium populorum salus: Personius quoque de suorum sententia Londino abire constituit. Medio ferme Iulio intendentibus se tenebris, vterque ex vrbe egressi Ogsdonij ea nocte substitere. Summo mane iam iamque inde discessuris Thomas Poundus ab Londino superuenit, grauemque de rerum presentium statu orationem exorsus, demonstrat, nihil se tota ea nocte capere quietis potuisse:

ruisse : Obuersatum videlicet , quod Patres periculum non modo capitis , verum etiam famæ subirent , somnum discussisse . Enimvero nimium iam popularem hostili dolo vocem factam , Iesuitas Reipublicæ miscendæ gratia aduentasse . Quid ergo , si , quod fieri poterat , ex improviso alter , amboue aduerso rumore grassante capti , ad necem indicta causa protrahantur ? Nimirum veritatem oppressam ; non modo ipsis infamiam , sed etiam Catholicis offensioni futuram . Proinde illorum alter , scripto suum , suorumque Antistitum ea expeditione consilium litteris commendarent , vt testimonium olim in re improvisa aduersus subita mendacia ipsis tacentibus redderetur . Placuit amicum consilium , confestim arrepto stylo Campianus de sua in Angliam profectione epistolam ad regios Consiliarios , materna exarauit lingua . eam latine cum fide potius quam elegantia ab incerto auctore redditam infra posui .

## EPISTOLA CAMPIANI ad Consiliarios Regios .

**Q**uandoquidem , viri ornatissimi , è Germania & Bohemia reuocatus non sine ingenti vitæ meæ periculo , in hoc florentissimum Angliæ regnum , dulcissimam patriam meam , tandem aliquando perueni , pro Superiorum

riorum meorum voluntate, Dei gloriam, & animarum salutem promoturus; verisimile esse putavi, me turbulento hoc, suspicioso, ac difficillimo tempore, siue citius, siue aliquanto tardius, in medio cursu abreptum iri. Quapropter ignarus quid de me futurum sit, cum Dei permissu in carceres, & vincula forte detrudendus sim: ad omnem euentum scriptum hoc condidi, quod ut legere, & ex eo causam meam cognoscere velitis, etiam atque etiam rogo. Fiet enim ut hac re non paruo labore liberemini, dum quod multis ambagibus inquirere vos audio, id totum aperta confessione libere exprimo. Atque ut rem omnem, quo melius & intelligi, & memoria comprehendi queat, compendio tradam; in nouem omnino capita eam dispertiar. Primo profiteor me quauis indignum, Ecclesiæ Catholicæ sacerdotem, & iam octo abhinc annis magna Dei misericordia in Societatem nominis I E S V cooptatum, peculiare quoddam belli genus sub obedientiæ vexillo suscepisse, ac simul me omni diuitiarum, honorum, & aliorum huiusmodi bonorum spe, & habendi potestate abdicasse. Secundo Generalis Præpositi nostri decreto (quod ego tanquam mandatum celitus missum, & à Christo ipso sancitum veneror) Praga Romam, ubi Generalis nostri perpetua sedes est: Roma deinde in Angliam contendendi: qua animi alacritate etiam in quamcumque aliam orbis terrarum partem, siue ad



Christianos, siue ad infideles profectus fuisset, si me ad eam profectiōem Superiores mei designassent. Tertio. negotium mihi tale est commissum, ut Euangelium gratis predicem, Sacramenta administrem, rudes in fide institutam, flagitiosos à scelere ad meliorem vitam rationem traducam, errores conuellam, & ut summam omnia complectar, pugna spiritualis signum tuba canam, atque alacriter aduersus fœda flagitia, & superbam ignorationem, qua innumeri ciues mei, quos intimis animi visceribus complector, oppressi iacent, depugnem. Quarto. nunquam mihi animus fuit, immo & à Patribus qui me miserunt, seuerè prohibitum mihi est, ut ne Reipublicæ, ac politicæ huius regni administrationis negotijs me immisceam: nam & aliena hæc sunt à vocationis meæ instituto, & ab ijs animum, cogitationesque meas libenter auoco. Quinto. quamobrem vestra clementia fretus ad gloriam Dei tria non minus æqua, quam ab omni pacis, & tranquillitatis Reipublicæ perturbatione aliena concedi, & permitti mihi humillime postulo. Primum est, ut dominationes vestræ me pro sua, & Reipublicæ dignitate, de religionē modeste differentem audire non grauentur. Alterum, quod & cum primis desidero, & maximi momenti esse arbitror, ut mihi liceat in consessu Doctorum, Magistrorum, & vtriusque Academiæ virorum insignium, Sacræ Theologiæ Professorum verba facere. Promitto me Catholicæ Ecclesiæ fidem

fidem inuictis rationibus, & sacrarum Scripturarum, Conciliorum, Patrum, & historiarum auctoritate, ac denique ex ipsa tum naturali, tum morali Philosophia efficaciter demonstraturum, & defensurum. Tertium, ut audiar ab utriusque Iuris, siue Canonici, siue Civilis peritis, quibus eandem fidei veritatem, legum quæ etiamnum vigent, & dignitatem suam retinent, testimonio, atque auctoritate comprobabo. Sexto. nollem equidem quicquam proferre quod insolentem prouocationem, aut arrogantiam aliquam præ se ferret; cum & mundo mortuus iam sim. & ex animo paratus, promptusque, ut me ad cuiusvis pedes abijciam, ac vestigia etiam exosculer. Tantus tamen animus mihi est, pro gloria & maiestate Regis mei IESU amplificanda: tanta in eius fauore fiducia, tanta denique in causæ æquitate, & firmissimorum argumentorum, ac probationum robore confidentia (cum certo sciam nullum Protestantium, nec omnes simul iunctos, nec ullam aduersariorum factionem; quantumvis imperitam multitudinem, & grammaticos quosdam adolescentulos, apud quos insigniter debacchantur, in errorem inducunt; posse dogmata sua disputatione aut tueri, aut probare) ut cum illis omnibus, vel cum eorum quolibet, vel cum antesignanis, ex omni illorum numero delectis, ultro me offeram congressurum; bona fide protestans, eo mihi gratius fore certamen, quo melius instructi acces-

serint. Septimo. & quoniam Dominus Deus  
 Dominam meam Reginam eximijs naturæ, eru-  
 ditionis, ac regiæ educationis dotibus exorna-  
 re voluit; si sua Maieſtas huiusmodi auditio-  
 nem, qualem in quinto articulo, ſecundo loco  
 efflagitavi, ſua regali præſentia, & benigna at-  
 tentione cohoneſtare dignaretur; ſperarem ſane  
 me articulos controuerſos optima methodo, &  
 perſpicuis argumentis ita illuſtrare, atque ab  
 omnibus fallaciarum inuolucris, quibus con-  
 ſtricti ſunt, explicare poſſe, ut zelo verita-  
 tis, & amore quo ſua Maieſtas populum com-  
 plectitur, non mediocriter eius animum incli-  
 narem; cum ad plurimas res, quæ regno ſuo non  
 parum detrimenti adferunt damnandas, & reiij-  
 ciendas, tum ad nos Catholicos miſere iam diu  
 oppreſſos, maiore æquitate proſequendos. Octa-  
 uo. neque vero dubium eſt mihi, quin vos, or-  
 natiffimi Conſiliarij S. M. cum in maximi mo-  
 menti negotijs præclare, ac ſapienter agere ſolea-  
 tis, ubi has de fide controuerſias, quas aduer-  
 ſarij noſtri non ſine fūco, & confuſe plerumque  
 pertractant, bona fide deteſtas; & fūco nu-  
 datas perſpexeritis; luce meridiana clarius co-  
 gnituri ſitis quam firmis, & ſolidis fundamentis  
 fides Catholica nitatur; & quod è contrariio Pro-  
 teſtantium argumenta ſint omnino friuola &  
 infirma, quæ temporis iniquitate vim aliquam  
 contra nos habere putantur: futurum ſpero, ut  
 veſtrarum animarum, & innumerabiliū  
 aliarum, quæ à veſtro nutu, & exemplo pen-  
 dent,

dent, miserti; ab huiusmodi falsorum dogmatum architectis, & doctoribus facies vestras, animumque ipsum auertatis, ac nobis, qui vitam nostram pro vestra salute alacriter profunderere parati sumus, equiore, & magis propitia mente auscultetis. Multæ innocentes manus quotidie, & sine intermissione pro vobis in calum attolluntur. hæc in vos studia sunt eorum Anglorum, qui in prouincijs transmarinis, nunquam interitura posteritatis patres, virtuti, & eruditioni acquirenda dant operam, omninoque secum statuerunt à salute vestra promouenda non prius abstinere, quam vel animas vestras Christo lucrifecerint, vel lanceis vestris confixi generose occubuerint. Et quidem quod ad Societatem nostram attinet, velim sciatis; omnes nos qui sumus de Societate I E S V per totum terrarum orbem longe, lateque diffusi (quorum continua successio, & multitudo omnes machinationes vestras Anglicanas facile superabit) sanctum fœdus inisse, ut cruces quas nobis iniicietis, magno animo feramus, neque unquam de vestra salute desperemus, quamdiu vel unus quispiam è nobis supererit, qui Tiburno vestro fruatur, atque supplicijs vestris excarnificari, carceribusque squallere, & consumi possit. Tam pridem inita ratio est, diuini que numinis auspicio inchoatum certamen: nulla vis, nullus impetus aduersariorum superabit. Hac ratione confita, & tradita olim fides est, eadem in pristinam dignitatem reuocari, & restitui debet.

Nono. quod si hoc scriptum meum quod offero reijciatur, nec beneuoli conatus mei quidquam possint efficere, & pro itinere multorum millium milliarium vestri causa suscepto, ingratum animum experiar: id vnum agendum mihi supererit, vt vos, causamque meam omnipotenti Deo scrutatori cordium commendem; quem quidem ex animo precor vt nobis tantisper gratiam suam impertiri velit, qua ante extremum remunerationis diem in vnâ sententiam conspiremus: & vt sic tandem aliquando in calo, vbi nulla erit iniuriarum memoria, sempiterna amicitia perfruamur.

Huius epistolæ exemplum alterum apud se retinet, vt pro se, sicubi ipse ad vincula aut necem inopinato traheretur, causam diceret: alterum complica uin, obfignatumque an ipsi Pouno, an ex ijs qui in vinculis erant Catholicis alteri ea conditione tradidit, vt occulte interim asseruaretur, ne tumultum suscitaret; publicaretur tum denique ab amicis, cum Patribus vincula iniecta, falsasque vinculorum disseminari causas, auditum esset. Exin diuersi ipsi, in alteram Personius, Campianus in alteram, excolendi regni partem digressi sunt.



## CAPVT XXVII.

*Res Christiana in prouincijs frustra saeuientibus regijs, feliciter geritur.*

**D**iuersa dehinc nostrorum, regionumque studia exponam. vtri enim acrius in causam intenderint, ambigua æstimationis est. Simulac in prouincias profectos Patres fama vulgauit, exarsit scilicet senatus ira: nihil tot minas, nihil tantam insidiatorum turbam aduersus sacerdotes duos Londino tamdiu pene conclusos, valuisse. simul verebantur ne tanti ad veterem religionem concursus, quantos Campiani, & Personij opera quotidie fieri certis ex nuncijs accipiebant, aliquam male harenti impietati, & iam penefatiscienti labem afferrent. Consistim ergo Idibus Iulijs, omnem Iesuitarum nationem, seminariorum alumnos, reliquosque Catholico ritu operantes sacerdotes, quos Missificantes per ludibrium appellabant, edicto minacissimo proscribunt. Edictum ad prouincias, per certos homines transmissum. Additi inuestigandis sacerdotibus, nouum genus hominum regij quæsitores. hi publice: priuatim vero immissi circumquaq; delatores, præmijsque ad eam venationem accensu, sordido omnes loco, fortuna egentes, denique



nique quibus domi mala res, nec spes nisi à scelere melior. Neque semel accensus irarum calor, nocendi que cupiditas, longa die remisit. Successibus nostrorum subinde nunciatis, frustrata que suorum diligentia ingrauescere in dies furor. Iterari ad præfectos de nostris supplicijs mandata: inspectores numero augeri: hi nocendi artes intendere, solertiam acuere. Ergo concussa per licentiam domus innoxia, corrasa ab infontibus pecunia, sævitum vinculis, alijsque iniurijs in multos vel vere Catholicos, vel ob modestiam similes, creditosque. Nec sanguini temperatū. præludente iam tum magnis cadibus, quæ ad scelera adolefcebat, impietate. Maiestatis siquidem postulatus, damnatusque; typographus Karterus, eo nomine quod Gregorij Martini eruditi viri librum de schismate typis euulgarat. Iactabatur interea, vel temeritate vulgi, vel Principum fraude rumor, captum iam esse Campianum. Vulgus insita leuitate, quod agi videbat, quasi peractum vulgabat, causasque facti pro facto accipiebat. Principes, & innata superbia arrogantes, & altiore dolo mendaces, conatus suos irritos non videri, tantisper dum fortasse res succederet, cupiebant. Non semel euenit, vt in ipsius Campiani manus litteræ deuenirent, quarum prima verba captum Campianum non sine eius risu nunciarent. Nam illi ipse iam timor timorem omnem excusserat,

cusslerat, effeceratque vt in omnem casum præmeditatam fortitudinem, paratamq; constantiam, rerum omnium humanarum contemptor egregius afferret. Nihil certe sibi frequentius obuersari iam dicebat, quam illud, *Anima mea in manibus meis semper*. Hæc aduersariorum studia. Interim hisce rerum, ac temporum difficultatibus ardens Campiani caritas oblectata, copiosam Christi horreis intulit frugem. Plurimi ab impietate, cui innutriti erant, reuocati sunt: plerique vacillantes confirmati. Morum tanta integritas vbique consecuta, vt iam ex ipsis Christianæ vitæ officijs, Catholici internoscerentur. Palamque cum ijs, si quid peccarent, ab hæreticis expostulabatur eò nomine, quod ab Catholicis id genus errati minime profectum oportuisset. Conscientiarum difficultates innumerabiles expeditæ. Vno verbo, lux & spiritus caliganti, ac moribundæ patriæ allata. Excursus Campiani ratio hæc erat. equitans meditabatur concionem, quam pro temporis oportunitate haberet. Vbi ad hospites diuertisset, de Christiani hominis officio, & conscientiæ questionibus respondebat. Mox audiendis confessionibus dies, plerumque cum noctibus iungebat. quiete capta, summo mane, si hæreticis Catholici admisti apud hospites viuerent, antequam illi euigilarent, secreto adiū loco, sacrum faciebat: Eucharistiæ Sacramento

mento volentes ( volebant autem pene omnes ) reficiebat. Denique omnibus ad omnem pietatem, religionisque constantiam ardenti oratione inflammatis, prius inde abripiebat sese, quam hæretici somno pressi, factum persentiscerent. Liberior eius erat, vbi soli degerent Catholici, commoratio. Dabat alterum, tertium, quartumue interdum, importunis piorum precibus diem. Etenim tanta omnium voluptate, siue ex instituto sacræ concionis, siue ex familiaris occasione colloquij, verba faciens audiebatur: tanta tranquillandis conscientijs utebatur dexteritate; siue dum consulentium quæstiones, siue dum sacras pœnitentium confessiones audiret: vt à nullo hominum, nisi inuito discesserit; neminem, nisi expetitus adierit: nulli præsens fastidio, omnibus desiderio proficiscens fuerit. Ea vero etiam hostium testimonio comprobata ( nam ex ijs aliqui ad eius conciones, ad colloquia vero plerique admittebantur ) hæreticorum quippe non pauci, quamquam, quæ diceret, studio partium non probabant; dicendi tamen vim, ac suauitatem eloquendi mirabantur. Se si vnquam vlli, certe Campiano daturus fuisse manus: neque ad eximium ingenium, artesque præstantes quicquam præter suam religionem accedere posse affirmabant. Illud vero omnes fatebantur, audito Campiano iam suos sibi Ministros sordere, ac vilescere cœpisse.

## CAPVT XXVIII.

*Leges in Catholicos late . fortiter ab  
his gesta , non sine opera  
Campiani .*

**H**is artibus vtrinque tota astate, autumnoque certatum est. Hieme appetente, indicta in consequentem Martium Regina nomine comitia, Londini de more habenda erant. Apparebat affligendis præcipue Catholicis regni Ordines conuocari. Iam multi nominatim euocabantur, iam ex impotentibus, quæ interdum excidebant, aduersariorum minis compertum erat, leges de adeundis Caluinianis templis adornari: quibus magnum infortunium non parentibus crearetur. Londinum ergo propius accedere, confirmandis in officio Catholicis, in quos tempestas parabatur, necessarium Patribus visum est. Consilio per litteras communicato, ex prouincijs Octobri ineunte redeunt. Londinum Personius, Oxobrigium Campianus, quod quindecim à Londino milliariis opidum est. Londino Campianus propter ingentes, qui ad eum assidue fiebant hominum concursus, & sua, & Personij voluntate arcebatur. Oxobrigium Personius, Campiani aduentu cognito, propere accurrit, mutuosq; post amplexus multā diem rebus gestis,

gestis , periculis Dei benignitate propulsa-  
tis , vltro citroque exponendis , insumunt .  
Adfunt ex omni Catholica nobilitate per oc-  
casionem comitiorum complures . Integris,  
liberisque animis religionis , ac pietatis opera  
renouata . quotidiana conciones , peccatorū  
confessiones assidue , diuinum epulum nullo  
intermissum die , speciem pulcherrimæ liber-  
tatis faciebant . Ita ad imminentes pugnas  
Christi milites armantur crebris colloquijs .  
sæuas in comitijs ferendas leges inuicem pro-  
nunciant : præceptumq; iam ingentibus ani-  
mis discrimen , Christiano deridiculo exci-  
piunt . Iam exacta hyeme Martius mensis  
inierat . comitia habentur . auaræ , sæuæque  
leges multo à Catholicis ante præuisæ san-  
ciuntur . Inter alias hæc fuere . vti omnes qui  
sextum decimum ætatis annum attigissent ,  
hæreticorum templa adire cogerentur : qui  
recusarent , vicens libris , hoc est aureis octo-  
genis , singulorum mensium pertinaciam lue-  
rent . quod si qui soluendo non forent ; ij in  
vinculis tamdiu , donec eam conflarent pe-  
cuniam , haberentur . Addita etiam alia in  
Catholicos sæua , contumeliosa in Pontifi-  
cem , in Deum impia decreta . Constantes  
Catholicos pœnæ grauitas non mouit , neque  
magistratuum minæ fortes in Dei causa ani-  
mos labefactarunt ; libro præsertim iam Per-  
sonij edito , quo cur nefas sibi Catholici du-  
cerent legi obsequi , causæ reddebantur .

Com-

Compacti tamen in carcerem ex præcipua nobilitate recusantes ( sic enim Catholicos, propterea quod templa Calviniana adire non sustinerent, appellare instituerunt ) multi : ex inferiore ordine complures tum viri, tum mulieres. Eminebant Comes Suramptonius, Baro Vuaxius, Baro Pagettus, ex eo nobilium ordine quibus suffragij ius est in comitijs; & à quibus ob insignia eius ordinis priuilegia vim abstineri fas fuerat. Equites aurati quoque in eandem vocati laudem Thomas Tresfamus, Nicolaus Poinés, Thomas Fitzherbertus, Ioannes Arondelius: quos eo nominatos volo, quia partim hortatu Campiani antea ad pugnam accensi, partim postea occultis monitis, nuntijsque confirmati in fide, Deo volente, viresque suppeditante manserunt. Latus interea ab Roma nuncius nostrorum animos accendit. In Euerardi demortui locum Claudium Aquauuiam suffectum attulerat; hominem ( vt cetera sileantur ) Anglicæ expeditioni, vt supra demonstrauimus, fauentem in primis. Nouum honorem illi per litteras gratulati, supplementum exiguarum copiarum petunt. Præsertim cum à Maria Scotiæ Regina aliquis è nostris qui suæ ditionis homines excoleret, postularetur ! fœmina omnibus laudibus cumulatissima, etiam ijs à quibus oppugnata, ac prodita fuerat, prospectum ibat : neque vinculis, in quæ contra ius, fasque coniecta

erat,



erat, quin regias susciperet suorum curas, prohibebatur. Iustis tantæ Hereinæ postulatis, nec Personius, neque Aquauia defuerunt. E duobus nostræ Societatis hominibus, qui in Angliam rogatu Personij, iussu Claudij missi sunt; alter (Gulielmo Holto nomen fuit) Scotiam prouinciâ ingressus, operæ pretium fecit. Tandem ab hæreticis cōprehensus, beneficij penas sanguine luisset, nisi Regis Iacobi Stuarti Mariæ filij abhorrens à cæde tūc animus subuenisset. Sed nos ad Campianum reuertamur. Catholicis confirmatis, communicatoque cum Personio animi sui statu, atque ab illo acceptis de hiberna prouincia imperijs, ad Lancastrenses proficiscitur. Substitit Catholicorum rogatu Londini Personius, quod ibi, tantum ad comitia confluentium Catholicorum hominum numerum, destitui non oportere iudicabat.

## CAPVT XXIX.

*Scripto aureo Decem rationum libello rem Catholicam egregie tuetur.*

**N**on dissimiles æstiuis hiberni labores Campiano, neque alij laborum fuere fructus. itaque ne attingentur quidem. Illud tantum memorabo, quod pristinis, consuetisque

tisque additum laboribus, & operosiores illi  
prouinciam, & ampliorem Catholico nomi-  
ni lucem attulit. Is fuit scribendi inter to-  
curas labor. Cuius & suscipiendi necessa-  
riam occasionem, & suscepti fructus saluber-  
rimos paucis exponam. Ingens vtramque  
Academiā, tum quæ Cantabrigiæ, tum quæ  
Oxonij, litteris, disciplinisque excolitur, cu-  
pido inceslerat, Campianum, quia coram nō  
possent, misso ad se libro aliquo loquentem  
audiendi. Magnum erat apud illos tanti viri  
nomen, magna in omni doctrinarum gene-  
re, tum vetere fama adhuc superstite, tum  
recentibus hominum sermonibus, conciliata  
iamdudum opinio. Et quoniam Latinæ linguæ  
facultatem inesse homini non vulgarem ac-  
ceperant, latine ab illo scribi aliquid vole-  
bant. Egere ea de re cum Personio viri vtrius-  
que Academiæ primarij, facileque impetra-  
runt. Iussus Campianus doctorum homi-  
num postulatis satisfacere, quærenti scriptio-  
nis argumentum Personio, sibi in animo es-  
se respondit scribere, *de hæresi desperata*. Sub-  
ridenti Personio, ac subiicienti, videret ne  
rideretur, si homo latebris confisus aduer-  
sarios victores, triumphatoresque, ac toto re-  
gno imperitantes desperationis arcesseret.  
At efficiam, inquit, fauente Deo, vt intelli-  
gant, istam ipsam vim, ista imperiosa edicta,  
cruenta isthæc arma, vanamque venditatio-  
nem, non nisi ex causæ desperatione ortam

esse. Iam argumentum, à Personio digressus, inter quotidianas curas, qua erat ingenij stylique præstantia, alacriter expediebat; cum ecce tibi ab amici peccato necessarium argumentum ingestum, præstruxit voluntario. Ille, quem supra memorauimus, epistolæ ad senatum à Campiano datæ custos, cognoscendi eius cupiditate victus, resignatam legit ipse; laudatamque, ut fit, apud alium, extorqueri sibi passus est. Hinc late inter Catholicos eius exempla descripta, ac disseminata etiam ad Catholicorum hostes, ipsosque tandem Senatores peruenere. Nihil æque illos offendit, ac certamen hæreticis tanta confidentia oblatum. Dignitati ergo suæ metuentes, primū in priuatis colloquijs fremere, superbā vnius Iesuitæ audaciam, arrogantiam Romanensis sacerdotis, lucifugæ homuncionis è latebris latratus dicere, aliāque qualia commotus ira animus suppeditat. Inde corrupti verbi Ministratores, frequentibus concionibus, superbæ prouocationis impudentiam in inuidiam vocare; testari se paratos ad certamen, Reginæ iussu prohiberi, cui rebus constitutis nihil mouendum, prudentissime, videatur. Paucos Papistas quietis perturbatores, seditionis nutriculas, perduellium antesignanos, per speciem religionis, rerum nouandarum occasiones captare. Additæ his contumeliæ, & conuicia eo acrius, quia non refellebantur. Ciarxus quidam fuit in verbi

Mini-

Ministris homo ex illa face non vltimus. Hic pro concione Campiani impudentiam, vt interpretabatur ipse, vexasse non satis habuit. arrepto stylo libellum aduersus eam Campiani epistolam exarauit, non alia re magis, quam linguæ impotentia, ac mendacijs insignem. Huic confestim à Personio, qui tum Londini agebat, tanta grauitate responsum est, vt ægre ferrent Ciarki collegæ tam oportunitum tanto vulnere factum esse locum. Certior tota de re, misso etiam tum Ciarki, tum Personij libello factus Campianus, audaciæ impactum sibi crimen necessario eluendum existimauit: quod non aptius fieri posse arbitrabatur, quam si rationes doctis hominibus redderet, quæ tantos illi, in tam bona causa, spiritus addiderant. Simul cernebat latum aperiri sibi posse campum ad totius Catholicæ causæ maiestatem demonstrandam, cum præcipua nostræ religionis firmamenta attingenda, totiusque antiquitatis duces excitandi essent necessario. Suscepit auide negotium, paucisque diebus libellum illum edidit, quem *Decem rationes redditas Academicis* inscripsit. Opus profecto non modo rerum pondere grauiissimum, sed etiam dicendi maiestate augustissimum: de quo, non ineptum facerem, si, quid in omni doctrinarum genere principes viri senserint, memorarem. Sed non committam, vt gratiæ datum, quod tributum est veritati, videatur. Illud tantum af-

feram, quod quia ab homine eloquentissimo, & ab omni controuersiarum genere alieno profectum est, prætermitti non oportuit. Is est M. Antonius Muretus vir pius, litterarumque laude omnibus vndique gentibus celebratus. Hic cum libellum hunc assidue teneret, primæ eius pagellæ hoc elogium sua ipse manu, grandioribus litteris notauit: **LIBELLVS AVREVS VERE DIGITO DEI SCRIPTVS.** Hoc ego elogium non semel legi, alijsque compluribus legendum dedi: hodieque a volentibus, inter Mureti libros, quos nobis Muretus iunior testamento legauit, in nostra Romani Collegij bibliotheca visitur. Eum homo occupatissimus iam confectum libellum, ad Personium transmisit, nisi ab illo probaretur, nunquam editurus. Mouere Personium adeo frequentia ex omni antiquitate petita testimonia, quæ, ut sit, ad oram libri, notatis veterum scriptorum locis subducta, pene totum libri marginem implerant. Hæc quoniam ab aduersarijs etiam ad fastidium examinanda satis notat, neque otij tantum habebat ipse, ut per se ad librorum, qui subinde, laudabantur, fidem excuteret: monet de re tota per litteras Campianum, rogatque num satis certus sit cum fide auctores, qui laudabantur, afferri. Accepto responso nihil illuc allatum esse nisi plane perspectum, summaque diligentia perentatum; libri, vna tantum illa re suspecti, ceteris

ceteris omnibus admirandi, editionem non modo probavit, sed imperavit etiam. Quamquam & id ad priorem diligentiam addidit Campianus, ut amicis traditum iuberet diligenter ad fidem testium, qui citabantur, explorari. Fuit in his, qui diligentissimam operam à Personio rogatus, Campiano navavit, Thomas Fitzherbertus iuuenis nobilitate, supra veterem pietatem, insignis; recentibus eo tempore nuptijs in patria, dein sacerdotio Romæ, coniuge extincta, exul clarus; demum in Societatem Iesv adscitus Christi paupertate, & religiosa humilitate nobilissimus. Is & nobilitate, & litterarum splendore tutus, ad fontes examinans, allata à Campiano loca, Londinenses bibliothecas omnes excussit; tandemque omnia egregie constare cum comperisset, lætum eius rei nuncium attulit Personio, edendi operis etiam existimulatur.





## CAPVT XXX.

*Londinum Campianus magno multo-  
rum bono reuocatur. Decem eius  
rationes maximo multorum  
periculo typis subij-  
ciuntur.*

**L**ondinum reuocatus à Personio Campia-  
nus, quo sui editionem libelli curaret  
præfens, Paschalibus ferijs peractis, Perso-  
nium, veteresque Londinenses amicos reui-  
sit. Iter quo minus celebre concursationibus  
haberet, effecit Personij imperium securitati  
consulentis. Satis enim gnarus quantopere  
quacumque incessisset omnium animos com-  
moueret, iussit eum publicis tantum, toto  
illo itinere, vti diuersorij, vitato Catholi-  
corum amicorum diligenter hospitio, & con-  
cursu. Londinum vbi attigit, incredibile di-  
ctu est, quantum Christi militibus, vel ani-  
mi, vel voluptatis attulerit. Ipse labore nun-  
quam intermisso, consulentibus respondere,  
Sacramenta ministrare, conciones quotidia-  
nas pluribus locis sæpe habere, concursu ho-  
minum tanto, vt pene ipsa celebritate pro-  
deretur. Non minor celebritate auditorum  
vtilitas. Supra omnem fidem est, quam mul-  
tos ardenti illi eloquentiæ viros, fœminasque

Ecclesia debeat, quos vel vacillantes retinuit, vel lapsos erexit. Animaduvertebat id ipse inter primos. quare tanto, inter dicendum, voluptatis castissimæ sensu perfundebatur; ut pene semper manantibus gaudio lacrymis orationem interrompere cogeretur. Neque urbem modo, sed etiam suburbia, quotiescumque cælestis lucri spes affulisset, circumcursabat. Erat Arohili, qui locus Londino quinque ferme passuum millibus abest, magni, integrique nominis matrona. Ea, quia nostrorum opera, Catholicæ veritatis lucem cum liberis, ac tota familia aspexerat; beneficium grato animo, ingentibusque meritis compensabat. Campianum, ac Personium subinde sacrorum mysteriorum, piorumque colloquiorum auida euocabat. Optimæ scæminæ hospitio libenter illi utebantur, quod bibliothecam instructissimam in eius ædibus, colligendisque, per crebra spiritus exercitamenta, animi viribus, aptissimum secessum esse, & audierant primo, exin etiam usu comprobarant. Forte ita res ferebat, ut quæ ad Arohilium ducebat ampla, ac militaris via, cum quingentos Londino passus processisset, in Tiburnum recta incideret, locum sumendis noxiorum supplicijs olim infamem, nunc posteaquam religio inter noxias in Anglia haberi cœpta est, etiam Martyrum sanguine illustrem. Hunc cum locum attingeret ex itinere Campianus, aperto primū ca-

pite, magnum totius inclinatione corporis honorem loco habebat. Mox patibulo succedens, quod in triuio licet fixum, præteriti tamen poterat; eximia pietatis significatione, sub sacrum illud iugum sponte se venerabundus agebat. Miranti factum, causamque interroganti Personio respondebat, id à se non vna de causa fieri. Primo crucem adorari, cuius illud qualecumque patibulum speciem non ignobilem præferret. Et vero ea erat forma patibuli, vt tribus locis stantes tigni, pertinentibus vndequaque longurijs, illigati, triquetram figuram efficerent. Deinde multorum, nobiliumque martyrum coli memorias, qui tum Henrico Octauo, tum Elisabetha imperantibus, de impietate, eo ipso loco, fuso sanguine triumphassent. Postremo salutari iam tum campum illum, quem suo etiam certamini destinatum animus præfagiret. Inter hæc ingens comparandi librarij preli cura imminebat. Res erat periculi plenissima, si vānalibus operis committeretur: si per alios institueretur, laboris immensis. Tentati primo, quatenus tutum fuit, quorum exposita typographiæ officina, & ars. ij posteaquam periculo, exemplo insuper Karteri territi, minime secunda respondebant: neq; in aliena regna libros transmittere, multis de causis, ferebat animus: vnica conficiendi, quæ destinarant, restabat via, si coëmptis, paratisque plumbeis litterarum formis, to-  
toque

toque preli instrumento, per homines notæ fidei, longe ab vrbe res administraretur. Optimum consilium, vti accidit, visum est initio impeditißimum. quem enim formas, apparatusque reliquum diuenditurum? Suspiciosius id chalcographis, quam ipsam impressionem futuram. Quem vero emptorem non suspectum? nam quia ex ijs, qui typographicam facerent empturus erat nemo, quivis alius artis ignarus emptor accessisset, promptum criminationi, ac suspicionibus accessurum. Iam, si reliqua omnia in expedito sint, vnde operarum copia? quas tamen, & exercitatas vñu, & fide integras non temere inueniri. Ad hæc quem tutum rebus omnibus paratis locum fore? stylum exerceri tantum posse, at prelum ipsa sua agitatione indicium sui facere. Sed nimirum in Dei causa non nihil etiam audendum est. Pecuniam, rei conficiendæ, sponte obtulit, cui ea deliberatio innotuerat, nobilis pietate excellenti vir Stephanus Brinclæus. Inuentus qui, oblato non vulgari pretio, typos vendiderit. nec defuere ( fauente cœptis Deo ) fidelissimæ operarum Catholicarum manus. Hi partim iuuandæ religionis studio, partim spe mercedis, addita præsertim aliquid audendi, vt est vulgi ingenium, cupiditate; libenter sese operi addixere. Eos vbi Brinclæus, auertendæ suspicionis gratia, in modum nobilis familiæ, eodem instructos corporis cultu, a pedibus

pedibus, equitans parumper publice circumduxerat, domum reductos, fallaci exutos pompa, vrgendo prelo volentes fatigabat. Recessum opificio aptissimum paterna præbebat Brinclæi villa, quam septem passuum millibus Londino procul sitam Guinstretum dicunt. Sed quæ à ciuium reliquorum sensu rem semouerat secreta villa, ipsi villæ procuratori, homini parum tutæ fidei, pene prodiderat. Quamquam ego miraculo proximam rem duco, id illi ignotum, quamuis in summa omnium vigilantia, esse potuisse. Fuit tamen, maxima cum eorum, qui opus faciebant laude; donec ex pueris vnus Londinum, comparandæ chartæ gratia, profectus, dum cum mercatore transigit, nescio quibus notatus argumentis, captus, atque in vincula coniectus est. Magnum ea res Campiano, reliquisque metum iniecit, ne re prodita conatus vanescerent. Ad arma ergo vñitata ventum. Precibus pene perpetuis fatigatum numen illis inde longius asportandi preli mentem, & puero, etiam tormentis interrogato, constantiam, suppressendæque rei inuictam voluntatem iniecit. Prelum viginti milliaribus Londino submotum, in ædes sanctissimæ iuxta, atque nobilissimæ feminae Stoneræ, quæ viro iamdiu extincto, tota in cælo, Deoque demerendo erat. Aptissimus locus is visus, quod procul à regia, etiam filuis abditus, claususque esset, rebus tamen, si quid opus

opus foret, non ineptus conuehendis; quod ad Henleum, opidi id nomen est, facilem haberet excursum, cui iunctus Tamesis nauigationem quaquauersum liberam præbebat. Hic, liberius currente prelo, Decem Campiani rationes tandem impressæ. Hæc dū fiunt, consueta caritatis, atque pietatis officia non intermisit indefessus ardor Campiani. Id ut posset, Richardi Mauritiij maturæ ætatis, virtutisque confirmatæ sacerdotis industria effecit: qui preli negotium, ac procurationem in se amanter susceptam, fideliter, strenueque promouit. Huius autem, & aliorum, quos in Christi causa susceperat, laborum mercedem exilium tulit. Id Rhemis primo, mox Romæ apud Alanum nondum sacra purpura insignem sancte, pieque tolerauit. Extinctusque tandem in Romano Anglorum Collegio, ingens sui, Catholicis omnibus, desiderium reliquit.

## CAPVT XXXI.

*Campiani libellus Oxonij publicatus  
ingentes animorum exci-  
tat motus.*

**Q**uia in Academicorum præcipue gratiam, ut supra monuimus, latinum exercuerat in suo libello stylum Campianus; ipsum



ipsumque scriptionis genus eruditum lectorem postulabat; iam antea omni ope prouisum erat, ut eius quam plurima exemplaria, scholis Oxoniensibus inferrentur. Fauit consilio temporis oportunitas. forte enim ita accidit, ut quo tempore libellus Campiani prelo subductus est, tantum abesset dies Oxoniensis Academiæ conuentibus agendis destinata, quantum ad bonum eorum libellorum numerum, utcumque compaginandorum, Oxoniumque transmittendorum satis esset. Vetus est Anglicarum Academiarum institutum, ut litterariæ dignitatis insignia, qualia barbaris seculis, ne omnino litteræ iacerent, excogitata, nunc pene in speciem vani nominis abiire; non nisi certo tempore inter discrimina probandæ eruditionis tradantur. Sepositum ad eam pompam statum anni tempus, ne crebris honoribus Musarum, vulgatum id quid, quid est decoris, euilesceat. Addita amplificandæ litterariæ dignitati solertia: uti regni procures, primoresque aulæ, ipse denique flos nobilitatis tota Anglia, summa promouendorum ambitione, ad id spectaculi contrahatur. Duabus Academijs diuersa duo tempora destinata, ne altera alteri officiat. Oxoniensi feria secunda, festo SS. Petri, ac Pauli proxima: Cantabrigiensi vero Dominica consequens obtrigere. Neque vspiam pulcrius bonæ artes theatrum exhibere olim, quod nunc eadem pompa illustre,

stre, corruptis doctrinis cessit. Ex omnibus regni totius partibus cuiusvis ætatis, conditionisq̃ue mortales confluunt, plerique auditum, spectatum multi; quibus et si eruditæ aures non sunt, curiosi tamen oculi non defunt. Neque vlla satis est tantæ multitudinî ædium laxitas. Itaque Oxonij templum Beatæ Mariæ sacrum, amplissimum per se, etiam temporarijs pulpitis, duplici ordine in theatri formam, vnde quaque conuestitur. Hic vero ipse tanta arte amplificatus locus quotidiana celebritate ita feruet, vt subsellia aliquot ante horis occupentur. Ibi experimenta doctrinæ à candidatis dantur, & præmia accipiuntur. Neque intermittente vnquam, summis etiam caloribus, mortalium concursu, literaria celebritas triduum tenet. Huius oportunitate celebritatis vsus Campianus, quos magno numero summa celeritate compaginari curauerat libellos, Oxonium per Catholicum sacerdotem ( Harthlæo nomen fuit ) transmisit. Hic summa dissimulatione, dum notis, æque ignotisq̃ue omnibus adiungit se, libellos plus quadringentis, partim conscijs, aut paulatim ad curiosæ lectionis cupiditatem adductis in manus dando, partim in theatrum ipsum, quasi temere proiectos noctu inferendo, Oxoniensem Academiam noua admiratione suspendit. Nam vbi illuxit, mirando spectaculo, silentium Academicorum toto theatro prorsus insuetum fuit; omnium  
pene

pene oculis furtiuæ lectioni intentis : adeo ut nulla plane frigidior concio, quam quæ tunc coacta est, feratur visa, proceribus rei ignaris, ignauumque silentium admirantibus. Vbi vero soluto conuentu rei causam fama vulgavit, diuersi animorum motus, ut cuique studia partium, vel experta studiis erat animus, excitati. Pars in Campianum furere : hi erant tum ij, qui hæresim mordicus amplexi, infelici saxo, ad quod naufragio fidei facto appulerant, inhærebant : tum ij, qui cum magistros hæresis agerent, tanto fauore excipi, quæ ipsos pungerent, molestissime ferebant. Pars ridere vanas suorum, quos plerumque contemptui habent, ministrorum aduersus nostros iras, feliciterque elusas artes cum ioco prædicare. Erant hi ex eo hominum genere, qui quasi spectatores otiosi, paratique pugnarum artes, non causas probare, nulli ferme magno negotio non interfunt. Pars, quibus ambiguus religionis animus, mæsto silentio rem secum taciti voluere, vel cum paucis musitando potius, quam loquendo agitare. Alij, quibus sana cum Catholicis mens, vel aperta simplicitate causam tam constanter defendi suam gaudere : vel obscuro vultu, suspensoque sermone, cœtibus immiscere se, alternisque percontando, audiendoque, & timorem aduersariorum, & suæ causæ laudes furtim sublegere. Omnes denique libelli, cuius laudes breui  
cogni-

cognitæ, vulgatæque sunt, lectionem flagitare: ut vix cuiquam forte, aut consilio oblatum libellus fuerit; quin diu per multorum manus peregrinaretur. Neque aut captum facile, aut dictum promptum est, quantum vnicus hic liber nomen Campiano, quantam Societati laudem, quantum Catholicæ causæ robur adiunxerit. Multi mortales eo perlecto, hæresim exuere. multi visendi scriptoris cupiditate incensi, quem legendo conceperant, audiendo Campiano peperere spiritum salutis. ipsi impietatis præcones, & antesignani tantopere antea in concionibus feroces, obmutuere: nemo certe ex tanto hostium numero tam breui scripto, quo adeo afflictas suas rationes videbant, vel voce, vel stylo, per id tempus, contradicere est ausus: iras tamen, rabiemque, uti fit, ubi desperata causa vis pugnât, acuebant.

## CAPVT XXXII.

*Vicino periculo territus Londino  
Campianum iterum sub-  
mouet Personius.*

**I**Nter hæc qui libellos disseminarat Harthæus, re bene gesta, lætus ipse ad gratulantes, gaudentesque Personium, & Campianum redierat in siluam. Biduum cum ijs, tri-  
duum-

duumue intentus consuetis laboribus egerat, cum in familiari forte colloquio narrare aggre-  
ditur audisse Oxonij de Rolandi Ginxij noti apud illos viri, vel periculo, vel infor-  
tunio. Vehemens Catholicus hic erat. pro-  
fissis auribus in pœnam auitæ religionis, vera æstimatione insignis verius, quam de-  
formis. cōpaginandis libris victitabat. Nar-  
rabat Harthlæus, infensum Ginxio famulum,  
quem ad operas conduxerat, illi obiectasse in  
iurgio, quod Londini secreto in cuiusdam  
ignoti hominis cubiculo multos consuisset  
libros, quos Catholicæ religionis, scripto-  
risque Catholici opus esse multa ostenderent  
argumenta. sibi rem compertam; quia Ro-  
lando iubente operi manus ipse quoque ad-  
mouerat. His iracunde admodum obiectis  
minatum esse leges Ginxio, ac iudicia, ex-  
temploque post hæc Londinum propero cur-  
su abiisse. Nondum narrandi finem Har-  
thlæus fecerat, cum, qui variante vultu rem  
audierat Personius, quarit quoto iam die id  
audisset: quartum agi respondit Harthlæus,  
simulque cōmotum Personium animaduer-  
tens, ecquid ea res ad se, aut Campianum per-  
tineret, quarit vicissim à Personio. Immo,  
tota pene mea est, subiicit Personius. Nam  
meum illud cubiculum, in quod famulum  
istum tam infelicitè Ginxius inuexit, esse  
scito: meos libellos, quos conglutinosos re-  
fers: me ignotum illum hominem, qui operi  
præerat,

præerat . neque contatus , Campianum seducit , sibi que certissimum esse pronunciat , si vera narret Harthlæus , rerum suarum iacturam , maximo cum vtriusque periculo factam esse . Neque enim dubitandum , quin accepto indicio , senatus occupari cubiculum , explorari omnes eius angulos iusserit . Proinde ad iter paratum esse iubet tantisper , dum quid Londini ageretur , per certum hominem exploraret . Vocat sub hæc hominem Catholicum , quem in famuli speciem trahebat secum . Londinum citatis equis properet : ædes ( meritoria erant ) quæ captæ credebantur , quanta maxima possit dissimulatione prætereant : ibi caute rerum statu explorato , ad se confestim redeat . Rem diligenter ille exequitur : rediens , nunciat præterijse se primo mæsto silentio horrentem vicum , nisi quod muliebres certis in ædibus ploratus audirentur . Dolore insignem fuisse Personij hospitem . Ab hac cognouisse se superiore nocte Thomam VVilxæum , qui senatui erat ab epistolis , cum centum armatis militibus in cubiculum cuiusdam ignoti hominis , ( Personius notabatur , mulieri non nisi de facie notus ) primo , mox in vicina ædium irrupisse . E cubiculo Personij omnia exportata : in quibus immanem Pontificiorum piaculorum vim inuentam : rosaria precatoria , globulos piaculares , cereas agnorum sacrorum effigies . E suo sinu maritum , qui id hominis hospitio



recepisset; ex proximis vero ædibus, nobilem iuuenem, quoniam sacerdotem esse iactaretur, abstraxisse. Eas res narranti fœminæ; quia Catholicam esse constabat; bono esse animo iussæ, non exiguam pecuniæ summam eleëmodynæ nomine se esse largitum. His ex nuntio acceptis, simul certo cognoscit eum, qui captus in proximis ædibus noctu dicebatur, Alexandrū Briantum esse, sacerdotem optimū; de cuius rebus fortiter tum alias, tū in suprema necessitate gestis, quia suus erit narrandi locus, nihil in præsentia attingam. Tam multorum ex conscijs in vincula coniectorum fama consilium Personij de Campiano in alias longe terras amandando confirmavit. Vix enim fieri posse iudicabat, quin ab aliquo tormentis subactō, tantopere quæsitū ad necem viri indicium aliquod emanaret. Diem alterum ab accepto eius cladis nuntio, vterque in silua commorati, dum suas, amicorum, & currentis adhuc præli res componunt. Detinuit præcipue, quod, quasi ultimum illum mutui congressus diem animo præfagirent; peccatorum, generali confessione, noxas apud se inuicem deposuere, animumque ad constantiam; votorum instauratione, ex Societatis instituto, muniere. Nusquam alias, quid admotum propius, etiam constanti animo, posset periculum, clarius apparuit. Insomnem noctem, sollicitosque dies duxere duos, cum in momenta

singula-

singula de Brianti eculeo, aliorum quaestio-  
nibus, multa ex falso, quædam è vero, multo-  
rum sermonibus, ac litteris cognoscerent.  
At Campianum, totum illud biduum, ne no-  
cte quidem quieti relicta, continuasse pro-  
pmodum precibus, narrabat mihi, cum hæc  
scriberem, Personius: preci exiguum sub-  
tractum tempus, colloquijs extraxisse, quo-  
rum argumentum illud vnum erat: Quanam  
seratione gesturus esset, quæ sua oratio, quæ  
frons, quis animus futurus, cum in hostium  
manus incidisset. Personius interim cū mul-  
tas Campianum ad se vocantium ciuitatum  
litteras non modo priuatorum hominum ac-  
cepisset; re cum ipso communicata, Norfol-  
ciæ prouinciæ hominem destinat. Verum  
quia in Lancastria libros esse suos, sine qui-  
bus agere vix posset, asseuerabat Campia-  
nus; permixtus est eo redire, libros vt inde se-  
cum in Norfolciam asportaret. Addit tamen  
Personius vetare se ne eo loci moraretur, quo  
tutior eius foret ad Norfolcienses digressus;  
illudque in primis sancte præceptum iterat,  
quod feliciter Londinum reuertenti cesserat,  
ne ad Catholicorum domicilia, eo in itinere,  
sed ad publica hospitia, iisdem, sed multo  
nunc acrioribus causis diuertat. His confe-  
ctis, vbi tertia dies illuxit, vterque suis cum  
sociis, cum Rodulpho Campianus, suo cum  
mercenario Personius equis conscensis in late  
patentem, inuiumque campum vna proces-

fere. Hic eadem animorum præfensione ducti, amplexus lacrymarum pleni mutuos iungunt, atque ad vltimi amoris monumentum galeros mutant, faustaque omnia sibi inuicem precati, Edmundus in Lancastriam, in Cantium Personius iter arripiunt.

## CAPVT XXXIII.

*Ad Catholicam familiam ex itinere diuertit, insolito obedientia iure, laico socio subiectus.*

**C**oncitatis in diuersum equis, non multum viæ vterque processerant, cum repente Personius ingenti voce inclamari se à tergo audit. Campianus erat, qui cum paulo post affecutus, orat, sibi vt eius voluntate liceat in villam Iattæi nobilis viri ex itinere diuertere. Erat hic vir Catholicæ religionis propugnator acer, eaque de causa Londinum ductus eo tempore in vincula, ne sic quidem libertatem piæ mentis amiserat. Inde cum Cápiano per litteras accurate egerat, ad suos in eam villam Christianis sacris iuuandos excurrere ne grauaretur. Excusarat viatû longinquitatem initio Campianus, cumque id ipsum sæpe ille nullis deterritus repulsis flagitaret; per litteras tam longi itineris periculis demonstratis, vim pij postulati declinauerat.

Verum

Verum quia ita forte instituendi eo tempore itineris ferebat ratio, vt perstringi pene lartæanum prædium in Lancastriam proficiscenti necesse esset; nullum excusationi relictum sibi videbat locum, nisi pene de viapiam familiâ, hospes tantopere expetitus, salutasset. Erant lartæo peramplæ ruri ædes in arcis morem, ac formam, fossa, muroque munitæ (Lifordianum ego villam hanc appellabo; sic Anglici nominis Liford, flexu exigente) has ipse ædes cum matre vidua, plerumque, totaque familia incolebat. Nimirum Anglica, Gallicaque nobilitas huiusmodi villicatione, vel ad tuendas frugalitate opes, vel ad vitæ securitatem, ac fructum, delectatur. Præcipua aduocandi tanto studio Campiani causa erat, quod nobiles è sacra sanctæ Brigittæ familia virgines, cines suas octo domi alebat. Hæ cum virginitatem Deo olim in Anglia vouissent; temporum iniquitate cõpulsæ, sub initium regni Elisabethæ in Belgium migrarant. Ibi sacro conuentu iterum coactæ, gloriosas exules egere. Sed neque exilium bonis puellis magis quam patria quietum fuit. A Belgis aduersus Regem, religionemque; rebellantibus pulsæ, inopes consilij, in patriam omni exilio infestiores remigrare coactæ sunt. Regina iussu varias in custodias datæ magnas subiere molestias; dum conspirantes viri nobiles, quibus religionis, & humanitatis amor aliquis, sibi

earum custodiam flagitarunt . Assensit postulatis Regina ; alijsque alias , Iattæo ex omni numero octonas attribuit . Has ipse summa reuerentia habitas , plures annos domi auerat . Neque quicquam sacris virginibus , quod ad veram monasterij formam spectat , desiderari passus , partem ædium sepositam earum vsibus apte composuit . inibi odæum , aram inibi , sacrorumq; apparatus omnem illis exhibuit . Iuuit filij pietatem mater grandi natu matrona , quæ extincto iam diu viro , castimonia viduitatem , atque institutione familiæ probarat . Hæc iam maturæ ætatis filio res domesticas procurante , totam se in conuictum suarum monialium tradiderat , cura mater , officio magistra , ceremonijs sacri instituti discipula . Earum , suisque votis implendis Iattæus sacerdotes duos domi occulto nomine , atque officio alebat . Has omnes virgines , matremq; ingens audiendi Campiani , quem tantopere fama prædicabat , cupidoincesserat . Simul apud illius aures peccatorum onus deponere ; ab illo Eucharistiam suscipere summopere auebant . Atque , vti sunt flagrantes muliebris ingenij , in bona præsertim , speciosaque causa cupiditates : latæum sua sponte Campiani cupidissimum ; vt ad suos pertinacissime inuitaret , omni ope , atque arte perpulerant . Hæc omnia Personio Campianus , quamquam iam antea illi notissima , vt in Lifordianum diuertendi facultat-

cultatem impetraret, ostendit. At Personius qui nimios proni in omne spiritale lucrum Campiani spiritus moderandos cautius rebatur: causam enimvero Iatæanos adeundi probare vehementer se respondet, rem ipsam probare non posse. Nam ingens periculum domo celebri adiri, concursus sine dubio ad nomen Campiani futuros, qui & periculosi ipsi, & Norfolciensi expeditioni plane exitiabiles forent. Nolle se facilitatem eius, ingenijque nihil cuiusquam postulatis obnitentis mollitudinem. nolle Iatæorum, totiusque illius familiæ ardens in nostrum nomen, causamque studium. Si semel Campianum ad sese pertraxissent, abeundi nullum exitum relicturos. Hic interfatus Personium Campianus promittit se, si facultas adeundi Iatæos fiat, moræ modum ex eius nutu contrahiturum, producturumue. At quem, inquit Personius, fidei vadem dabis? Rodulphum hunc nostrum, inquit Campianus. aderat, remque totam audiebat Rodolphus Campiani comes. Bene vero habet, subiicit Personius, ego te Rodulphe Campiano in hac expeditione præficio, vices tibi meas committo. Tu Rodolpho, Campiane, obsequium perinde, ac mihi debebis. Tum utroque audiente, nolle se ait ut plus vno die, vnaue nocte horis additis antemeridianis sequentibus, quibus sacris operari, Sacramenta ministrare, conciunculam habere possit, eo loco sub-



sistat Edmundus. Tu igitur Rodulphe, ad eum conuersus, cauebis diligenter, inquit, ne præscripto diutius illum apud Iattæos detineri patiaris. Hæc ubi imperia promptis vtriusque animis accepta videt, repetitis postremæ salutationis officijs, iterum digrediuntur. Lætus inde Campianus, multo magis oblata humilitatis Christianæ materia, quod comiti homini laico parendum foret, quam impetrata alios iuuandi, cuius tamen erat cupidissimus, facultate; breui ad Iattæos venit. Dictu facile non est quanta omnium gratulatione, quibus venerationis summæ argumentis, quibus collacrymantium ad eius conspectum omniū gaudijs exceptus sit. eminebant in reliquis sacræ virgines in omnem modestissimæ lætitiæ significationem effusæ. flexo ad ingressum Campiani omnes genu, manantibus lacrymis, sacræ manus osculum petiere; neque quamuis obsecrante Campiano, nisi posteaquam ducto salutari signo, bene precatus illis est omnibus, surrexere. Inter primos statim occursum, necessitatem alio festinandi demonstrat Cāpianus. Quod quamquam turbare recentem lætitiā visum est; tamen cum à constanti, immotaque in eo consilio mente profectum satis appareret; effecit vt omnes illico eluendis animi per confessionem maculis pararent se. Quod ea nocte ubi diligenter effectum est; ad matutinum sacrum familia vniuersa, vtroque pabulo,

& verbi, & Eucharistiæ, ore, manuque Campiani recreati sunt. Neque diutius quam sumpto prandio, vti fuerat imperatum, religiosissimus obedientiæ cultor substitit. A prandio inter mæstæ suo discessu domus supplicationes, ac lacrymas, ipse quoque animo commotior aliquanto abiit.

## CAPVT XXXIV.

*Socij imperio ad Iattaos redire compellitur, unde iter ad martyrium diuina illi prouidentia aperit.*

**P**ostridie eius diei nobiles aliquot Catholici matronas salutatum, ac virgines forte ad Lifordianum conuenere. In primis congressibus cum mæstum ex familiæ vultu desiderium emineret, quidnam illud rei sit quærunt. audiunt pridie ad eos diuertisse Câpianum, sed adeo festinanter abiisse, vt vix plane conspectum dicas. Quamquam sacris ille operatus, concionatus plane diuinitus, Sacramentis vniuersam rite familiam procurasset. Iamdiu tantum virum audiendi, alloquendi que occasionem, nobiles illi hospites vndique captauerant, eo vehementius pene præsentem è manibus effugisseangebantur.

Itaque

Itaque de illo ex itinere reuocando extemplo deliberant. monent qui aderant superuacaneum esse deliberandi laborem; adeo fixum in discessionis consilio hominē visum. Quin imperia, obligatamque obedientiæ fidem, ab illo obtendi: quod si verum sit, conatus frustra futuros. Nihil illi hac denunciatione terri, communi nomine sacerdotem ex ijs qui domi alebantur, alterum, ad Campianum citato equo mittunt, cum mandatis omnem ut aditum ad rem conficiendam tentet, omnes vires, omnia consilia intendant. Non multis opus fuit. Ille sua sponte Campiano addictissimus vorauit iter, eodemque die iam occidente, Campianum in publico hospitio confidentem assequitur. Aderat circa hospitium, Catholicorū ē primoribus manus splendida, & (quod Oxonium prope aberat) multi Oxonienses Academici, aliquot etiam ex ijs, quos à decursis philosophiæ spatijs artium magistros appellant. latere scilicet non poterat, quamquam fugitans publici, & lucis, Campiani aduentus, auidos, & occasionem videndi, alloquendi que iam diu præstolantes. Erat inter hos, sacerdos alter ex eadem Iattæi familia, qui honoris, animique causa discedentem ex Lifordiano Campianum, co usque deduxerat. cum hoc primum mandata communicat nuncius; ille cum amicis alijs, paulatimque ad omnes postulatum fama peruenit. Et hi quidem iam antea omni ope,

exquisitisque precibus à Campiano contenderant, vt de diuinis rebus eo loco concionem haberet, ac reliquã Catholicæ mysteria religionis obiret: sed abnuerat omne ille publici muneris officium constanter, cum loci, tum temporis angustias, iniquitatesque causatus. Cum ergo plane perspicerent si reditum persuasissent, se per otium in eo villæ secessu toto Campiano fruituros: vno omnes animò ad reditum suadendum, indicta tamen eius consilij omnibus dissimulatione, conspirant. Ab hac conspiratione Campianum illè qui è Lifordiano venerat, sacerdos adit: postulata exponit. Dum obstinato ad negandum animo, preces, obsecrationesque multa addentis nuncij, magnaque etiam vocis, & corporis totius contentione agentis, modeste repellit: quasi ad rem nouam audiendam vnus, alterque, tum paulatim omnes confluxere. Posteaquam neque Campianus negandi, neque obtendendi alter finem faciebant; vna omnes voce obtestari, ne votis tot piorum hominum repugnaret. Deum fortasse boni aliquid illo reditu moliri. Vbi se ab omnibus desertum videt Campianus, ingenue rem, vt erat, aperit: imperium Personij palam exponit. Tum vero quasi rei caput nacti, redordiri rem omnem aggrediuntur. Non omne imperium litteris, ac syllabarum numero metiendum. Esse etiam imperantis menti introspectiendæ locum. Nun-

quam

quam Personio tantas nobilium diuino nutu coactorum preces, neque vero tantum numerum prouisum. Certe qui pauculis virginibus, matronisque diem vnicum indulserat, tot insignibus viris, tantæque multitudini sitientissimas aures afferenti, alterum, tertiumue diem nunquam fuisse negaturum: neque enim longam se morâ quærere. Quintam esse, quæ tunc ageretur, feriam. Sexta relegendo itineri detur. sabbathum in Lifordiano, partemque Dominici diei pijs operibus infumi posse. Liberam post hæc abeundi quo vellet, potestatem futuram. Erat, ut ante monui, ingenij facillimi Campianus. Tunc vero etiam tot orantium vocibus permotus vix lacrimas continuit. Obedientiæ tamen retinentissimus, ad postremum effugium deuenit. fatetur ingenue se in Rodulphi potestate esse; si ille permittat, nullam in se moram fore. Risere primo quasi ineptam fugam oratores; sed re, uti erat, intellecta, ad oppugnandum Rodolphum conferunt se. Minime laboriosa ea oppugnatio fuit. quamquam enim primis postulatis Rodolphus satis ferox: ubi tamen rationibus certari cœptum est; breui homo simplex succubito. Quin, & illud antiquæ probitatis viro persuasere; cōpendium se facturos, tum vtrique temporis, tum Campiano viæ. Cui enim dubium esse, quin multos in Lancastrijs dies absumere necessarium vtrique foret, ubi ad norum Ed-

mundi

mundi Campiani nomen veterum concursus amicorum fieri cœpissent? Quæ porro inhumanitas more cursorum tantû virum, eundo, redeundoque tam longis itineribus fatigare? At si Campiano apud Iattæum præstolante vnus ipse ad libros è Lancastrìa recipiendos proficisceretur, moræ nexus abrumpi facile. quod vnum Personius, cum mandata celeritatis dederat, spectasset. Inde itinere breuissimo ipse ad certi cuiusdam, quem designabant, nobilis viri ædes, quæ in Norfolcensium sunt finibus, pergeret; eodem enim Campianum, obitis die Dominico, alteroue fortasse sacrorum officijs, vitata tanta itinerum vexatione, profecturum: qui prior venisset, socium operiretur. His victus Rodolphus Campiano reditum imperat, ipse ad Lancastrios citato cursu proficiscitur. Sic lætis omnibus, in speciem triumphi, ad Lifordianum, vnde venerat, reuertit Edmundus, diuini consilij, ex insperato iam tum martyrij purpuram illi ordientis, ignarus.



## CAPVT XXXV:

*Georgius Eliottus Londino in prouincijs, ad martyres vestigandos, superum furys scelerum agitatus, proficiscitur. Deq; eius moribus, ac scelere.*

**I**Neluctabilem fati vim, vbi quid aduersus firma contra nitentium consilia, per magnas difficultates, insperato exitu perrupisset; celebrare soliti sunt veteres scriptores. Neque ego sane hoc loco huiusmodi commemoratione abstinerem; nisi me fati nomen in diuinæ nutum prouidentia referre lux humana maior docuisset. Enimuero dum mecum ipse reputo nihil prius Personij coniectura prouisum; nihil accuratius, quantum humano consilio effici potuit, auersum, quam longioris ex itinere moræ apud Catholicos periculum; nihil seuerius; etiam vsque ad insoliti, & præposterij imperij formam Campiano, quam Litordianam commorationem interdictum: nullum denique iter maioribus obseptum difficultatibus; nullum ab inuito magis, ac repugnante Campiano susceptum, quam quo ad vincula, necemque properabat: non possum non rem totam in admirabilem diuinæ sapientiæ, vt suauiter, ita & fortiter

fortiter omnia disponentis; vim referre. Hæc temporum momenta omnia, humanarum cursus actionum, ac flexus cum in sua habeat potestate, certos tamen rerum; temporumq; articulos suæ gloriæ destinatos referuat sibi: mollissimaque prouidentia, adeo vt impijs hominibus negligentia specie præbeat, longe alio aberrantes mortalis prudentiæ ductus, vt tempori occurrant suæ gloriæ præstituto, eoq; appellant per se ipsi, vnde cursum auerterant, ex occulto sensim facit. Ita omnino, vt siue pro humanæ mentis arbitrio peccatorum, scelerumque nexus in re gerenda implicentur, siue virtutis actiones cum laude contexantur; suum ipsa finem, illis permitendis, his etiam tractandis, efficiendisque, consilij sui certissima, assequatur. Et in Campiani quidē causa, sua Deus ipse manu quædam, alia ab hominibus sceleratis impie instituta, ad contexendum martyri suo diadema, composuit. Dum enim obedientiæ, caritatisq; stimulis Campianus, mouente Deo, ad Lifordianum infinitis excipientium gaudijs redit, comitibus reditus non recusatis, quos redeundi suasores habuerat; Georgius Eliottus instigante diabolo, suorumque scelerum furijs agitantibus, Londino ad venerationem sacerdotum, Iesuitarum præcipue, profectus est. Huius profectionis ordinem accurate acceptum, cum fide legentibus tradam. Iuuabit profecto veritatis amantes

posteror nosse, quales tandem nostræ causæ  
hostes, quibus ex iniitijs diabolus excitaret.  
Georgius Eliottus honesto loco natus inter  
Catholicos, ingenij minime mali, aut con-  
temnendi, religionis intactæ diu habitus est.  
Vnum illud notabatur à familiaribus, sen-  
tentia semel arreptæ vsque ad pertinaciam  
retinentem fuisse. Inde litium dissidiorum-  
que amor, quæ non magnis odijs, diutissimè  
tamen producebat, stulte præoptans de ami-  
corum beneuolentia, quam de sua, vti reba-  
tur, constantia remittere. Eum in fami-  
liam Thomas Ropperus vir egregie Catho-  
licus, ac Thomæ Mori ex filia Margareta  
cultissima illa fœmina nepos admiserat. Mul-  
tos apud eum annos nulla religionis, non  
multa morū querela vixit. Cædis interim, ac  
latrocinij in suspensionem non leuem incidit,  
quod per idem tempus, quo interempti spo-  
liatiq̃ue nescio cuius hominis patratum scelus  
ferebatur, iter ipse per vicina loca fecisset.  
Extemplo igitur ad iudices Eliotti delatum  
nomen est, raptusq̃ue ipse esset ad vincula;  
nisi Ropperi eum dignitas à publica iudicium  
ira defendisset. Sed dilata potius carceris,  
quam plane prohibita contumelia videbatur.  
Iussus est proximis comitijs prouincialibus,  
quæ sexto quoque mense ad cognoscendas  
capitales causas gentis more coguntur, sistere  
se iudicibus, causamq̃ue illorum arbitrari  
dicere. firmavitq̃ue Eliotti promissa Roppe-  
rus,

rus, fidei, vti postulabatur, iussor. Res erat exitus ancipitis; supra capitale discrimen, infamiae plenissima; siue fictum illud esset, siue verum scelus. Nam, quamuis insonti, suspicionum atrox inuidia non nisi magna vexatione, indignisque, ac foedis ærumnarum modis eluenda erat. Anxio ijs curis, & supra morem, modumque ægro animo haud minor, ex diuerso, flagitiosorum amorū astus superuenit. Puella erat, cuius amore Eliottus insanijt, ex eadem Ropperi familia, religione integra, ætate, ac forma florens, ingenio, nisi acer instigator accessisset, ad modestiam facto. Ac ne tunc quidem cum muliebri leuitate amatorijs postulatis aures, specie, tamen indignantis, præberet; pudicitiae fines egressa: iusti matrimonij tantum conditiones audiebat. Quanquam, & his visa initio: reluctari acriter, ac modo diuinas iras, modo herilem indignationem, modo infamiae metum obijcere. Neque cessisset, nisi iustis nuptijs propitium Deum esse, inde humana omnia prona futura simplici puellæ Eliottus persuasisset. Atque, vt semel inclinatus in flagitium animus præceps abit: ne mendacijs quidem pessimus suasor abstinuit. Habere se iactabat non penitus auersæ ab eo consilio herilis voluntatis argumenta certa: ad hæc paratum Catholicum sacerdotem, qui visos modo, volentesque sponso Catholico ritu, ac ceremonia iungat. His mendacijs, infel-

licis coniugij. auspiciis, persuasit virginē  
flagitium, fœdamque insuper nocturnas per  
tenebras fugam. Sopitis circa omnibus, no-  
cte media, inscio Roppero, ac familiaribus,  
conscendunt equos, citatoque cursu Londi-  
num iter intendunt. Ibat nocturno horrore  
pauca virgo nobilis, præda iam insani, paulo  
post etiam impij raptoris futura. Interque  
metus suos, ac Eliotti solantis interdum, in-  
terdum castigantis confidentiam suspensa,  
modo damnare audaciam, modo sperare me-  
liora, modo etiam, re desperata, animum  
ad omnem euentū obfirmare. Ita cursu non  
intermisso Londinum, quo destinauerant,  
peruenere. Agebat Londini Ioannes Paynus  
sacerdos, tunc innocentia solum vitæ, nunc  
martirij etiam laurea cæli ciuis nobilissimus.  
Hunc Eliottus quia Christiana caritate inci-  
tatum patronum apud Ropperum perpetuo  
habuerat, credidit conciliatorem nuptiarum  
primo, mox etiam gratiæ herilis refarciendæ  
interpretem non difficile futurum. Ergo  
adit hominem, factum demonstrat, opem  
ad rem vtramque postulat. Vbi facti indi-  
gnitate permotus sacerdos operam negare,  
castigare immo audaciam, reditum suadere  
cœpit; quod si fecisset, tum vero bona om-  
nium venia, minimeque pernicioso exemplo  
iungi maritalem torum posse: stupenti si-  
milis Eliottus abit. Neque diu fuit. stupori  
furor, & atrocium meditatio successit: ra-  
tusque

tusque extremam fortunam non nisi postremis consilijs iuuari; adiicit ad omnia scelera furijs iam plenam, agitatumq; mentem. Adit extemplo Franciscum VValsingamum, (hic ab epistolis Reginæ, vir sæuus, ac truculentus, Catholicorum hostis post Cecilium terribissimus fuit) simulata longo exordio maximi sceleris antea suscepti, cuius mox exponendi veniam orabat, pœnitentia: Papistam se ad eam diem summis in tenebris vixisse narrare incipit, nunc recepta diuino munere Euangelij luce, Caluini veritatem aspexisse. Paratum se, pro meritis, omnes vitæ in infando errore traductæ subire pœnas. His magna intimi doloris significatione dictis; posteaquam bono animo esse iussus, quasi recepto spiritu recreari se passus est: longo gemitu, ac querelis vitæ prioris detestationem de integro exorsus, habere se ait, quo tantum scelus compenset; si VValsingamus, ac Regina pro sua in Euangelium cura permittant, offerre suam operam ad Papistas omnibus insidijs, apertaque, si opus sit, etiã vi oppugnandos. Nota sibi multorum sacrificantium latibula, nota nomina, ac vultus. utque se non vanis promissis ludificari regiam Maiestatem sciat, iam tum sacerdotem quendam è latebris in iudicia extracturum, si per illum, Reginamque liceat. Immo vero summa voluntate Reginæ, procerumq; id facturum respondente, simulque lictorem



illum sequi iubente VValsingamo, sceleratæ orationi sæuo facto fidem facit. Ad notas confestim Payni ædes aduolat. Catenis oneratum benefactorem suum egregius meritum exolutor ad iudices trahit. Adornat deinde sceleris commentitij fabulam: Reginam ad eadem à Payno quærì adscitis in conscientia sæui facinoris viris quinquaginta. se quoque ab ipso Payno in societatem tanti patricidij vocatum. Hæc ubi machinatio processit, ad VValsingamum homo perfidus, non exultantis, vt re ex sententia gesta par erat, sed timoris specie reuertitur. Iam sibi à Papistis nullum tutum fore locum, nullam vitæ partem terroribus securam: agendam in silvis, latebrisque vitam anxiam, & locis omnibus pauidam, dum omnium odijs Catholicorum peteretur. Hic aduersus Catholicos ferociter coorto VValsingamo, simulque contemptim de eorum viribus ad solandum agrum animi differere incipiente: non multis esse opus subiicit Eliottus, iam sibi paratum proximis comitijs malum, falsa cadis, ac latrocinij suspitione afficta. Narrat sub hæc periculi sui caput, miserabiliterque, si quicquam de Euangelio meruisset, opem postulat. Non defuit supplici VValsingamus. operam ad supprimendam accusationem, iudiciumque auertendum promittit Eliotto, si pergat præsentì animo communem religionis causam promouere. Quamquam si me-

rita, inquit, expendantur Eliotte, idipsum  
 quod peris meruisti. neque enim in vulgaris  
 meriti loco poni apud nos scias; tam impia  
 in reginâ conspirationis indicium adeo aman-  
 ter, atque opportune ad nos delatum. Fictam  
 ab Eliotto Payni in Reginam cohiurantis fa-  
 bulam intelligebat. At hoc quantum est?  
 illico Eliottus. Quid enim merebor, si Iesu-  
 tam vobis aliquem exhibeo? Tu vero sum-  
 ma omnia; excipit VValsingamus; extem-  
 ploque semotis arbitris rem transigunt. Sta-  
 tuunt vti Eliottus, antequam desertæ religiô-  
 nis nuncius latius manans Catholicis eum su-  
 spectum, ac proinde struendis insidijs ineptum  
 reddat; abeat Londino, Campianum, & Per-  
 sonium toto regno vestiget. Iam enim in pro-  
 uincijs vtrumque vagari fama tulerat. Eunti  
 VValsingamus regias epistolas tradit, quibus  
 ad quærendos perduelles Pontificios, vin-  
 ciendosque amplissima potestas fiebat prodi-  
 tori; simulque adesse in eam rem illi volenti  
 magistratus omnes iuebantur. Additus ta-  
 men Eliotto é veterum satellitum numero ho-  
 mo vaser, & subdolus, qui nomine adiutoris,  
 & honoris specie, suspectæ adhuc fidei  
 neophyto Euangelico custos perpetuus hæ-  
 reret: vana enimvero diligentia, curaque  
 superuacanea. Nam Eliottus combibita pe-  
 nitus impietate, ac fauitia; veterantium faci-  
 noris magistrum omni fraude, ac dolo an-  
 teibat.

## CAPVT XXXVI.

*Religionis simulatione in Lifordianum irrepit, sacrilege sacris interest Eliottus.*

**H**Is artibus, regijsque mandatis instructus Eliottus Londino egreditur ad incertum per prouincias, vagumque malefictum. Magis enim Londinensium oculos Catholicorum, quibus proditor, vbique notabatur, effugiendi cura, quam sacerdotum protrahendorum spes ad sordidam, perfidiosamque peregrinationem incitabat. Ceterum erronem proditorem, dux diabolus ad certum facinus dirigebat; vt adeo imprudentem perfidiam felicem fuisse, immerito ipse deinde miratus sit. Dies Dominicus à Pentecoste nonus illuxerat, qui eo anno in septimum decimum Kalendarum Sextilium incidit, cum inter eundum, Lifordianam Iattai villam tiro, ac veteranus iniquitatis satellites habuere in conspectu. Quæ aduersum Catholicos miscuerant colloquia tunc maxime feruebant. Duxit illico ex insperato ingentem gemitum Eliottus, mirantiq̃ue comiti, Utinam in illarum, inquit, quas cernis adiū penetralia aditus pateret, iam tibi ante lucis occasum Pontificium aliquem sacerdotē vinctum darem. Nusquam certior prada est.

Cogu-

Coguntur ad notam domini, familiarque superstitionem fugitantes isti lucis sacrificuli. Magnus earum virginum, quas Sanctimoniales vocitant, inibi coactus numerus, nunquam sine sacrorum ministro est. Neque dissimile vero fuerit aliquem etiam nunc ibi se iactare Iesuitam. sed aditu prohibent ipsa domus munimenta, suspicio ignotorum, diligens custodia, reuerentia nobilitatis. Quo dicto tacitus paulisper progressus est. Mox læto manuum plausu, Bene, inquit, habet, conuersus ad comitem. Est quem adhibeam impetrandi aditus interpretem. coquus olim Ropperi, coque mihi societate seruitij familiaris, in hanc paulo ante transijt familiam. Cum dicto celerant gradum. Demisso qui fossam villæ circumiectam iungebat ponte, ad Eliottum veterem amicum gaudio alacer euocatus coquus accurrit. Vix mutuas peregerant salutationes, cum eum seductū Eliottus composito ad omnem pietatis simulationem vultu, ac sermone docet, sibi hominī Catholico non licere eo die, si facultas non desit, abesse à sacris. Non dubitare quin in tanta frequētia sacerdotum, aliquis ad sacrificia patranda id temporis in tam religiosas, copiosasq; ædes contulerit se. Obsecrat proinde ne se, eo salutaris hostiæ fructu, priuatū, tempore tam opportuno, velit. Mouit oratio virū simplicem. bono animo iubet esse Eliottum. Deum sancte, pieque cogitatis non defuturum.

rum : tum de comite, quidnam esset hominis, nam illi etiam aditum, si Eliotto videretur; à dominis impetrare cogitabat; quaerit. Nihil illo esse opus Eliottus ait, bonum quidem virum esse; sed cui nihil necesse sit in re tanta fidere. Auxit sibi perfidus apud candidum Catholici hominis animum, quam alteri detraxit, fidem: incautosque fraudis qui in discrimen vocabantur fecit, dum ipse qui periculum creabat, etiam quæ tuta dicebat, cauere se simulat. Expectare ad ianuam iussu Eliotto, ad heram coquus quasi pij operis sedulus interpretes aduolat. Rem exponit: summis precibus uti admittatur nouus hospes orat. Hera periculi semper pauens, tunc in ipso discrimine, ut saepe accidit, etiam praesaga mali diu auersata orantem est. His insuper ipsis, inter alia, fertur verbis usa: Agendum scilicet caute est. Scis ipse qualem apud nos thesaurum habeamus. Postea vero quam hominem sibi notissimum, sine ullo periculo admitti posse sanctissime confirmans, suum ipse coquus, si quid in tam bono Catholico offenderetur, caput offerebat; fessa obsecratis pertinacia admitti hera hospitem iubet. cum manu apprehensum dum coquus induceret, gratulantis more: Tu vero, inquit, meliorem opinione tua nactum te fortunam scito, Campianum, & sacrificantem hodie audies, & concionantem. Enimvero *prauum est cor hominis, & inscrutabile, & multa quæ pro-*  
dere

dere latentem animum, possunt argumenta, adeo ambigua sapenúmero sunt, vt perinde, ac quisque velit æqua veri similitudine accipiat. Ad Campiani appellationem inusitati gaudij signa toto vultu, ac voce edidit Eliotus: quæ cum sceleris essent concepti notæ, indicia pietatis credita non inepte sunt. Simulata confestim grauis negotij recordatione (quam ne tum quidem bonus interpres suspexam habuit) redit ad comitem, litteras regias apud illum depositas accipit. Vtrum eo tempore comitem ad magistratus, rei denunciandæ gratia miserit, an opperiri se iusserit, neque certo traditur, neque vnde affirmem refellamue habeo. Ipse eo consilio litteras dicitur accepisse, vt Edmundo inter ipsa sacra aut cõcionem, quâsi in flagitio deprehenso, regio nomine, manus iniiceret. Postquam litteris in sinum coniectis ad arcana ædium ventum est, Campianum offendit confessionibus omnium exceptis, sacras vestes quibus operari sacerdotes fas est, induentem. Compositusque ad omnem pietatis simulationem tremendo sacrificio piorum turbæ immistus interfuit. Is forte dies inter Dominicos à Pentecoste numerabatur, vt ante dicebam, nonus. Quo ex sancti Lucæ Evangelio flens ad Hierosolymorum conspectum Dominus proponitur, cum amantissima querela: *Si cognouisses, & tu, & quidem in hac die tua quæ ad pacem tibi.* Ea occasione diuinæ  
beni



benignitatis diuitias, Iudaicæque pertinaciæ malignitatem in patriæ suæ miserabilem casum bonus concionator inter dicendū traxit. iamq; animis diuino feruore cōcitatis, ad illa etiam deuolutus est, *Ierusalem, Ierusalem, quæ occidis Prophetas*; tanto vel auditorū motu, vel sensu suo, vt nihil simile ad eum diem ex mortali homine auditū narrarent deinde qui interfuere. flebāt vbertim qui aderant, præcipue cum patriæ suæ cæcitatem, tantoque piorum sanguine quamuis plenam, nondum tamen exaturatam scruitæ imaginem, oratione dicentis pene sub oculos positam conspexere. Sustinuitque Eliottus eius commemorationi sceleris lacrymas inter cœtū complorantium vberes dare, cuius mox ipse siccis oculis auctor, spectatorq; futurus esset. Fama est, quam ego certis auctoribus compertam habeo, fuisse animum, imperumque transfugæ non semel inter sacrum, interque concionem, quod antea constituerat, prolatis regijs litteris Campianum pro potestate vinculis deponere. Sed vel cœtus amplitudine, ac splendore, vel conscientia sceleris, scdique flagitij verecundia, vel, quod certum est, diuino nutu, ne martyrij palma pene in manibus victori Campiano infringeretur, cohibitum. Neque enim dubium est quin audentem id sceleris proditorem discerpturi essent, qui aderant ex omni Catholicorum ordine viri, scæminæque, quorum plurimi  
non

non prudentissimo ardebant, & religionis, & animorum suorum parentis zelo. coquus quidem certe cum armatis paulo post armatum ipsum Eliottum redeuntem ne interimeret, non voce modo, sed manu etiam à bonis quibusdam, pijsq; viris coërcendus fuit. Neque lenis rabies erat. prohibitum à proditore ferrum in se verterat, consciuissetque sibi sceleratam necem, nisi ijdem, qui alienæ, ut parceret vitæ monuerant, ne suam cum certo animi exitio prodigeret, coëgissent.

## CAPVT XXXVII.

*Prodito hospitij iure Eliottus Campianum ad necem frustra totum diem quarit.*

**S** Acris peractis propere discedentem Eliottum coquus assequitur. Negansque moris eo loci esse, ut pietatis ergo convenientes hospites impransi dimittantur; frustra detinere, confuso non minus pectore, quam voce, vultuque hominem conatur. Maturandi ille itineris necessitatem voluntati festinandi facinoris obtendebat. Cursu quam maxime potuit citato in proximum pagum, milites, qui Campianum vincirent, conquisiturus, abiit. Mensas interea non vnus in conclauis hospitali prandio instratis latæ vxor cum  
cogna-

cognatis inuisebat. Erat illi de suspecto hospite cura imminens. itaque neminem prius in cœtu conuiuantium quæsiuit oculis. Vbi nullus apparebat, ex accersito eius interprete repentinum discessum hominis cognoscit. Inde grauitè icta animo, dolum quasi ex vestigio subodorata, ne hospitale tamen conuiuium turbaret, in occulto rem habuit. Ceterum speculatorem in summa domus turri, ad eam rem, si quam is turbo procellam excitaret, constituit. Nondum finem epulandi fecerant, cum ex animo similis speculator accurrit, magnamq; armatorum equitum manum ad se ire nunciat. Re vulgata, paucor, & concursatio incertæ turbæ; aliorum comploratio: inter primores consilia agitabantur. Primus omnium longa deliberatione opus non esse Campianus ait, vnum se ab armato magistratu peti, velle venientibus occurrere. Ita domum vexationi, familiam, atque hospites præsentis periculo ereptum iri. Hæc intrepido vultu, voceque alacri pronuncians abire incipit. sed iniiciunt continuo conlacrymantes qui aderant, abeunti manus. Negant vnus esse, quod vnus ipse subire velit periculum. omnium spiritum ex eius salute pendere. Neque sibi indecorum fore in eius partem discriminis, quod ipsi sua importunitate Campiano accersuerint, venire. Erant domi, qui mos est Catholicis vsitatus in Angliâ, frequentes latebræ, his ipsis para-

ta temporibus : aliæ in parietum , aliæ in for-  
nicum cauis , tenui tantum tectorio , in soli-  
dæ fabricæ speciem , inductæ . Ex cum ad-  
ducto ostio iunxere aditum , adeo apte co-  
hærent , vt fraudis omnem suspicionem ex-  
cludant : neque nisi temere gladijs , aut dola-  
brâ ( quod frequenter hæretici faciunt ) per-  
tentatæ , vel ex ipso pleniore sono , vel ceden-  
te coagmentatione , inueniri possunt . Quam-  
quam , & in summis non raro parietibus ,  
persæpe in medijs excauati specus , etiam ma-  
num , quantum sese erigere satelles potest ,  
tentantis effugiunt . In huiusmodi angustias  
Campianus , duoque domestici , de quibus  
antea dixi , sacerdotes coniecti ; sacro interim  
instrumento alibi occultato , precibus inten-  
ti , interque spem , ac metum , quid opta-  
rent incerti tacite agebant . Septa inter hæc  
armatis domus . ad quærendum Campianum  
numerosus immissus miles . Ducebat agmen  
alio iam , quam cum supplex ad sacra irrepre-  
rat , vultu impudentissimus Eliottus . Ipse  
lustrare angulos : deducere in conclauia : illud  
idem penetrare , vbi paulo ante submisso ge-  
nu venerabundus ad formidandum sacrifici-  
um procubuerat , furore amens euertere :  
familiam vexare : nulli siue hominum , seu  
cælitum parcere : ipse insignis in scelere esse .  
Nam quos adduxerat secum milites , partim  
inuidia noui ducis , partim nobilissimarum  
matronarum , virginumque reuerentia , mo-  
destio-

destiores vt viderentur , faciebat . Erantque ipsi ex constituta Barchienfis prouinciæ militia , intra cuius fines Lifordianum est , homines domi suæ honesti , neque prorsus sceleribus assueti . Iam dies processerat . fessi quærando omnia , atque euertendo , milites erant . Ergo execrantes irriti incepti vanum auctorem , ne ipso quidem abnuente Eliotto , discessum parant . Ante discessum , Iattæ uxorem , matronā omnibus circa incolis venerabilem , duces cohortis adeunt . submisso etiam genu veniam allatæ frustra vexationis postulant : hominem vanissimum , Reginæ mandatis tumentem , secutos se , iniquissimo animo operam perfido transfugæ commodasse . Nihil Iattæa magis , quam eorum importunitatem domo abigi , volebat . Quare supplicibus veniam facile , magno etiam cum honore verborum , dedit . Ita pleni irarum ipsi , confusum pudore Eliottum abducunt .

## CAPVT XXXVIII.

*Renocatis in villam ab Eliotto militibus , iterum , ac tertio frustra queritur Campianus .*

**V**Bi vero è villa egressi liberiores habere voces ; omnia in Eliottum conuicia congerere cœperunt . Lusam operam : suscepas

sceptas cum familia nobili inimicitias : nihil ex tanto labore , præter pudorem irriti conatus , referre domum . Non tulit ignominiam Eliottus . sed rei turpiter infectæ crimen in illorum primo negligentiam , mox etiam oblique in perfidiam , qua præuaricarentur regis causæ , reijciebat . Ac ne intemperantia tantum linguæ id à medici criminemini , Agite dum , inquit , egregij quæsitores . quemnam vos parietem ad euertenda latentium receptacula effodistis ? An vos obuiam existimastis processurū quærentibus Campianum ? an in propatulo , vt in oculos incurreret , futurum ? Mirari hominis malignitatem primores militum , negant sibi demoliendorum parietum esse potestatem . At mihi est , continuo Eliottus : regiumque diploma extrahit è sinu , claraque voce recitare , vt fidem suis imperijs faciat , incipit . Recitare incipienti , ad tergus , clam , litterarum callens iuuenis adrepsit . Suspicate in tam vafro ingenio fraudem milites eum summiserint , an sponte ipse sua accesserit , incertum est : illud constat , & veritos in vafro ingenio fraudem milites , ne specie recitantis è scripto , pro arbitrato sententias , ac verba supponeret ; & iuuenem obseruaturum accessisse , an conficta , pro scriptis sententijs , mendacia narraret . Non vana suspicio fuerat . cum inter legendum quiddam Eliottus mentiretur , detegit exemplo fraudem , qui pone stabat . Exarsit scilicet



licet ira homo impotens: Statim eum, quasi  
 Iesuitarum propugnatorem, pro imperio,  
 comprehendi, vinciriq̃ue iubet. Eo facto pa-  
 uidum reliqui, metu victi, silentium tenue-  
 re. Mirum in modū eo successu elatus Eliot-  
 rus; recitatis, an pro tempore confectis regijs  
 mandatis, reditum ad accuratiorem adium  
 inspectionem militibus imperat. Dum hæc  
 foris geruntur, redintegrabantur intus gau-  
 dia, Deo gratiæ pro periculo discusso, vit-  
 rebantur, actæ: gratulationes inter se, mu-  
 tuiq̃ue amplexus, & si quæ sunt insperatæ  
 securitatis ex proximo discrimine argumen-  
 ta. Iamq̃ue obsecratæ ianuæ, sublatus fossæ  
 pons, omnis ex vehementi iactatione pristi-  
 nam faciem receperat domus; cum ecce tibi  
 aditum iterum à redeunte magistratu peti-  
 trepidi nuncij dominis attulere. Tum vero  
 multo maior priore metus, altiorq̃ue cum  
 stupore quodā mœror animos inuasit. Vnus  
 ipse, cuius periculum agitabatur Campianus,  
 lætitiā ore, verbis pietatem, toto motu  
 constantiam præferre. Itur ad consueta effu-  
 gia. ad lacrymas fœminæ; sacerdotes ad late-  
 bras, ad incertam concursationem redit pa-  
 uidum famulitium. Vbi admissi iterum, re-  
 nouata diligentia, milites acerrimam inte-  
 grauere inspectionem; animo lætæ, & cor-  
 pore iuxta agrā in lectulum abijcit se; voca-  
 riq̃; Barchiensem centurionem iubet. Enim-  
 vero agnoscere se ait viri sui immerentis for-  
 tunam,

tunam. Quo enim ea militum leuitas pertineret, qui euersam paulo ante domum sponte abscedentes suspicione liberarant; nisi, ut se morbo afflictam ea vexatione extinguerent? agnoscere peccatorum suorum vindicem Deum. Pergerent porro ex interempta per summam iniuriam fœmina fortes viri triumphum quarere. Sibi quidem cœlestem iram patienter tulisse laudi fore, illis ne ignominia, atque damno olim sit eiusdem ministros fuisse, ipsi videant. Adijcit orationi, quamquam constans animi, muliebris tamen ingenij non prorsus expers, lacrymas, totoque corpore auersatur adstantes. Eo motus spectaculo centurio orare, ne illam sibi nequissimi delatoris improbitatem vitio verat. obsequium à se regijs mandatis deberi. quæ quoniam apud hominem ultimæ dementiæ deposita sint, non posse eius furias auertere, moderari posse. Itaque sedato paulisper animo eligat ædium quam malit, suæ quieti, partem. polliceri se nullas eis, quæ insedisset ipsa, conclauibus à suo milite turbas futuras. Iam aduersperascebat, cum ea denunciatione placata mulier illam ipsam sibi deligit ædium partem in qua sacerdotes latitabant. In illam summa omnium reuerentia deducta, dum reliqua domus, etiam tentatis, labefactisque parietibus compluribus exploratur, in lectulum recipit se. Ad multam noctem scrutandi omnia sollicitus labor, & an-

xia diligentia milites frustra fatigauit. Cibo inde, lattæ liberalitate, copiose, lauteque sumpto, necessariæ quieti dedere se. Desperatus successus, ingens lassitudo, largior cibus, potusque alto somno passim iacentes, ut quemque fors tulerat, oppressere. Simulare contra somnum lattæani, omnesque obseruare militum motus. Vbi non ficto sopore grauem premi militem comperit lattæa: (& media forte nox erat) Campianum, & reliquos sacerdotes è latebris euocari ad se, in tempestiuo sacræ concionis à Campiano audiendæ studio iubet, repugnantibus periculosa pietati domesticis, affirmat, certa se animi prouisione cernere, ni tunc adessent, nullam in posterum alloquendi inuicem, audiendi que fore potestatem. proinde ne postremo illo solatio se destitutam velint. Obsequendum piæ pertinaciæ fuit. Aduocati sacerdotes, multis præsentibus, effuseque lacrymantibus, assidere iacentis lectulo. Neque inde prius abscessum quam pia concinacula à Campiano, solandis, recreandisq; omnium animis, summa dominæ contentione extorta est. Lacrymas auditorum, quas non modo pietas, sed admotum etiam, ac pene præsens viri adeo sancti, adeoque suauis oratoris discrimen excitabat, memorare superuacaneum reor. Tantum certe intimis animis postrema illa allocutione gaudiorum excipere; ut pene periculorum obliui liberius  
quam

quam ut obsessi agerent. Missa concione in sua quisque loca abiere. Forte inter abeundum est Campiani socijs sacerdos vnus grauiter offendit. & quoniam idem venienti primo acciderat, iteratus fragor collocatos ex industria ad fores dominæ milites excitauit. Conclamatur illico ad arma. Sine dubio Iesuitarum concursationes nocturnas illas esse: latitare in conclauis seposito: pene visos: pene è manibus elapsos. Ergo fidei obliti, latræ conclaue aggrediuntur, minis atrocissimis frementes: omnes eius partes excutunt: interiores cellas permeant: multa indigna in nobilem matronam agunt, mentiunturque, sed frustra iterum cecidit immanis furor, antequam illi irrumperent, suis quisque recepti locis, eludere rabiem insequentium.

## CAPVT XXXIX.

*Campianus duoque alij sacerdotes,  
dum Deo attente supplicant,  
comprehenduntur.*

**I**Am inter eas turbas illuxerat, continua-  
taque nocturnæ inquisitioni, multarum  
horarum diurna diligentia nullo fructu, de-  
sperare successum non modo milites ceteros,  
sed ipsum quoque Eliottum subegit. Abi-  
re igitur milites incipiunt, iamque abeunti

transfugæ verecûdia infelicitis perfidiæ in rabiem verterat. neque vox illi, neque vultus, non manus, non oculi constabant. belluam dixisses, non hominem, adeo insana vociferatione omnia implere: oculorum coniectu terrere obuios: ex quacumque re conuiciandi occasionem arripere. Hærebat abeuntis lateri additus honoris specie, ipso tumultus initio. à lattæa custos, vir iuxta pius, ac prudens, qui pro re consilium caperet, motusque omnes, ac verba proditoris excepta, fidos subinde per nuncios ad lattæam transmitteret. Hunc perpetuo laceffitum iurgio, nullaque, nisi irritæ insanix causa vexatum, acerbis ad extremum contumelijs incesserat Eliottus, cedentem semper furenti, vultusque, ac vocis mollitie frangentem iras. Huic iunctus, ad scalas iam abiens processerat: cum repente ad eum conuersus. Ille vero paries, inquit, effossus nondum est? digitoque certum, qui scalis imminebat, nulla suspitione notabilis, locum designat. Perculit nec opinata vox hominem, receptorum eo prorsus, qui designabatur, loco sacerdotum conscium. Notauit confusi vultus, insoliti que silentij signa Eliottus: iterauitque eadem ipsa verba ferocius, ad arguendam paupere conscientiam. Tum comes nescire se respondit. Quid vero tum? an totam subruere à fundamentis domum cogitaret? satis iam demolitionum, satis ruinarum factum.

de

deducebatque leniter restitantiem. Fixus ille immo vociferari, & subruere domum, & ruinas amplificare consilium sibi esse. Tum periculi conscijs timore defixis; ignatis, furorē hominis demirantibus: malleum fabrilē ad effodiendū locū clamoribus infanis poscit. eum vero amens rabie cum in parietem vix summa hærentem crusta magna vi impegisset; stupens ipse insperati successus miraculo, magno domesticorum gemitu, incerto fremitu militum, latibulum martyrum aperuit. Patuere in sacris adytis, angusto lectulo, tres iacentes viti, oculis, vultu, manibus in cælum erectis: parati scilicet ad omnem diuinæ nutū prouidentiae. Iam enim productis, elutisque inuicem, sacra confessione, eo temporis puncto, peccatorum maculis, hoc sibi pœnæ, vt in tanto rerum articulo, imposuerant: vt sancte, pieque Deo ijs verbis supplicarent, *fiat voluntas tua*. Ternam etiam sancti Ioannis Baptistæ implorationem imperatam, quem patronum inuocanti Campiano in simili olim causa adfuisse memorauimus, addit Tarracoenensis Episcopus. neque vero nihil, expediendæ ad martyrij lauream viæ, has magno fusas ardore ad Deum preces valuisse crediderim, eo tempore, quo si humana æstimatione pensanda res foret, extra aleam, atque extra telum, vt aiunt, esse, abeunte postremum Eliotto, videbatur. In hunc modum Ed-



mundus Campianus non antequam Deo visum est, ut ipse olim ad Euerardum Generalem Præpositum non false minus, quam vere scripserat : hoc est cum minime mortalibus videretur : in hostium manus venit, duoque cum illo Iattæani sacerdotes, Ioannes Kollingtonus, ac Thomas Fordus. Non sum nescius, multa aliter, quam hætenus exposita à nobis sunt, tum alibi, tum hac præsertim Campiani comprehensione ab alijs narrari : quædam etiam publice litteris edita, iam hominum trita manibus, aures mortalium occupasse. Sed ego id in historijs conscribendis euenire comperi, quod in repentinis imbribus quotidie conspiciamur : ut quæ primo illo effusæ nimbo in riuos, torrentesque concurrunt, correpto puluere, sordibusque, insincerae fluant aquæ : eadem tamen si alueis, fossisque receptæ constiterint, subsidente paulatim limo colliquantur. Neque enim fieri potest, quin recentibus rerum gestarum rumoribus, multa, vti hominum loquacitas, leuitasque fert, vel detracta, vel addita, vel certe immutata afferantur ; quæ feruore illo audiendi passim, narrandique sedato, sua pene sponte ita componantur, ut paulatim emergant, quæ latuere : quædam obruantur male fluitantia : suo quæque loco, situ, colore, magnitudine, cernantur. Ego certe reliquarum, quas expono, rerum idoneos, huius vero comprehensionis non leues

rumo-

rumores, turbidamque (vt initijs solet) ex incerto famam, sed rebus iam longo tempore sedatis, certissimum auctorem Personium habeo. ipse rem totam ab eo, qui gerendo interfuit, additus Eliotto, vt dicebam, comes, accepit; quam cum fide, curaque olim retulit in commentarios, eosque mihi duces, dum hæc Romæ scriberem, dedit.

## CAPVT XL.

*Catholici aliquot laici cum Campiano vincti.*

**C**Apto duobus cum sacerdotibus Campiano adiecti etiam, veluti eius artibus, ac salutis fauissent, an quod eum tantum audiissent? (ad audiendum certe, vti dicebam ante, conuenerant) nobiles nonnulli. Eorum ego, duorumque præterea ex tenui familia Catholicorum, multo iustius, quam triumphantium olim ducum Romani fasti consueuere, nomina adscribam. Fuere Ioannes Cottonus, Gulielmus Hisdesleus, Humfredus Kaines, Philippus Lous, Eduardi duo Iatræus, & Kaines, & Ioannes Giamus. Hi ex claro genere. Humilioris fortunæ, quam Christi ignobilitate illustrarunt, Gulielmus Valbinus, & Ioannes Mansfeldus. Hos præclarissimi comites triumphi

habuit, cum regiam Angliæ urbem catenis  
onustus inuectus est Campianus.

## CAPVT. XLI.

*Londinense captiui Campiani iter,  
cum diuersis populi de eo,  
deque Eliotto in-  
dicys.*

**Q**Vibus ex diuerso Eliottus, ac Iattæi fa-  
milia post huiusmodi patratum facinus  
agitati sint animi motibus, superuacaneum  
est referre. Quippe, vt de Iattæanis taceam:  
Eliottus in tuto locatas fortunas, vti rebatur,  
suas, eo insolentius ferebat, quo; & iucun-  
diorem prædam fecerat eius toties concepta  
desperatio, & accensum conuiciorum igno-  
minia animum victrix pertinacia felicitatis  
impotentiorum reddiderat. Quid, dum ex la-  
tebrarum angustijs producuntur, egerint,  
dixerintue Christi martyres, parum inuenio.  
illud Tarraconensis Episcopus scriptum reli-  
quit: tanta oris constantia, vultusque hila-  
ritate, addito suauissimæ orationis nativo le-  
pore egisse eo temporis articulo Campianū,  
vt hostium furore repente mitigato, multo-  
rum amorem dolore incitatum ad lacrymas  
vocarit; simulque omnes admiratione defi-  
xerit.

xerit. Liberaliter quidem ille honesteque, libera pene custodia, à Fredo Frosterio Barchienfis prouinciæ præfide habitus est. Is, cum è proximo opido, prouinciales milites euocaret, comprehendendi Campiani causâ, Eliottus: longe aberat. Deo fortasse liberior rem permittente insanienti transfugæ furorem, ad patientiæ meritum martyri augendum. Neque enim dubium est, quin multo mitius, humaniusque tum hospitibus, tum victo, eo in tumultu, Fredus moderator fuerit consulturus. Ad comprehensum certe nuncium in Lifordianum, animo mite anxius, se contulit. pridem scilicet illi, à puero, in talem virum inolita reuerentia, durum ministerium detestabatur. Olim siquidem ingenij fama notum Edmundum, præsens deinde, in scholis iam Oxoniensibus dominantem, coluerat: postremo sanctitatis etiam fama celebrato occulta animi inclinatione fauerat. Ad eum ubi venit; extemplo litteras ad senatum de re tota, per dispositos equos, Londinum dat, quidque tanta in re fieri iubeant, consulit. Interea Campiano veteris amicitiae signa omnia, præsentis fortunæ nullum, nisi abeundi ereptam potestatem exhibet. Adiectum potius, quam detractum captiui dignitati diceres: adeo honorifica ædium parte, famulatio liberali, vti eum Frosteri comes voluit, cum ille modo singulos, modo vniuersos, conditionis vel negligens, vel oblitus

oblitus suæ, monere, hortari, ad omnem fidei, morumque integritatem accendere non desisteret. Deuinxit sibi ipsorum animos satellitum tanta mirissimi ingenij facilitas, ut iam non magis Prætoris voluntate, quam sua, captiuum pro domino colere viderentur. Triduum, senatus de Campiano consultum, in ipsis Iattæ ædibus expectatum est. Quarto demum die allatæ senatus litteræ. senatui placere uti Londinum idonea cum militum custodia rei deducerentur. Eductum, magna comitante armatorum peditum, equitumque manu, ex villa captiuorum agmen, Iattæanæ familiæ complorationes, ac lacrymæ, supra quam dici potest, miserabiles prosequuntur. ij vero quibus animus tanto malo supererat, etiâ oculos, quoad sequi abeuntes cernendo poterant, postremo carissimorum capitum spectaculo impendunt. At qui ducebantur Christiani heroës confluentibus undique ad spectandum virorum, ac mulierum agminibus admirationi erant, tantam in tanto periculo animi altitudinem ipsis oculis, ac fronte, nedum verbis, quæ facillime simulantur, præ se ferebant. Neque soli qui ducebantur, etiam qui ducebant occurrentibus ostentui fuere. Eminebant enim inter reliquos diuersi agminis principes duo: Campianus in sanctis confessoribus, in cruentis satellitibus transfuga Eliottus. Illum oris modestia, vultus ad omnem castæ hilaritatis

imaginem conformatio, verborum parcitas, ac pietas, insignem reddebant; hunc ab insita animo superbia, etiam recenti ferocia pro-cax petulantia, ambitiosa toto palam motu corporis, quasi gloriosi facinoris, iactatio, & sine rivali fœdus sui amor. accedebat lasciuientis in læta fortuna sermonis impotentia: multoque magis adeo fœdi facti prædicatio insolens, norabatur. Neque tacita erant occurrentis, obseruantisque propius omnia, vulgi iudicia. Dabat linguæ impunitatem confusa multitudo. Quare non modo hæretica factio, regis iræ ob communem prauitatem secura, verum etiam quibus alioqui Catholicæ pietatis conscientia dolorem in abdito continuisset; publica defensi, qua flagrabat proditor, inuidia, & quasi tenebris obiectæ multitudinis occulta, quid de utroque sentirent, libere promebant. Mirumque fuit in tanta, rebus omnibus dissidentium, hominum turba, inuentum neminem, qui Eliotti vulgatam iam perfidiam, atque os impudens non detestaretur. Cœptum immo iam tum in Eliotti nomine vulgari conuicio ludi: vt Iscariottus, an Eliottus diceretur, per iocum quærerent. Seditque magni proditoris nomen nostro perfugæ deinde adeo obstinate; vt ad nostram vsque ætatem promiscua pene appellatione Eliottus, atque Iscariottus censeatur: vsque adeo perfidiose facta, si præsertim innocentem



tem lædant, paratum etiam apud improbos odium inueniunt.

## CAPVT XLII.

*Poſt celebre confluentium populorum  
Studijs iter, Londinum ignomi-  
nioſa pompa traductus, in  
vincula conyicitur.*

**Q**Uamquam perpetuis occurrentium tur-  
bis celebratum eſt poſtremum hoc Cãm-  
piani iter: illuſtres tamen tribus fuiſſe lo-  
cis, inſolitosque occuſus accepi. primum  
Abingdoni, Henlæi alterum, poſtremum  
Kolbruci. Et Abingdoni quidem, quod  
Oxonio millibus paſſuum non plus quinque  
abeſt, effuſam habuit ad ſpectandum ſuum  
olim alumnum, mox & miſſis libellis moni-  
torem Campianum, Academiam Oxonien-  
ſem vniuerſam. Quos ille, medius inter ſti-  
patores, vultu placidiſſimo ſalutatos, poſt-  
quam ſui videndi auidos accepi; alta voce,  
qua ſolebat comitate, interrogauit, num etiã  
de æterna ſalute verba facientem audire vel-  
lent: quod & paratum ſe facere, ſi liceret, af-  
firmavit. Henlæum inde proceſſum eſt. Hic  
incautiſ agentis, auidiusque Campiani col-  
loquium affectanti Gulielmo Filbæo ſacer-  
doui

doti manus iniectæ à regijs : exemploque veteris Adaucti , fortuitus ( si ita loqui diuinis in rebus fas est ) Confessorum agmini Christi miles accessit . tortis in primis , ac strenuus , nec nisi vita posita , piam causam deserturus . quod & antea diuinitus prænunciatum , ipse multis aperuerat . Visus enim sibi ante paucas noctes erat , per quietem , immani cruciatu euiscerari , dein etiam lacerari . Quare miserabili clamore , atque gemitu , & se ipsum , & contubernales nouitate rei territos , excitauit . Fuitque somnio vis prædictionis . vñitata carnificina , constans veritatis propugnator , post Campianum dilaniatus , lætitiæ præstitit vigilans veræ neci , qui fictæ in somnis mœrorem dederat . Eodem loco Campianus Personij seruulum obuium habuit , agnouit , salutauitque læto oculorum nutu , quoniam colloquium intuitum erat , inter circumfûsam , hærentemque lateri custodiam . Hunc Personius , qui Henricô duobus ferme stadijs cōsulto constiterat , ad Edmundum vel verbo , vel quacunque posset ratione salutandum miserat ; simulque explorandum , quid virium , quid animi , quid dignitatis ad sustinendam causam afferret . Ipsum visendi dulcissimum amicum , sociumque sanctissimum cupiditate succensum , amici cohibuere ; certe , & adeundi imperus fuit , & tanti supremû illud officium , quamuis capitale videretur , esse existimabat . Sed

Deus

Deus illum præfenti periculo exemptum, felicitate, ac diligentia nunciij solatus est. Mirum fuit. nutibus vtrunque res transacta. acceptæ, redditæque etiam, absentis nomine, salutationes, responsumque, salua omnia, lætaque Deo duce esse. Postrema loco, sed frequentia princeps Kolbruciana celebritas fuit. Londino millia passuum non plusdecem Kolbrucum distans, auidæ spectaculi tantæ ciuitati facilem accessum dedit. Effusi ergo omnium ordinum, omnis ætatis, sexusque homines, vix custodibus, captiuisque locum, spatiumque eundi, manēdiue relinquebant. Conuenere ex primoribus, nobilitatisque principibus non pauci. hi Campianum salutare, atque alloqui mire auebant. ne facerent, eius hærens lateri, magnæ auctoritatis, regio iussu, custos impedimento erat. Sed huic etiam malo obuiam diligentia, piæque fraude itum est. Applicabat ad cubiculi quo claudebatur, parietem sese Edmundus, aduersumque sibi è proximo, custodem ita vario sermone detinebat, vt ab illius tergo, colloquij auidi nobiles impune tanta præsertim in turba starent. inde mirabili ingenij dexteritate, nutu, atque oculis tacitos hospites; verbis, ac voce incautum custodem; vtrosque ad rem, de qua, sermone hic, illi nutu compellarent, aptissime alloquebatur. Hinc abiturum parantibus regiæ litteræ superuenere. iuebant, captiuos, adstrictis ad tergus

gus brachijs, alligatis ad iumentorum, quibus  
 veherentur, latera, ventremque pedibus;  
 tota quam longe porrigitur vrbe, non tur-  
 matim, sed longo singulos ordine, ad arcem  
 Londinensem deportari: quoque insignior  
 esset frequenti spectatore ignominia; subsi-  
 sterent Kolbruci ea nocte; postero die, quo  
 ad nundinas Londinum frequentissime vn-  
 dique conueniebatur, urbem ivirent. du-  
 cem fœdæ pompæ Edmundum facerent. eius  
 galero titulum litteris grandioribus assuerent  
 eiusmodi. EDMUNDVS CAMPIANVS  
 SEDITIOSVS IESVITA. Ad eius rei  
 nuncium varij animorum motus excitati.  
 Custodum duces vanitatis pudere. nam quo  
 pertineret vinciri repente eos, quos non mo-  
 do libere, sed etiam honeste hætenus dedu-  
 xissent? contra satellitum vulgus probandæ  
 fœuitiæ oblatam occasionem gratulari, aui-  
 deque arripere: conuicia in insontes iace-  
 re: nostri postremo gaudere, *quod digni ha-*  
*biti sunt pro nomine IESV contumeliam pati.*  
 Eximium apparuit eius argumentum lætitiæ  
 in Campiano, ad quem ignominia pars lon-  
 ge maxima pertinebat. At satellites ex præ-  
 scripto omnia peragunt. Expedita confe-  
 stim vincula: colligati fœdum in modum ar-  
 tus liberi: inscripta homini mitissimo Cam-  
 piano seditio: instructus demum per lasciuiam  
 militarem, summo infimæ plebis plausu, ina-  
 nis, de Catholicorum dignitate (vt ipsi re-  
 bantur)

bantur) expugnata, triumphus. Ibat inter imperitæ multitudinis, vrbanaque fæcis ludibria longus liberorum, immo & sacrorum ordo capitum, haudquaquam captorum specie: sed inuictus animo, vultu alacer, aucta ipsis in aduersis maiestate. Neque difsitebantur Catholicarum hostes partium augusti nescio quid in illa Christianæ fortitudinis pompa eminere. Religionis tantummodo errorem, quasi malam bonis patronis causam miserabantur. Contra queis sensus rerum cælestium integer, patriæ cæcitatem deplorare: quæ decora olim sua adeo indignis, fœdisque modis traduceret, auitæque religionis integritatem inter seditionis crimina numeraret. huic scilicet recidisse celebratam tot ante seculis Anglicam pietatem, vt eam pro seditione proscribant. Senatus inde caliditatem execrari qui nullius compertos criminis, quo plausibilius postea necare posset, ignominia populari notatos in præsens voluerit. Pij interim precibus, tacitoque plausu duces suos prosequi: cōpescere interdum per causam humanitatis, procaciam vulgi: nihil mirum dicere, si tam bona causa, etiam prodigos sanguinis defensores inueniret. Inter hæc diuersa populi, vndique confluentis, studia ad maximum Londinensis vrbis forum ventum est, medio fere Londino situm, contrahentium multitudine celeberrimum. Kepseidi, hoc est licitantium, nomen ex re inuenit.

inuenit. Eius medio ingens antiqui iuxta,  
atque eximij operis crux visitur. Marmo-  
rea primo, mox ex albo plumbo inaurato in-  
eximiam altitudinem assurgit, signis vndique  
ad iustum hominis modum egregie factis, cir-  
cumquaque conuestita, neque quicquam for-  
tasse est ex vetustis operibus toto Angliæ re-  
gno cultius, aut magnificentius. Itaque cum  
hæreticorum furor in omnia beatorum cæli  
ciuium monumenta sauiet; huic vni cruci  
regio iussu ob excellentiam operis, ac singula-  
re pretium pepercit, frustra frementibus Cal-  
uini ministris reliquias Papisticae superstitionis  
Christianæ Reginae probro esse. Quin &  
olim occulta vi molem deiicere, aut corrumpere  
conati, pœnas audaciæ capite luerunt.  
Hanc ergo crucem cum præteriret Campia-  
nus, quanta maxima potuit totius corporis  
inclinatione Domini ex ea pendentis memo-  
riam veneratus est. simul quo potuit con-  
strictæ motu dexteræ, idem sibi salutare si-  
gnum impressit. Habuitque dissentientis hic  
etiam populi dissonum murmur. Corruptæ  
religionis fax admiratione partim facti atton-  
nita, quo pertineret illa tam grandis saluta-  
tio quærebat è proximis; partim consilij  
martyris gnara irridere pietatem, sibilisque,  
ac vociferatione, quæque alia commotum  
indignatione vulgus in promptu habet, de-  
bacchari. exultare contra boni constantia vi-  
trici, claroque in infesta ciuitate commilis



tonis testimonio : idque ipsum hostile spoli-  
 um credere, quod terrorum victrix pietas  
 palā conspici non timeret. Arx inde Londi-  
 nensis in conspectu fuit. Hic antequam no-  
 uis carcerum magistris traderetur Campia-  
 nus, placido vultu ad veteres conuersus cu-  
 stodes : condonare se illis Christi causa quæ-  
 cumque in se peccassent pronunciat, multo-  
 que maiorem ex eorum cæcitate, ac pericu-  
 lo, quam ex suo incommodo, ærumnisque  
 capere dolorem, orare misericordiarum Pa-  
 trēm, lucisque largitorem Deum, pleno vti  
 Sole eorum se tenebris infundat. Sic moni-  
 tos salutatosque vexatores suos, tanquam ve-  
 rissimum patientiæ regnum initurus, arcem  
 primo, mox designatum sibi carcerem, sum-  
 ma mentis, vultusque non modo constan-  
 tia, sed etiam hilaritate ingressus est.

### CAPVT XLIII.

*Blandientes primo, mox torquentes  
 hostes inuictus frangit.*

**P**rimum regionum consilium, ac mens-  
 fuit; Campiani animum mollibus blan-  
 dijs, promissorumque magnitudine flecte-  
 re : id ni succederet, cruciarum vltimis in-  
 fringerent. Mollibus ergo initijs cœptum  
 certamen. clementes carceres ; custodes ad  
 obse-

obsequium simulata promptitudine parati. Ac primo, de vniuersa religione mutanda postquam parum prospere à multis cum illo actum est: minora postulata maximorum cum illecebris præmiorum successere. Promittebantur publico regionum nomine liberales census, & quoniam in sacris agere animus erat; etiam luculenta sacerdotia proponebantur. Quin & ipse obiectus in spem, oblatusque Cantuariensis Archiepiscopatus, quo nullus toto regno amplior, summa principum vitorum ambitione expetitur; ea mercede tantum, vt leuiter desiperet, hoc est si eorum templa adire, si interesse impijs ceremonijs, si quicquam simulare cum hæreticis sibi esse in sacris rebus commune, in animum induceret. Ipse in primis machinas admouebat arcis præfectus Odoënus Hoptonus, vir de cuius nequitia tacere præstat, quam pauca dicere. nemo certe in Catholicos propius pugnauit. tortor acerbus, blanditor venenatus: promissis magnificus, atrox minis: & cum promissa, rarus fidei, serusque exolutor, maligne præstaret; minarû tamen terrores præceteri factorum crudelitate superabat. Mendaciorum idem consutor egregius, nisi quod impudenter sæpe mentiendo, persuadendi etiam, quæ probabiliter interdum excogitabat, vim ad vltimum amiserat. & quamquã sacramento mendacia firmare homini sacri-  
lego religiosum non erat, iuratus tamen, su-

spicionem impietatis tantum; non veritatis fidem audientibus faciebat. Verum eo tempore nondum vulgata vanitas mendacis erat: eo multis imposuit. Hac arte cum de multis ob religionis causam vinctis multa mentiretur; tum de Campiano tot, tantaque disseminauit in vulgus, ut rumor clemens primo, mox vehementior increbuerit; titubare Campianum, parumque abesse, quin in Protestantium hæresim concederet. Tantumque ea fama etiam apud procères, Hoptoni perijurijs valuit; ut, qui per ea tempora Lutetiam Parisiorum, reipublicæ causa, VValsingamus à Regina missus legatum apud Regem Christianissimum agebat; iureiurando palam confirmaret, Edmundum abiecta Romanæ fidei constantia ad Lutheri signa transgressum, parari ad nouas Reginæ liberalitate dignitates; ac propediem Cantuariensis ciuitatis Antistitem futurum. Neque hæreticos tantum eius opinionis error inuasit, tentauit etiam Catholicos: quorum nonnulli ob tam sanctas hostium execrationes suspectam sanctissimi viri fortitudinem habuere. labantibusque in vtramque partem mentibus, vtrū anteactæ innocentia Campiani; an constantissimis famæ sermonibus magis crederent, incerti hæsitauere. Dum Cāpiapi salus molibus blanditijs, nomen mendacijs oppugnatur; ex fortuitis, diuersisque eorum, qui in vinculis erant, ipsiusque Campiani sermonibus,

bus, itineris à Campiano ad Iatæum initi  
vestigia odoratus arcis præfectus est, is ad fe-  
natum rem defert. illi callida coniectura non  
procul inde abesse prelum, cuius beneficio  
proxime libellum Campianus ediderat, su-  
spicati sunt. Inde multas locorum opportu-  
nitates, hominum instituta, vitamque con-  
ferentes, crediderunt non nisi apud Stone-  
ram viduam tantum Reipublicæ malum la-  
tere posse. Dant ergo ad Henricum Niuellum  
equitem auratum, quod Stoneræ proximus  
habitaret, litteras, Reginaque, de eius  
matronæ villis, ædibusque, quam citissime  
possit inuadendis, mandata. Non seuerius  
imperatum, quam celerius factum. Circum-  
fessa à Niuello ædes in siluâ sita immissi sa-  
tellites: comprehensi qui prelo operam com-  
modarant ad vnum omnes, tum maxime cu-  
dendo Catholico libello insudantes. Fuere,  
vir memoratu dignissimus Stephanus Brin-  
clæus, de quo supra verba feci, preli præ-  
fectus, simulque operæ illæ quatuor, quibus  
diuerso cognomine, idem Ioannis nomen  
fuit; Harrisius, Tokerus, Kompsonus,  
Harræus. in primisque Gulielmus Hartlæus  
sacerdos, ille qui Oxoniensibus comitijs Câ-  
piani libellum intulerat. Inde ad ædes, quas  
vidua incolebat, transgressus Niuelli furor.  
Ibi Ioannes Stonerus viduæ filius per causam  
recepti domo sacerdotis captus, reliquo ag-  
mini adiunctus: omnesque eadem fere, qua

Campianus, socijque, pompa Londinum in arcē vecti in durissima vincula coniecti sunt. Vnus tantum in ipso carceris aditu defecit Ioannes Kompsonus. victus quippe animi, defectionis flagitio carcerem redemit. Etenim arcem intranti è custodum plebe quidam exiguo intentato cultro mortem per lasciuiam minitatus est, ni synagogam Protestantium adiret: fecitque maius ludicræ operæ, quam sperabat, pretium. Homo timidioris ingenij hæret primo, ac titubante responso mentis inconstantiam prodit. mox conditione accepta cum risu multorum, paucorum exili plausu, liber emittitur. tantulo momento æterna salus misero erepta est. Reliqui, quod intulere primum, præstitere deinceps cōmuni causæ robur animi, nec multo post profuso sanguine Hartlæus, ceteri longa grauiissimarum ærumnarum, rapinarumque patientia clari, insignem de victis tulere hostibus triumphum. Rumor interea de subuerso Campiano Hoptoni artibus indies auctior, publicis etiam hæreticorum orationibus alebatur. Neque Londini modo ad Sancti Pauli crucem, qui locus habendis concionibus amplissimus, celeberrimusque est; sed toto etiam regno passim è superiore loco grates superis pro Edmundo ad suas traducto partes ab transfugis agebantur. Iam ea famæ cōstantia inuidiam ingentem nostro nomini conflatat inter æquos pariter, iniquosque

que. Flagrassetque ea flamma meritis aduer-  
sa Campianus, nisi cum tota de re tandem,  
vieta custodum solertia fecissent amici cer-  
tiores. Exarsit scilicet ille iusta in prædones  
dignitatis suæ iracundia, grauiusque apud  
Hoptonum de illato probro, ac labe conque-  
stus est. Neque aliud eluendæ maculæ reme-  
dium quærendum fuit. Agitari furijs cœptus  
homo impotens, Quandoquidem, inquit, „  
auctor mollioris fortunæ placere non potui, „  
an durioris incentor placere possim, expe- „  
riar. Exinde furibundus, carcerum, vincu- „  
lorum, victus, cultusque rationem Campia-  
no ad extrema omnia reuocat. Paucis post  
diebus de tormentis, ac quæstionibus agi illo  
potissimum, vt creditur, instigatore cœptum  
est. Ea tormentorum fama suspicionum de  
Campiano aduersa mitigauit. Sed antequam  
torqueretur Edmundus, ne gratuita scuitia  
videretur, consultauere senatores in ea capi-  
ta, quorum confessio acerbitate quæstionum  
exprimenda esset. Visa hæc pro tēpore oppor-  
tuna; quoniam crimen nullum, si religio Ro-  
mana crimen non sit, obiectari probabiliter  
poterat: Cuius missu in Angliam, quo cōsilio  
traiecisset. Cuius domo exceptus: cuius libe-  
ralitate vsus esset. Quos Romanæ Ecclesiæ,  
quibus artibus adiunxisset. Apud quos ex-  
terna fecisset sacra. Quorum crimina: infan-  
dumque dictu, quænam, cuiusque, in sacro-  
sancto Pœnitentiæ iudicio peccata cognouis-



set. Addita postremo anceps illa, & capien-  
 dis parata semper incautis quaestio: quid-  
 nam de Pij V. sentiret litteris, quibus Elisa-  
 bethæ ius regni abrogatur, cœtuque piorum  
 interdicatur. His apparatis, ad quaestiones  
 deposcitur Edmundus. Est in arce Londi-  
 nensi specie horrendum, tetrum odore, situ  
 squallidum, amplitudine ingens, depressum  
 sub terras torquendis noxijs antrum, tene-  
 bris fœdum adeo, ut face tortores agendis  
 machinis, itemque quaestionum præfides ex-  
 cipiendis nocentiû dictis opus habeant. Tor-  
 mentorum in ijs genera complura, quæ à no-  
 stro vsu abhorrentia quia nimium sæpe me-  
 moranda in posterum occurrent, describere  
 hoc loco non ineptum fuerit. Equuleus prin-  
 cipem torquendi vim obtinere dicitur. eius  
 forma est eiusmodi. Tigna iusta crassitudi-  
 ne, longitudine humanam staturam aliquan-  
 tulum excedente, humi in longum proiecta  
 figuntur tanto inter se interuallo, quantum  
 laxè capere iacentem hominem queat. duo-  
 bus à summo, imoque iunguntur ligneis ci-  
 lindris, qui extenuato vtrunque capite, tigno-  
 rum iacentium aptis immissi foraminibus, fa-  
 cilem habent circumactum. Præsertim cum  
 æquis, medio eorum scapo, spatijs inserta ma-  
 nubria, radiorum more hinc, atque hinc emi-  
 neant, quibus connisi tortores facile licium  
 ferale circumuoluunt. Medio, inter tigna,  
 spatio iacere iussum reum summis manuum,  
 pedum-

pèdumque articulis constrictum alligant diuersas ad vtriusque cilindri partes quatuor. Ibi manubriorum radijs subinde, perpetuo circumductu commutatis, vincula conuoluendo, alligatum in diuersa corpus suspendunt modo mollius; vehementius modo; sæpe tanta vi, vt omnibus luxatis artubus, vitæ vsum semper, vitam ipsam non raro miseris per summum cruciatum eripiant. Altera inusitata crudelitatis machina, ferrea est. Schauingeri filiam ex inuentoris fortasse nomine appellant: ea circulo ferreo constat crassitudinis ingentis: qui cardinatus à medio, bifariam in duas lunatas quasi chelas aperitur: sæuis earum amplexibus noxium ita includunt, vt cruribus ad femora, femoribus ad ventrem adpressis, trifariam complicant, atque in informem coire globum cogant. tum coniunctis circuli, compressifque vtrinque cornibus, comprehensum corpus pene elidunt. Plerisque certe dirupta pectoris crate, copiosus è naribus, faucibusque sanguis effunditur. Neque vllum diuturnius apud eos tormentum. Nam alijs ipsa sæpe tortorum defatigatio finem affert. Hoc vbi semel validissima obseruatum fibula in suum orbem coactum est; sponte sua torquere, misero in amplexu, reum pergit. His, præter cetera machinis, malefici olim, ac parricidæ ab incorrupta Anglia vexati. nunc nulli frequentius, ac iucundius, quam Ca-

tholi-

tholicorum sanguini, & his & alijs sæuitiæ instrumentis illuditur: magno irati profecto numinis argumento, quod tandiu impune licuit, licetque. Sed nos Campianum iam ad tormenta vocatum reuifamus. Is vbi magistratum iussu accitus ad ianuam horrendi specus venit; submisso magna cum pietatis intimæ significatione genu, supplicasse Deo dicitur attentissime, vti ea sibi in sæua lucta volens, propitiusque adesset. quod institutum deinceps cum iterum, tertioque repetitis quæstionum acerbitatibus laceratus est, constanter tenuit. Exitiale antrum ingressus, salutare sacrosanctæ crucis signum impressit pectori. dum corripitur, dum vestis exuitur, dum alligatur, sanctissima I E S V, ac M A R I Æ nomina suauiter ingeminat. Posteaquam distentis sæua vi artubus gliscere dolor cœpit, pro eiulatu, ac gemitu, colloquia cum Deo, vocesque plenæ pietatis audiri ex sacro illo ore cœptæ. Tortores interdum, non raro hostes alios salutis suæ ita cōpellabat, vt condonare se illis tantam sæuitiam, iniurias ignoscere in Christi gratiam, ipsis etiam mirantibus testaretur. Vrgentibus interim quæstionum magistris ad alias interrogationes inuictum silentium tenuit: vbi ad illam ventum est, cuius ope libellum scripsisset, cuius typis impressum, quo euulgante publicasset, cui legendum transmisisset; vnum hoc respondit, libri capita Ricardsono

cardsono, libellum ipsum Thomæ Pouno à se transmissa. Hos ideo nominare inter tormenta non est veritus, quod illis minime periculosum ijs de rebus indicium suum fore iudicauerat. Quippe illi, non generis claritate magis, quam Christi confessione nobiles, iam tum religionis causa in vinculis ita detinebantur, vt & fauile Catholicis gloriosi commilitones præferrent, & libros Catholicos palam lectitare, ne tum quidem, dum carcere clauderentur, omitterent, & Campiani amorem, ac reuerentiam sponte omnibus officijs faterentur. Neque aliter, quam Campianus iudicarat, euenit. Ea confessione nihil præterea de Ricardsono, & Pouno, quam quod, vterque palam de se ferebat, cognitum, nullum fecit ad conditionem, vtriusque, in vtramuis partem, momentum.

## CAPVT XLIV.

*Falsos de se rumores, & admotum iterum, ac tertio tormenta superat.*

**N**on omnes, quæ inferri equuleo possunt, acerbitates, prima hac, quam exequuti sumus, quæstione, hæretici iudices effudere. spes erat mitiori tormento, virum qua viribus, & corporis habitudine tenuiorem,

nuiorem, qua minime ferocem animo, expugnandi. Verum ubi nihilo admotis fideiculis magis nunc, quam ostentatis, oblatisque prius infulis profecisse se animaduertunt; iras omnes, rabiemque ultimam promere decernunt. ludos illos fuisse, & clementiæ iocantis leues pulsus, aduocandam scilicet iustam seueritatem, nervosque iratæ iustitiæ intendendos. Iterari primum omnium equuleum, quanta maxima conniti possent tortores vi, placuit. Iniquissimo consilio æquitatis umbram parant. Quæsitū prius de paruis criminibus, nunc Maiestatis institui quæstiones. Suboluisse tenatui coniurationem in regium caput Romæ, Rhemisque factam. Sanderō res in Hibernia miscenti pecuniam submissam. Sollicitatos ad eadem Reginæ factiosos. Regni aditum extetis Regibus paratum. sceleribus his affinem, antesignanum Papistici agminis, Edmundum perhiberi. Interea lusæ primo congressu operæ ne puderet; prodita esse à Campiano dum torqueretur arcana sua omnia, suorumque, etiam editis ea de re libellis, palam mentiuntur. quorum consuetudine sus, quorum domo exceptus, cuius pecunia, cuius ope subleuatus sit, fastum esse. ne mysterijs quidem vulgandis abstinuisse: quorum, cuiusque generis, crimina arcanam ob expiationem cognouisset, non habuisse in occulto. Hac quamquam diligenti mendacio disseminata, vix  
apud

apud vllum inuenere initio fidem: verum vbi concionatorum voce, asseueratione nobiliū, iureiurando magistratuum firmabantur; si non aliud, certe ad fluctuantis animi dubitationem etiam apud Catholicos, valuerant. Postea vero quam è prima nobilitate homines Campiano coniunctissimi, Baro Vauxius, Thomas Tressamius, Gulielmus Catesbeus aurati equites in vincula coniecti sunt: constansque rumor indicio eius afflicto, tulit: tum vero trepidatio ingens Catholicis iniecta, multis palam inter amicos, notosque conquerentibus, nullum iam esse fidei locum, vbi enim futurum, si in Campiani pectore non fuisset? salutem omnium proditam: exolutæ gratiæ loco periculum creatum innocentibus. Quidam certe magnæ auctoritatis inter Catholicos vir, multis audientibus dolenter confirmavit, certo comperisse à senatore primario, Campianum inter tormenta nihil, quo de interrogaretur, siluisse: quamquam non multo post idem suæ leuitatis, in re tanta hominibus mendacissimis credenda, publicus incusator, à sanctissimi viri nomine labem imprudenter aspersam fortiter absterfit. Non ita felicia cum altero magnæ nobilitatis viro mendacia senatorum fuere. Is propter Catholicæ religionis sanctitatem regijs vehementer suspectus, amicitia specie à senatore seductus docetur, multa, ac grauiade ipso Campianum prodidisse. neque ab-

stinuit



stinuit explicatiore mendacio improbus se-  
nator. multa addit nominatim facinora, quæ  
ab ipso patrata narrasset Edmundus. Iuuit  
adeo importuna impudentia hominem. Qui  
vniuersim de Campiani imbecillitate, suoque  
periculo mentienti, nonnihil fortasse credi-  
disset; vbi ea audiit de se dici, quæ ne cogi-  
tare quidem, vnquam sustineret; fidem mo-  
nitori abrogans, vultus constantia, & hila-  
ritate, periculum sibi, ab notante motus oris  
omnes, ac gestus paratum, facile discussit.  
Nemo omnium grauius aduersam de Cam-  
piano famam, quam Thomas Poundus, diu-  
turno carcere clarissimus confessor, tulit.  
Multis ille secum frustra agitat, ipsum Câ-  
piani custodem auro aggreditur; litteras vti  
ad eum suas clam deferat. earum huiusmodi  
erat argumentum. Posteaquam multa de  
laude Christianæ fortitudinis prædicasset, ro-  
gabat Edmundum, vt suæ dignitatis, causæ-  
que quam sustinebat memor, *respiciens ad*  
*auctorem fidei, & consummatorem I E S U M*  
dignos se, dignos tanto Imperatore, dignos  
causa spiritus sumeret. Animi sui dolorem  
ingenue fateri, quod iniquo rumore dilace-  
rari sensisset Edmundum, quasi imbecillitate  
subigente multa prodidisset, quæ taceri è re  
Christiana fuerat. Simul particulatim, quæ  
ferebantur eius generis auditu fœda narrabat.  
Tandem obsecrabat, sibi vt per Deum veri-  
tatis auctorem ingenue aperiret, ecquid tan-  
dem

dem veri, falsive eo tam constanti rumore  
ferretur. Has litteras, pollicenti integram  
fidem custodi, aurumque mercedis loco re-  
cipienti, tradit. Sed cuius sordida avaritia  
fuerat, eius vel nulla, vel bis venalis fides  
fuit. Acceptas litteras arcis præfecto tradit,  
ille senatoribus. Perlectas, an senatus, an  
Hoptoni tantum voluntate, abdita consilio-  
rum ex responso rimaturi, veluti intactas  
Edmundo bonus custos, clam tradit. Nec  
distulit responsum Edmundus. dolere se gra-  
uiter adeo indigne, sua causa, Catholicorum  
constantiam tentari. Se memorem spectato-  
ris, hortatorisque, non solum Imperatoris sui  
I E S V vixisse adhuc, & vivere, neque vllam  
acerbitatem cruciatuum effecturam, vt quic-  
quam proderet, quod Ecclesiæ Dei detrimen-  
to foret. Breue responsum iisdem pollicita-  
tionibus acceptum, eadem fide custos retulit  
ad præfectum, à præfecto senator quidam al-  
latum, in senatu recitat. Visa est ad præue-  
landam, æquitatis specie, sæuitiam, signifi-  
cationis aptissimæ, sententia. significari enim  
posse aiebant egregij coniectores, silentium  
promitti pernicioso Pontificum, Regumque  
exteriorum, aduersus Reginam, regnumque  
consilij, machinisque: cum tamen siue ex in-  
terrogantis, siue ex respondentis mente, ver-  
bisque, luce clarius, constaret, de eo tantū si-  
lentio agi, quod sacrosancta Catholicæ Ecclesiæ  
mysteria, Confessionis præsertim, exposcunt:

&amp; si

& si quid præterea ob religionis causâ aliquem priuatim attingeret. Sed nimirum perinde res accipiuntur, vel accipi simulantur ab improbis, vt ira, vel odium iubet. Ea interpretatio furori, iam pridem in Campianum armato, speciosum titulum appinxit. Occultasse aliquid sceleratum Papistam inter tormenta, quod ad euertendam Rempublicam pertineret. eo vergere subdola, & in vtramque pendentia partem obscura epistolarum verba conclamant. Igitur admouendas quam acerbissimas quæstiones, exprimenda cæca consilia, voces dubias equulei viribus repliandas. Ita ipsi è senatu domum, Campianus è carcere, ad equuleum redeunt. Ibi, quasi ad colligendas tortorum vires cessatum, paucis ijs diebus, à tormentis esset; omnes inhumanae feritatis atrocitates ad insontem cruciandum exercitæ. Biduum distractus martyr, tantumq; non continuatis etiâ noctibus, confectum pene, & dissolutum corpusculum innocentis est, tanta sæuitia, vt necem sibi crediderit Edmundus inter cruciatus illos esse à regijs decretam. Primo certe post tormenta die, fassum custodi ferunt, præludia mortis suæ in ijs se doloribus agnouisse. At ipse interrito, inter propinquæ mortis nuncios letales dolorum laniatus, vultu, ac voce intrepida, dum torqueretur, iacebat, ac dum insanis quæditorum vocibus antrum illud, gemitibusque connitentium summa vi tor-

torum,

torum, resonaret: nihil præter I E S V M, & M A R I A M, quæ sanctissima nomina identidem vel inclamabat, vel immurmurabat, sacrum illud os prolocutū est. Hæc constans, ac perpetua vox eius fuit, nisi cum perfidiæ crimen, ex falsa interceptæ epistolæ interpretatione, tangeretur. Huc quoties redibant quæsitores, palam, sancteque Deū, ac cælites testabatur, nihil ad se tantum scelus pertinere, neque litteris suis quicquam quod ad regni administrationem faceret, significatum, id tantum voluisse se, nulla carnificina subigi posse, vti periculum amicis crearet, quorum domo, ac liberalitate vsus erat; nullis mortibus cogi, vt quæ peccata, rite confitentium, sacrosancta confessione accepisset, cuiquam hominum proderet. Quæ quoniam ad bonum, ac dignitatem Catholicæ Ecclesiæ pertinerent, si tacerentur; contra si euulgarentur, in ingens detrimentum, ac malum posset erumpere: propterea quod sanctitas mysteriorum, læderetur, & ab salutari Pœnitentiæ lauacro homines deterrerentur: ea de causa scriptum breui à se, nihil in tormentis expressum, nihil exprimendum, quo Ecclesia lædi posset. Id ita esse, non modo iureiurando, quod iam conceperat, sed omnium perpessione tormentorum probaturum se. Hæc elocutus; intrepidus toto biduo, immo, quod ex vultus, orisque conformatione conijci poterat, hilaris etiam, pendere perseverauit.

Et, nisi quod supponenti, dissolutis iam lumbis saxum rude, carnifici placidissime gratias egit; constantissimum ad alia omnia silentium Dei laudatrix lingua retinuit. Vicit ergo martyr patientia vires carnificum, furorem magistratus, aduersæ famæ iniquitatem, latratus mentientium concionatorum. Ipsi rei admiratione defixi sunt, qui torquendo innoxio præfuerant, quique lassati animo, non minus quam viribus, pene defecerant, tortores. notatique redeuntium à quæstione vultus: cum stuporem insolitæ patientiæ, qui torserant; lenem, ac placidam in obruto corpore tranquillitatem, qui tortus fuerat, præferrent: in nullos magis conuenire dixisses Cyprianæum vetus illud: *Steterunt torti tortoribus fortiores*. Notatæ & voces à vultu non discrepantes, quibus è diuerso idem inuicti pectoris testimonium martyri datum est. Atque hinc demum, conuerso paulatim vulgi murmure, secundissima omnia, de constantia Edmundi, fama distulit; momentoque diffusa inuidiæ tempestas; cum suam passim credulitatem omnes, Catholici præsertim, faterentur dolenter, & damnarent.

630

630

## CAPVT XLV.

*Edmundi Campiani de suis**tormentis ioci.*

**O** Peræ pretium est pauca quædam perstringere victoris illius animi, ingentisque pectoris argumenta, ut quibus Edmundus iocis, quam pacata, hilarique mente, immanes dolores non modo exceperit, sed eluserit etiam, cognoscant ætates consequentes. Iacebat omni non modo motus, sed etiam sensus officio destitutus Edmundus postridie eius diei, qui postremus tormentorum fuit. Inuisit de more custos semiuivum: quæritque quis tandem manuum, pedumque sensus illi esset? Non malus sane, responderet Campianus; quippe qui nullum habebat illa parte corporis sensum. Idem multis audientibus cum plane immobilis, luxatis artubus, stupentibus nervis omnibus iaceret, ea qua solebat hilaritate: Videtis nunc tandem, inquit, amici iacentem, quod sæpe alias audistis, elephantem, belluam scilicet, quæ quia compactis est, integrisque tibijs, ruinam habet, si conciderit, irreparabilem. Postea vero quam mitescere dolor, sensusque redire cœpit; adeo ut pani sustinendo iunctæ manus sufficerent: nouo ioco: Ecquam vidistis, subridens inquit, elegantioram amici simiam?



tantum, malis suis maior, cælestis animus eminebat. At Odoënus Hoptonus, regij senatus instinctu, an sua sponte parum constat; posteaquam constantia Campiani cruciatibus illustrior, fama conspectior facta est; ad blanditias pari ubique infelicitate reuertit. Mira ineptæ artis leuitate celebrare summis laudibus Campianum. Nihil tale Angliam hæcenus tulisse, palam, etiam Campiano infuso, affirmare. In vnum illum omnia ornamenta animi congesta. Cælum ipsum suas arculas excussisse, pigmenta omnia illi Heroi effingendo, illi exemplo hominum efformando consumpsisse. Quæ vanissima ambitione, fœdisque orationis admirabilitatibus deformia, ipse totius actionis, ac vocis ineptijs polluebat. nec deerant qui mirarentur adeo ridiculum tam graui in argumento laudatorem. Excruciatum secretioribus non vnius generis pœnis post equuleum Edmundum sunt qui affirmant, auctoresque habent eos, qui prima de Campiani nece edidere, paucis post eius excessum diebus, commentaria. mihi res pro crudelitate tortorum vero similis, quia incerta est, pro vera afferenda non fuit. neque tamen fides veteri illi rerum gestarum breuiario infirmenda: itaque eam in medio, vti acceperam, relinquo.

## CAPVT XLVI.

*Oblatas iniquissimis conditionibus de  
religione disceptationes feli-  
citer aggreditur.*

**V**Bi, machinis superior omnibus, Cam-  
piani virtus iteratos dolores pariter,  
ac blandimenta fregit; ne nimium Catholi-  
cum ea re nomen cresceret, si quid ex laude  
perspectæ fortitudinis accesserat, probro in-  
scientiæ demere hæreticus tentauit. Obtri-  
tum sæuo laniatu Edmundi corpus, conuulsi  
sua sede artus, redeuntes paulatim cum sensu  
morsus dolorum, ijdemque ex intervallo  
atrocissimi; persuasere hominibus rem vul-  
gari æstimatione metientibus, in partem ca-  
lamitatis animum etiam martyris tractum es-  
se. Et credi sane poterat, afflictum tot ærum-  
nis hominem non plus mente valere, quam  
corpore. neque fieri posse, quin emarcescen-  
tibus in membris flos mentis quamuis viui-  
dæ langueret. Multum etiam fiduciæ impro-  
bis ostendebat procul habitus à libris, ac sacra  
lectione tamdiu ærumnosi animus. quippe  
desuetis, etiam in summo otio, bonæ artes  
dilabuntur. His illi argumentis in eam in-  
ducti sunt mentem, vt crederent, si disputa-  
tionibus Edmundū lacefferent, in campum-  
que eruditæ concertationis prouocarent; fa-

cilem futuram ; promptamque victoriam :  
 Infracta inde eruditionis per tot rerum ini-  
 quitates gloria ; palmam expugnata religio-  
 nis, non vi, aut ferro, sed ratione, atque iure  
 videri posse hæreticis cessisse. Pugnam por-  
 ro detrectari ab Edmundo non posse, qui  
 prior, & epistola, quam initio ad consilia-  
 rios, & libello, quem deinde ad Academicos  
 dederat, aduersarios prouocasset : Hoc à re-  
 gijs ortum, ad cænosa religionis Ministros  
 fluxerit consilium, an contra, non compe-  
 rio, neque temere interpretor, neque porro  
 ad rei summam magni id refert. Id sane nos-  
 se permagni refert, communi id omnium sen-  
 tentia constitutum, omniū artibus, opibus-  
 que promotum, vt quo maxime telò commu-  
 nis eorum omnium causa iugulata est, id ipsi  
 omnes maxime, iusto Dei, fraudibus illuden-  
 tis consilio, expetijse videantur. Ea re sena-  
 tus decreto constabilita: dies pridie Kalenda-  
 rū Septembrium locus, templum intra Lon-  
 dinensem arcem sitū disceptationi designan-  
 tur. Inde ad deligendos, qui pugnam pro  
 hæresi subirent, conuersæ hostis curæ. Et  
 quamquam fractum Campiani ingenium cru-  
 ciatibus corporis credebant; semianimis ta-  
 men illa, quæ reliqua apparebat, magnæ ani-  
 mæ scintilla terrori hostibus fuit. Ea causa  
 duos ex præcipuis Calvinianæ factionis signi-  
 feris certamini destinant : Nouellum, qui  
 supposititij Cleri ad Sancti-Pauli Londinensis

Decanus ea tempestate dicebatur, & Præpositum Atoniensem Dayum. Hos insignia ea ætate hæreticæ eruditionis nomina fuisse reperi, non alia re magis quam iactantis inscitix stolidæ arrogantia memorandos. Iam ad omnes, præterquam ad eos quorum intererat, futuræ propediem concertationis manauerat fama. Iamque non Londinum modo, sed totum prope regnum tanti spectaculi expectatio commoverat. Locus, ac tempus futuri certaminis non occulta. de reliquis conditionibus suspicio maior, quam notitia. cum interim Campianum, sociosque, tam grandi pugnx destinatos, ne quis eius rei rumor afflaret, diligentissime caueretur. Neque nisi imminentis iam in paucissimos siue dies, siue horas (nam hoc quoque incertum est) dimicationis certior Campianus, alijque, qui ad eam vocabantur, facti. Ac ne tunc quidẽ de argumento disputationis edocti: neque ullius generis permissus liber. adeo æquis conditionibus in campum exire hæresis meditabatur. Non cecidere, quamquam tantas inter iniquitates, animis Christi milites. attenta potius ad Deum prece, quod lectioni deerat compensantes, conditionem accipiunt, animumque discrimini parant. Eius ubi dies aduenit: euocati Campianns, Sheruinus, & Bosgravius, alijque ex vinctis Catholicis complures, ad hæreticæ potius speciem confidentiæ, quod tam multos aduer-

farios in certamen vocarent, quam ad nostræ causæ firmamentum. nam primum omnium conditiones disputationis iniquissimæ promulgatæ, seuere silentium omnibus, præterquam Campiano, & Sheruino, imperabant. Et his etiam libertas orationis circumscripta. solū enim obiecta diluendi, non contra obijciendi potestas permittebatur. Has leges martyribus, antequam ad disputationis educerentur locum, indixere, neutiquam repugnantibus, quod tam bona in causa vires nemini, duce Deo, deesse posse confiderent. Inde in templum educti vix aditum, premimente multitudine, quæ locum ante ceperat, inuenere. Notauere plerique non nisi Dei multos saluos fieri volentis nutu factum esse; vti loco adeo suspicioso, adeo periculoso ad spectaculum, tanta promiscui auditoris multitudo admitteretur. Vix enim fidem inuehiat, quam multis conuentus ille saluti fuerit; dum quisque suis oculis, auribusque in rem præsentem veniens, seu spectando vultu, siue audienda oratione martyrum, quantum in Ecclesia Catholica firmitatis esset, exiguo quasi ex vestigio intelligunt. Ita Deus vanam hæreticæ fiduciæ ostentationē in plurimorum bonum vertit. Neque id fefellit hæreticos. à reliquorum dierum disceptationibus prohibito, vt suo loco ostendam, spectatore, occasionem transfugiendi ad Catholicos præciderunt. Templum martyres hunc

maxime in modum dispositum inuenere .  
Duplex hinc , atque hinc ad templi caput  
ordo sedium instruebatur . Et alterum qui-  
dem latus sellas habebat in signes duas , Daye,  
& Nouello verbi ducibus ipsis plenas . Iis  
nobili instrata cultu mensa ingentem libro-  
rum cumulum sustinens obiciebatur é pro-  
ximo . post hos ignobiliora sedilia leuioris ar-  
maturæ Ministellos complures longo ordine  
recipiebant . Hi omnes Campiani libellum,  
qui decem rationes continet , præferebant  
manu . At altero ex latere eminentiores aliæ,  
cultuque longe magnificentiore spectaban-  
tur . Hæ procerum erant , ac nobilitatis ,  
quæ spectando , audiendoque numerosa con-  
fluxerat . Inter hos truci vultu , toruisque  
oculis viscebatur Odoënus Hoptonus , qui  
moræ impatiens , ac modo huius , modo illius  
segnitiem increpitans certamen accendebat .  
Inter nobilium virorum , Ministrorumque  
sedes , pari pene ab vtrisque spatio , mensa  
alia erat cum omni librariorum instrumento .  
mensæ Ciarkus , & VWhitakerus , mali po-  
tius , quam magni nominis hæretici affide-  
bant , quasi disceptatorum verba diligenter  
excepturi , & in publicas tabulas relaturi , at  
medio ferme templi spatio exigua scabella  
complura iungebantur , quæ armati circum-  
stabant . Post armatos multitudo , quæ pro  
loci amplitudine , vndique circumfusa spa-  
tium omne compleuerat , Fuitque in his , qui



Catholicæ studio pietatis, furtim, quæ utrinque à disceptantibus tum hoc primo, tum reliquis consequentibus diebus iactata sunt, excipere, breuique commentario inter tumultum tradere ausus est. Idque fecit, multo sane maiore cum fide, quam qui ei muneri destinati hæretici duo, fauorem partium veritatis integritati prætulerunt. Eius ego Catholici hominis commentarium Romæ dum hæc scriberem adeptus; in magnis Dei beneficijs numeravi. Eum enim Anglice conscriptum, & in Anglico Collegio seruatum, Anglus amicus latine redditum beneuolentissime vtendum dedit. eius ego commentarij fidem tota hac concertatione tradenda sequar. Medio in theatro exiguis, quæ postremo loco diximus, scabellis Campianus, Sheruinus, ceterique socij iussu magistratuū confedere. Facile dictu non est, quam cito omnium in se oculos Campianus conuerterit. cruciatuum tolerantorum rumor, fabulæ de illo tot, tam variæ in vulgus dissipatæ, vetus viri veneratio, ingens per aduersa nomen, cupidum spectandi populum ad se trahebant. Potissima cura fuit explorandi, quemnam animi vigorem, quem statum mentis, quem colorem, motumque corporis recens, ex illa pene carnificina toties repetita, in arenam iam prope ludicram afferret. vicit intuentium expectationem alacritas martyris. adeo in præmortuo quamquam

quam corpore, vigentis animi quasi flos  
quidam vernare videbatur.

## CAPVT XLVII.

*Nouellus in Campianum inuehitur,  
respondet Campianus. ab he-  
reticis Lutherus fal-  
so defenditur.*

**V**Bi confedere martyres, murmurque  
multitudinis sedatum est: Nouellus,  
cuius in ea disputatione primæ erant; vultu  
ad grauitatem composito, magna omnium  
expectatione orationem artificiose comptam,  
diuque meditatam, patria lingua, longo  
exordio, ingreditur. Docet primo conue-  
niendi causam nullam fuisse aliam, nisi veri-  
tatis explorandæ in causa religionis cupidita-  
tem. Adijcit deinde eam quidem veritatem  
sibi, Anglisque non improbis iam diu ex-  
ploratam esse: quare nihil causæ fuisse cur  
tunc, quasi de integro, tanto apparatu, per-  
inde ac si ignota res esset, quæreretur; nisi  
paucorum pertinaciam luce palam reuinci,  
retundi que superbiam è republica esset. Hæc  
vbi dixit; repente ad contumelias, subito  
quodam æstu orationis, elatus: Nam quan-  
ta, inquit, Campiane, impudentissimæ su-  
perbiæ,

„ perbiæ, vt leuissime dicam, audacia fuit, qua  
 „ tu nouus Goliath, publicum ad certamen om-  
 „ nes Angliæ Theologos, quantuscumque tan-  
 „ dem, certe vir vnus adeo gloriose prouoca-  
 „ sti? Credo equidem existimasse te non vltra  
 „ superbæ iactationis minas, vanamque ver-  
 „ borum ferociam prouocationem istam præ-  
 „ gressuram. Latebræ scilicet impunitatem oc-  
 „ culti latratus promittebant. Sed vltor nimi-  
 „ rum procacis impudentiæ Deus est. Ille te  
 „ publici fugitantem, ac diei, in apertum, lu-  
 „ cemque traxit, vbi periculum gloriosi pro-  
 „ missi faciendum etiam nolenti est. Habes  
 „ iam certamini paratos non Anglos omnes  
 „ Theologos, quorum profecto tu ne aspectum  
 „ quidē ferre gloriose miles posses: sed ex om-  
 „ nibus vnum, alterumque. nec te victoriæ de-  
 „ hoc etiam vno partæ, vti arbitror, pœnite-  
 „ bit. Neque vero tibi defugiendi discriminis  
 „ eum aditum circumspectes, quod imparatus  
 „ ad pugnam aduocaris. quamquam enim, ex  
 „ quo publicatis egregijs libellis, quibus omne  
 „ nostrorum hominum genus ad certamen de  
 „ religione conciebas; quasi signo ad te inua-  
 „ dendum dato, publici iuris disceptationem  
 „ tecum huiusmodi fecisti: meum tamen est ef-  
 „ fugia omnia, ne veritas detrimenti quicquam  
 „ capiat, præcludere. itaque de ijs tantum sen-  
 „ tentijs quas tuo hoc præclaro volumine, tam  
 „ impotenter minax euomisti, hodierna luce  
 „ querendum erit: quibus tuendis imparatum  
 „ esse

esse te non magis conuenit auctorem, quam „  
suis pignoribus agnoscendis inexercitatum „  
esse, rudemque patrem. Et vero tu nihil a „  
nobis humanitatis merebare, quos adeo im- „  
pudenti mendacio illiberalissime lacerasti. „  
Nam quæ te furæ ad nostram crudelitatem „  
aduersus tuæ sectæ homines accusandam cõ- „  
pulere? neque venit in mentem potuisse, & „  
absenti semper, & præsentì olim tibi obijci, „  
pro vno; uti vos appellatis, Catholico à Pro- „  
testantibus male accepto, centurias integras „  
Protestantium à Catholicis, mitissimis scili- „  
cet hominibus, barbære flammis exustas? Il- „  
lud vero non nisi mendacis impudentiæ infe- „  
lix genius persuasit ut scriberes: Lutherum „  
Apostoli Iacobi epistolam non contempsisse „  
modo, sed conuitijs etiam luculentis, virulen- „  
tisque proscidisse. Nam hæc opinor verba „  
tua sunt. Rabidus hic repente ex Campiani „  
libello verba recitat eiusmodi: *Luthero quid* „  
*causæ fuit, ut epistolam Iacobi contentiosam,* „  
*tumidam, aridam, stramineam flagitiosus apo-* „  
*stata nominaret, & indignam spiritu censeret* „  
*Apostolico?* His è libello verbis ita recitatis, „  
ut furor dicentis emeretur, continuo substi- „  
tit; siue quia vocem ira præcluserat; siue quia „  
ex arte quasi nouum conuiciandi exordium „  
meditabatur; siue quia finem dicendi ex im- „  
prouiso fecerat. Campianus certe perorasse „  
Nouellum arbitratus, placida tū fronte, tum „  
voce ad eum conuersus, in hunc maxime mo- „  
dum

„ dum respondisse fertur. Quod primo obie-  
„ ctum mihi loco crimen adeo facilem habet,  
„ apertamque defensionem, vir erudite, causæ  
„ quam defendendam suscepi felicitati tribuo.  
„ Anglos omnes Theologos quod in arenam  
„ publicæ disputationis prouocaui, quasi nul-  
„ la euidente factum causâ vehementius exagi-  
„ tasti. Et eius tamen iustissimæ confidentiæ  
„ causas, non vnâ, sed ipsas decem attuli pri-  
„ dem, ac publicaui; quas cum manu gestes,  
„ recitesque in loco, tibi, tuisque mente non  
„ excidisse satis apparet. Eæ si impudentiæ cri-  
„ men non diluunt, quod obijcere hoc dispu-  
„ tationis exordio placuit, nulla mea oratio,  
„ nullum silentium diluet. Ceterum ne omni-  
„ no nihil primo huic crimini respondere vo-  
„ luisse me, vitio scilicet superbiæ, arrogan-  
„ tiæque veritatis: ita accipe. Semper equi-  
„ dem in ea mente Nouelle fui, vt confiden-  
„ tem veritatem esse ducerem, parentemque  
„ modestæ quidem, sed minime timentis liber-  
„ tatis. nempe nobilis virago veritas est, pa-  
„ lam conspici non timet. lateat mendacium  
„ quod tenebris alitur, viuitque; simulac in  
„ apertum prodit, extinguitur. Quid ergo  
„ mirum si veritatem propugnaturus Anglos  
„ omnes in publicum certamen deuocaui?  
„ Equidem cum id faciebam, cum arenam  
„ hanc, hoc theatrum postulabam, non vnum  
„ me vestris Theologis omnibus, sed meam fi-  
„ dem, ac religionem, quæ Catholica, hoc est,  
„ omnium,

omnium, vbiq̃ gentium est, vestræ, quæ  
inde diuulsa priuatæ sectæ nomen habet, op-  
ponebam. neque meas tunc ego, sed causæ  
vires meæ in consilio habui, cum adeo confi-  
denter campum, arenam, & solem aduersus  
vestra agmina depoposci. Non piget autem  
verbo hic iterare, quod scripsi olim, edidi-  
que. Ego si fretus ( hæc enim, arbitror, mea  
verba sunt ad Oxonienses Academicos ) ego  
inquam, si fretus ingenio, litteris, arte, le-  
ctione, memoria, peritissimum quemque  
aduersarium prouocaui, fui vanissimus, &  
superbissimus: qui neque me, neque illos in-  
spexerim. sin causam intuitus, existimaui fa-  
tis me valentem esse, qui docerem, hunc so-  
lem meridie lucere, debetis mihi feruorem  
istum concedere, quem honor IESV Christi  
regis mei, & inuicta veritas imperarunt.  
Respondi quod satis est, arbitror, impuden-  
tiæ: nunc ad timorem venio, quo vereri te  
dicas, ne certamen quod absens antea spon-  
te obtuli, oblatum nunc deuitem præsens.  
quod sane frustra timuisse te exitus osten-  
det. Quamquam enim non sum adeo hebes,  
quin conditionis iniquitatem videam: non  
committam tamen, vt maius credam me in  
mea imbecillitate incommodum, quam in  
causæ firmitate præsidium inuenisse. Tu vi-  
de, ne dum nimis argute de medicata condi-  
tionum iniquitate disserere videri vis, minus  
vere disseruisse videare. Nam quia edita so-  
lum



„ lum à me religionis capita in quæstionem vo-  
 „ cas, non posse censerì bellum imparato infer-  
 „ ri persuadere nobis niteris. At ego, contra,  
 „ hoc perinde esse aio, ac si ad pugnam quis  
 „ certo loco ineundam prouocatus, locum qui-  
 „ dem non defugiat, sed arma subtrahat tamen  
 „ prouocanti. Capita quæ edidi, loca sunt  
 „ certaminis, Nouvelle; arma vero libri, & me-  
 „ ditatio. cum ergo rebus omnibus me desti-  
 „ tutum ad ea vocas capita, quæ iactas; locum  
 „ tu quidem à me certamini destinatum acci-  
 „ pis, arma subtrahis. Et vero vbi mihi libro-  
 „ rum vsus, vel ante hanc horam, vel hoc ipso  
 „ tempore, quo ne istos quidem, quos allatos  
 „ video, accersendi, inspiciundique, nisi cum  
 „ vobis placuerit, potestas erit? Et vero quam-  
 „ uis ærumnis pene confectus, vix risum hoc  
 „ loco tenui cum æquitatem conditionis sua-  
 „ debas mihi. nisi tu credis tantumdem me  
 „ equuleo tertium tolerando, ac vos libris per-  
 „ nolandis parari disceptationi litterariæ po-  
 „ tuisse. At ego liberam feci mei, cum litteras  
 „ ad senatum dedi, cuius aggrediendi, potesta-  
 „ tem: possem negare. nam voluntatem sena-  
 „ tus ea in re tantum tentauì, prouocaui nemi-  
 „ nem. Sed fac prouocasse, an tu reris vo-  
 „ luisse tunc me laceratum tormentis, luxato  
 „ corpore, libris destitutum, de religione cer-  
 „ tare? Certatur de vita, Nouvelle, vix retine-  
 „ tur spiritus: effugit anima inter cruciatus  
 „ istos: nedum libeat interim esse sapienti. Sed  
 „ hæc

hæc uti præfatus sum, veritati testandæ, non  
impediendæ paratæ iam luctæ dicta volo. Im-  
perator Christus vires ipse mihi, animumque  
suppeditat: neque vercor quin, si mortuos  
ad vitam aliquando reuocauit, semianimem  
etiam ad certamen excitare hodierna luce pos-  
sit. Hæc de disputationum conditione. nunc  
breui, quæ de crudelitate tetigisti nostrorum  
hominum, percurram. Enimuero, ut video,  
existimasti, Nouvelle, de crudelitate vestro-  
rum in nos hominum satis te recriminando  
respondisse. ut enim falso sæuitiæ à me vos  
accusatos esse demonstrares, sæuiore esse Ca-  
tholicos disputasti. At id secus est. non enim  
ego vestram sæuitiam cum aliena composui,  
cum de vestra conquestus sum. Et si id quæ-  
ritur; viuunt etiam num qui gladiū regnan-  
tibus Catholicis vibrauere in vestros, flam-  
masque incendere. hos arbitror, ea de re con-  
sulas, cumque ijs transigas, siquid hæres.  
quamquam si mihi tormentorum vestrorum  
lanienas experto dicere aliquid in causa licet;  
nunquam crediderim tartaream istam equu-  
lei machinam aduersus vestræ religionis se-  
ctatores; non tanta certe, quanta nunc à vo-  
bis furit, vi, atque immanitate, exerceri con-  
suesse: quod ego tormentum non vna mor-  
te dirius existimo. Nondū postremam hanc  
vocem plane expresserat, cum iridentem,  
despectantemque, facie, ac sono vocis, imi-  
tatus Hoptonus; Næ tu, inquit, nimium

„ delicatus Iesuita es; Campiane; qui leuisti-  
 „ medistentus, placidæ, quam passus es, mol-  
 „ lique tantummodo inter leues quæstiones  
 „ conuulsioni, formidabile tormenti nomen  
 „ indideris. risum scilicet homo festiuus in re  
 „ lugubri conciebat. verum, & ille in sæuitia  
 „ solum felix, infelicissime iocabatur, & secu-  
 „ ta Campiani vox misericordiam incendit.  
 „ Bene habet, vit spectande, inquit; attamen  
 „ tota de equulei vi certius, qui pependit, quã  
 „ qui spectauit, testimonium, arbitror, dicet.  
 „ Sed meos ego cruciatus non queror, cum  
 „ equulei tormentum ipsa terribilius morte pro-  
 „ nuncio. communem deploro Catholicorum  
 „ ærumnam, qui ea quæstione latronum ritu,  
 „ ac sicariorum quotidie dilacerantur. Ea vo-  
 „ ce quia commotam concionem apparebat, è  
 „ nobilium cœtu alius, An tu impune, inquit,  
 „ Campiane, tantæ multitudini illuseris, vt  
 „ pro religione passus ea supplicia videre, quæ  
 „ longe grauissimis tuis sceleribus debita exo-  
 „ luisti? an occultum reris, quod quamuis ob-  
 „ stinate inter quæstiones suppresseris, satis li-  
 „ quet patriæ tamen, ac iudicibus? non te, Cãm-  
 „ plane, tua qualiscumque religio, sed scele-  
 „ ratæ in Rempublicam conspirationes ad tor-  
 „ menta rapuere. Vtilis fuit Campiani causæ,  
 „ ac sociorum, ferox hominis mendacium.  
 „ Collegit illico, qui supererant afflicto in cor-  
 „ pore, animos veritatis amor, summoque  
 „ ardore inuictæ mentis, quæ eminebat ex ocu-

lis, assurgens, Si quis, inquit, religione se-  
posita, cuiusvis me culpæ insimulare ausus  
erit: quin extrema omnia in me edatis ve-  
stræ sœuitiæ exempla, non deprecor. Hæc  
inflammato vultu cum dixisset, silentium in-  
gens etiam à proceribus, totoque conuentu  
consecutum, veritatis testimonium non ob-  
scurum dedit. ergo posteaquam nemo con-  
tradicebat; exponere subinde Campianus ag-  
greditur, se nulla alia de causa dire tortum,  
nisi quod à quibus exceptus hospitio, quo-  
rum ope subleuatus, quos Sacramentis Ca-  
tholico ritu expiasset, quibuscum de religio-  
ne commercium habuisset, suppressere per-  
seueraret. Tantaque fuit vis recentis verita-  
tis, vt inter tot mendacio promptos hostes,  
qui refelleret Campiani dicta, inuentus sit  
nemo. Hunc in modum præludium futuræ  
disputationis institutum est. clausit alterca-  
tionem redintegrata de Luthero sæde proscis-  
so vetus Nouelli querimonia. eam sædissimis  
aculeatam conuicijs Nouellus ita conclusit,  
vt acceptum Lutheri volumen, quod maxi-  
me suspectum erat, aperiret, conceptoque  
iureiurando affirmaret, nullum in sacram Ia-  
cobi epistolam, quale Campianus mentitus  
esset conuicium, toto illo volumine contine-  
ri. neque vllum Londini extare eius operis  
exemplum, quod non eadem ratione, impu-  
dens Campiani mendacium testaretur. Hæc  
ubi multis, amplisque verbis ad ambitionem

propius egit: ita latine magna voce peroravit, Ergo impudentissime mentiris Campiane. Hæc tanto verborum apparatu, pompaque iacta contumelia omnes magis, quam in quem iaciebatur, mouit. Is enim hoc tantum, & legisse se id quod scripserat in Luthero, respondit, & alios magni nominis scriptores (quorum aliquos citabat nominatim) idem ante se in Luthero peccatum acriter reprehendisse. Nā quod ad Londinensia exemplaria pertineret; scire se; Lutheri discipulos, magistri famæ consulentes, multa ex eius libris, clam, aliqua palam etiam erasisse. Nec sibi difficile, longumue, si permitterent, futurum, è Germania exempla ab ipso Luthero edita, in Angliam, contestandæ gratiæ veritatis, accersere. Hic vero quasi desperatæ iam causæ Campianus serum patronum inde, vsque à Germania aduocaret; effusi in petulantem risum Ministri dicentem adhuc illudere, dicacitatem exercere, Germanicum iter, patronos Bauatos, Cæsarem aduocatum exprobrare. nam forte Serenissimi Bauariæ Ducis, Cæsarisque opem Lutheri intactis aduehendis libris promiserat Campianus; ea res in ludibrium vanæ iactationis vertit. At Campianus cum intelligeret ea si calumnia sic abiret, debiliorem, suspectamque suam in posterum auctoritatem eo in confessu futuram; ad socios, commilitonesque sacerdotes versus palam quærit, num apud grauissimæ fidei

Catholicos auctores, si nō alibi, eas vnquam sacrilegas Lutheri legissent voces? ab ijsque ad vnum omnibus, lectum id non semel, audiente multitudine, responsum est. Ceterum quia reuicisse se Campiani mendacium luculenter aduersarij existimabant, premere victum iterum eodem vestigio, vt clarius esset victoria, institere ipsa Lutheri volumina, quæ Campianus ad libelli sui oram laudauerat, cum Lutheranam impietatem argueret, offerunt: alterum erat, quo præfatio in epistolam Iacobi; quo Babylonica captiuitas contineretur, alterum. Instant magis subinde clamoribus, quærat tandem in vtroque, adeo oculatus calumniator, quæ carpat Lutheri in Iacobum maledicta, non aspernatur conditionem Campianus, ratusque vestigia saltem aliqua, etiam eluti sacrilegij, apparere posse, librum vtrumque attentè legere incipit. Prorsus vt coniectauerat, euenit, multa protinus notauit, recitauitque in eam, quæ abrafa erat, sententiam aperte vergentia. inter quæ hæc ipsa verba: *Affirmant nonnulli epistolam Iacobi Apostolico spiritu indignam.* Ex quibus, alijsque arguta Campianus argumentatione collegit, quam longum esset referre, non dissensisse a nonnullis istis censoribus impijs Lutherum, neque id tandem inficiari ausus Minister, tantum excusationem antiquitatis attulit, in qua non pauci de Iacobi epistolæ auctoritate dubitarunt, atque



hinc accurata in sensum antiquitatis de Iacobi  
 epistola inquisitio duxit exordium; clarissi-  
 misque totius vetustatis testimonijs diuina  
 eius auctoritas epistolæ vindicata est; demon-  
 stratumque planissime; ex omni eorum nu-  
 mero; quos ad conuellendam sacræ eius epi-  
 stolæ auctoritatem aduersarij attulerant; præ-  
 ter vnum postremi aui Caietanum, è tota an-  
 tiquitate dissensisse neminem. Hæc vbi argu-  
 mentis grauissimis explicata à nostris vide-  
 runt hæresis ministri, versi suo more ad con-  
 uicia; rem totam maledictis concludere. Ho-  
 ras ipsas quatuor dicendi tempus absumpse-  
 rat, quod spatium illi, ceterisque conuentibus  
 præscriptum, seruatum diligenter est. Ergo,  
 vt conuentum tandem aliquando mitteret  
 Nouellus; repetere paucis, quæ in Catholi-  
 cos dicta, allataque tota illa concertatione es-  
 sent, cœpit. Habebatq; versuti eloquentia ho-  
 minis fraudis multum. sua enim argumenta  
 tantum; addito persæpe pondere; repetere,  
 sales in loco inspergere; aculeos infigere, in-  
 firmiora, quæ fuerant subticere, rem omnem  
 ad hæresis pompam; ac pene triumphum in-  
 struere. Is vbi finem dicendi fecit; eadem si-  
 bi, quæ respondissent, quæque pro se attu-  
 lissent, breuissime colligendi, strictimque pro-  
 ponendi vti facultas fieret, infimis precibus  
 orauere nostri: sed iurgio, ac succlamatione  
 Ministrorum excepti, à regijs ministris tace-  
 re iussi sunt. Is matutini certaminis ordo,

exitusque fuit, visique hæretici eo latiores & certamine abscedere, quod Lutherum calumnias, suo iudicio, exemissent. quamquam id quoque gaudium, vt vanum, ita non diuturnum fuit. paulo post ad inquisitionem tantæ rei omnium studijs conuersis, Lutheri codices primigeniæ editionis inspecti, in quibus inuenta ipsa, quæ carperat, hominis Apostatæ Campianus verba. Et quoniam res aperta erat, ipsi hæresis magistri, inter quos VWhitaxerus fuit, Lutheri insanas illas voces in vetustis exemplaribus legi palam falsi; personam triumphanti pene iam mendacio, vel inuiti, suis ipsi manibus detraxere.

## CAPVT XLVIII.

*Eodem die iterum de religione  
cum hæreticis disputat.*

**P**rimum Campiani cum hoste congressum fuisse exequi ipsa lex historiæ coëgit. nam cum multa Edmundi recens facta contineat, multa vetera tueatur; styli obscurandus malignitate non fuit. Mihi quidem non ducum prælia, aut imperia ciuitatum; sed facta Martyrum perconsenti, minuta, aut minima, etiam oculis interdum colligendis, diligentia nulla est. Et nisi deliberatum foret disputationes Campiani verbatim ex Angli-

eo latine redditas suo separatim comprehen-  
 sas volumine luci permittere; ne verba qui-  
 dem disceptantium desiderari passus essem.  
 nunc ea tantum in sequentibus memorabo,  
 quæ ad actiones vel modestiæ, vel fortitudi-  
 nis, vel Christianæ libertatis pertinere vide-  
 buntur. Disputationis locum, auctores, pro-  
 pugnatōres notabo; quid quoque congressu  
 actum, qua de re disceptatum, quo audi-  
 torum assensu, quo iudicio sapientium res  
 transacta, expediam. neque si quid insignio-  
 ris inter dicendum, aut tarditatis, aut con-  
 tra acuminis fuerit, supprimam. Ea cura  
 fastidio legenti, nisi fallor, nequaquam erit;  
 vario semper, & ferace, in utramque partem  
 dictorum, factorumque proventu. Mirum  
 enim est toties repetitas litterarias pugnas,  
 nihil præter tempus certaminis, quod horas  
 ipsas quatuor explebat, habuisse commune.  
 Locus ergo pomeridianæ disputationi idem,  
 auditorum frequentia multo maior. Hære-  
 ticam causam, cedente Nouello (ita erant  
 inter ipsos constitutæ vices.) Dayus propu-  
 gnauit. is quoque certamini, ex ingenio, in-  
 feliciter prælusit. in decretalibus enim Leo-  
 nis I V. litteris ex Gratiani decreto recitatis,  
 quibus sacrorum scriptorum suo ordine fan-  
 citur auctoritas; nescio quam vocolam inepte  
 cauillatus parum felix omen futuræ disputa-  
 tioni dedit. Disputatio diserte proposita de  
 sola fide iustificante ex ipsis Campiani ver-  
 bis,

bis, quæ ita Dayus ex libello decem rationum recitauit, castigatæ de B. Iacobo Lutheri censura protinus hærentia. *Hoc enim scripto confossus miser, atque diruptus est, cum in sola fide iustitiam constitueret.* Hoc ergo dum Lutheri dogma defendit hæreticus, nescio qua occasione, ad Græci Euangelij fidem prouocauit, simulque Græcum codicem obtulit Campiano. Is quia corruptum etiam hæretica impietate Græcum Euangelij contextum nouerat, habere se illis gratiam respondit; librumque cum hæc diceret, ne apertum quidem, à se reiecit. Persuasum est hæreticis linguarum veterum cognitionem apud Catholicos, vel exiguam esse, vel plane nullam. Ipsi reconditæ sapientiæ gloriam oculis modo Græcis, modo Hebræis, cuiusque sermoni, scriptoque intermiscendis, apud imperitos aucupantur. eaque demum ratione mysteria se prolocutos putant, si de rebus, alioqui vulgaribus, tria peregrina verba magno supercilio immurmurauerint. Nulli vero hominum apud illos maiorem in suspensionem ignoratæ exterae linguæ venerunt, quam qui in religiosis familijs Deo seruiunt. Eorum multos, altissimis tum humanis, tum diuinis contemplandis rebus intentos, verborum negligentes, cum plerumque videant, rudes omnino linguæ cultus omnis, & elegantia credidere, auxere suspensionem sententiarum graues, sed verbis agrestes, infelicio-  
seculo-

seculorum scriptores: apud quorum nonne-  
minem repertum illud de Gracis elogium:  
*Gracum est, non legitur*, tritum iam in no-  
stram infutiam apud eos est prouerbum. nec  
facile dixerim, quicquam ab illis, cum apte  
cadit, cachinno maiore iactari. Ergo Græci  
codicis repulsam, imperitiam Græci sermo-  
nis interpretati: mirum est quanto risu, quam  
illiberalibus iocis, quantis libilis, & adagium  
illud inculcarint frequentissime, & in eam  
sententiam cum morfu, & sale multa conges-  
serint. Magna interim Campianus patientia  
tantum dedecus tolerauit, eoque maiore, quo  
facilius poterat risum in hostem, suæ erudi-  
tionis, quæ summa in eo genere fuit, expe-  
rimento regerere. Sed ille religiosarum ar-  
tium memor; comprimendi, vincendique  
pudoris sui occasionem auide excepit, silen-  
tioque sorbere ignominiam statuit. Risu,  
atque exsibilatione defessi, rediere ludibun-  
di ad institutum de fide iustificante certamen  
hostes: contemptimque, non videre se dice-  
bant, cur tantopere Iacobi Epistolam Luthe-  
rus pertimesceret, cum antiquis Patribus,  
qui in eadem Lutheri causa, placitisque fue-  
rant, familiaris ea epistola, minimeque for-  
midabilis visa esset. Nam tamen vocem il-  
lam, *solan*, toties à nostris exagitata, sa-  
crarum litterarum oracula, cum de fide iu-  
stificante agerent, non expresserint; Patri-  
bus tamen diuinorum responsorum interpre-  
tibus

tibus identidem usurpari. Ad eius rei fidem testes ex antiquitate præcipue duos aduocabant, ex Latinis Hilarium, Basilium ex Græcis; visusque est repetendo suauiter in Campianum ioco, ac sibilo opportunior Græcus. Ergo oculis, totaque fronte iam procaci risu natantibus, certatim complures ad Basilium Campiano ingerendum accurrere. Iam submurmurare, seseque excitare circûstans turba cœperat; cum immotus codicem accipit Campianus, locumque designatum vultus summa; perinde ac si aliud ageret, serenitate, recitare adorsus; compressit primo audaces oculorum in se coniectus, risumque iam pene fluitantem cohibuit. Mox vbi eadem constantia totum Græce recitatum locum patrio sermone verbatim expressit, adeo non modo proprie, sed etiam eleganter, ut æque vtramque callere linguam æquis, iniquisque omnibus appareret: expallescere hostis, vultum demittere, neque ipsius, neque circumfusæ multitudinis aspectum ferre posse. Interea complicatum Edmundus magna constantia librum reddens, Vos, inquit, mihi in posterum, opinor, testes eritis, me Græce nonnihil didicisse. Eam vocem admiratio audientium primo, tum secunda in eius modestiam, eruditionemque admurmurationes consecutæ. Denique, ut sunt immodica in vtravisa partem vulgi studia, æque nimium tunc fauori plausum circumfusa multitudo

dedit,



dedit, atque sibilum antea probro dederat. Ita fracta hostis audacia, liquido ostenderunt, quod ad rem pertinebat, nostri; Patrum verba, mentemque eam esse, ut si lex vetus, praeceptumque Mosaicum Christi fidei compareretur, negandum sit vlla lege, eiusve vilo opere, sed vna Christi fide iustitiam acquiri. quamquam quid opus esset urgere Patres, cum Lutheri fides vana quaedam sit arrogantis animi, plane confidentia, non fides? quæ quidem confidentia apud Patres Pauli sequentes fidem, quæ per caritatem operatur, omnino nulla est. Quid enim certius, quam Lutheri fidem vna tantum futili confidentia contineri, qua, sceleribus licet omnibus cooperti, certo nobis tamen persuadeamus, Deum ob Christi Redemptoris merita nobis fore propitium? quæ animi inductio quid habet cum illa fide commune, per quam Sancti vicerunt regna, adepti sunt repromissiones, obturauerunt ora leonum, extinxerunt impetum ignis, conualuerunt de infirmitate? Hæc ubi dixit Campianus, quasi rem omnem compendio conclusurus, ex alato Pauli testimonio, quo Galatæ monentur cap. 1. neque circumcisionem aliquid valere, neque præputium, sed fidem, quæ per caritatem operatur; ita Dialecticorum ritu argumentationem breui contorsit: Si sola fides iustificat; sine caritate iustificat: atqui sine caritate, si quid Apostolo credimus, non iustificat:

Iustificat: fides ergo sola non iustificat. Per-  
culit adeo vehemens telum, afflixitque ad-  
uersarios, incertoque diu clamore cum sen-  
tentia ambigui, verborum incerti trepidas-  
sent: hoc tantum magno cum multorum ri-  
su responderunt, argumentationem illam vi-  
tiosam esse, captiosamque; quippe quæ qua-  
tuor, ut disputatricis artis periti loqui consue-  
uere, terminis constaret. quod Dialecticum  
acumen exagitare false cum posset pluribus  
Campianus; procul ab omni dicacitate, hoc  
vnum magnopere contendit, ut argumenta-  
tio illa ad calculos Dialecticos reuocaretur.  
idem alij acriter nostri flagitarunt, neque  
quicquam profecere, cum id vnum illi sub-  
inde inclamarent: ita, ut ipsi dixerant, rem  
se habere. Acrius inde vanam, priscisque  
seculis ignotam Lutheri fidem exagitauiere  
martyres, obmutescentibus etiam non raro  
hæresis Ministris. Præcipuum robur animi  
in Sheruino apparuit, cui fortissime, sum-  
maque contentione, cedentem iam, percul-  
sumque aduersarium prementi, indictum pro  
potestate silentium est. Fuitque è Ministris,  
qui iuberet voces illum seruare ad eam diem,  
qua libera ipsi futura esset contra disserendi  
facultas. & illi tamen etiam, eo ipso die, fa-  
ctam esse dicendi cum Campiano ab hæreticis  
potestatem, vix quisquam aderat qui igno-  
raret. neq; dissimulauit rem Sheruinus; addi-  
dit immo, non nouum esse ob dicendi de re-  
ligione

ligione libertatem se vexari ; & antea sæpe multis modis eam luisse , & paratum porro quacumque mercede suam fidem vbicumque , quibuscumque audientibus , profiteri . Excanduerè ad ea dicta scilicet hæretici ; iamque argumentationem ex vetere nouam ferere strenue incipienti , summis clamoribus vna omnes silentium imperant , illud identidem Anglice vociferantes , Tene linguam . at ille constanter , Tenebo , inquit , linguam , tenebo & fidem . Ad extremum suam Campianus de tota iustificationis causa sententiam interrogatus , Catholicæ Ecclesiæ sensum tanta cum auditorum approbatione exponere aggressus est , vt inclinatis ad nostram causam animis ruinam partium Nouellus videretur . Itaque callide dicenti interfatus , sermonem per occasionem auertit : tum , quasi alio , quam quo instituerant , aberrassent ; interrupta disputatione , conuentum improuiso soluit . Ita primi diei disceptatio magna nostrarum commendatione partium , ipso etiam fatente hoste , conclusa est . quamquam , vt erant Edmundo infestissimi , totam rei bene à nobis gestæ laudem in Sheruinum conferebant hæretici magistri , qui vt laude dignissimus apud omnes fuerit , Campiani tamen gloriæ non offecerit .



## CAPVT XLIX.

*Iterum ad disputationes nouis, &  
propugnatoribus, & mendacijs  
parati hostes veniunt.*

**N**on satis felicem primi illius certami-  
nis exitum hæreticis fuisse, & palam  
multorum voces, & ipsa siue obruendi ad-  
uersi rumoris, siue prospiciendi in posterum  
trepida eorum diligentia loquebatur. Pri-  
mum omnium, disputationis acta pro libi-  
dine confecta, ac deprauata edunt in vulgus.  
Deinde quia, neque auditorum frequentia,  
neque fortasse partium suarum duces in rem  
satis esse iudicati sunt; & comprimi confluen-  
tem vndique ad audiendum turbam placuit;  
& propugnatores illos duos Nouellum, &  
Dayum dimitti, nouosque, queis robur eru-  
ditionis maius, acriorque ingenij vis ines-  
set, sublegere. Euocatus ad pugnam Fulkus  
librorum non inerudite scriptorum laude  
apud suos magnus, cui adiunctus è numero  
Ministrorum Godius quidam. Neque mili-  
tes solum, campus etiam, locusque certami-  
nis mutatus. è templo in cubiculum Odoëni  
Hoptoni translatae disceptationes; quod ar-  
ceri à priuato cubiculo confluens vulgus ho-  
nestius, quam à publico templo poterat. Ad-  
hæc quia inscium rerum omnium, atque im-  
para-

paratum ad certamen Campianum euocatum  
 esse iniquum ijs visum fuerat, qui honesta  
 omnia hæresi volebant; ita rem moderati  
 sunt, vt biduo ante quam altera disceptatio  
 instituta est, per certum hominem Campia-  
 no significarent, quamnam libelli sui partem  
 tuendam proxima disputatione susciperet.  
 interim neque libri, neque amicorum collo-  
 quia, quibus ad rem propositam instrui pos-  
 set, permixta vincto. Ita callide, & rem ex  
 voluntate nostrorum moderatos esse se vole-  
 bant credi, & inutile Campiano id officij  
 genus subtracto opportuno omni subsidio  
 reddidere. His ita constitutis dies x i v. Kal.  
 Octobris, quam disputationi destinarant,  
 affuit. Productus in Odoëni Hoptoni aulam  
 Campianus, theatri faciem vniuersam aliam  
 esse animaduertit. Nam, & rari auditores,  
 numerum certe tricenum capitum non attingebant,  
 & propugnatores hæresis non iidem;  
 & vnus ipse de nostris, Catholicæ causam ve-  
 ritatis suscepturus, productus erat. Reliquū  
 confessus apparatus haud sane priori dissi-  
 milem notabat; nisi quod Ciarko, non VVi-  
 taxerus, vt antea, sed Feldius quidam, exci-  
 piendis disputantium dictis, adiunctus est.  
 Posteaquam assedere omnes; & Campiano,  
 ne de librorum inopia quæteretur, vnicus  
 Bibliorum traditus est codex; Fulcus preces  
 multitudini indixit, cum graui voce Catho-  
 licum illud intonauisset, *Oremus*. Versuti hæc  
 homi-

hominis prima fraus fuit, qua profanis precibus, per speciem pietatis, sanctum Christi martyrem irretiret. Ceterum quem vis non fregerat, nec fraus fefellit. & fortis ad repellendum, & acutus ad sentiendum dolū Campianus fuit. Cōtinuo omnibus in genua prouolutis, ac, præeunte verba Fulco, tunc maxime intesto sibi numini supplicantibus; nulla sollicitantium arte adduci potuit, vt cum illis suas misceret preces. priuatim pro se Deo supplicaturum respondit, fecitque protinus, magnis pietatis intimæ argumentis. Secundum preces vbi assurrexit, salutis signum pectori reuerenter impressit; neque erubuit, clara etiam voce, inter irridentes, dum sacrum signum manu notaret, verba solemnia pronunciare, *In nomine Patris, & Filij, & Spiritus sancti. Amen.* Sub hæc Fulcus quæstionis agitandæ itatum exposuit. ea erat de natura Ecclesiæ, cuius è Caluini lacunis haustam definitionem impuram videri dixerat, tertia ex decem suis rationibus, Campianus. Quam vtrum tueri vellet eo tempore censuram, quæsiuit ex Edmūdo Fulcus. Ille paucis primum questus, quod imparatus cum paratis, instructisque committeretur: longius deinde, grauiusque exposulauit, quod typis exscripta, & in vulgus edita multa inaudiuerat aduersus gestorum priore disputatione fidem. à se quippe ea dicta esse inter disceptandum vulgarant aduersarij, quæ ne somnianti

Q quidem



quidem in mentem vnuquam venerant. Meminissent, & postulari sui, & communis officij, se non priuatas, & cubiculares disceptationes, sed publicas illas, atque academicas postulasse. Potro vtrique parti Dei gloriam, veritatisque inuestigationem propositam esse oportere. ea vero quin multo certius indagaretur, si parati vtrinque ad anquirendum de antiquitate, sacrisque responsis accederent, dubium esse posse nemini. Verum pergerent porro. Se qui primam iniquitatem non defugerat, ne alias quidem reiecturum. Exin propius collatus disceptantium pes. Agitatum de Ecclesiæ vi, ac natura, vtrumne videri, & plane digito in terris demonstrari posset, quod Catholica doctrina tradit: an ita sensum omnem effugeret, vt solum intelligendo attingeretur, quod hæreticorum error docet. Actum vtrinque acriter, ventumque semel eo, vt Godium, Fulxi commilitonem, & vox, & argumenta turpiter deficerent. Iam ad exitum disputatio properabat, cum quasi collectis Dialecticæ viribus huiusmodi Fulxus contorsit argumentum, quo Ecclesiam ex electis tantum conflatam, ac proinde sub visum non cadere euinceret. In Ecclesiam credere fidei articulus est. Fides autem est inuisibilis. Ergo ex electis conflatur Ecclesia. Risum, nolenti etiam, extorquere poterat tam distorta membris omnibus, & hæretico acumine dignissima ratiocinatio.

abstinuit

abstinuit risu tamen Campianus . siue quia  
diem ridendo ducere nolebat , cum nimis sæ-  
pe ridendum esset , si omnia risu digna ho-  
stium tela riderentur : siue quia intentus ad-  
docendum , ludicra trans mittebat . Ridicu-  
lam ergo argumentationem rationis aduer-  
sæ momento , non exprobratione vitij conuel-  
lit . Grauitè enim , & luculenter docere ad-  
stantes aggreditur : posse hæc apte consiste-  
re , & fidem oculis non subijci , & id tamen  
de quo credendum quippiam ipsa præscribat ,  
vsurpati videndo posse . Nam de reparatore  
salutis Christo credi multa , etiam cum in ter-  
ris ipse ageret , oportuit , num ergo inuisibi-  
lem eum fuisse dicere auderent ? Hic quia ni-  
hil ab hæreticis respõsi dabatur , institit vrge-  
re Campianus , age promerent , si quid con-  
tra possent . Verecundia impeditæ mentis ,  
& hostis acriter prementis ardor duplicauit  
hæreticis iras . itaque in contumelias effusi :  
Nimis es , inquiunt , gloriosus , ac iactabun-  
dus Campiane , & nos quam animis præce-  
peramus tuæ opinionem modestiæ damnare  
cogimur : exemplo futuri , ac documento  
ceteris , vestræ nationis laudes minus habere  
in recello solidi , quam in specie honesti .  
Promptum aduersus hæc Edmundo , & di-  
gnum veritatis propugnatore responsum ,  
priuatæ causæ modestum animum etiam in-  
tra modum , publicæ vero erectum , ac stabi-  
lem , vel supra modum etiam , deberi . Neque

ei sententiæ confirmandæ, veterum dictis, & exemplis abstinuit, se paratum ad inima omnia extemplo, cum de se vno ageretur, descendere; at cum veritas quæritur, nihil cuiquam de suo iure concessurum. quam grauitatis plenam, & constantiæ orationem præclara  
 „ illa sententia conclusit: Neque sui tuendi ob-  
 „ stinata voluntas caritati, neque talis humili-  
 „ tatis species veritati officiat. flagitiumque nõ  
 „ impar iudico, vel temeritate superbiæ, pa-  
 „ cem; vel modestiæ obtentu, veritatem pro-  
 dere. Atque hic terminus antemeridianæ  
 concertationis fuit.

## CAPVT L.

*Eadem disceptatio pomeridianis  
 horis repetitur.*

**A**Dtextâ horis post paucis pomeridianâ:  
 qua haud sio an quicquam vel turpius,  
 hosti, vel nobis gloriosius acciderit. tam mul-  
 ta, & aduersarijs fœde peccati sunt, & Cam-  
 piano acute dicta. Et illud quidem quæri cœ-  
 prum, An Ecclesia errare possit. Verum in  
 ipso pene vestibulo caput quæstionis omis-  
 sum an errore, an dolo hæreticorum, aber-  
 ratumque ad longe diuersum argumētum.  
 Agitatum enim est, An accepta semel fides,  
 aut caritas amitti queat. Eas cum ex consti-  
 tuus

tatis Nouatorum placitis amitti non posse  
 Fulcus contenderet, eo deductus angustia-  
 rum est, ut Dauidem neque adulterio, neque  
 Vriæ cade pollutum, ex diuina caritate exci-  
 disse vnquam, vrgenti concederet Campia-  
 no. hinc in arctum sese magis compelli cer-  
 nens, deflexisse ab instituto se clamat, ad ean-  
 demque vocem Odoënum Hoptonum exci-  
 uit, cuius iussu ad caput principis quaestio-  
 nis reuoluuntur. Neque longius progressi, in  
 Syrtes iterum, & vada verberante instabilem  
 hæresim veritate alliduntur. Nam cum de  
 originis peccato salutaribus aquis eluendo  
 mentionem intulisset Edmundus: Falleris  
 Campiane, Fulcus exclamat. origine insitum  
 mortalibus vitium sacris aquis non emacula-  
 tur. Mirum id sane, subiicit Campianus.  
 nam quæro ex te Fulce, si licet: si quem sa-  
 cro fonte rite respersum infantem præmatura  
 illa ætate mors auferat, æternæ à te pœnæ,  
 an vero salutis destinabitur? Percussus an-  
 cipi interrogatione acutus disputator: Im-  
 peruiam mortalibus Dei mentem, & reces-  
 sum haud penetrabilem consiliorum cælestium  
 esse respondit, cui scrutando se non esse parē:  
 si quid conijcere tamen tantis in mysterijs  
 mortali fas esset, credere se, illum si è repro-  
 bis fuerit, ad æterna supplicia retrudendum.  
 Perinde igitur apud vos est, colligit illico Câ-  
 pianus, baptismo nec ne abluantur infantes,  
 si quidem neque natura insitum peccatum

„ baptismo aboletur, neque vitæ immortalis  
 „ aditus recluditur, quod cuius sit in Ecclesia,  
 „ quamque portentosa nouitatis, ostendere  
 „ superuacaneum puto. Nihil certe apertius  
 „ cum sacrarum Litterarum oraculis pugnat.  
 „ Hæc dicentem Campianum, verbosæ, futi-  
 „ lesque hæreticorum altercationes excepere.  
 „ Hinc quia longius abierant, iterum ad insti-  
 „ tutum reuersi sunt. Forte inter cetera dixerat  
 „ in loco Campianus, diuinæ præcepta legis  
 „ seruari à mortalibus posse: cum repente in-  
 „ gens adstantis multitudinis exhibitio conse-  
 „ cuta est. Deterruisset à dicendo alios aduer-  
 „ sus auditorum clamor, qui tamen inflamma-  
 „ uit Edmundum: spreto constanter plebeio  
 „ ludibrio, docere in hunc modum maluit er-  
 „ rantem multitudinem, quam timere. Quan-  
 „ doquidem inquit, sibi salutare de diuinæ  
 „ legis seruandæ facultate placitum excepistis:  
 „ æquum est, tum quid dictum, tum quare sit  
 „ dictum, patienter, attenteque ex me audire.  
 „ Ita ergo accipite. Diuinam legem vniuersam  
 „ duplici caritatis cardine versari, quorum al-  
 „ tero cum Deo, altero cum proximo iungi-  
 „ mur, certum apud vos etiam esse existimo.  
 „ Et quidem sublimia esse, & ardua, quæ du-  
 „ plici illo capite præcepta continentur, ne-  
 „ mo non videt. Verum tam multa diuinitus  
 „ ad ea implenda, adeoque magna suppetunt  
 „ præsidia, vt ea nisi sponte quis negligat, fa-  
 „ cile impleri, seruarique possint. Neque enim  
 „ cum

cum diuinis imperijs parere nos posse affirmamus, id, nisi ipse vires suggesserit qui imperat, fieri posse dicimus; idque à vobis, exceptores, perscribi, notariq; peruelim. Nam si nulla ratione seruati lex poterat, quorsum lata à Deo? ab Angelis promulgata? ab omnibus æquitatis arbitro, ac reparatore salutis Christo confirmata est? Cur addita præcepta? cur supplicia negligenti, cur seruanti præmia, vtraq; in omnem æternitatem proposita? Hæc dicentem interfatus Fulcus, Non eo consilio præcepta à Christo Domino data, respondit, vt ijs implendis hominum gentis laboraret; sed eo tantum, vti imbecillitate sua perspecta, diuinā misericordiam imploraret. Quasi vero, subiicit, Edmundus, non satius fuerat, si eo tendebat, aperte hortari, monere, suadere hoc ad misericordiarum perfugium, quam id per ambages eorum præceptorum agere, quæ nostram facultatem, etiā diuinitus adiutam exuperant. In eandem sententiam, & rationum grauissimis momentis, & euidentibus exemplis magna cum laude verba tamdiu fecit, donec Fulcus, ne victus videretur, luculentæ victoriæ imprudenti responso opportunum adiutum aperuit. Cum enim grauem Edmundi impressionem pauidus animo sentiret, Aberras, inquit, Campiane, neque potes bene colligere, qui tam perperam ratiocinere. ille **verus negotij totius cardo est: Omnis nostra**



„ cogitatio peccatum est , omnis existens in  
 „ homine vndecumque tentatio , scelus est .  
 „ Tam ergo potest humanum genus in Dei le-  
 „ gem non admittere , quam ab omni cogita-  
 „ tionum , titillationumq; pugna immune esse.  
 „ Vix risum hoc loco sanus quivis cohibuisset .  
 „ Campianus , re magis , quam verbo , vultu-  
 „ que iocatus : Mirabilem vero doctrinam ,  
 „ inquit , cui quantum cum diuino verbo con-  
 „ ueniat , vos videritis . *Beatus certe , qui suf-*  
 „ *fert tentationem* , Dei iussu , ac voce pronun-  
 „ ciatur , qui inter vos , vt video , impius , ac  
 „ sceleratus erit . Nam , & illum quoque pec-  
 „ care inter vos consequens est , qui vti Regi-  
 „ nx gemmis , pretiosæque suppellectili manum  
 „ clam iniiciat , suadenti diabolo repugnarit .  
 „ Id vero nisi ridiculum est , vicistis : Hic quia  
 „ sententiæ fœditas clarior erat , quam vt vlla  
 „ ratione obduci posset , ad conuicia ventum  
 „ est , magnisque clamoribus , Iesuitis , respon-  
 „ dent , id quidem ridiculum videri posse , non  
 „ Dei seruis . multaque præterea eadem amen-  
 „ tia elati subtexuere : quæ quoniam præter  
 „ inanem verborum procaciam nihil afferunt ,  
 „ supprimam . Illud postremo loco , ex occa-  
 „ sione quæstionis , Vtrum corporati sint An-  
 „ geli : coacti sunt hostes fœde , & aduersus  
 „ Christianæ fidei dignitatē dare , posse aliquid  
 „ ad fidem pertinere , quod tamen ad salutem  
 „ nulla ratione pertineat . quod vbi aperte col-  
 „ lectum , datumque virginti sibi , ab hoste ,  
 „ animaduert-

animaduertit Campianus ; quæcumque eo  
die ab aduersarijs , præter omnem totius Ec-  
clesiæ sensum dicta absurde fuerant , à postre-  
mis orsus , breui oratione collegit . Quæ à vo-  
bis , inquit , quibus eius rei ius est , excipi per-  
scribiq̃ue plane postulo . Primo , liberum es-  
se res ad fidem pertinentes aliquas credere ,  
vel reijcere , quandoquidem ad fidem perti-  
nere aliqua possunt , quæ ad salutem non per-  
tinent . Deinde , originis inolitum homini  
peccatum baptismi fonte non extinguì . Tum  
qui in Christi gratiam semel admissus sit , ab-  
errare non posse . Quarto , omnia animo ad-  
mota vndecumque cogitata aduersus Dei le-  
gem , peccata esse . Quinto , Dauidem adul-  
terio , ac eade perpetrata , peccati , iræque fi-  
lium non fuisse . His enumeratis , acquissi-  
mum esse dixit ; seque id vehementer ab eis  
petere , vt quoniam toties non nisi refellendi  
obiecta onus ipse subierit ; vel tunc , vel ali-  
quando tandem etiam obijciendi , quæ ab ijs  
refellerentur , partes ipsis volentibus sustine-  
ret . quod iustissimum postulatum , quia ho-  
neste contradici non poterat , ad alienam vo-  
luntatem , arbitriumque magistratum à Ful-  
co reiectum est . Ita vtrinq̃ue , à nostris ad  
carceres , domos ab hostibus discessum .

## CAPVT LI.

*Postremum Campianus hæreticos,  
& disputatores, & torto-  
res superat.*

**T**ERTIUS, quem exequar, nostrorum, ho-  
stiumque congressus, locum, appara-  
tum, disputatores, confesum, haud qua-  
quam à præcedentis diei disceptatione abhor-  
rentes habuit. Disceptationis solummodo  
argumentum aliud. De Eucharistia sacra-  
mentorum diuinissimo actum. Antequam  
certamen committeretur, monenti Hopto-  
nò magnas deberi à nostris Regina gratias,  
quod huiuscemodi disputationibus locū con-  
cessisset; Campianus se vero ait certamen  
illud alienæ salutis causa suscepisse: nam sibi  
quidem Catholicæ religionis capita satis ex-  
plorata esse; agere tamen pro qualicumque  
hoc merito Regina gratias, ijs vero impen-  
sius, qui audiendo affuissent, statimque san-  
ctissime Trinitatis nomine suppliciter appel-  
lato, paratum se certamini significat. A sa-  
cra prece ordiendum. Fulcus cum de more  
præfatus esset, præit carmen quo à Deo, quē  
oppugnaturus erat, lucem, viresque flagita-  
ret. Eius precationis societatem ubi constan-  
ter recusauit Campianus; quod adorato iam  
Deo, publica illa supplicatione opus non ha-  
beret;

beret: pressius cum illo se acturum ait Fulcus. Quod enim liberiores illi fecerit postrema congressione respondendi facultatem; oratoria illum facundia, similium, comparisonumque copia; & omni dicendi lumine adeo vim argumentorum obruisse, ut victas regionum partes vulgo percrebuerit. Ceterum Theologicæ veritati, non facundiæ circulatrici theatrum illud apertum iam crederet: modumque verborum fascinationibus statueret. Accepta conditione, conferunt manus. In ipsa primo, quam intentavit Fulcus, ratiocinatione, vitium inter Dialecticos puerile deprehendit, ne ipso quidem eius auctore contradicere auso, Campianus, idque ad ventosi hominis petulantiam compescendam, uti referretur in commentarios ab exceptoribus, omni ope contendit. De Epiphaniij subinde sententia cum altercarentur; oblati Græcus codex, repudiatur à Campiano, quod locum quem vexarent memoria teneret, quem memoriter etiam explicauit. Producta ad multam diem disceptatio magna hostilium argumentorum imbecillitate, quæ eorum numerum, ut fieri solet, auxerat. antequam conuentus solueretur, enixe obsecrat Ministros martyr, uti sibi, nisi illi suæ causæ plene diffidant, impetrent à Principe obijciendi vel semel aliquid ex Patribus facultatem. effecturum se, ut omnes intelligant, quam aperte, quam perspicue pro Catholica veri-

veritate testimonium veteres omnes Chri-  
 stianæ religionis Antistites dixerint. Excus-  
 sant eius rei impetrandæ potestatem Ministri,  
 contra incusante martyre trepidantiũ in ma-  
 la causa voluntatem. Tum vero illi palam,  
 nolle id se à Principe pro eius farinæ homi-  
 nibus tantum beneficium impetrare. Non  
 absurde sane. Etenim acri hosti, & parato-  
 rimofum tuæ arcem hæresis, oppugnandi po-  
 testatem impetrare, hominũ fuisset suæ cau-  
 sæ præuaricantium. Has tum inter cuncta-  
 „ tiones locum vulneri nactus, Quandoqui-  
 „ dem, inquit, adeo confidenter nihil aduer-  
 „ sum vos in causa pronunciatum à veteribus  
 „ confirmatis; vnum è Patrum nobilissimo  
 „ petutum locum interim accipite, quem si,  
 „ quauis arte, effugitis, vicistis. Is est Augu-  
 „ stini, qui in Psal. 33. Domini corpus in au-  
 „ gusto sacrificij Sacramento propria quadam  
 „ religione colendũ tradit, cum illud idem pla-  
 „ ne sit, quod assumpsit ex Virgine; his verbis:  
 „ *Fluctuans*, inquit, *conuerto me ad Christum,*  
 „ *quia ipsum quæro hic, & inuenio, quomodo*  
 „ *sine impietate adoretur terra, adoretur scabel-*  
 „ *lum pedum eius. suscepit enim de terra terram,*  
 „ *qui a caro de terra est, & de carne Mariæ car-*  
 „ *nem accepit, & quia in ipsa carne hic ambu-*  
 „ *lauit, & ipsam carnem manducandam nobis*  
 „ *ad salutem dedit: nemo autem illam carnem,*  
 „ *manducat, nisi prius adorauerit: inuentum est,*  
 „ *quomodo adoretur tale scabellum pedum Domi-*  
 „ *ni.*

ai, ut non solum non peccemus adorando, sed „  
peccemus non adorando. Hunc locum magno „  
cum totius coronæ silentio prompsit. ab ad-  
uersario responsum nihil traditur. adeo ful-  
minis more veritas, & oculos euerberauit,  
& obstupefecit audaciam. Neque quicquam  
post hæc memoratu dignum antemeridiano  
congressu actum reperio. quamquam futiliū  
argumentationum numerum ingentem effu-  
sum esse scribat, notetque illas singillatim is,  
qui occultus, ut ante docuimus, exceptor  
interfuit. inanitatem vanorum ictuum mul-  
titudine supplente. Neque pomeridiana cō-  
gressio vlla vi fessæ hæresis notabilior. De  
admirabili panis, ac vini in corpus Domini,  
ac sanguinem transubstantiatione dimicatū.  
cuius quia fructum Calviniani negligunt,  
etiam nomen quasi barbarum carpunt, per-  
inde, ac si adeo inusitatis mysterijs nouum,  
insolitumque nomen effingere vera latinitas  
non permittat. Sed hoc est pertinaciæ inge-  
nium, obluētandi studio omnia metiri. Ful-  
cus primo loco, altero Godius nihil ferme  
aliud quam panis, & vini nomina ad Eucha-  
ristiam notandam usurpata, & diuinis San-  
cti spiritus, & humanis Patrum litteris, iacta-  
bant. ex quo illud colligi volebant, Ergo  
panis, vinique substantia in Sanctissimo illo  
Sacramento aliqua remanet. Respondit id  
quod res est martyr; obsoletum, & ranci-  
dum argumentum vsu ipso quotidiani ter-  
monis



monis animaduerso concidere. ita enim mortuos resurgere, claudos ambulare, à virga Moſis virgas Ægyptias deuoratas dicimus, legimusque: quæ loquendi, ſcribendiq; formæ non niſi tranſacti temporis reſpectu veræ ſunt. neque enim qui ſurgunt, mortui, neque greſſum mouentes, claudi, neque deum deuoratrix virgarum, virga eſſe potuit. Clarior pro martyre locus fuit, quo quaſitum eſt, qua ratione commutabilis ſubſtantię expers Sacramentum alere veſcentes poſſet. eius admirabilitatis cauſas plane, diſtinctęque cum exponeret, ingemuit, quod eius loci quæſtio non audiente Oxoniënſi Academia agigaretur, hanc enim uero eſſe quæſtionem, quæ eruditi auditoris indigeret. Eadem orationis alacritas in martyre, in hoſte contra abiectio, cum de fractione diuini panis quæreretur. Subſtantiam non niſi accidentium beneficio frangi, aut diduci perſpicuis martyr rationibus demonſtrat; aduerſario, quoniam in re minime perſpecta, vt fit, lapſum timebat, nihil auſo contra dicere. Fœdum poſt hæc ab aduerſarijs ingeſtum, & Fulco dignum argumentum; eſſe in diuino cibo ſubſtantię aliquid, quod in facces abeat, atque ne ſine auctore ineptiret, Adamantium Origenem iactat affirmantem, quæcumque os ingreſſa ventri tradantur, aliquando deiſci. Miram proſecto, & quæ reſcriptis ex antiquitate teſtibus firmaretur, ſapientiam.

pietiam. sed non ioculari, quod fortasse merebatur, inuenit interpretem. Accurate rem totam in Sacramento explicans Campianus, quia iterum naturæ arcana altius ingressus est; impeditum ignorationis suæ tenebris hæreticum irretiuit adeo, ut repente omissa, quam tamdiu exagitarat, quæstione, ridiculo exordio quæreret, in quo rerum ordine, ac genere, seu ut nostrates Dialectici loquuntur, in quo prædicamento materia censeretur. Quam etiam adeo celeriter quæstionem omisit, ut appareret, inter trepidantis animi angustias, subsidio succedentis iam pudoris, forte obuiam arreptam esse. Itum inde ad quædam Augustini, Theodoreti, atque Irenæi testimonia: quibus nullo contradicente luculenter ab Edmundo explicatis, tota de religione altercatio, non sine aliqua vel animorum, vel laudis, ac dignitatis fruge dirempta est. Neque adeo hebes sensus aduersarijs fuit, quin magnam excepisse se illis disputationibus plagam animaduertent. Quamobrem communi consilio constitutum exinde est, ne vnquam Iesuitæ disputatione lacesterentur. Satis constat, ut reliquos omittam, Philippum Houardum Arondeliæ Comitem, Norfolciensis Ducis filium, hoc est ipsum Anglicæ nobilitatis florem, earum vi disputationum ita commotum, ut hæresis pertractatus, cui innutritus erat, tandem Catholicam religionem ex animo induerit:

induerit : pro qua postea tuenda vincula etiam, carceresq; perpeſſus, clariffimus Chriſti confeſſor occubuit. Haſtenus verbis, ac litteraria contentione Campiani tormenta interrupta; vbi vero dicendo nihil profici intellexere, ſauiſſimas equulei quaſtiones renouant. Conſtantia martyris omnium iam ſermone celebrata, hæreſis cauſa diſputationibus mirifice concuſſa, intenderunt hoſti iras, martyri tormenta. Diris ergo modis repetitæ quaſtiones, non alio quam exercendæ crudelitatis fructu. reliqua enim vſitata cum laude victrix patientia obtinuit. Feſſi irritis toties conatibus, Maiestatis reum peragere Edmundum, alioſque, qui in vinculis erant, ſacerdotes, conſtituunt. ( iam ante eo de ſcelere, quoniam religionis cauſa inuidiæ plena in vulgus erat, intentando conuenerat ) additi quoque è laicis aliquot, quorum conſpectior pietas. Eorum nomina in tempore memorabo. Verum quia tanta reorum multitudo grauis iudici, grauis auditori, qui frequens audiendo conuenire in Anglia ſolet, videbatur; biſariam diſtributa. Pars cum Campiano, pars non multo poſt cum Brianto producta eſt. Id ego antequam exequor, vniuerſam Anglicorum formam iudiciorum, haud paulo à noſtrate abhorrentem, exponere alienum non arbitror. Id niſi facerem, narrationis identidem ſeries, reddendis rerum, quæ

inter

inter iudicandum accidisse memorabuntur  
causis, intercidenda esset.

## CAPVT LII.

*Anglicorum iudiciorum forma.*

**E**St in nobilibus Europæ totius ædificijs  
non vltimum, quod Londini visitur,  
qua primâ ea vrbs obijcit occidenti soli fron-  
tem; patria lingua VVestmonasterium Angli  
appellant. Inter cetera aulam continet iudi-  
cijs, cuiusque generis peragendis destinata,  
tantæ amplitudinis, quantam qui oculis non  
subiecere, animo vix concipiant. In ea va-  
stitate tria magnifico opere tribus diuersis lo-  
cis assurgunt tribunalia. Sua singulis adiun-  
cta sedilia, vtroque ex latere protenduntur.  
Ab extremis sedilibus ad parietem ducti li-  
gnei cancelli, spatium magnæ capax multitu-  
dinis includunt. Eo spatio iudices, actores-  
que continentur. Iudicium sui ordinis prin-  
ceps pro tribunali; assessores quatuor ad tri-  
bunal confidentes, ius dicunt. Stat proximè  
præco: post eum qui iudici est à secretis, se-  
det. Actores, patroni, aduocati intra can-  
cellos promiscue, vel pro dignitate, stant, se-  
dentue. Ad cancellos rei aperto capite cau-  
sam dicunt: alibi per aduocatos; vbi de Ma-  
iestate postulantur, patrocinio cuiusvis pro-

R      hibito,

hibito, per se ipsos. Et nisi quod inniti cancellis queunt, stantibus & dicere causam, & audire necesse est. Paucis interdum sedes admouentur, qui vel senio, tormentisue fracti, vel insigni nobilitate conspicui sunt. Post reos satelles cum armis frequens. ab hoc, auditorum ingens (nam cuicumque ad audienda iudicia conuenire liberum est) multitudo. Trium porro tribunalium quem diximus numerum triplex iudicum, iudiciorumque diuersitas facit. Ab alijs enim iudicibus lites inter populares cognoscuntur: quæ ferme de fortunarum rationibus agitantur: nam quæ de sanguine, ac cæde intenduntur, prouincialibus comitijs referuantur. Alijs quæ ad aliorum tribunalium, vel iniurias auertendas, vel nimiam seueritatem moderandam pertinent. Alijs iudicia Maiestatis committuntur. Primi iudices, tribunal, quod communium causarum appellatur, obtinent. Alteris illud obtigit, quod Cancellariæ nomen, ex nomine Præsidis inuenit: illi enim Cancellarius summo cum imperio præficitur. Postremis, regium, quod vocant, Bancum, attribuitur. Porro singulis tribunalibus quini iudices præsent: ex ijs vnum reliquis præfectum, iudicem supremum dicunt; sui quemque tribunalis ceteros: at eum qui regijs causis præest, ampliore nomine Angliæ supremum iudicem appellant. Et ego eam deinceps iudiciorum formam exequar, quæ in regio tribu-

tribunali solemnīs est ; tum quod ex hac facilis erit de reliquis coniectura : tum quod conuiuentē Deo Angliæ sceleribus factum est, vt qui de religione ( quæ nostrorum necis causa fuit ) peraguntur rei , de Maiestate causam dicere cogantur . perinde quasi hinc regia, inde diuina Maiestatibus hostiliter dissidentibus, à Deo qui stetit , is regem oppugnasse iudicetur . Ad regium ergo tribunal, qui producuntur rei , ex arce Londinensi ( is enim est maiorum scelerum postulatis carcer ) ad Tamesim arcis mœnia alluentem valida satellitum septi manu deducuntur . Cymba conscensa totum Londini, qua longissime protenditur, secundo flumine emensi latus, ad VVestmonasterium contendunt. ad aulæ cancellos multo custode deducti supremum iudicem opperiantur . Is vbi reliquos minores sui confessus iudices conuenisse nunciatum fuerit ; infinito deducentium agmine, argenteo etiam capitato sceptro præeunte, ad suum tribunal reliquis omnibus assurgentibus procedit. Cultu ipse corporis præsigni est . Quippe qui laciniosam è coccino indutus togam, vndique fluentes magno luxu purpuræ sinus longe, lateque humo trahit . Vbi inter quatuor minores collegas medius assedit : præconstans, verba præeunte qui iudici est à secretis, silentium primo, mox quaternos videnos nominatim viros ciet, qui regni totius loco, ac nomine inter regem, reosque medij de tota



re iudicent. Decorum id sibi scilicet, veteres incorruptæ Angliæ reges existimarunt; si æquo propemodum cum popularibus iure congressi, suas etiam causas, querelasque ad commune patriæ arbitriū retulissent. Quamquam, ut sunt decliua bona ciuitatum instituta, quæ olim veræ æquitatis seu reliquæ, seu pignora fuerent; vmbra nunc sunt, atque ludibria elusæ libertatis. nam quidquid est re, aut libidine regia fuerit, id ita viris huiusmodi ante proponitur, ut intelligant quid sibi vel iure, vel iniuria sequendū sit. Hos ubi nominauit, iudicij summam, reis item nominatim appellatis, exponit. Post hæc si qui testimonium aduersus reos ferre velint, liberum esse pronunciat. Et hæc prior est actio, quæ vulgari Angliæ voce Magnus inquestus appellatur. Non multo post actio posterior instituitur, cui Paruus inquestus nomen est. In ea est viginti quatuor viris, quos priore actione iudicis auctoritate designatos diximus, reiiciendi aliquot ius est reo. qui si neminem reiiciat; iudex ipse supremus duode-nosex omni numero, abire iussis alijs, designat. Designati duodecim viri iurciurando pollicentur ex animi sui sententia, gratia, atque odio procul, quæque alia turbandis mentibus excitantur, iudicatos. quo facto dextra, læuaque iudicis, sessum recipiuntur. Inde noxij nominatim ordine inclamantur, manumque attollere ad nomen iubentur,

eo consilio , vt à XII viris etiam de facio cognoscantur . Post hæc de scripto obiecta singulis crimina scriba publicus distincte & clareque pronunciat . Est vero hoc loco quod notetur . Nam plerumque omnia , quæ ad obiecti criminis genus pertinere possunt , vera , ficta , similia veri pariter , multumque dissimilia vndecumque conferunt , reor vti accusationis tabulæ auctiores producantur . Neque id mirum auditoribus , aut graue noxijs videtur . credo quia consuetudo calumniæ vim dempsit . Nam tabulis accusationis recitatis respondere iussus à magistratu reus , vno verbo obiecta omnia diluit ; falsa esse quæcumque aduersum se sint allata pronuncians . pari scilicet confidentia , & accusatori pleraque falsa obijcere , & multa vera insinuari reo mos hodie apud Anglos est . Prima hac igitur veluti ex tabulis accusatione irrita : altera instituitur in hunc modum . Posteaquam nullo ex obiectis crimine teneri se iudici interroganti respondit reus , iterum interrogatur , Cuius ergo iudicio te permittis ? Dei , & patriæ , subiicit ex præscripta formula continuo reus . id ni faciat , atrox supplicium legibus ciuitatis subeat : vti humi stratus iniecta mole misere obteratur . Vbi Dei , patriæque iudicium implorauit ; Ita sit , inquit iudex , & nos hic Dei , & XII hi viri patriæ vices , locumque rite obtinent . Tum vero regij aduocati magna vi cooriuntur , & plane prisca

dicendi, criminandiꝑue licentia, orationi aduersum reos frena laxant, neq; aut villo oratorio fuco, aut mendaciorum plerumque falsis abstinēt. addunt & cōtumelias in reos, & commiserationem in Regem, quæque alia ciendis animorum motibus dicuntur, aguntur. Præcipuum eorum artificium est, crimina quamplurima genere diffita, dissimilia coniecturis, ipso dicendi ordine perturbata, dispergere oratione potius quam complecti, vt reum metu exanimem, periculi præsentia trepidantem, ipsa obiectorum varietate, ac dissimilitudine perturbent. Ex quibus cum aliquod vnum inter diluenda cetera labente memoria omiserit, quasi conscientia veri criminis tergiuersantem euerant. Nam accusatoribus, vt dicebam initio, per se ipsos respondere Maiestatis accersiti coguntur, idque nullo ad meditandam defensionem spatio permisso. Vbi pro se dixit, quæ visa sunt, reus; iudex breui tum accusationis, tum defensionis capita perstringit, memoriæque XII virum iuuandæ gratia paucis comprehendit, ita tamen vt inter dicendum facile significet, damnarine reum, an absolui Regi placeat: quod vnum ferme bonis XII viris pro omni iure, iustoque est. Ipsi secundum hæc XII viri, ad consultandum secreta in conclauia soli abeunt. Ibi hoc tantum inter se quarunt, patrasene videatur, quæ obijciuntur, facinora is, qui

reus

reus agitur, necne. Nam pœnæ constituen-  
dæ probato crimini partes regio iudici relin-  
quuntur. Dum deliberatio tenet; arcta clausi  
custodia omni humanæ vitæ vsu prohiben-  
tur, ne cibum quidem, aut potum capere, nisi  
re constituta, fas est: neque illa constitui,  
nisi de communi ad vnum omnium senten-  
tia, potest. Itaque non raro euenit, vt vnus  
tantum aduersus ceteros obstinata peruicacia  
dies integros rem duxerit; tandemque ine-  
diæ, sitisque impatientia victos collegas ad  
suam sententiam pertraxerit. Re constituta ad  
confessum redeunt, sententiamque à iudice  
rogati, per vnum, quem è suo numero de-  
lectum, XII virum principem appellant,  
vnico verbo *Gilti* vel *No gilti*, respondent.  
id verbum Anglice fontem vel infontem si-  
gnificat. Et olim quidem cum meliora tem-  
pora viciniora libertati forent, simul *No  
gilti*, pronunciabatur, festis cum vocibus  
absolutus reus dimitti consueuerat. At nunc  
si quid tale pro reo audent XII viri, redi-  
re protinus ad saniozem, acrioremque deli-  
berationem iussi, non ante dimittuntur,  
quam sauam pro regia voluntate vocem ef-  
fuderint. Ea vox vbi ferali sono aures, ani-  
mumque eorum etiam, qui extra periculum  
sunt, ingenti horrore concussit: supremus  
iudex vt in re conclamata, versus ad reos,  
nunquid pro se loqui habeant, interrogat.  
Pauci dicendi libertatem his rerum postremis

præstant. plerique nixi genibus supinas tendentes ad cælum manus, regiam clementiam flebiliter inuocant, tam frustra, quam promittitur. Nam & polliceri sustinent clementiam iudices, qui tamen protinus capitis sententiam ex lege ferunt. Est illa in Maieſtatis damnatos huius fere ſententiæ, ac formæ: Nocentem ego te N. Maieſtatis conuiſtum ex lege trahendum è carcere ad furcas iudico. inde ſuſpenſum ſemianimem adhuc euiſcerari, in partesque diſſecari quatuor iubeo, quas prodendo ceteris exemplo quatuor conſuetis vrbis locis, dum tabo ſponte defluant, affigi placet. Quamquam aliqua admixti conſueuerunt à iudice verba, ſeu fictæ, ſeu veræ argumenta lenitatis. Conſuetum illud eſt, & ſollemne, vt hæc verba addat: *Deus miſereatur veſtri*. Ita iudicio peracto, ex aula domum quiſque ſuam ceteri; capitis damnati in arcem aduerſo Tameſi quo venerant ordine reuehuntur. Vnum cuariat, quod ad iudicium venientes arcis porta, quæ Londino obiacet, egrediuntur. Idem ſi damnati redeunt, ſecretiore alia arcem ineunt, quæ ab vrbe auerſa ad Tameſim breui ſcalarum tractu ducit, perduellumque porta ea gratia appellatur. Datum id ſcilicet Maieſtati, vt qui in eam peccarint, eorum conſpectum ab humana ſocietate auerſant. Nam ſi abſolutus fortasſe quis, vel omnino indemnatus ad arcem reducatur, eadem qua

qua exijt, vitato infausto aditu, porta regreditur. Hæc de Anglicis iudicijs præfari opus fuit. de illis quid sentiam dicere neque necesse habeo, & frustra essem, si dicerem. Nam neque si quid peccatur, me monente corrigetur, neque vllum iudicij genus est, quod non conditorum voluntate sanctum, non vsu deprauantium calumniæ, atque iniquitati opportunum sit.

## CAPVT LIII.

*Ad iudicium bis Edmundus, alijque pertrahuntur.*

**A**Ntequam huic iudicio sisterent Campianum, iuris Anglicani peritorum conuentum habuere. Apud eos capita criminationum in Campianum, ac socios exponunt. quæsituri an satis inde instructi forent ad necem innocentibus ex calumnia aliqua legum inferendam. Ea de causâ ad priuatum hunc confessum ipsi etiam rei producti sunt, experiendæ constantiæ, quærendi-  
que ad alios infirmiores fortasse aditus gratia. xv i i Kalen. Nouembris Campianus quinque cum sacerdotibus, vnoque præterea laico ad huiusmodi probationem adducti. Sociorum nomina hæc traduntur, Rodolphus Sheruinus, Thomas Cortamus, Robertus



bertus Ionsonus, Lucas Kirbæus, Iacobus Bosgravius, Eduardus Rhistonus. his sacerdotibus Henricum Ortonum honestum laicum addidere. Hos laudire tacitos obiecta crimina, neque ad extremum aliud vti responderent permisere, nisi vnicam vocem, Feci, vel Non feci quod obijcitis. Addunt alij, posteaquam nihil esse in seditionis calumnias virium animaduertere, ad captiosam illam, & ancipitem de Pij V. aduersus Elisabetham decreto interrogationem aduersarios confugisse; num illud iure latum, num ferri à quopiam iure posset, quæsisse ex Campiano. Illum, nihil esse quod sibi ea in quaestione negotium facerent, respondisse. Regina se coram aperuisse, quid de Pontificis in reges potestate sentiret. ita laqueus ille dolosæ quaestionis elusus est. Neque hoc subticuerim, inde famam increbuisse; nocte, quæ priorem hanc prægressa est actionem, deductum ad Reginam Campianum, veste, ne quid turbaret inscios, famulitia. ea audiente multa de religione disseruisse: iterumque ab ipsa Regina præmiorum spe frustra tentatum esse. Ad eundem confessum biduo post septem alij sacerdotes consilio, rationeque confirmati deducti. Hi fuere Alexander Brianus, Ioannes Scertus, Gulielmus Filbæus, Laurentius Richardsonus, Ioannes Colingtonus, Ioannes Hartus. Hos ubi repellendis criminibus constantissimos sensere, dies  
quatuor

quatuor ad calumnias pro re instruendas, testesque comparandos patronis, aduocatisque regijs permittunt. Eos ubi satis instructos apparuit, ad publicum iudicium Campianum, sociosque eos quos priore actione collegas eiusdem gloriæ dederant, producunt, à. d. x i i. Kalen. Decemb. Iudicij fama infinitam omnis ordinis multitudinem conciuerat. plerosque veneratio martyrum, multos odium in Catholicos, non paucos ipsa spectandi, audiendiq; cupiditas in VVestmonasteriensẽ aulam euocarat. Eo septem martyres non alio quam rei ceteri ordine, rituque deducti. Præcesserant alij, iamque cancellos reorum stationi, vti diximus, destinatos attigerant; cum qui postremo loco siue ludibrij, siue honoris gratia trahebatur Campianus, tardior inter moras concurrentis, constipantisque se ad eius auditum nomen turbæ, in aulæ limine apparuit. Sidus repente aliquod exortum diceres: adeo omnium oculos quasi eius vnus de periculo agendum foret, in se vertit. Ipse inter custodes, ac carnifices frontem, faciemque cultui corporis longe dissimilem præferebat. Vix alias constantiore vultu visum ferunt. Talari tunica quam ad latera præcinxerat, crassissimo, ac seruili è panno ( Hibernicum appellant ) indutus erat. eius tunicæ manicis brachia, & manus, longis sauisque tormentis omnino luxata, planeque stupida inseruerat. nulli ta-

men salutantium, ex occulto licet, defuit, quaque solebat frontis, orisque serenitate æquorum, iniquorumque oculos, ac vultus vel sustinuit, vel placavit. Vbi ad reorum cancellos ventum est; nouum peræque, ac magnum spectaculum, quanti à Catholicæ fidei luminibus Edmundus fieret, ostendit, non sine plausu multorum, omnium approbatione. In aduentantem Campianum obuertuntur primo martyres alij, qui præcesserant; iamdiuque stabant. mox proximum magna totius corporis inclinatione venerabundi quasi principem sui agminis consalutant. Iudex inde, ac ceteri actores, aduocatique suas in sedes recepti: iudiciumque rite institutum. Citantur nominatim de more martyres. sustulere ceteri ad nomen manus: Campianus ne id posset equulei vis effecerat; eapropter iterum factus eius gloriæ locus. nam qui adstabat è captiuis sacerdos, Sheruinum fuisse fama tenet, Campiani brachium inuolucris, ac manicis expedit, attollitque. quod antequam faceret, tot, tantisque tormentis consecratam martyris manum pie, reuerenterque exosculatus est. ita quam sæuitia dempserat, caritas restituit respondendi ad nomen potestatem. Magnum dein volumen ineptarum accusationum plenissimum recitatum aduersum reos. quæ, quoniam falsas esse nemine arguente constabat, neque propterea quicquam momenti ad causam,

more

more Anglico, quem supra exposui, afferebant, traditæ non sunt. Enimuero si essent traditæ, neutiquam suppressissem, ut insani iudicij gustum aliquem lectori traderem. Accusationum longam Iliada, testium productio longior, Poppamique, regij aduocati, oratio longissima excepit. Is magno verborum ambitu vehementem aduersus factiosos homines orationem ingressus, omnes locos puerili declamantium pene diligentia conquisiuit, ex quibus seditionum, nouandarumque rerum studium damnari solet. Eius orationis cum diu nullum exitum inueniret; ex ipsa auditorum oscitatione, otiosisque colloquijs intellexit, sibi se canere, & suæ Nemese. Ergo cum horrenda vociferatione ad tumultus Nortumberlandicos, Vestmerlandicosque deflexit: quorum auctores, Catholici scilicet viri, earum prouinciarum Comites pridem extiterant. Hoc ubi questibus intolerandis egit, summa comploratione, quid nuper Sanderus in Ibernia mouisset, explicare cœpit. Iam horas aliquot hisce commiserationibus impleuerat: cum modeste iuxta, atque fidenter interfati rei orant, alienis uti tandem amputatis ad suam causam orationem aliquando reuocet. quæ adhuc tanto opere explicata, & deplorata sint, ad alios omnes potius, quam ad se, pertinere. Eorum aliqua se nondum natis, multa vixdum natis, omnia nescientibus, nedum pro-

probantibus gesta esse. Verum ne id quoque errabundum oratorem compescuit, veritum præmeditata concionis ordinem, nexumque abrumpere. Subiecit immo, paterentur se interim quæ vellet fari, enarraturum in loco, quæ reos propria scelera attingerent. atque veluti stimulos ineptienti homini addidisset iustissima interpellatio; non modo earum, quas prius memorauerat, sed antiquiorum etiam seditionum damna, indignationem misericordiae admiscens, peregit. Interpellare iterum hominem tamdiu auditorum abutentem patientia, tutum fuit, atque adeo fauoris plenum Campiano. Orat ad sua, suorumque, si quæ essent crimina, tandem veniat: nam ijs, quæ hæcenus memorata essent, si se tangi crederet propterea quod eorum auctores Catholicæ religionis cultores essent, videret, ne ipse earum omnium seditionum reus agi aliquando posset, quibus Gallia, Belgium, Germania, è propinquo Scotia, tamdiu quaterentur: propterea quod earum auctores hæresim profiterentur. quamquam non magis se in seditionis causa, ea premi Catholicorum enumeratione hominum, qui per tumultus interim rempublicam vertissent, quam furto ablati arietis reuinci quis posset eo argumento, quod pater, auus, atauus, alijque maiores ouillam interdum non illibenter esitassent. Locus is fuit, qui quoniam interrito vultu, sedataque, sed libera

libera oratione iactus est, secundissima admurmuratione omnium est exceptus. Sed ne id quidem retrahendæ ineptæ accusationi profecit. Duxit iterum Poppamus per obsoleta temporum, rerumque abiuncta orationem. tum fessis iam omnium animis ad propria reorum crimina deuenit. Capitale illud vnicumque fuit. coniurationes eodem prid. Kal. Iunias die, anno regnantis Elisabethæ XXII duas, Romæ alteram, alteram Rhemis initam: utrobique actum de Regina tollenda, vertendoque ope exterorum Angliæ regno. interfuisse reos, Romanæ coniurationi aliquos, alios Rhemenfi. Atrox facinus efferata orationis immanitate exagitatum. Verborum ubi satis, ac querelatum visum, producuntur testes seu fortuna, seu vitij hominum postremi: Eliottus nefaria proditione infamis, Crodocus, Sledus, Mundæus, nomina non nisi perfidia, & scelere conspicua. Eliottus, quam in Pannum egerat de coniuratis quinquaginta, peragit fabulam; eos ad necem, præter Reginam, Lecestrium etiam, & Valsinghamum designasse: Ea perpetrata nobilem virum vitam Mariæ Reginæ magna voce precaturum: ceterum cui eius acclamationis partes traditæ essent, nominatim se non comperisse. Crodocus, se dum Romæ esset in vinculis, ab Anglo homine audisse, in parte felicitatis vincula duceret longe à patria, in qua breui

nouæ



nouæ res non sine cæde, & sanguine erupturæ essent. Eandem turbarum prædictionem auditam sibi aiebat Sleddus; cum Romæ nescio cuius nobilis viri famulus esset: neque puduit profligati pudoris hominem palam faceri perfidiose religionem simulasse se Rhemis, quo exulum, qui ibi per Anglici collegij occasionem frequentes erant, vultus, voces, facta impuniis, & accuratius obseruaret. Mundæi testimonium paucis transactum: adeo enim exile, futileque fuit, ut neque quid attulerit, notatum inuenerim. Iam obiecta diluendi tempus aderat. Exorsus dicere Campianus; non inepte Iezabelis, & Achabi scelerata aduersus Nabothem iudicia memorauit: cui hæreditarium prædium, quoniam alia arte non poterant, confictò crimine impietatis, illataque per iniuriam nece eripuerunt. Coniecturis inde, argumentisque illustribus totius accusationis vanitatem detexit; adeo ut nemini dubium fuerit, illum nulla suspitione tanti sceleris attingi. Ea probata maxime confutatio, quod plerique ex ijs, qui conspirasse dicerentur, ne de facie quidem inter se ante eundem diem, quo simul è vinculis causam dicebant, noti erant. nonnulli eo tempore, quo conspiratio inita iactabatur, longè alibi, quam Romæ aut Rhemis egissent. quod idem postredie eius diei Thomæ Lancastrij, & Gulielmi Nicolsoni hominum domi suæ non ignobilium

bilium testimonio plane compertum est. Thomas iureiurando testabatur, Colingtonum ex reis vnum illis, qui postridie causam dixere, quo tempore coniurasse diceretur in Gallijs, secum intra regni fines collocutum. Gulielmus cum eodem modo reo alteri (nomen non traditur) subuenire conaretur, pestem, quam ab illo non depulit, creauit sibi. nam cum hinc conscientia innocentiae miseri illius stimulet, inde spem successus dicti pro Colingtono à Lancastrio testimonij felicitas faceret; ausus est iudici publice appellato promittere testaturum se de reo alio idem quod Lācastrius de Colingtono testatus erat. Curiose proinde interrogatus, Romanum sacerdotium fassus, in vincula duci extemplo iussus est. Accusationis capita post hæc iudex breui de more, ad x i i viros, post paulo ad deliberandum discessuros conuersus, colligit. Idem facit summa cum præsentis in tanto discrimine animi laude Campianus. adiicit singulorum capitum breuem adeo, aptamq; confutationem, vt iam inter ipsos Protestantes, qui aderant, sponsonibus ingētibus certatum sit; multis magna mercede contendentibus, absoluendos sine dubio omni suspicione criminis à x i i viris reos, præcipue Campianum. Sed bonis illis viris x i i inter Reginam Campianumq; constitutis, hominum, non causarum cura erat; quippe apud quos gratia æqui, odium iniqui vim habebat.

S Dum

Dum illi specie deliberandi, ea de re quam pridem constituerant, absunt; festum dicendo Campianum poculo ceruixæ recreant. Redeunt ferali carmine comparato XII viri eorum princeps Læus, nihil moratus, *Gilti* seuera voce pronunciat. Stupor tam atrocis iniquitatis reliquos defixit. Sæuitiæ minister iudex diuinam misericordiam reis sollemni more comprecatur. quærit sub hac ex formula, numquid haberent; quod pro se adhuc dicerent? Frustra se aliquid dicturum respondet martyr apud homines iam ante iudicium in præmeditata sententia obfirmatos. Verum si apud eos agendum esset, apud quos ullus iuris, recti, pudoris, Dei respectus foret; habere se pro sua causa illa omnia, quæ boni omnes; quotquot iam inde ab exortu generis humani exitere, afferre pro se possent. Quid enim honorificum, ac splendidum pro ijs afferri non possit, qui pro religione, ac Deo in patriam reuocando capitis arcessantur? Itaque pro aris, ac templis, pro superis, & superum Rege mortem se oppetere animis non modo æquis, sed etiam libentibus. Pergerent porro, feralem vocem meditatæ iam diu damnationis mitterent, qua non se magis, quam omnes maiores suos damnatum irent. Nihil hac oratione motus iudex capitale supplicium, quale Maiestatis compertos sequitur, decernit. Terruit alios letalis sonus, qui tamen perinde, ac euocan-

tem

tem ad regnum audirent Deum, martyres  
erexit. Campianus grates Deo, laudesque  
occinit sacro illo hymno: *Te Deum lauda-*  
*mus, te Dominum confitemur.* non dissimilis  
Sheruini vox lato cum oris in cælum suspe-  
ctu: *Hæc dies*, inquit, *quam fecit Dominus,*  
*exulemus, & latemur in ea.* Neque ab his  
vocibus alij dissensere qui damnabantur. ni-  
hil specie illa damnatorum erectius, nihil  
alacrius, ut tunc tandem intelligeres, quale  
nam esset gaudentem ire à conspectu concilij  
hominem, quod dignus habitus sit pro no-  
mine I E S V non contumeliam, sed letalem  
sententiam pati. Verum antequam inde disce-  
deretur, paucis Edmundus populum allocu-  
tus demonstrat, quanta sibi à senatu, ipso-  
que qui etiam tum adesset, Odoëno Hopto-  
no, promissa honorum splendida, opumque  
magnifica forent, si in rebus non maximis  
aliquid eorum voluntati concessisset, ut inde  
certum sumi argumentum posset, non se  
Maiestatis, sed religionis reum capite dam-  
nari. nam quantæ amentix fuerat, homini  
seditioso, & Reginæ hosti non modo pœnam  
remittere, sed etiam honores, opesque polli-  
ceri eos, qui Reginæ salutem supra cetera  
humana omnia tuendam ducant? Perduel-  
lionis ergo crimen in speciem odio veteris  
religionis obiectum, quod rectene fieret an  
secus, alios visuros. Ab hac oratione satelles  
in arcem reos reducit. Dum ab aula exitur,

incredibilis hominum concursus fit, Campiani, martyrumque vel manus, vel vestem palam deosculantium. quos dein cymbis de more impositos, quando alia re non poterant, oculis lacrymarum plenis, pijsque votis ab ripa prosequuntur.

## CAPVT LIV.

*Senatus de martyrum supplicio  
anceps deliberatio.*

**I**N carceres quisque suos reuecti martyres catenis, compedibusque ferreis onerantur. atque, ut postremæ fortunæ facilius, quia impunius illuditur, asperissime tractantur: nisi siquid priuatim Campiano sua morum, orationisque suauitas prospexit. Admiranda enim eum postquam damnatus est, fuisse oris amabilitate ferunt, qui per id tempus illū adinere. orationis vero suauitate tanta, ut loqui Angelum non mortalem hominem, dum Campianus loqueretur, custos eius, corruptæ homo religionis, palam diceret: frustra fremente, & libertatem ingenui laudatoris castigante, non sine minis atrocibus, Hoptono. Ipsi interim martyres intentiore cura postremum suum Deo certamen, pijsque amicis commendare: munuscula inter se, quæ confertim mittebantur, distri-

buere: quasi parata victoria inuicem gratulari. Senatores contra regios longe alia distrahebant curæ, tunc cum maxime res è sententia peracta videretur. Neque infontium morari supplicium sinebat impietas: neque præcipitare, nota iam peracti iniquissime iudicij apud non hebetissimum quemque infamia. Refertur ergo ea de re in senatu. Dicuntur graues in vtramque partem sententiæ: quarum capita non ad arbitrium conficta, sed ab ijs Catholicis accepta, qui admotis clam auribus integras altercationes dissidentium ex abdito audiuerunt, reddam. Supplicium qui à Campiano auertebant, hominis ingenium, omnis generis litteras, totius antiquitatis comprehensæ animo notitiam, famam in omnes diffusam late gentes, quarum aliquas etiam vsu nota viri comitas, & integritas valide cepisset, memorabant: quantam inuidiæ flammam subiturum Anglicum apud eas nomen esset; si hominem diuinis, humanisque omnibus instructum laudibus, quem immortalem esse quicumque patriæ studeat, optare debuisset, adeo præcipiti consilio sustulissent? Addebant ne iniquitatis quidem infamiam vitari posse: palam enim ferri, obiectum perduellionis crimen infirmum per se in eius ingenij reo, luculenta insuper defensione percussum, plane euanuisse: publice ita iactari: nihil Campiani defensione constantius, propius-



que ad veritatem fieri potuisse . At Regina  
voluntas obtenditur : cui obsequi necesse sit.  
Hunc enim solere quorundam crudelitati ti-  
tulum præstrui . Sed incidisse tempus , quo  
hæc effugia præcludantur . Nam cum ea ma-  
xime tempestate à Regina de Duce Alenzo-  
nio, Gallo, Gallorum regis fratre, in matri-  
monium ducendo ageretur, isque coram in  
aula, magna cum gratia, rem vrgeret, vir  
apprime catholicus ( qua de re infra dicam )  
exploratum esse videbatur illam tot Catholi-  
corum hominum indignam necem Reginae  
ingratissimam futuram ; cum ea Catholicæ  
religionis iniuria, contemptus, vexatusque  
Dux ipse existimaretur . viderent itaque, ne  
dum gratuitas inimicitias persequi se putant,  
magna, & publici odij aduersum nomen An-  
glicum, & regis iræ, aduersus se, mercede  
fæuiant . Rursus qui pœnas defensæ reli-  
gionis à Campiano maxime expetebant : in-  
stare vnico argumento ; quod tueri semel  
pronunciatam in reos sententiam decorum  
sibi, & vtile dicerent . nam quantam incon-  
stantiæ ignominiam suscipiant, si tanto ope-  
re constitutum iudicium euertant ? suppli-  
cium autem Campiano condonare, quid ef-  
se aliud, quam innocentem eum pronun-  
ciare ? quod si fiat, quantum probri subitu-  
ros se, atque Anglica iudicia, quod homi-  
nem palam innocentem tamdiu in vinculis  
habitum, adeo exquisitis tormentis lacera-  
tum,

tum, capitis damnari permiserint? Inuidiam illam, quæ necato Campiano apud exterarum gentes timeatur, damnato etiam tantum, esse subeundam, quam porro utile sibi fore si iudicium animos, eorum decreta infringendo, à regijs, publicisque opportunitatibus persequendis auerterent? neque Regi-  
næ iram extimescendam; cuius salutis patrocinium ea in causa suscipiatur. neque ad Alenzonij fortasse curas pertinere, quam acerbè, aut leniter in Anglum hominem Anglus iudex consultum velit. Denique si consilium laudari nequeat, quia reprehendi non potest, non desideretur certe constantia. Variantibus in hunc modum sententijs, plures dies ea deliberatio tenuit. Vicit tandem Guilielmi Cæcilij auctoritas, qui eandem Sanderi, & Campiani causam esse iudicando; quid in illum seditionis ducem decerni oporteret, huius supplicio declarandum censuit.

## CAPVT LV.

*Iterum in senatu de maturanda nece  
martyrum statuitur.*

**N**Eque is consultandi finis fuit. quoniam de necandis insontibus consilium steterat; de necis tempore inita deliberatio. Alij differendum, alij etiam repræ-

sentandum suppliciū decernebant. illi, quod Alenzonij honori dandum ducerent, ne religionis suæ contumeliam pene oculis subiectam aspiceret: præsertim cum Galli quoque regis animum, fratris scilicet iniuria commotum, alienari posse non absurda suspicio esset. Principum virorum oculos nescio quid instar clementiæ habere, quibus etiam noxiorum supplicia iure pene gentium subtrahantur. Dum ergo ille in aula, atque adeo in regno moraretur, placere reos arcta custodia clausos meriti, in tempus aliud, neci reservari. Alij, quos & maius Catholicæ dignitatis odium, & propria aduersus Alenzonium simulas, aut invidia inflammabat; necem maturandam, contendere; latrones semper sero extinguere. multa interuenire bene constitutis posse. Catholicos homines iam Cæsaris, aliorumque externorum Principum aulas permiscere, quo illorum gratiam mitigandæ Reginæ, subtrahendoque debitis pœnis Campiano interponant. alienorum regum gratiam, suæ Reginæ misericordiam, fontium meritis pœnis prauertendam. Adde, factiosis hominibus, quales Catholici essent, affligendis nihil opportunius fore, quam si ne Principum quidem quantumuis gratiosorum patrociniō tutos se esse animaduertant. quod tum demum liquido cognoscant, cum vel ipso inspectante Alenzonio, eorum signifer Campianus per vltimos cruciatus periret.

perimatur. Hæc palam iactata causa. At interiores longe alia fuere. odium auita pietatis primo, tum Alenzonium vlciscendi, affligendi que libido. illa in propatulo erat: hæc vnde ortum duxerit mox tradetur. Ergo posterior hæc sententia, quia immanior fuit, quia Cæcilij auctoris sceleris congruentior, obtinuit. Dicitur ergo proximum Sabbatum Cápiano tollendo dies; propterea quod solemnes eo die nundinae ad martyris ignominiam aptissimæ videbantur. Illi collegas decernunt ex omni numero duos, Briantum, & Sheruinum. tres infestas sibi familias trium alumnorum infami cæde plectere consilium erat: Societatem I E S V in Campiano, Anglorum collegia duo; Rhemense in Sheruino, in Brianto Romanum se raptaturos credidere. Hoc ubi decretum innötuit, quia forte is Sabbati dies in Andreae Apostoli per-nigilium inciderat, ingentem in martyrum animis alacritatem excitauit. iamque inter familiaria colloquia Andreae illud vsurpabant, *O bona crux*. Non latuit nimis plausibile hoc dictum senatores, in Kal. ergo Decembres, frementes ira, supplicium martyrum distulere. Solitæ interim artes non omisæ, & constantia iterum clam tentata, & traducta palam. Hoptonus incolumitatem, opes insuper, si quicquam de religione remittat, pollicitus; sororem etiam Campiani, quæ eum triduo ante mortem inuisit, sollicitare aggre-

greditur: fratrem, uti spe magni census (centum Anglicas auri libras promissas ferunt) ab obstinata moriendi sententia abducatur. Sed ille cælo iam imminens, humanas plane curas exuerat. Hinc ad calumnias transgressus, qua solebat impudentia, manus sibi Campianum, ignominie impatientia, an conscientia agniti sceleris admouisse, fictis sermonibus in vulgus ferit. His fabulis in præsens apud multos Campianum, se in omnem posteritatem apud omne genus hominum fœde traduxit.

## CAPVT LVI.

*Alenzonius in Anglia Elisabethæ  
matrimonium ambit.*

**Q**uibus curæ est Principum studia altius rimari, aulicasque nostri æui artes cum veteribus conferre: nullam à Tiberiana illa aulâ propius abfuisse, quam Anglicam Elisabethæ regiam pronunciant. Fuit Elisabethæ ingenium supra quam æstimari potest voluptatum expetens: quarum sine metu fruendarum causa dominationis auida in paucis fuit. Adeo ut non, quod plerumque evenit, voluptatum licentia, quasi ex corrupto per summam potestatem animo, regnantem Elisabetham subuerterit: sed contra voluptatum  
libi-

libido marcidum fœminæ pectus ad inuadendum imperium excitavit. Ea de causa non ad propagandos regni fines, sed tuendos intentæ curæ : neque quam late, sed quam secure imperaret, propositum habebat. Illud enim non nisi virile, & exercitum : hoc geniale. & voluptarium vitæ genus patitur. Eius hoc ingenium, qua erat perspicacitate, plane intelligens Gulielmus Cæcilius; sub ipsa principatus initia, & impietatis patrocinium, ac professionem, & malas deinceps omnes tuendæ maiestatis artes fœminæ vitiorum non indocili instillavit. Primo enim Romani Pontificis potestatem ne agnosceret, obiecto amittendi regni metu persuasit. non semel enim à Romanis Pontificibus etiam antequam nasceretur, regno illam exutam esse, dum Henrici Octavi, Annæque Boleniæ Elisabethæ parentum coniugium damnant, quæque ex his oriretur, ut illegitimi tori prolem, à regnandi iure alienam iudicant. Illorum ergo si auctoritatem sibi sequendam putet, regno excedendum esse. Hæc primo trepidanti mulieri tradita. inde longa malorum series, magnusque fraudum, ac insidiarum, per omnia simulationum, dissimulationumque abdita, implicati nexus. Hispaniarum regi Philippo eius nominis II quia ad Romani Pontificis obsequium videbarur esse propensior, non multum fidebat. Ab Henrico, qui Secundus item eo nomine inter Gallos



Gallos reges censebatur, hæreditarijs Gallorum, Anglorumque odijs, insuper quod Scotorum reginæ Mariæ causam palam fouerat, capitali odio dissidebat. Scota enim, Galli filio Francisco iam nupta, Elisabethæ pudendos, damnatosque natales aspernata, Maria Elisabethæ sorore mortua, Angliæ regnum arrogabat sibi. Fauit Henricus, omni que nurus domestico instrumento Anglici regni insignia, titulis etiam Angliæ regnum vti adijceretur, auctor fuit; eamque ipse omnium primus Angliæ reginam salutauit. neque proinde dubium, quin turbarum caput, Mariam ipsam Scotam tum regni finibus, tum cognatione proximam, vt regni palam æmulam supra ceteros odisset. Horum omnium arma, ac vires cum haud sane iniusto metu formidaret, distingere varijs artibus initio principatus aggressa est. Caput consiliorum fuit, intestina bella apud eos, à quibus timebat, ferere. nihil apud quemquam pacati, nihil quieti finire. ita iniqua aliorum vexatione suam securitatem redimere. Improbum consilium felix etiam numine fauiente fuit. Galliæ, Scotia, Belgium, per speciem nouandæ religionis ingenti tumultu concussæ, Gallum, Scotam, Hispanum, cui Belgica parebat, domi coërcuere. Nec simplici dolo contenta multos Principes nuptiarum spe, ac pollicitatione, & sibi delinijt, & in alios incitauit. Vt non absurdum docti  
cuius.

cuiusdam Angli dictum percrebuerit, senatores Anglos suam Reginam perinde atque canem faminam habere : qua iratis Principibus quasi infestis canibus in spem Veneris obiecta, latratus eorum omnes, irasque compescant. Ita Principibus tum Anglis illis pluribus, tum externis, certa ipsa interim nulli nubere; siue quod vagos amores inexaturabilis libido appeteret : siue quod dominationis socium toro coniuncto metuebat : siue quod gloriam pudicitiae praecisis legitimis, occultatis vetitis voluptatibus, apud posteros affectabat : siue quod ambiri suas nuptias à pluribus muliebri leuitate, & arrogantia pulcrum sibi, & decorum ducebat : siue quia reliquarum turpitudinum patientissima, virum tamen recipere non poterat. Ea tunc arte Francisci Valesij Alenzonij Ducis, Galli regis hic frater erat, adolescentiam irretiuit. Nulli certe spem propius admouit. in Angliam euocatum, incredibili honore exceptum, in regia lautius publice praebitis diu lactauit, donec Belgicam occupare prius iussum, è regno specie honoris exegit. Is ergo quo tempore de necando Edmundo agebatur, nuptiarum spe blande suspensus, hærebat in regia, quibusdam gratus procerum, pluribus inuisus. Quamquam dum Regina nuptijs animum serio adijcere credita est, gratia, & fauor proceribus omnibus in promptu fuit. Neque gratiae tamen, neque odij  
causa

causa omnibus eadem. alij æmulationem potentia, quam sibi vsurpabant senatores ij, qui formæ, ætatisque flore Reginam ceperant : alij Regiæ prolis amorem fouendi Alénzonij causas habuere. qñ ex occulto oderant; vel nouæ religionis occasum, vel cum ea suarum opum ruinam metuebant : in queis Gulielmus Cæcilius fuit. Quidam eripi sibi deuoratum iam animo siue coniugium, siue stuprum Reginæ angebantur. Dudlæus, & Hattonus hi fuere. impotentius Hattonus, qui flaccescente iam cū ætatis defluxu, riuallis Lecestrij gratia, proximum se regio ferebat toro; tanta coniugij potiundi spe, vt honestissimis conditionibus recusatis, cœlebs, regijs videlicet expeditus nuptijs, ad vltimum viuere perseuerauerit. certè plus posse in aula, quam probus amator, videbatur. & erat forma corporis eccellente, quam munditijs etiam, & omni luxu aulico excolebat. Hunc Cæcilius disijciendis Alenzonij nuptijs ex occulto incendebat. addebat Bedfordiensis Comes, hæreticorum acer propugnator, stimulos; non modo studio hæresis tuendæ, sed etiam priuata accensus iniuria. quod Gulielmo Stubo, sibi ab epistolis dextra publice præcisa manus esset, ob editum aduersus Alenzonij, Reginæque coniugium, mortifera libertatis librum. Hæ maturandæ martyrum neci inspectante Alenzonio causæ, plebisque senatoribus fuere : cum infringi eius aucto-

auctoritas, tanto in eius oculis inflicto Catholicæ causæ vulnere, videretur. quamquam longe aliæ palam prætendebantur. frangendos ea Catholici Principis contumelia spiritus Catholicorum, ulciscendas vexatæ suæ religionis toties iniurias, satisfaciendum pseudoëpiscoporum postulatis; qui cum se maxime Campiani libellis afflicto, traductosque fremerent, senatorum conuicijs non parcebant: quos in persecutendis violatæ religionis pœnis negligentes, non impune laturos Deo vindice publice prædicabant.

## CAPVT LVII.

*Probr̃osam in Christi causa mortem  
Campianus appetit.*

**A**ffuit tandem non hostibus, quam martyri, optatior Decembrium Kalendarum dies: quem sacro illustraturus triumpho omni genere gratulationis illucescentem salutauit. E sua eductus cella Sheruinum, & Briantum collegas victoriæ designatos, ad Collarbarum (loci intra carcerem nomen est) offendit. Eos arcte complexus, de rebus cælestibus, paratæque palma colloquium intituit, quod ut opinione longius traheret, vltima Hoptoni barbaries effecit. Etenim ille, ut Edmundi supremis illuderet, bubulum thora-

thoracem, quo dissimulandi sacerdotij gratia  
vsum cum esse constabat, arce tota quæri ius-  
serat. mens erat homini in sæuitia contume-  
lioso, toga detracta, militari ornatu marty-  
rem ad supplicium raptare. Multum diei  
procefferat: populiq̃ue multitudo, quantam  
haud temere alias collectam senes memine-  
rant, spectaculo confluxerat. Frustratus in-  
terea vana thoracis conquisitione Hoptonus  
produci cum sua illa Hibernica Christi mar-  
tyrem permisit. Terrere eos, qui ducuntur  
ad necem, spectatorum concursus solet; &  
is martyrem recreauit. Circumductis leniter  
oculis: Deus vos, inquit, omnes saluos, &  
Catholicos velit. Inde plerisque collacry-  
mantibus, renidens ipse prouoluitur in ge-  
nua ad Orientem versus, breuiq̃ue prece ta-  
citus postremam pugnam vero illi Orienti,  
qui tunc sibi maxime aperiebatur, commen-  
dauit. precem noto illo carmine conclusit:  
*In manus tuas Domine commendo spiritum  
meum.* Viminæ crates humi iacebant duæ  
equis duobus illigatæ. In alteram supino to-  
to corpore Sheruinum, & Briantum sæuissi-  
me constrictos coniiciunt: vnicum Campia-  
num in alteram: etiam hac honoris specie  
ad contumeliam, probrumq̃; cælestis militis  
abusi. It tota vrbe feralis pompa: interq̃ue  
hostium etiam, quos vltima rabies non effe-  
rauerat, lacrymas, ac gemitus longa raptas-  
tos via sub ipso tandem patibulo martyres  
consti-

constituit. Nihil molestius letali toto illo itinere, quam importuna ignobilium Ministrorum ad defectionem hortamenta, sanctis Christi militibus accidit. singulas crates sui ex face concionatorum rabulæ sequebantur, magna voce nescio quid pro salute, ut aiebant, animorum inculcantes. Mirum illud traditur: non defuisse, qui tot inter stipatores, confertaque multitudinis angustias aditum ad cœnum ex sacro Campiani ore abstergendum inuenerint; quo conspergi, dum lutulenta, fœdaque raptatur via, necesse fuit. Hoc vero fortasse admirabilius, ausos esse non paucos conscientia ad eum quaestiones eo ipso tempore, dum traheretur, deferre. Illud tandem pene supra fidem, quod consulentibus ipse quasi tunc maxime omni solutus cura, prolixè, accurateque satisfecit. tantum ingentis animi inuicto martyri superfuit. Vbi ad furcas crates constitit, plaustrum iussus est omnium primus conscendere Campianus, laqueoque ceruicem inferere. Id ubi obedientissime fecit, recepto paululum spiritu ad infinitam ex omni hominum ordine, ac genere coronam verba facere aggreditur, vultu interritus, voce constans, miseranti, quam misero, vicinior. Exordiū ab ijs Apostoli Pauli verbis duxit: *Spēctaculum facti sumus mundo, & Angelis, & hominibus*. Id cum sibi eo maxime tempore conuenire diceret, orationemque partiri,

T  
quam



quam dicturus erat, inciperet; silere iussus est à magistratu, Franciscoque Chnolesio, qui inter senatores Reginam arcta affinitate contingebat. de perduellione potius, cuius daturus mox pœnas foret, loqueretur. Nec distulit calumniam, vultus, orationisque constantia, reiicere. suæ innocentiae eos ipsos, si quis veritatis, Dei que respectus esset, testes appellans, qui tunc scenæ, ac populo seruiantes, nescientium personam induissent. Perculit hæc, propinqua iam morte, tuta libertas, procerum, qui aderant, obnoxios animos. E senatoribus tamen aliquis, ne conscientiam silentio fateretur; rationibus, ac testimonijs Campiani scelus comprobatum satis esse succlamauit. Verum ille superuacaneis, quæque nullum finem alternis obijciendo, negandoque inuenirent, super sedendum ratus; causæ cardinem versans,

„ Quocumque tandem modo res, inquit,

„ habeat, vir præstantissime, Catholicum me

„ sacerdotem esse profiteor, religionemque

„ Catholicam hoc ipso, quem daturus sum

„ sanguine, tueri, ac veram testari non dubito. Addit XII se viris, qui labi facile rerum ignorance potuerint, reliquis item, qui in suam conspirarint necem, omnes iniurias condonare, ea æquitate animi, qua sibi ab omnibus, si quid vspiam offendisset, vicissim ignosci cuperet. Sub hæc sententiam epistolæ, quam ad Poundum dederat, plane aperuit.

ruit. In ea enim quod scripserat, se quæ secreto commissa sibi forent, nulli hominum vnquam vlla vi tormentorum enunciaturum: fecerat suspicioni locum. non enim defuere, qui, vt supra notauimus, rem totam ad arcana conspirationum, iniqua, sed in vulgus probabili interpretatione detorquerent. Iis ergo verbis nihil aliud significasse se docuit, nisi ea se, quæ in Catholicorum Sacramentorum, Pœnitentiæ præsertim, mysterijs celari fas esset, aduersus omnes omnium quæstionum acerbitates suppressurum, quod adhibita æterni cruciatus, si falleret, imprecatione confirmauit. Postremo testatus Ricardsonum (pium hominem, eoquæ regijs inuisum) falso accusatum, damnatumque esse: alienis perfunctus curis, summo certamini per intentas ad Deum preces parare incipit se. Ceterum neque hoc diu quieto, licuit. quod enim nihil adhuc, vnde adstanti vulgo persuaderi noxa damnati posset, ex casto illo ore expresserat magistratus: ea gratia magnopereangebatur. ergo Hernum nescio quem ludimagistrum ex ante composito admittunt. speciosam aduersus reum fabulam is promiserat: ceterum adeo luculenta attulit mendacia, vt ipsos fabulæ auctores tam infelicitis impudentiæ puderet. Eum igitur illico auersati: ad postremas, notasque captiones, de Pij Pontificis aduersus Reginam edicto reuertuntur. promat, quid de

illo sentiat. Tacere perseveranti, siue quia Deo adiunctus ægre mortalia sentiebat: siue quia non necessariam ancipitis periculi questionem consulto fugiebat; instant, paratus ne esset à Pontifice deficere? Hic cum miræ animi æquitate nil aliud, nisi se Catholicis initiatum sacris, respondisset: iam satis perduellionem fasum esse reum, quidam ex hæreticorum numero clara voce collegit. Vno enim Catholicæ religionis nomine omne Maiestatis crimen contineri. Tantum est Calvinianæ Dialecticæ acumen: & theatrum tamen, & plausum habuit aliquando, & dum in hominum scelera Deus sæuiet, habebit. Inter hæc alienato à conuicijs animo supremum epoturus calicem tacite Deo cum supplicaret martyr, importunus Minister secum ut preces communicet, ijs saltem verbis, *Christe miserere mei*, obsecrat. Eam quoque pestem ille leniter accipiens; per mitte me quæso, inquit, mecum, & cum Deo agere: scis nobis in religione non conuenire. neminem à prece prohibeo. Versus inde ad multitudinem, Tū vos, inquit, qui mecum in religionis causa sentitis, Apostolicum Symbolū pronunciate, si videtur. Id vero martyr eo consilio fecit, ut pro ea se fide, cuius capita Symbolo illo comprehenduntur, animam efflare testaretur. Hæc ubi dixerat, redit ad preces. Verum quia necdum, unde falsi criminis suspicio concipi posset, ij extorserant,

serant, quibus id curæ erat; rursus quasi innocenti postulato hortantur, à Regina veniam uti tandem petat. Non fefellere artes, quem machinæ non fregerant. Cuius autem criminis, inquit, veniam? Ego nihil in eam me peccasse scio, testatusque sum alias: quod etiam num postremis his verbis moritutus testor. Quin & ei salutem non semel à Deo precatus, nunc etiam, cum extremum ipsa iubente traho spiritum, precabor. Simul hoc pronunciauit, palam precibus exquisitis Reginæ salutem commendat Deo. Mitissimi hoc animi, minimeque pertinacis argumentum dici non potest quantum benevolentia apud proceres morienti conciliarit: utique posteaquam res tota oportuna Caroli Hauardi interrogatione facta est illustrior. Is quam Reginam loqueretur, querit instanter ab Edmundo, num eam, quæ tunc imperium in Anglos obtineret? Illam ipsam, subiicit Campianus, Elisabetham, meam arbitror, vestramque Reginam. Interea dum ille cælo iam intentus cum Deo est: subducto cui superstabat curru, laqueo compressis faucibus paulisper pependit. Abscindere laqueum carnifex propere cum vellet, ut spirantem adhuc, aut semiuiuum, quod in Catholicorum supplicijs consueuere, disseicaret: magnorū qui adstabant virorū imperio prohibitus est. Exanimis, præciso fune cum decidisset; spoliatur. pectore dissecto præcordia

palpitanti auulsa , in ignemque coniecta , corpus exangue in partes dilaceratum quatuor . eæ feruenti aqua elixæ , consuetis vrbis locis spectaculum alijs iucundissimum , luctuosum alijs , plerisque miserandum præbuere . Ita Edmundus Campianus abruptis mortalitatis vinculis victor in cælum euolauit ex ea ipsa vrbe , in qua ante annum quadragesimum mortalis vitæ carceres erat ingressus . Vir in omni plane vitæ parte admirabilis : ingenio placidissimo , vt nihil improbabilius in eum confingi , quam seditionis , turbarumque crimen potuisse , qui eum notum habuere , omnes iudicarint . Neque tamen in suscipiendis diuina causa laboribus timidus , neque in ferendis mollis . Inedix , frigoris , ærumnarum omnium patiens admiraculum , obedientiæ tenax in paucis . quam ex demissione animi incredibili ortam agnosceres : quæ quia diuina virtus est , cum excelsitate item animi in Dei seruis aptissime coniungitur , idque in Campiano perpetuum fuit . Nihil enim ille rerum mortalium magnum , nihil vnquam admirandum existimauit . eam vero mentis altitudinem , procul ab omni arrogantia , & superbix suspicione ipsa vultus , totiusque oris amabilitas arcebat . Ingenij perspicacitate fuit summa : memoria felicissima : quæ cum diligenter in optimarum cultu disciplinarum exercuerit , summas obtinuit : vt Tatraconensis Episcopus

auctor

auctor sit, diu eos, qui Oxonij inter ceteros excellere, Campianicos appellatos. Lactea fuit patriæ linguæ eloquentia. Dum latine diceret, forte quia meditatus, acrimoniam adiunxit. His dotibus, artibusque adeo sibi notos omnes, ignotosque deuinxit, ut de hiciæ Anglici nominis crederetur. neque sine illustri testimonio publicus is amor fuit; etiam cum eum amare capitale videretur. mitto reliqua. Cum ad eius spectandum supplicium prorsus quantâ nunquam alias, non promiscui modo vulgi, sed nobilium etiam virorum multitudo confluxisset: ubi subterfugiente plastro Edmundus defluxit; tantus subito adstantis totius gemitus populi, fletusque exauditus est; ut ad communis parentis celebrandum funus, non ad perduellionis rei supplicium spectandum conuenisse Angliam diceres. Eaque vel maxime causa fuisse creditur, cur nonnisi extincti deiectus, & dissectio ab ijs, qui aderant, primoribus, popularem tumultum fortasse veritis, carnis fieri permetteretur. Denique ciuium suorum bono natus dici iure potest Campianus: eorum quippe non paruam manum vita, morte vero fortasse maiorem, longe autem maximam scriptis libellis Deo adiunxit; atque porro, ut est in suis lucubrationibus æternum viuax & operosus, adiungeret.



## CAPVT LII X.

*Diuerforum de Campiani seu vita,  
seu morte iudicia.*

**E**Rgo facile fuit tantarum laudum præcones inuenire, neque inter Catholicos, amicosque modo, verum etiam inter hæreticos, atque hostes. Incipiamus à nostris. Antonius Franciscus Mariæ Augustæ, idemque Campiani in Germania Confessarius, nullum in eo se perturbationis vnquam signum; omnia paupertatis, obedientiæ, modestiæ exempla animaduertisse prædicabat. Addebat conscientiæ puritate fuisse supra quàm credi posset, admiranda. Neque de ignotis se rebus loqui, cum eius diu accuratissimas confessiones arcanorum omnium, non modo peccatorum excepisset. Virginitatis florem nulla vnquam macula aspersisse, omnium, qui eum familiariter nouere, constans opinio fuit. Stanursstij, Hibernorumque ea de re testimonium supra posui. Nihilo obscurius Germanorum. Ex ijs fuit, qui Ambrosianæ eius tragædiæ hunc indicem præfixit: *Ambrosiana tragædia, autore Beato Edmundo Campiano, Græco, Latino, Poeta, Oratore, Philosopho, Theologo, Virgine, & Martyre.* occultius alius, quia per notas, & insignia; cæterum idem virginitatis, & martyrij, Ed-  
mundo

mundo decus adscripsit : & quidem antequam ille pro aris, & sacris caput daret, & sanguinem . Ex quo testatam morum eius sanctimoniam colligas : cum anticipata martyrij designatio in eum cadere non soleat, qui voluntario, & incruento, violento, cruentoque nauiter non præluserit . Ea res peracta hunc maxime in modum est . Vſitata sunt ad acria hyberni cœli mollienda frigora toto Germaniæ, Borealisque plagæ tractu vaporaria, quæ græca voce hypocauſta vulgo nominant . Conclauia hæc sunt diligenter undique conclusa, nisi qua vitreis fenestris diem admittunt ; sed omnino diem ; sine ullis cœli seu triftis, seu irascentis iniurijs . Iis conclauibus non inferne, vt veteribus, in consimilium extruptione cellarum architectis placuit, sed ad latera ignes applicantur hac ratione . Ad perfossum cubiculi, hos ad vsus destinati, parietem, fornaculam fabricantur . Eius præfurnium extrinsecus patet : testudo tota intra ipsum, quod vaporandum est, cubiculum, eminet . Huic fornaculæ ingestus ex præfurnio ignis per concalefactam testudinem, cellam ipsam ita calefacit, vt Arctœas inter illas, rigidasque brumas, vernos mitioris cœli tepores, & si libeat, calores etiam æstiuos, neutiquam desideres . Nam pro arbitrio augentis, minuentisque appositos fornacis ignes, modo vehemens, modo lenius hypocauſta incallescunt,

Ha-

Habentque hoc vel præcipuæ utilitatis, quod qui ijs vtuntur, procul à molesto, & sæpe insalubri propioris, aperti que ignis adspectu, afflatuque, non otiose, vt apud nos accidit, dum ad focum, ignesque assidemus, tempus terere coguntur; sed pulso per æquabiles cæcorum ignium adspirations frigore, totaque hyeme exulante, liberas habent mentis omnes, corporisque, prout cuiusque ingenium est, exercitationes. Atque, vt facile lauti homines conciliatricem deliciarum etiam necessitatem habent; effecit ingeniosa earum gentium elegantia, vt fornacularum illæ testudines, & gibberosæ proieturæ, quæ ad deformandas factæ cellas videbantur, ornameto seruiant. Bas enim spectanda varietate conuestitas; modo in turres, modo in campanaria, aliquando in speciem arcium, aut propugnaculorum, aliorumue talium efformant, tanto ludentis artis lenocinio, vt qui necessitatem ignoret; quasitas putet otiosæ elegantia delicias. In huiusmodi conclavia etiam religiosarum familiarum viri hyeme se abdunt; vt suis vacent, seu litterarum, seu rerum aliarum studijs. Societatis Iesv certe Patres, sua singulis loca in hypocaustis assignant, vbi mensula, sella, quæque alia, suo cuique artificio, sunt opus; appositis, taciti, quæ iussi sunt, peragant. Dum ergo Pragæ degeret Edmundus, in ea hypocausti parte, quæ illi ad studendum obtigerat, quidam

dam è socijs, qui eum probe norat, liliū ,  
& palmam innexis frondibus , caudicibus-  
que depinxerat, insignia virginitatis, & mar-  
tyrij; eo situ, vt sedentis capiti prorsus im-  
penderent . Aduertit ex aliorum frequenti  
contuitu, subrisuque factum Campianus, vir  
alioqui, quod de Sancto Bernardo fertur,  
oculis incuriosis : & quoniam autor etiam  
querenti innotuit; amanter ex illo non sine  
modica querela , facti causam scitatur . At  
ille qui non minus Christianæ humilitatis  
in Edmundo decus, quam quarum insignia  
laudum depinxerat, mirabatur: ne aut pudo-  
rem incuteret, aut indignationem cieret ho-  
minis ad solas suas vel erubescantis laudes,  
vel irascentis: temere id à se factum respon-  
dit . Ita non minus dum laudes loquendo  
supprimit, quam dum pingendo expresse-  
rat, laudauit Edmundum . Sed hi domestici  
fortasse laudatores sunt, & amici . veniamus  
ad externos, & hostes, quos in Campiano præ-  
dicando articulatim nostris accinuisse, pro-  
ximum miraculo est. Eius ego rei exempla  
nonnulla dabo . Angelum Antonius Fran-  
ciscus Augustæ Confessarius, de quo supra  
memorauī, hospitesque Dublinienses in Hi-  
berniam Campianum, vt dicebam alias, ap-  
pellabant . Idem illi cognomentum carce-  
ris custos homo Lutheranus imposuit . Forte  
enim ita accidit, vt in eūdem carcerem Cam-  
pianus primo, dein Hortonus, qui Campia-

no torquendo præfuerat, iustas ab eo pœnas exigente Numine, conijceretur. Angeli ergo sibi prius, tum vero Diaboli custodiam obtigisse, idem, qui utrosq; custodierat, affirmavit. Virum laudis omnigenæ, & inastimabiliū bonorum, insignis olim Catholicus concionator, Campianum dixit publice, dum hæreticorum sæuitiam detestatur. Neque discrepauit hæreticus alibi inter primos. Eboracensis enim pseudoëpiscopus, Catholicorum hostis non in postremis, Campiani condiscipulus Oxonij fuerat: ea occasione hominis animum, virtutesque perspexerat. Forte per eos dies, quibus Campiani cædes patrata est, Londini morabatur. Cum trahi audisset, spectare voluit. Eo spectaculo diu stupenti similis hæsit. Tum quasi alto è somno euigilans, ad asleclas, amicosque conuersus; Proh quantū, inquit, bonorum hodie mane raptatur ad supplicium? Insignem sedis Apostolicæ defensorem è nostris multi dixerunt Campianum. Nec dissensere hæretici. Eum enim, dum ad necem quærent, inuidiæ conflandæ in vulgus gratia, Summi Pontificis manum dexteram appellitabant. Iudicij, quo oppressus est, iniquitatem nostri turmatim, & publice traduxerunt. neque hostes aliter cecinere. Inter quos ipsi eius auctores necis, & iudices idem palam testari non sunt veriti. ut intelligas quanto facilius sit magnis in causis testem esse, quam Iudicem.

**E**X II enim viris qui reum Maiestatis eum pronunciauere, quidam cum ea de re querenti amico, id quod res erat, iniuria damnatum falsus esset: vrgereturque porro, cur damnasset? Quia ni fecissem, inquit, non fuisset amicus Cæsaris. Postridie peracti de eo iudicii cum reliquorum sacerdotum causam supremus iudex cogniturus egrederetur, tristis, & gemebundus, ad regios aduocatos versus; Si res, inquit, eum, quem hesternæ die cursum. cœpit, tenere pergat; male vereor, ne de nostra existimatione actum sit. Tantam Campiani innocentia reliquorum innocentia lucem attulerat. neque id peracto solum iudicio agnitum, præuisum etiam antequam institueretur. **E**X II viris quos prioræ actione ad pronunciandum de Campiano, socijsque de more delegerant, duos ad indictam iudicii diem non adfuisse tradunt, qui recentissime ab re gesta editi sunt Anglis auctoribus commentarij: quod tantum suscipere in se nefas prodita iustitiæ, homines alioqui hæretici non sustinuerunt. Posteriore actione, qua sententia ferenda erat, celebritate rei excitus, spectator inter ceteros conuenerat, auditorque, is qui ob insignem patriarum legum scientiam Iuris Anglicani parens vulgo appellabatur, Edmundus Plouedenus. Erubuit hominis prudentiam, scientiamque male sibi conscius animus regionum. itaque è confessu, ac multitudine euo-

catus,



catus, abesse ab eo iudicio homo id ætatis, ac famæ iubetur à iudicibus, non reputantibus in ipso tam arrogante metu trepidantis faciem iniquitatis, quam oculere vellent, aperiri. Superuacaneum fuerit post ipsorum iudicum testimonia, reliquorum iudicia memorare. Compertum habeo, sponfiones magna mercede initas ab ijs, qui absoluendum Campianum fore incerta dum re certo sibi persuaferant; quod & supra narraui. Hoc addo. Iuris patrij peritum, qui actioni interfuit, hominem hæreticum, Thomas Fitzherbertus exprobrantis more cum interrogasset, Hæccine igitur vestra iustitia est boni Protestantes? Edmundum Campianum virum innocentem seu iure, seu iniuria peruertistis. Nunquam, subijcit ille, vt verum ingenuè fatear, condemnandum credidi. sed narro tibi: ferenda res est, ius, legesque regnandi in eo iudicio solæ valuerunt. Demum occultis primo colloquijs orta, mox pene publicis sermonibus ita facti iniquitas palam increbuit, vt dissimulari non potuerit. Aprili ergo ineunte populum senatus edicto monet, iure tres martyres necatos esse: ita Reginam ipsam testari, cui credi oporteret. Ceterum sopitam libertatem edictum accendit: ineptam excusandi sceleris diligentiam insuper pro confessione omnibus vulgo accipientibus. Vnum est in quo nostri, atque hostes discrepant. Quod cum martyrem esse

hostes

hostes voce tantum negant, re affirmant. cum facti ex ijs multi non semel sint eum Romanæ sedis odio concidisse. Nostri non rem tantum agnoscunt, sed nomen etiam usurpant. Æneis excusa typis Romæ, Lutetiæ, alibi, eius perinde ac pro religione morientis historia venijt. Lutetiæ quidem tanto cum dolore ciuitatis publicata est, vt Elisabethæ ad Galliæ regem legatus VValsinghamus, multos sedies domi continuerit, incitatae multitudinis iras non iniuria veritus. Nam Romæ etiam in Anglorum templo inter ceteros egregie pro fide Christiana ad cruorem vsque certantes in Anglia martyres, ferendo pugnans Edmundus pluribus tabulis publice spectatur. Neque vsquam de eius rebus fortiter in Christi causa toleratis commentarij, historiæque prodire (prodire autem pluribus linguis plus duodecim) quin martyris titulum prætulerint. Bernardinus certe Mendoza, qui per ea tempora legatus Hispani Regis apud Elisabetham degebat; quibus litteris de ea nece ad Philippum Regem perscripsit, nobilissimum martyrem appellare; neq; quemquam illustriore iam inde ab Apostolorum ætate perfunctum martyrio profiteri non dubitat. quod idem non absimilibus verbis Gallo Regi Gallum oratorem nunciassse haudquaquã ab incerto fama est. Mitto, quæ multi præterea de illo vel carmine, vel soluta oratione, dum eius ex instituto laudes

laudes perfequuntur , tradidere . non enim virtutis magis testimonia haberi possunt , quam studia laudatorum .

## CAPVT LIX.

*Qualis eorum exitus fuerit , qui  
Campiano iniquiores fuis-  
se visi sunt .*

**H**umanis iudicijs diuina subnectam : Neque enim dubitandum est , quin tam fœdi omnium , vel hostium Campiani , vel desertorum , quos peragam , exitus , aliquod diuinæ argumentum iræ continuerint . Incipiam à tenuioribus . Georgius Eliottus tanto scelere patrato , non ( vt putauit ) gratiam , sed odium suorum , ad quos transfugerat , hæreticorum expertus : impudentissime ad omnia flagitia primo delabitur ( quod sanæ mentis hominis suppliciorum omnium acerbissimum videri debet ) mox inter stabularios , cauponarumque mancipia comestibundus , ac ludibundus , sui , Dei que immemor dum vagatur , coorta cum infimæ sortis homine inter compotandum rixa ; vinaria amphora capiti illisa , inter sanguinem , merumque misere animam exhalauit . Non dissimilis Nortoni , quamuis grauior pœna ; quia similis , sed nocentior animus . hic , vt  
modo

modo significabam, quæstionibus, equuleo-  
que præsertim præfectus, incredibile dictum est  
quantopere Catholicos discruciarit. Iacta-  
uit olim, per barbarum iocum, equulei vi,  
martyrem Briantum, vno, quam natura tu-  
lerat pede, factum à se esse longiorem. adeo  
inhumaniter inter tormenta, festiuitatem  
etiam, homo ferus captabat. Ceterum post  
egregia hæc immānitatis miracula, Regina  
odium meritis, bonis exutus, vincula illa  
iuste induit, quibus tam ioculariter torserat  
innocentes. Neque diu fuit, inopia, ærum-  
narumque fortasse vi; sed scelerum, quod  
certius est, meritis exigentibus, ipse cum fi-  
lia ad insaniam redactus, pudenda inter for-  
des morte, inops plane mentis extinctus est.  
Gulielmus Læus duodecimviriū princeps,  
ille, qui fecisse videri Campianum sacrilege  
procunciarat, homo fuit pecuniosus adeo, ut  
in media conditione, in qua ipse erat, vix  
fortunatiorem reperires. Proditā cum Cam-  
piano veritate, nulla euidente causa sensim  
concidit, bonis diffugientibus ad extremam  
egestatem deductus, ærumnosum senium  
mendicus tolerauit, multosque præterea an-  
nos in publica custodia vinctus squallorem  
carceris postremis inopia sordibus adiun-  
xit. Neque melior VVraiij supremi iudicis  
mors; quia nō fortuna ille quidem deferente,  
sed conscientia lacerante consumptus inte-  
rijt. Is enim animo Catholicus, dum spe-

ciem hæretici retinet, & facta vsurpat, vel  
 mœrore animi, vel curis; hinc ad Catholi-  
 cos trahente veritate, inde in letali simula-  
 tione, pernicioſa verecundia retinente; ſce-  
 lerum inſuper, fuſique innoxij ſanguinis  
 conſcientia lancinante contabuit: hoc in len-  
 ta, quam paſſus eſt, longaſque morte infeli-  
 cior, quia perpetuæ, quam ſubibat, ærum-  
 næ ſciens, & pauidus, extra Eccleſiam, &  
 ſpei, & vitæ finem miſerabilem, ſibiſque ipſi  
 fruſtra deploratum inuenit. Iam Odoëni  
 Hoptoni, etiam ſi hoc ſcelere ſe non conta-  
 minaſſet, lene fatum eſſe non potuit, ho-  
 minis, in quo nihil præter audaciam in ſce-  
 lere inſigne fuit. Sed is quoque inter iuſtæ  
 ſeueritatis exempla numeretur. Pro ſideli,  
 fortique aduerſus Campianum, ac ſocios  
 nauata Regiſe opera, paulo poſt arcis præ-  
 ſectura ſpoliatus, fortunis euerſus, Regiſe,  
 quam Deo prætuleraſt, inuiſus; reliquam vi-  
 tam in vltima egeſtate inſeliciffime traduxit.  
 Hæc de tenuiorum fatiſ exempli cauſa, atti-  
 giſſe ſatis fit. dehinc ſupremas eorum neceſ-  
 ſitates tradam, qui fortuna ampliore ſubni-  
 xi, ſeuire ſeu propellendo, ſeu deferendo  
 innoxium, tutius poſſe videbantur. Ducet  
 agmen Franciſcus VValſinghamus, quem an-  
 te euocatum ad ſuperos Edmundum, regni  
 pene moderatorem Anglia ſuſpexit. Arca-  
 norum Principiſ conſcius, epistoſis præfe-  
 ctus, allectus in ſenatum, ſplendidiffimas  
 legat-

legationes pro Regina obierat : Incentor  
idem Eliotti, ac patronus, in Campiani cæ-  
de primas obtinuit : sensitque non impar  
meritis præmium . Sublato Campiano, fi-  
liam Essexio Comiti in matrimonium tra-  
dit . Ingratum id Reginae, quæ cum Esse-  
xium deperiret, auersos à se ad nouam spon-  
sam amores impotenter tulit . Eam ergo ad  
se salutandi gratia venientem, sua ipsa manu  
è scalarum gradibus Regina præcipitem de-  
turbat . Afflixit ea clades non filiam grauius,  
quam patrem . V Valsingamus mœrore victus  
animi, fœdissimo mortis tandem genere,  
alui purgamenta, facesque per os eiectans  
exanimatur . Iungamus V Valsingamo Phi-  
lippum Sidnæum, socero generum, seni  
adulescentem . Philippus Sidnæus omnibus,  
si pietatem, ac religionem exciperes, siue cor-  
poris, siue animi, seu tandem fortunæ bo-  
nis cumulate instructus ea tempestate ado-  
lescens fuit . Patre Henrico Sidnæo primum  
V Valliæ, mox & Ibernæ protege, matre  
Dudlæa Lecestrij Comitis germana ortus,  
generis utrinque claritudinem ad principes  
Angliæ familias reuocabat . Dignam tanta  
nobilitate speciem, egregia corporis forma  
præferibat . Respondebat animus, mores-  
que . hi omni elegantia suaues : ille per om-  
nes nobili iuuenedignas artes excultus . Ar-  
morum, equitandi que peritia nulli militum;  
litterarum, ac præcipue pangendi Anglici



carminis scientia, nulli togatorum secundus. Extat eius Arcadia patria lingua, lasciuiantis opus ingenij, & modo soluta, modo vincta numeris oratione contexta, tantis rerum omnium, verborumque illecebris per Pastorum, ac Nimpharum amores decantata, vt nihil mollius fieri posse tali in genere Angli perhibeant. adiunctæ his etiam nobiles canendi, psallendique appendiculæ. Quibus artibus cum externorum etiam animos raperet, quod à suis vnice coleretur, in postremis habeo. Fortunis ipse paternis florens, etiani duarum expectatione hæreditatum beatus habebatur. Alteram ex auunculo Lecestrio, ex focero VValsingamo alteram, quasi captata vndique fortuna expectabat. Ita enim forte illi fouendo aliorum infelicitas conspirarat: vt neque Lecestrio proles vlla, sed vnica tantum soror, & VValsingamo vnica item esset filia; ex quibus illa mater, hæc Philippi coniux fuit. Hic quem olim Oxonij norat Campianum, Pragæ paucis ante annis, dum legatus Reginae apud Cæsarem ageret, offendit. Captus, vt ceteri, Campiani familiaritate, præcati solebat Deum, occasionem vtj sibi de tanto viro bene merendi offerret. neque abstinuit promissis; si quo vnquam tempore in Angliam traiecisset, experturum, quantum Campiani causa vellet; non minus certe, quam posset. Adfuit exoptata benemerendi occasio.

inno;

innocentis hominis causam vti subleuaret,  
 conscij promissorum Catholici orauere sat-  
 pius. Ille seu tentata leuiter, seu ne tentata  
 quidem damnati ope, quam sponte toties  
 obligarat, fidem turpiter fefellit. Neque  
 impune. non citius Campianum ipse, quam  
 eum Deus deseruit. Defluere statim miran-  
 dum in modum cœpit: non illi idem apud  
 exteros honos: non eadem apud suos caritas,  
 raris colit ambientium officijs: pene nullo  
 numero vbi prius pene regnarat, esse; ipse  
 samet aula quæ deserebat, cur eum desereret  
 mirante. Iam foceri, iam auunculi, paren-  
 tumque fauore imminuto; regiæ beneuolen-  
 tiæ iacturam facit. Per speciem honoris ex  
 Anglia pulsus migrat in Belgium: titulo Vlyf-  
 singæ, quæ hodie Flushinga dicitur opidum  
 in Batavis, tuendæ: reuera, leuandæ aulæ  
 causa, cui olim delicijs, tandem fastidio fue-  
 rat. Neque hic præcipitantis fortunæ ruina  
 stetit. Dum in Belgio ad Zutpheniam; impi-  
 gre aduersus Hispanos prælium ciet, glânde  
 traiectus femur, defertur in tabernaculum.  
 Inde in propinquam deuectus arcem, inter  
 vulneris acerbitates tanta desperatione æter-  
 næ salutis interijt, vt dubitaret interdum,  
 an Deus, an animus hominis, an poenæ im-  
 pijs, an beatitudo pijs, probisque sepositæ  
 villæ essent, an denique fabula sit: quicquid  
 de Deo, diuinisque rebus credendum fides  
 Christiana proponit. Non me fallit aliter

ab alijs clari huius viri mortem tradi : ex quibus ego nonneminem in eam sententiam differentem audiui, vt diceret, Philippum post vulnus acceptum derelictum à suis omnibus, vnus tantum Catholici centurionis Eduardi Crispij misericordiam inuenisse ; qui nobilitate iuuenis, & indole permotus in nauiculam impositum post multas rerum difficultates, in Angliam ægre trahentem animam reduxisset. Hic sordido, abiectoque in lectulo, incertum maioribus animi, an corporis cruciatibus, perpetuo gemitu, querelisque dies traducere consuetum, & noctes. Querelarum argumentum anteaactæ vitæ leuitatem, desertumque Campianum fuisse : sacerdotem etiam Catholicum, qui eum pronum iam, vt videbatur, ad meliora, solemniter Ecclesiæ restitueret, frustra diu quæsitum : quod admiratione non caruisse, cum frequentes eo, vt remotissimo à regia loco, confluere consuessent sacerdotes. Ita florentissimum illum rebus omnibus Sidnæum, omni humana, diuinæque ope destitutum interiisse, tanta in rerum omnium egestate, vt ne funeri quidem curando quicquam copiarum suppeteret. Hæc inquam alij : quæ vt pro diuinæ iræ modo, quæ acrius nonnumquam in contumaces exercetur, verò similia videantur : ea tamen, quæ peregi, veriora, & testatæ annalibus publicis fidei viciniora sunt, quam nunquam temere mouendam pu-

to. Verum quocumque modo res habeat, horrendum certe Philippi mors ostendit esse incidere in manus Dei viuentis. Eius sane adeo miserandus, fœdusque exitus tanto Crispiū, quem dixi, horrore, diuinorumque iudiciorum timore perfudit; vt ad linquendam patriam, seque vbi libere Catholicam profiteri religionem posset, recipiendum adegerit. Non sum nescius tradi & alia posse, quæ de aliorum quorundam leto memorantur, qui se Campiani cæde macularunt. Sed eos ego omittere constitui, propterea quod non magis Campiani, quam Catholicorum omnium hostes, nullo satis probabili indicio demonstrant ob eius priuatum iniurias dedisse pœnas. Quamquam & hoc video, ex ijs etiam quorum supream calamitates, infelicemque vitæ clausulam memorauimus, multos esse, qui non vnus tantum proditi, desertiue Campiani pœnas vindici scelerum Deo debuerint. Verum hinc etiam, vel præcipue diuinam iram meruisse, & visum est alijs, & ipsorum plerique inter vltimos gemitus fassi sunt.

## CAPVT LX.

*Prodigia quibus Campiani seu vi-  
tam, seu mortem illustra-  
uit Deus.*

**H**oc ego quasi certissimum Edmundi decus postremo loco reseruaui, vt memorarem, quibus cum siue agentem summa, seu passum, prodigijs nobilitarit Deus. Enimuero mirum est, quam accurate præsagia quæque eius opera insuetis monstris, portentisque diuina prouidentia consignarit. Vt mihi non nisi sequentibus signis, vel immigrasse in patriam, vel raptus ad vincula, vel ad necem tractus videatur. Hæc enim maxime tempora diuinitus nobilitata animaduerto. Primum demandatæ illi Anglicæ expeditionis diem (fuit is nonarum Aprilium) ingens tota insula terræ motus insignem fecit. In quartam is dies incidit eo anno, peractæ proximæ Paschate, feriam. quo die à Generali Societatis Præposito euocatus cum Personio Campianus, adeunda patriæ, oppugnandæque salutaribus armis impietatis mandata accipiebat. Sensit conceptum Domini spiritum hostile solum, imisque concussum visceribus, vel quid immundis inferorum Angelis, quorum tyrannide premebatur, timendum esset præfigit: vel  
quan-

quantam parturiret Angliæ salutem Roma significauit. Londinum præcipue motus ille concussit. Insolitum ijs regionibus malum etiam si magnitudine non excelluisset, poterat insigne existimari. Sed addita magnitudo, quæ fuetis etiam tremere vrbibus insueta potuit videri, subsultare solum, nutare tecta, pene discedere sub pedibus distracta humus, horrendo corruentium ædificiorum fragore misceri omnia, neque innoxie ruinæ erant. Tectorum casu, decussumq; faxorum mole obtriti mortales aliquot: plures vulnerati: omnes vsque adeo exterriti; vt omnibus vrbis locis, alienatis à sensu animis, trepidarint primo homines, mox vel in morem lymphatorum, domo se eijcientes tota vrbe pauidi excurrerint, vel ad preces, ac vota conuersi, instans, vt rebantur, exitium deprecati sint. Augebat territis formidinem VVestmonasteriensis campana monstrosæ magnitudinis, ingentem sponte sonitum edens. Quæ inter terræ mugitus, decidentium fragorem parietum, confusas omnis generis vociferationes, ploratusque exaudita, publici speciem excidij faciebat, quale aduentante magni iudicii die futurum timeretur. Satis constat, Collegij cuiusdam amplissimi sodales, in quo lecti tota Anglia iuuenes, ad ferme trecenos, patrijs addiscendis legibus dant operam, ad vnum omnes è mensa ( nam pransuri forte assederant ) vt

erant



erant mantilibus ad brachia dependulis, cultis-  
 que arreptis, proripuisse se, diuq; amen-  
 tium ritu incertos, qua quemque metus di-  
 stulerat, vagatos esse. Bono utique pulsæ  
 mentis instinctu. nam interea Collegij pars  
 non exigua subruenti solo deiecta, ingentem  
 eorum stragem, sub tectis, edidisset. Hæc  
 totius Angliæ, præcipue vrbis regiæ trepida-  
 tio fuit; dum de ea expugnanda vnus Romæ  
 ciuis imperia acciperet. At Blostonij, quod  
 VViltoniæ prouinciæ opidum est, per idem  
 tempus ingens innumerabilium latratus ca-  
 num exauditus, suspicionem fecit opidanis  
 celebris alicuius venationis in siluis proximis  
 institutæ. ergo opidanorum complures suis  
 quoque venaticis eductis eo aduolant, vnde  
 exaudite erumpere videbantur canum vo-  
 ces. quas cursu, & contentione plurima se-  
 cuti, ad siluam deueniunt quinque Blostonio  
 miliaribus distitam. ibi feruere venatio qua-  
 si in proximo credebatur. Hic vero inaudi-  
 tum miraculum. nam circumstrepente vena-  
 torum clamoribus, canumque latratibus to-  
 to saltu, nihil cernebant canum, nihil vena-  
 torum. Dum ita inter pudorem irritæ spei,  
 admirationemque elusi aurium iudicij Blo-  
 stonienfes hærent; incidere fragor superne  
 auditur. eo conuersis oculis, supra capita,  
 mirum dictu, latrantium canum, cursuque  
 incitatissimo aëra transmittentium, vim in-  
 gentem cernunt. Delixi miraculo diu cum  
 spectas,

spectassent; attonitis similes in opidum reuertuntur. Ita susceptæ expeditionis tempus insignitum. neque iter paulo post neglectum. Mons est in Amptonia Angliæ prouincia, quem Paroduuelum incolæ nominant. Is ubi insigni altitudine assurrexit; planitiem summo in fastigio, quantam editis locis superesse credi vix potest, late aperit. Hic paucis posteaquam superiora prodigia edita sunt diebus; hoc est, vt ego interpretor, & ratio temporum declarat, ipso initio in Angliam itineris principio; visi repente clara luce, die medio, viri sexaginta numero vultus illis decori; grauis incessus, vestitus qualem Catholici sacerdotes induunt, nigra talares togæ. bifariam longo ordine diuisi ex aduerso sibi occurrentes, data dextera in mutuos amplexus amicissime ruebant. Salutationem suauia colloquia, vt eminus intuentibus (stadio hi aberant) videbatur, exceperunt. sub hæc, salutatione repetita diuersi eadem modestia abeunt. Neque vacuum continuo theatrum. eodem numero, cultu, atque ordine sexaginta alij succedentes per eadem officia spectaculum continuant. Vix iam hi recesserant, cum totum corpus pulcherrimis tecti armis sexaginta alij extitere. hi militari pompa, duabus cohortibus diuisi circumducta, ad placidos dein inuicem congressus effusi læta tandem conclamatione gratulantes discessere. Spectabant è prouinciabilibus

libus complures qui eo loci, vt fit, animi causa, forte conuenerant. Spectaculum adeo inusitatum, repetitum toties, numero, officijsque spectrorum congruentibus, tantos tota prouincia rumores seuit; vt Londinum allatum, aulam commouerit. Georgio Horano Equiti aurato, diligenter in rem totam anquirendi negotium à senatu datur. Ille à quatuor oculatis testibus rem, vti narrata est, cognoscit; & cum fide miranti senatui nunciat. Inde ab Anglicæ historiæ scriptoribus, Ioanne Stoo in primis, in annales patriæ refertur. Iam quo tempore dimissæ Rhemis diuersa per itinera, in Angliam copiolæ, propius hæresi periculum admoueabant; aliud non minus mirabile portentum in Cornubia nobilibus viris compluribus oblatum est. Equitabant hi secundum maris littus, sereno hora ante solis occasum cælo, tranquilloque mari. cum attolli paulatim ex Oceano elaboratam in castelli simulacrum nubem conspiciantur, assurgebat media arx, propugnaculis succincta compluribus. mœnia pinis, propugnacula vexillis omnisfariam distinguebantur, prorsus vt descripta in militares vsus videretur. Dum cupidissime id prodigium spectaretur, euauit; non minori portento succedente. Continuo enim alia in prægrandis onerariæ speciem efficta nubes exoritur: tanto ipsa quoque artificio exposita, vt humano maiorem, fabrum præ se ferret.

ret. Malus illi cum carchesio, transuersim  
inde antennæ cum velis, dolones, rudentes,  
instrumentum nauticum omne. ad hæc præ-  
fixa circum militarium vexillorum corona,  
eminentia ab lateribus tormenta, pugnatu-  
ræ faciem reddebant. binæ quin etiam vtro-  
que ab latere sequentes scaphæ eodem cultu  
trahebantur. Stetit hæc aliquandiu intenta  
prælio. Tum repente, quasi rediuuium, quod  
antea euanuerat, castellum, eodem cultu re-  
dit, sed viribus instructius. Quatuor enim  
additas, quasi subsidio, triremes, quas & suæ  
à tergo scaphæ sequebantur, secum trahere  
videbatur. Ita instructū, ad onerariam, in  
speciem laceffentis, malumque minitantis,  
accedit. Hæc dum peraguntur, hora abiit,  
nocturnæque interim tenebræ spectaculum,  
quo suspensi in ipso itinere substitierant viri  
nobiles, eripuerunt. Acta hæc a. d. xv. Kalen.  
Iunias. Et quidem interpretis, vel coniectoris  
hæc fortasse indigeant. Apertiores habent,  
quæ sequuntur, prædictionem. Mensis Iu-  
nius, quo primum tempore nostris insula  
patefacta est, ingentibus fœdus tempestati-  
bus incolas perculit. largi imbres nimbis fu-  
rentibus effusi: grandines etiam memoran-  
dæ magnitudinis decidere. tempestatis, ac  
procellarum spiritum iam tum minari pro-  
pinquis hostibus diceret, tam irriti furore,  
quam celeriter detonant procellæ. Sed quan-  
to postremus actus reliquis præstat martyris

vitæ

vitaë partibus, tanto nobilioribus notatus prodigijs inclaruit. Peragebatur in VVestmonasteriensi aula iniquissimum, de quo satis multa narrauimus, iudicium. Præmeditatam attulerant, quam veluti causa tunc primum cognita, laturi erant XII viri sententiam. Retrahere voluit à cruento consilio homines sceleratos Deus. Inter audiendum vanas illas accusationes, index quidam ex ijs, qui supremo assident, nomine Alephus, ex altera chirotheca, qua forte manum induerat, cruorem vbertim manare animaduertit. nulla erat in chirotheca aduentitij sanguinis suspicio, nullus in manu dolor. ergo neglectim, semel iterumque fluere non cessantem abstergit: mox vbi sisti non poterat, iamque qui assederant rei nouitate mouebantur; detractam manu chirothecam sedulo, manum subinde tergit, inspicitque: cum neque vulnus vllum hinc, inde nulla cruoris causa appareret; iterum pellibus manum inserit, animumque ad causam reorum reuocat. Verum manante nihilominus cruore, ad curam tergendæ labis redit. at illa animo penitus infederat. quare dextram cruentare tota illa actione non cessauit, donec obfirmatus in concepto scelere animus, desperata sanitate; nullum ne diuinis quidem admonitionibus reliquit locum. Sequitur aliud vt tempore postremum, ita & magnitudine per se egregium, & celebritate tota Anglia notissimum.

Tamesis

Tamēsis Angliæ totius fluuiorum maximus, Londinum interfuit, nauium etiam onerariarum ijs ipsis horis patiens, quibus suas dumtaxat euoluens vndas, Oceani influentis fluctibus non attollitur: nam cum æstu impellente marini fluctus accessere, non iam defluentis amnis, sed æstuantis pelagi speciem præbet. Hic adeo vastus semper, præcepsque fluuius, moriente Edmundo, mirum dictu, torpentibus vndis, cohibito cursu, immotus stetit. Defixum tunc rei miraculo Londinum. Dein omnia pene Catholicorum, addo etiam hæreticorum, ingenia tanto interpretando portento magna cum multorum laude excitata sunt. Vidi ego, audiuique non ignobilium poëtarum in eodem genere acute commenta, eleganti carmine explicata, dum toto regno testatissimum prodigium ad alias, atque alias vel Campiani laudes, vel carnificum probra trahunt. neque ego rem, quæ plus videbatur admirationis habitura, quam fidei, adeo securus obtreptionis tradidissem; nisi scirem; non raritate mirabiliorem, quam testatiorem certitudine etiam apud hostes esse. Qualia & illa sunt, quæ hætenus hoc in genere congeffi. eorum enim pleraque à Ioanne Stoo, vt supra monui, in annales Anglicos relata inuenio; quos, cum primum publicaret, Lecestrio inscripsit; quamquam cum eos recuderet, Cantuariensis pseudarchiepiscopi patrocini-



trocinio commendatos, totum hunc prodigiorum locum induxit. acute vel per se ipse, vel aliorum monitu hæreticorum intelligens quantum Catholicæ causæ laudis contineret. Sed improbum consilium ferum, vt debuit, fuit. Vulgata iam priore editione, diuina pro nostro martyre testimonia eradi ex hominum recordatione nequiuerunt. Et vero decuit martyris eius victoriam, quem principem inter suos de hæresi triumphantes fecunda martyrum Societas I E S V agnoscit, & prædicat, supra naturam quæsitis siue indiciis præmonstrari, siue firmari testimonijs. Ex eo quippe bello parta erat, cuius ingruentis metus telluris concussit molem, confecti gratulatio lapsus amnium coërcuit.

---

DEO LAVS

B. Q. V. M. M.


ET BEATISSIMO NOSTRORVM

MARTYRVN ANGLORVN

PRINCIPI

EDMVNDO CAMPIANO.

*Vna sit merces operi, beate ò  
Martyrum princeps mihi, CAMPIANE;  
Pectus intactum. titulis id vnum  
Infere nostris.*



# INDEX

## A

- A**bsurditates incredibiles doctrinae hereticae. pag. 14. & 248.  
*Academici conuentus in Anglia Oxonij, & Cantabrigiae quotannis celebres.* 140.  
*Alanus. vide Gulielmus Alanus.*  
*Anglicorum Seminariorum initia.* 28.  
*Anglica à Societate Iesu suscepta expeditionis difficultas, & ea de re deliberatio.* 55. & *modus in ea agendi praescriptus socijs.* 61.  
*Angli ad Anglicam expeditionem destinati.* 62.  
*Anglicorum iudiciorum forma.* 257.  
*Arrogantiae infelicis exemplum insigne.*  
à pagina 67. vsque ad 70.  
*Audomaropoli ab Anglica expeditionis consilio frustra Patres deterrentur.* 90.

## B

- B**eza. vide Theodorus Beza.  
*Briantus capitur.* 146. *sistitur iudicio semel.* 266. *iterum.* 267. *trahitur ad supplicium.* 288.

# I N D E X.

## C

- C** *Ampianus*. vide *Edmundus Campianus*.  
*Catholici vexantur ab Anglis ob Regina*  
*Scotorum metum*. 22. *eorum in frequen-*  
*tia Sacramentorum, & sacrificiorum feruor.*  
 104. *eorum latebra.* 172  
*S. Carolus Borromæus Campiano, & comiti-*  
*bis corporales, & spiritales epulas præbet,*  
*ac benedicit.* 76  
*Candida Beza uxor.* 79  
*Calumniæ hæreticorum.* 114. 122. 196.  
 198. 204. *& deinceps, &* 271  
*Comitia aduersus Catholicos præcipue coacta.*  
*pag.* 125  
*Comitum Campiani casus, & exitus.* 64.  
*vsque ad* 74.  
*Conestabiles Londinenses, cuiusmodi homines.*  
*pag.* 111  
*Concio Niuelli hæretici aduersus Campianum.*  
 219. *ad eum Campiani responsio.* 222  
*Crux egregij operis, & magnitudinis Londini.*  
*pag.* 193

## D

- D** *Isputatio nostrorum cum hæreticis Ge-*  
*neue.* 80  
*Disputationes Campiani cum hæreticis in arce*  
*Londinensi quo consilio à regijs permissæ.*  
 213. *ubi, & quomodo institutæ.* 215.  
*disputatio primi diei antemeridiana.* 219.  
*pome-*

# I N D E X.

*pomeridiana . 232. secundi diei antemeridiana . 239 pomeridiana . 244. tertij diei . 250. earum disputationum fructus .*  
*pag. 255*

## E

**E**dmundi Campiani natales . 1. *indoles puerilis . 2. duodennis publice latinam orationem coram Maria Regina habet . 3. à Thoma Vito sponte in Collegium S. Io: Baptistæ cooptatur . ibidem . orator, & procurator Oxoniensis Academiae . ibidem . patriæ hæresi minus fortiter adolescens resistit . 4. Elisabetham Reginam Oxoniensis Academiae nomine latina oratione salutatur, eaq; coram de Philosophia disputat . ibidem . à cena Lutherana abstinet, Ecclesiasque protestantium fugit . 6. interdicitur illi ab hæreticis omnis de fidei cōtrouersijs disputatio . ibid. honores, & opes oblatas respuit . 7. triennium integrum hæresim examinat . 10. à Richardo Chencō decipitur . 15. fit Diaconus ab Episcopo Lutherano . 16. cruciatur internis conscientiae stimulis . 17. hi sedantur in Societate Iesu . ibidem . redit ad Ecclesiam . 18. Dublinium concedit . ibidem . quid & qualis ibi egerit . 19. & 20. queritur ab hæreticis in Hibernia, & eorum manus enadit . 23. iterum diuino miraculo eripitur . 24. & 25. redit in Angliam . ibid. dum in Belgium nauigat*

# I N D E X.

capitur. 25. *volente custode euadit.* 27.  
*venit in Belgium. ibidem. quid ibi egerit.*  
 28. & 29. *litteræ ad Chænaum.* 30.  
*inter precandum Romam pergere diuinitus*  
*iubetur.* 39. *eo in itinere quid egerit.*  
 40. *Romam venit, inque Societatem Iesu*  
*a Deo vocatur.* 42. *in eam admissus mit-*  
*titur in Austriam. ibidem. quid de illo aliq-*  
*uis senserint.* 44. *eius vita in Germania.*  
 45. & 46. *litteras non nisi pias ad ami-*  
*cos dabat, & ab eis exigebat.* 47. *crea-*  
*tur Sacerdos. ibidem. eius vitæ innocentia.*  
 48. *alacritas in expeditione Anglica su-*  
*scipienda.* 50. & 51. *Romam venit*  
*transmissurus in Angliam.* 60. *itineris*  
*in Angliam ratio.* 74. *Geneuæ cum Be-*  
*za congregatur.* 79. *Geneuensem mini-*  
*strum vexat, veteremque amicum ad spem*  
*salutis vocat.* 82. *vsque ad 87. Rhemis*  
*concionatur ardentè.* 88. *in Angliam*  
*traicit magno cum periculo.* 94. *quid in*  
*primo aditu Anglici littoris precatus a Deo*  
*sit.* 95. & 96. *Londinum peruenit.* 99.  
*prima eius concio Londini.* 105. *pericu-*  
*lum.* 113. *eius epistola ad Consiliarios.*  
 114. *eius exercitationes in salute animo-*  
*rum promouenda.* 123. *Londinum redit,*  
*ibique indefessus laborat.* 134. *multos*  
*Ecclesiæ adiungit.* 135. *Furcas Tiburnen-*  
*ses in itinere salutatur.* 136. *præuidet mar-*  
*tyrij sui locum. ibid. facultatem Tattaanos*  
*adeun-*

adeundi impetrat. 151. laico socio subi-  
citur. ibid. ad Iattæos à socio redire com-  
pellitur. 156. concionatur cum audito-  
rum lacrymis. 170. offerre se ultro vult  
satellitibus. 172. iterum antequam com-  
prehendatur verba facit. 178. orans com-  
prehenditur. 181. eius constantia. ibid.  
& deinceps. & comitas. 188. & solertia.  
190. seditiosi titulo insignitur. 191. eius  
carcer. 194. multa illi ab hæreticis sibi  
religionis causam infirmius agat promittun-  
tur. 195. de quibus interrogatur. 199.  
qualis in tormentis. 202. torquetur senis-  
sime. 208. de us iocatur. 209. mode-  
stia in disputando insignis. 234. torque-  
tur quarto. 256. damnatur. 274. qua  
constantia. 275. educitur ad supplicium.  
276. moritur. 295

Edictum contra Catholicos. 121

Edmundus Plouedenus iuris Anglicani pater  
à iudicio quo damnatus est Campianus abes-  
se iubetur ab hæreticis. 301

Eliottus. vide Georgius Eliottus. 308

Elisabetha Angliæ Regina hæresim initio regni  
sequitur. 4. inspectionem regni instituit.  
5. Oxonij litteraria pompa excipitur. ibi-  
dem. Edmundum Campianum publice laudat.  
6. eius ingenium. 283. subuersa à Ce-  
cilio. ibid. bella apud vicinos serit. 284.  
coniugium eius quo consilio multis oblatum.  
285. cur innupta. ibidem.



# I N D E X.

*Euerardus Mercurianus Societatis Iesu Præpositus generalis de mittendis in Angliam socijs deliberat.* 55

## F

**F** *Alsi testes in Edmundum.* 271. & 272  
*Fidēs lutherana quid sit.* 236  
*Filbeus captus. 88. somniat se martyrio affici, quod & factum est.* 189  
*Frācisus Vvalsingamus (atholicorū hostis. 165*  
*Eliotti in Catholicos seuientis patronus. ibi.*  
*Fraus hæreticorum. 207. 238. &* 241  
*Franciscus Dux Alenſonij.* 285  
*Fredus Frosterus vir humanus.* 185

## G

**G** *Eorgius Martinus vir eruditus. & eloquens.* 17  
*Georgij Gilberti virtutes. 100. vsq; ad 102.*  
*Georgij Eliotti ingenium; vita, defectio. &c.*  
*160. & deinceps. sacris sacrilege interest.*  
*269. lacrymatur in Cāpiani concione. 170*  
*totum biduum quærit, tandemq; inuenit, &*  
*comprehendit (āmpianū. 171. vsq; ad 181*  
*eum Iscariottum vulgo vocant.* 187  
*eius mors infelix.* 304  
*Geneua.* 76  
*Ginxius. vide Rolandus.*  
*Gregorius xij Pont. Max. collegium Angli-*  
cum

# I N D E X.

- cum Romæ constituit.* 53  
**S.** *Gregorij Magni consilium in fide in Angliam inuehenda.* 107  
*Græcæ linguæ inscitiam in Campiano falso credunt hæretici.* 234  
**Gulielmus Alanus.** 28. *eius ad Campianum litteræ.* 49. *à Gregorio xij missionem Societatis Iesu in Angliam impetrat.* 53  
**Gulielmus Cecilius.** 21. & 278

## H

- H** *Artlæus Sacerdos libellos Campiani Oxonium infert.* 141  
*Hæresis examinandæ ratio à Campiano instituta.* 10. & 11  
*Hæretici multi Ecclesiæ Catholicæ reconciliantur.* 106. & 123  
*Hæretici custodis fraus.* 207  
*Hæreticæ doctrinæ absurditates.* 249  
**Henricus viij Angliæ Rex** *religiosas familias tota sua ditione eiecit.* 2  
*Honores ab hæreticis collati, compedes impietatis.* 8. & 9  
**Hypocausta Germanica** *describuntur.* 297

## I

- I** *Attens, eiusq; villa, & familia.* 148  
*& deinceps.*  
*Iattea Eliottum agre admittit.* 168. de

# I N D E X.

*militibus conqueritur.* 177. *intempestiva*  
*eius de media nocte concionis audiendæ cu-*  
*piditas.* 178

*Ieiunia extraordinaria Ecclesiæ Anglicanæ.* 107

*Iocatur de suis tormentis Campianus.* 211

*Inquestus magnus in Anglia quid.* 260

*Ioannis cuiusdam insignis casus, & defectio.*

67. *usque ad.* 70.

*Ioannes Paynus ab Eliotto proditus.* 162.

*& deinceps.*

*Iudicia diuersorum de Campiano.* 296.

*& deinceps.*

*Iudiciorum Anglicorum forma.* 257

*K*

*K*

*K*

*Artherus Typographus Christi confessor.*

*pag.*

122

*Kildariensis comes Hibernus.* 23

*L*

*L*

*L*

*Ecestriæ Comes.* 6. *Elisabethæ Regina*

*gratiosus ob ætatis, & formæ florem.* 7

*Campiano honores, & opes nomine Regina*

*offert.* *ibidem.*

*Libellus decem rationum Campiani qua occasio-*

*ne scriptus.* 129. *quanta diligentia exa-*

*minatus.* 133. *quanti fiat à doctis viris.*

132. *ubi, & à quo primum in Anglia im-*

*pressus.* 137. *& deinceps.* *Oxonium infer-*

*tur.*

# I N D I E X.

|   |      |                            |              |
|---|------|----------------------------|--------------|
| <i>tur.</i>   | 141. | <i>maximo omnium motu.</i> | <i>ibid.</i> |
| <i>&amp; fructu animorum.</i>                       |      |                            | 143          |
| <i>Londinum vrbs insignis.</i>                      |      |                            | 98           |
| <i>Lutherani Sacerdotium, &amp; Diaconatum tan-</i> |      |                            |              |
| <i>tum in Sacramento ordinis numerant.</i>          |      |                            | 16           |
| <i>oderunt Calvinistas.</i>                         |      |                            | 13           |

|  |   |     |
|--|---|-----|
| <b>M</b>   | <i>aria Anglia Regina mors Anglia re-</i> |     |
|  | <i>gno funestissima.</i>                  | 4   |
| <i>Maria Stuarta Scotorum Regina.</i>              | 20.                                       |     |
| <i>digne ab hospite Angla tractatur.</i>           |   | 21  |
| <i>Societ. Iesu in suum regnum inuehit.</i>        |   | 127 |
| <i>M. Antonius Muretus quanti libellum Cam-</i>    |   |     |
| <i>piani faceret.</i>                              |   | 132 |
| <i>Martyrem Campianum qui appellant.</i>           |   | 303 |
| <i>Martyrum, dum Londinū ducuntur constantia,</i>  |   |     |
| <i>&amp; de iis vulgi iudicium.</i>                |   | 190 |
| <i>Mandata Præpositi generalis Societatis Iesu</i> |   |     |
| <i>pro Anglica missione.</i>                       |   | 61  |
| <i>Mendacia hæreticorum. vide calumnia.</i>        |   |     |
| <i>Misio Anglica à Societate Iesu suscipitur.</i>  |   | 56  |
| <i>quid in ea maxime cauendum.</i>                 |   | 61  |
| <i>Moniales Angla pulsæ, &amp; reduces.</i>        |   | 145 |
| <i>Mors eorum qui Campiano iniqui fuere.</i>       |   | 204 |
| <i>&amp; deinceps.</i>                             |   |     |

## N

|          |   |    |
|----------|---|----|
| <b>N</b> | <i>Aues duæ Anglia littora perpetuo ch-</i> |    |
|          | <i>stodiunt.</i>                            | 26 |

Nor-

Norfolciensium Dux Mariam Scotorum Re-  
ginam iussu Angliæ Regine adit. 21.

amat. ibidem. . matrimonium affectat.

ibidem. . caditur. 22.

ibidem. .

ibidem. .

**O** Doënus Hoptonius Londinensis arcis præ-  
fectus. 195. eius elogium. ibidem.

de Campiano mendacia. 196. .

felix. 226. sororem Campiani ad eum per-  
uertendum submittit. 282. .

mentitur. ibid.

ibidem. .

ibidem. .

ibidem. .

**P**ersonius. vide Robertus Personius.

Poppami regii aduocati oratio, & ineptia.

269. & deinceps.

Prodigia quibus Campiani vitam, ac mortem

Deus insigniuit. 312. & deinceps.

Promittuntur Campiano multa si hæreticis quic-  
quam in religione concedat. 195

Puritani hæretici execrabiles. 14

ibidem. .

ibidem. .

ibidem. .

**Q**uasitores in Catholicos instituti. 22

iterum creantur. 121

ibidem. .

ibidem. .

ibidem. .

ibidem. .

# I N D E X.

## R

- R**ediensis portus in Hibernia. 24
- Richardus Chenaus Pſaudoëpiſcopus,  
eiusq; mores. 13. eum Campianus acriter  
per litteris reprehendit. 28
- Richardus Stanurſtius. 18
- Richardus Mauritius exul pro fide. 139
- Robertus Perſonius in Angliam mittitur. 58
- eius ingenium, virtutes, mores, & mors. 70
- uſque ad 74. eius cubiculum Londini diri-  
pitur. 144. eius prudentia. 151
- Robertus Tonſonus capitur pro fide Catholica.  
pag. 112
- Rodulphus Seruinus acerrime cum hæreticis Ge-  
nenæ diſputat. 81. & 82. itemq; in arte  
Londinenſi. 237. eius conſtantia. 238.
- illum hæretici mire laudant. ibidem.
- damnationis ſententiam lætus audit. 275
- Rolandus Ginxius auribus pro Catholica fide  
proſciſſis. 144

## S

- S**acerdotium quanti faceret Campianus. 48
- Scauingeri filia tormenti genus in Anglia.  
pagina 201
- Senatus de martyrum ſupplicio deliberat. 276
- Seruinus. Vide Rodulphus Seruinus.
- Sidneyus. Henricus Hiberniæ Trorex. 23
- Campianum periculo eximit. ibidem.
- Philippus, eiusq; mores, & eruditio. 307
- mors.



# I N D E X.

|                         |                        |     |
|-------------------------|------------------------|-----|
| mors.                   | 308. &                 | 309 |
| Sleddus insignis        | delator.               | 111 |
| Stephanus Brinclæus     | de Campiano optime me- |     |
| ritus.                  |                        | 137 |
| Synodus Londini coacta. | 118. quid in ea        |     |
| decretum.               |                        | 110 |

## T

|                                   |                                      |     |
|-----------------------------------|--------------------------------------|-----|
| T                                 | Arraconensis Episcopus persecutionem |     |
|                                   | Ecclesiæ Anglicæ scribit.            | 6   |
| Terræmotus                        | formidabilis Londini.                | 312 |
| Theodori Bezæ                     | domus, uxor, cum nostris con-        |     |
| gressus.                          | 78. & deinceps.                      |     |
| Thomæ Cottami                     | causa.                               | 109 |
| Thomas Ropperus Thomæ             | Mori ex filia nepos.                 |     |
|                                   | pagina                               | 160 |
| Thomæ Poundi                      | ad Campianum litteræ.                | 206 |
| Tobias Matthæus Pseudoëpiscopus   | SS. Pa-                              |     |
| tribus se non credere significat. |                                      | 12  |
| Tormentorū                        | aduersus Catholicos in Anglia        |     |
| usitatorū genera, & formæ.        |                                      | 200 |

## V

|                             |                                     |     |
|-----------------------------|-------------------------------------|-----|
| V                           | Alsingamus. vide Franciscus Valsin- |     |
|                             | gamus.                              |     |
| Uvestmonasterium            | ædificium Londini nobilif-          |     |
| simum.                      |                                     | 257 |
| Uvestmonasteriensis campana | ingens sponte                       |     |
| sonitum edit.               |                                     | 313 |
|                             | Virgi-                              |     |

# I N D E X.

*Virginitatis laus Edmundo Campiano tribuitur. 20. inde Angelus in Hibernia nominatur. ibidem. virginem eum alij etiam dicunt. 296. & 297.*

## F I N I S.



---

MANTVÆ, Ex officina Aurelij, & Ludouici Osannæ fratrum, Impressorum Ducalium. *Superiorum permissu.*

1 2 3 4 5

THE  
LIBRARY  
OF THE  
CONGRESS  
WASHINGTON  
D. C. 20540

1 2 3 4 5



1 2 3 4 5  
6 7 8 9 10  
11 12 13 14 15  
16 17 18 19 20

AO1 1469803











